

საქართველოს სსრ მეცნიერებათა აკადემია  
АКАДЕМИЯ НАУК ГРУЗИНСКОЙ ССР  
ACADÉMIE DES SCIENCES DE LA RSS DE GÉORGIE

საქართველო  
საბჭოეთი

480/2

აკად. ნ. მარის სახელობის ენის, ისტორიისა  
და მატერიალური კულტურის ინსტიტუტის

მ რ ა მ ბ ე

ИЗВЕСТИЯ

ИНСТИТУТА ЯЗЫКА, ИСТОРИИ И МАТЕРИАЛЬНОЙ  
КУЛЬТУРЫ им. акад. Н. Я. МАРРА

BULLETIN

DE L'INSTITUT MARR DE LANGUES, D'HISTOIRE  
ET DE CULTURE MATÉRIELLE

XI

თბილისი

1 9 4 1

ხელმოწერილია დასაბეჭდად 28.10.1941  
ანაწყ. ზ. 7×11; ქაღალდის ზ. 70×105  
ბეჭდ. ფორმ. რაოდ. 12; საფტ. ფ. რ. 15  
შეკვ. № 941; უფ 41731; ტირაჟი 1000

---

საქართველოს სსრ მეცნ. აკადემიის სტამბა  
ა. წერეთლის ქ. № 7

BULLETIN  
DE L'INSTITUT MARR DE LANGUES, D'HISTOIRE  
ET DE CULTURE MATÉRIELLE

XI



აკად. ნ. მარის სახელობის ენის, ისტორიისა  
და მატერიალური კულტურის ინსტიტუტის

მ რ ა მ ბ ე

ИЗВЕСТИЯ

ИНСТИТУТА ЯЗЫКА, ИСТОРИИ и МАТЕРИАЛЬНОЙ  
КУЛЬТУРЫ им. акад. Н. Я. МАРРА

3843

XI

1941-  
2.1.42  
" "  
1941



დაიბეჭდა საქართველოს სსრ  
შენიშვნათა აკადემიის პრესბიდიუმის განკარგულებით

რედაქტორი გ. ნიჭია

## შ ი ნ ა ა რ ს ი

1. ალ. რობაკიძე, რაქაში მივლინების ანგარიში (1939 წ. 10.VII—7.VIII) . . . . .	1—10
2. ნ. რეხვიაშვილი, რაქაში მივლინების მოკლე ანგარიში . . . . .	11—20
3. რ. ხარაძე, პირიქით ხევსურეთში მივლინების წინასწარი ანგარიში . . . . .	21—42
4. ლ. ბოქორიშვილი, ქიზიყში მივლინების მოკლე ანგარიში . . . . .	43—48
5. გ. ჩიტაია, პატარა ლიახვისა და მეჯულის ხეობებში მივლინებული ეთნოგრაფიული ექსპედიციის მოკლე ანგარიში . . . . .	49—56
6. გ. ჩიტაია, თიანეთის ეთნოგრაფიული ექსპედიციის მოკლე ანგარიში . . . . .	57—66
7. ვ. ბარდაველიძე, ივრის ფშავლებში (დღიური) . . . . .	67—182

## СОДЕРЖАНИЕ

1. Ал. Робакидзе, Отчет о командировке в Рачу . . . . .	1—10
2. Н. Рехвиашвили, Краткий отчет о командировке в Рачу . . . . .	11—20
3. Р. Харадзе, Предварительный отчет о командировке в Пирикитскую Хевсуретию . . . . .	21—42
4. Л. Бочоришвили, Краткий отчет о командировке в Кизикию . . . . .	43—48
5. Г. Читая, Краткий отчет о работе этнографической экспедиции, командированной в ущелья Малой Лиахви и Мелжулы . . . . .	49—56
6. Г. Читая, Краткий отчет о работе Тианетской этнографической экспедиции . . . . .	57—66
7. В. Бардавелидзе, У Иорских пшавов (дневник) . . . . .	67—182

## TABLE DES MATIÈRES

1. Al. Robakidzé, Compte-rendu de la mission en Ratcha . . . 1—10
  2. N. Rekhviachvili, Un court compte-rendu de la mission en Ratcha 11—20
  3. R. Kharadzé, Compte-rendu préliminaire de la mission en  
Pirikhithe-Khevsouréthie . . . . . 21—42
  4. L. Botchorichvili, Un court compte-rendu de la mission en  
Khizikie . . . . . 43—48
  5. G. Tchitaïa, Un court compte-rendu du travail de l'expédition  
ethnographique, envoyée aux défilés de la Petite Liakhvi et de  
la Médjouda . . . . . 49—56
  6. G. Tchitaïa, Un court compte-rendu du travail de l'expédition  
ethnographique de Thianéthi . . . . . 57—66
  7. V. Bardavélidzé, Chez les Pchaves de l'Iori (journal) . . . 67—182
-

ენიგჰი-ს ეთნოგრაფიის განყოფილების 1939 წლის  
სამეცნიერო მივლინებათა და ექსპედიციების  
ანგარიშები



ალ. რობაქიძე

## რატაში მივლინების ანბარი

(1939 წლის 10.VII—7.VIII)

მივლინება მიზნად ისახავდა 1938 წელში კოლექტიური ნადირობის გარშემო შეკრებილი მასალის დაზუსტებას და შევსებას. ამის მიხედვით მივლინება შემდეგი მარშრუტით იყო შესრულებული: ტფილისი—ამბროლაური—წესი—ჯაეისა—ლიხეთი—ურავი—ამბროლაური—სადმელი—რიცეულა, ქვემო-კრიხი—ამბროლაური—საკაო—ხიდაში—ამბროლაური—ონი—გლოლა—ჭიორა—ღებო—უწერა—თბილისი.

მივლინების შედეგად შეკრებილია შემდეგი მასალა:

**1. ნადირობის ბუნებრივი გარემო.** ნადირის ჯიშების განსაზღვრა მათთვის მახასიათებელი ნიშნების მიხედვით და მათი სახელწოდებანი ადგილობრივი მოსახლეობის ენაზე.

მაგალითად: რატაში ანსხევებენ დათვის სამ ჯიშს: ბაური დათვი, ღორდათვა და ქედანი დათვი.

**ბაური დათვი**—სხეულით დანარჩენ დათვებზე დიდია და მძიმე, ფერით წარუხო, ხანდახან წაბლის ფერი გადაჰკრავს. უყვარს კლდიანი ადგილები (ფრჩხილები წაცვეთილი აქვს კლდეზე სიარულით), მეტად ავია, ძალიან ეტანება ხორცეულს, „მუშაობს ჯოგებზე“.

**ქედანი დათვი**—საშუალო სიდიდის სხეული აქვს. ფერით რუხია, ხოლო ყბა-კისერზე თეთრი ზოლი მოსდევს. ადგილსამყოფლად ხშირსა და მაღალ ბუჩქნარს ირჩევს. იკვებება მცენარეულობით, ხშირად აფუჭებს სიმინდს.

**ღორდათვა**—ტანით ორივე დათვზე მომცროა. სიავით ბაურს არ ჩამოუვარდება. ფერად უფრო შავია. იმყოფება ტყიან ადგილებში. საერთოდ იკვებება მცენარეულობით. ეტანება ხორცეულს თუ „დაგერშილია“.

კვერნა ორგვარი იცის.

**დალა-რკვენა**—ფერად ერთობლივ შავია; მკერდი აქვს მხოლოდ ხასხასა თეთრი. კაწარი მუქი-შავი ფერისა აქვს. ღინღლი ტრედის ფერი. ტანით მომცროა. ზამთარში კლდეში სცხოვრობს, ზაფხულობით ტყეს ეტანება. იკვებება გარეული ხილეულით.

**მთის რკვენა**—ტანით უფრო მოზრდილია, ფერად შავი. კაწარს წაბლის ფერი გადაჰკრავს, ხოლო ღინღლი მოშავო აქვს. იშვიათად მასაც აქვს თეთრი



ლაქა მკერდზე; ხოლო ღინღლით ცხადად განირჩევა დალა-რკვენიასგან. იმ-  
 ყოფება ტყეში უმთავრესად ხის ფულუროში.

რაქველები ჯიხვის ორ სახეობას არჩევენ: კომარა და ლაფური. ფერით  
 ესენი არ განსხვავდებიან ერთმანეთისაგან. ორივე ჯიშის ჯიხვი წაბლის ფე-  
 რია; ხოლო შემოდგომაზე იყრის ჯიხვი ფერს და შავდება.

კომარა ჯიხვი—ტანმოკლეა შედარებით, საერთოდ ლაფურზე დიდი.  
 მოკლე, სხვილი და დაჩორჩქვილი რქები აქვს ძლიერად გადაღუნული.

ლაფური ჯიხვი—უფრო მომცროა, ტანი წვრილი აქვს. შედარებით წმინ-  
 და, გაგრძელებული და ნაკლებ გადაღუნული შუბიკა რქები.

ჯიხვის წლოვანებას მისი რქების ნაზარდულების რაოდენობის მიხედვით  
 საზღვრავენ.

განსხვავებულია აგრეთვე ორი სახის არჩვი—ტყის არჩვი და შიშვლის  
 არჩვი; მელიის სამი სახეობა—რუხი მელა, წითელი მელა და მოშავო მელა;  
 მგლის ორი სახეობა—მინდვრის მგელი და ტყის მგელი და სხვა.

ირემი და შველი რაჭაში უკვე გადაშენებულია, თუმცა XVIII ს-ის 80-ანი  
 წლებისათვის გ ჯ ლ დ ე ნ შ ტ ე დ ტ ი ს ცნობით იგი მახასიათებელი ნადირი ყო-  
 ფილა რაჭის დაბლობისათვის<sup>1</sup>.


ჯიხვი და არჩვი ეხლაც მოიპოება მდ. რიცეულას, ლუხუნის, საკაოს და  
 რიონის ზედადინების ზოლში.

დამოწმებულია სახელწოდებათა ჩამოყალიბებული სისტემა ნადირის  
 ჯიშისა, სქესისა და ჰასაკის მიხედვით. ასე მაგალითად: მამალ ჯიხვს—გაცი  
 ეწოდება, დედალს—თხა ჯიხვი, ერთ წლამდე განურჩევლად სქესისა—თიკანი,  
 ერთი წლიდან სამ წლამდე—დედალს წალა, ხოლო მამალს—მოიკი. რვა-ათი  
 წლის ჰასაკის შემდეგ ჯიხვი დაჰკარგავს რა განაყოფიერების უნარს განზე გა-  
 დგება, ჯოგში არ ერევა და მას მემარტვიეს უწოდებენ.

2. ნადირობის მატერიალური ბაზა. მონადირის ჩაცმულობას რაჭაში დიდ  
 ყურადღებას აქცევენ. ჩაცმულობის ყოველი ელემენტი გარკვეულია და მტკი-  
 ცედ დადგენილ ფუნქციას ასრულებს. განსაკუთრებით ჯიხვზე და არჩვზე მო-  
 ნადირენი ეხლაც საუკუნეების განმავლობაში მწარე გამოცდილებით შემო-  
 წმებულ ტანსაცმელს ხმარობენ და მიაჩნიათ რა სახიფათო ექსპერიმენტად,  
 ახალ ჩაცმულობას ერიდებიან.

ტანსაცმელის კომპლექსში ფეხსამოს მნიშვნელოვანი ადგილი უჭირავს,  
 რადგან მონადირეს ნადირის დევნის დროს ხვდება ქარაფიანი კლდეები,  
 თოვლით ამოყვებული ხევები, შვეულად დაქანებული ბალახოვანი ფერდობები,  
 გადასახტომი ნაპრალები და საერთოდ კლდეში და ღრეში უვალი ადგილები.  
 ამის მიხედვით შემუშავებულია მონადირის ფეხსაცმლის ტიპი და მისი დამზ-  
 მარე, დამატებითი ელემენტები.

<sup>1</sup> I. G ü l d e n s t ä d , Reisen durch Russland u. im Caucasischen Gebürge, St. Peters-  
 burg 1787; B. I, 33. 400.



ბუდა, მუცირა და წრიაპი.



ფეხსამოსად ხმარობენ ე. წ. კოლოტურ ან ლებურ ქალამანს, რომელიც ერთი ნაკერი აქვს მხოლოდ და რომლის ქობა კოჭებამდეა ასული. ქალამანი ხარის ან ძროხის ტყავისაგან არის შეკერილი. შესაკრავად იმავე ტყავის თასმას ხმარობენ, რომელსაც **ჭაპი** ეწოდება. ხმარებაშია მეორე ტიპის ქალამანიც სახელწოდებით **ბანდული**, რომლის ძირი ამოქსოვილია ტყავისავე ლევედებით. ბანდულით შემოსილი ფეხი ციცაბო კლდეებზე და ბალახოვან ფერდობებზე არ სტურავს. ქალამანში შიგნით ჩაფენილია ერთგვარი მთის ბალახი—ე. წ. **თომი**, რომელშიაც, თუ იგი დატკეპნილი არ არის, ჰაერის ფენა ინახება, რაც ტემპერატურის იზოლაციის ერთ-ერთ საშუალებას წარმოადგენს.

ამას გარდა მონადირეს თან მიაქვს თხილის ტოტებისაგან ორმაგად „დაღვლერქილი“ **წრიაპები** და აგრეთვე თხილის ტოტებისაგან შემზადებული **თხილამურები**.

ფეხი კოჭიდან მუხლამდე დაფარულია **პაიჭებით**, რომელნიც დამაგრებულნი არიან მასზე **წვიფხაკონით**. ღრმა თოვლში სიარულის დროს **სამუხლეებსაც** ხმარობენ, რომ პაიჭებში თოვლი არ ჩავიდეს. ტანზე იცვამენ შალის შარავლსა და ჩოხას. ყინვების დროს ზედა ტანზე ჩასაცმელად **ტყავსა** ხმარობენ. წელზე შემოკრული აქვთ ტყავის **ღვედი**, რომელზედაც ეკიპირების სხვადასხვა ელემენტებია დამაგრებული.

მონადირის შეიარაღება მტკიცედ არის განსაზღვრული. იგი შესდგება შემდეგი ელემენტებისაგან: **თოფი**, **მუჟირა**, **კვეხ-აბედი**, **უთარ-ვაზნა**, **საპირის-წამლე**, **საკვეხაბედე**, **ქილები**, **ხანჯალი**, **მილიონი** და ხანდახან **ნაჯახი** და **ნიჩაბი**.

შეიარაღების ამ კომპლექტში განსაკუთრებული ადგილი უჭირავს მუჟირას. მრავალმხრივ საინტერესო იარაღია იგი. მუჟირა შესდგება ხის კეტისაგან სიგრძით 1,5 მეტრამდე, რომელსაც ბოლოზე რკინის წვეტი აქვს გაკეთებული. მუჟირას მეორე ბოლო (ხელის მოსაკიდებელი) **ქანჩით** თავდება. ფუნქციების მრავალფეროვან და რთულ კომპლექსს ასრულებს მუჟირა. იგი გამოყენებულია ყინულში საფეხურების ამოსაკვეთად, სროლის დროს თოფის ლულის გასადებად, დასაბჯენად; ნადირთან შებრძოლების დროს იგი საჩხელეტ იარაღადაც არის გამოყენებული. რადგან საბაეშვო თამაშობაში დატულია მისი სროლა, საფიქრებელია, რომ ოდესღაც მუჟირა სასროლ იარაღსაც წარმოადგენდა. შესრულებული ფუნქციებითა და ფორმალური ნიშნებით იგი შუბის ტიპის იარაღს უნდა წარმოადგენდეს.

მახე-ხაფანგების თოთხმეტი სახეობაა აღწერილი. მათ შორის ორი რკინისაგან ნაკეთები, ხოლო თორმეტი ქვისა, ხისა და ჩელტისაგან შემზადებული. კვერნის დასაქერად იხმარებოდა **კოდი**, **გობი**, **ფაფი**, **ფწკალა**, მელა-კურდლის დასაქერად **იხნლეტი**, **სირენჭკა**, წავის დასაქერად—**ჩელტი**, დათვის დასაქერად **ფიცრის ხაფანგი** და **მაკრატელა**, მგლის დასაქერად **მოწნული ხაფანგი**, ჯიხვის დასაქერად—**ხუნდა** და სხვა.

შემოსენებული ხაფანგების ერთი ნაწილი **სარეველას** პრინციპზეა აგებული, მეორე—**სირენჭკას** პრინციპზე.

დამოწმებულია აგრეთვე თოფის დაგების საინტერესო წესი, რომელიც თოფისა და სირენკუკას კომბინაციას წარმოადგენს.

თოფების სხვადასხვა სისტემათა შორის არჩევენ: ხირიმულს, შავ თოფს, ერეჯიბს, ხაჯი მუსტაფას. თოფი ძირითადად შედგება შემდეგი ნაწილებისაგან: თათი, რომელშიაც ლულის კუდია ჩამაგრებული; სასროლი მებანიში შედგება: ფეხისა, ჩახმახისა, შვილდისა, ყურისა, ხაფიცხოზელისა, კვეხისა და საცემლისაგან. მთავარ დინამიურ ძალას შვილდი წარმოადგენს.

რაჭაში თოფის წამლის დამზადებაც სცოდნიათ. თოფის წამალს ამზადებდნენ ნახშირისა, გვარჯილისა და გოგირდისაგან. არსებობდა გვარჯილის დამზადების ორი განსხვავებული წესი.

ა) სოფ. ხიდაშში—საქონლის რამდენიმე ხნის განმავლობაში ნადგომს ცოცხით გადააცილდნენ შარდსა და ნაკელს. მეორე-მესამე დღეს გადაწმენილი ადგილი რთვილის მაგვარ თეთრ კრისტალებს მოისხამდა—გვარჯილას, რომელსაც ბალნიანი ცოცხით (არყის ხის ტოტებისაგან შეკრული ცოცხია) შოფალავადნენ მიწიანად და ჩაჰყრიდნენ ხის კოდში. კოდის ძირი წვრილად იყო დასვრეტილი და მას დაფენილი ჰქონდა ხელის სისქეზე თოფი. შემდეგ მას დაასხამდნენ მდუღარე წყალს, რომელიც გახსნიდა გვარჯილას და გაიტანდა მას კოდის ქვეშ შედგმულ ქვაბში. ამის შემდეგ დაიწყებდნენ მის მოღუღებას და აღუღებდნენ იქამდე ვიდრე ერთი ფუთი გვარჯილანარევი წყალი ხუთ-ექვს გირვანქამდე დავიდოდა, დაღუღებულ წყალს ხის ფართე გობზე დაასხამდნენ და საჭირო იყო, რომ გვარჯილის დამზადების ეს სტადია შესრულებულიყო მოწმენდილ, სუსხიან დღეს. ფართე გობზე დასხმული წყალი შრებოდა და იღებდა კრისტალის სახეს.

ბ) სოფ. გლოლაში—გვარჯილას ამზადებდნენ უეცხლოდ. კერძოდ მოფალულ შარდნარეგ მიწას ხის ფართე გობში დაჰყრიდნენ და ზედ დაასხამდნენ ცივ წყალს. ასე ამყოფებდნენ მას იქამდე, ვიდრე მიწა, ჭუჭყი და გარე მინარევი გობის ძირზე არ დაილექებოდა. ამ ხნის განმავლობაში გვარჯილაც იხსნებოდა წყალში. გობის პირზე მომდგარ გვარჯილანარეგ წყალს გადაიღებდნენ მეორე გობში ისე, რომ ნალექი არ გადაჰყოლოდა თან. ორი-სამი დღის შემდეგ გობის შიდა კედლები მიითვისებდა სუფთა და დაწმენდილ გვარჯილას, რომელსაც დაავროვებდნენ ცალკე ჭურჭელში.

ნახშირს ამზადებდნენ ერთგვარი წესით. ნახშირის დასამზადებელ ნედლეულად ხმარობდნენ ხეშავს (ს. ღები) ან თხილის ნორდ ტოტებს (ს. ხიდაში). ხეშავის ან თხილის ტოტებს კანს გადააცილდნენ და ტოტებს დააპობდნენ. თხილის ტოტის გაპობისას ყურადღებას აქცევდნენ, რომ ტოტი სწორად გაპობილიყო—ამგვარი ტოტისაგან დამზადებული თოფის წამალი ფინთიხს სწორად მოიტანსო. დაპობილ ტოტებს გულს გამოაცილდნენ, გაახმობდნენ, მას და ნახშირად აქცევდნენ.

დამზადებულ ნედლეულს ნაყავდნენ ე. წ. საცეხველში, მეტის-მეტად პრიმიტიულ ხელსაწყოში, რომელიც მთლიანად ხისა, ქვისა და ღვლერქისაგან შედგებოდა. საცეხველის მთავარ ნაწილს ურო წარმოადგენდა ხის ტარითა



და ქვის ყუით. ქვის ყუა ჩამაგრებული იყო ტარის გაბობილ ნაწილში **ღვლერ-ქებითა** და **სოლებით**. ზემოხსენებულ უროს ფეხებით ამუშავებდნენ. ვინაიდან თოფის წამლის დამზადება სტადიალურად მეტად დაცილებულია ამგვარი ტიპის იარაღისაგან, საფიქრებელია, რომ რაიმე სამიურნეო მიზნით ხმარებული საცეხველი შემდეგში გამოყენებული იყო თოფის წამლის დასაწყად. ამას ის ვარაუდობდაც უწყობდა ხელს, რომ საცეხველს არც ერთი რკინის ნაწილი არ ჰქონდა, რასაც ვარკვეული მნიშვნელობა ენიჭებოდა თოფის წამლის დამზადების პროცესში.

არსებობდა სპეციალური წესი იმის დასადგენად თუ რამდენად მზადაა თოფის წამალი ხმარებისათვის. ამისათვის აიღებდნენ ორი თითით ცოტაოდენ წამალს, დააყრიდნენ მას თეთრ ქალაღზე და წაუკიდებდნენ ცეცხლს. იმ შემთხვევაში თუ თოფის წამალი უტბად იფეთქებდა და ქალაღზე ნამწვს არ დასტოვებდა თოფის წამალი ხმარებისათვის მზად ითვლებოდა, საწინააღმდეგო შემთხვევაში განაგრძობდნენ მის დანაყვას.

თოფის წამლის დამზადების განსხვავებული წესი სვანეთშია დამოწმებული <sup>1</sup>.

სტოდნიათ აგრეთვე **ფინთიხის** დამზადება, რისთვისაც არსებობდა ე. წ. **ყალიბი**, რომელსაც ღებში **ღარიჯაგი** <sup>2</sup> ეწოდებოდა. ყალიბს ამოკვეთილი ჰქონდა **კალაპოტი**, რომელშიაც **თვალის** საშუალებით ასხამდენ გამდნარ ტყვიას. რამდენად უსწორო ზედაპირი ჰქონდა ამ წესით დამზადებულ ფინთიხს იქიდანაც ჩანს, რომ თოფის დატენის დროს საჭირო ყოფილა მისი გახვევა **ბერკლში** (ჩვარია), რათა ჩვარს ამოეგსო თოფის ლულის შიდა კედელსა და ფინთიხის ზედა პირს შორის დატოვებული სივრცე.

**3. ნადირობის ორგანიზაცია**—ახლად შეკრებილი მასალა საშუალებას გვაძლევს ნადირობის ორგანიზაციის სხვადასხვა სახეობათა ტიპოლოგიურ კლასიფიკაციის დასადგენად. ასეთი კლასიფიკაციის საფუძვლად მიჩნეული უნდა იყოს ამათუიმ სახით ნადირობის დროს უპირატესად გამოყენებული წესი, რომელიც არსებითად ძირითად მიმართულებას აძლევს ნადირობის მთლიან პროცესს. ნადირობის ორგანიზაციის სხვადასხვა სახეები დღეს უმთავრესად ნადირობის ხერხების სხვადასხვა კომბინაციაზეა დამყარებული. ამის მიხედვით ირკვევა, რომ რაჭაში კოლექტიური ნადირობის სამი ძირითადი სახე არსებობდა: **მოსაპირავი**, **მოსარეკი** და **საკვალეი**. უკანასკნელი ა. კალინოვის რატომღაც გამოტოვებული აქვს ამიერ-კავკასიაში დამოწმებული ნადირობის სახელწოდებათა ჩამოთვლის დროს <sup>3</sup>.

ა) **მოსარეკი** — გულისხმობს უმთავრესად ტყის ნადირის ხმაურობის საშუალებით მილაღვა-მიღენას წინასწარ გამიზნულ ადგილისაკენ, სადაც მო-

<sup>1</sup> Тенцов, Сванетия, Географический очерк, СМОМПК, X, გვ. 28.

<sup>2</sup> ს. ო რ ბ ე ლ ი ა ნ ი, ქართული ლექსიკონი, პროფ. იოსებ ყიფშიძისა და პროფ. აკაკი შანიძის რედაქციით, ტფ., 1928 წელი, სიტყვასთან „ღარიჯაგი“ ნათქვამია „ყალიბი“.

<sup>3</sup> А. Калиновский, Очерк кавказской фауны и кавказских охот, Тифл 1900 г., გვ. 52.



ნადირეთა მეორე ჯგუფია ჩასაფრებული. ასეთ ადგილად ჩვეულებრივად ირჩევდნენ ღრმა შუროსა ან თოვლით დაფარულ დელეს.

ბ) მოსაჭირავი—გულისხმობს უმთავრესად კლდის ნადირის სავალი ბილიკის გადაჭრას და ჩასახუნდრებას. მონადირეთა ჯგუფი აქაც ორ დასად არის დაყოფილი.

გ) საკვალე—გულისხმობს უმთავრესად მეჩხერი ტყის, ხშირი ბუჩქნარის ნადირის კვალის მიგნებას, კვალში ჩადგომას და კვალდაკვალ დევნას.

მონადირეთა ჯგუფს შორის დამოწმებულია ფუნქციების განაწილება. ასეთია მაგალითად მორეკვით ნადირობის დროს მრეკალი და მესაფრე, მოსაჭირავის დროს—მეძირე, მეწვერე და მესახუნდრე საკვალეს დროს—მემკვლე და სხვა. დამოწმებულია მონადირეთა ჯგუფში ე. წ. თანამტანი ან მწარეული, რომელიც ნადირობის პროცესში უშუალო მონაწილეობას არ იღებს, მხოლოდ დამხმარე ფუნქციებს ასრულებს და დაქვემდებარებულ მდგომარეობაში იმყოფება.

განსაკუთრებულ ინტერესს იწვევს მტაცებელ ნადირზე „ნადირობის“ ისეთი წესი, რომელიც აგრეთვე მორეკვით ნადირობის პრინციპზე იყო აგებული, მაგრამ რომელიც ნადირის მოკვლას კი არ ისახავდა მიზნად, არამედ მის განდევნას სოფლის ახლო-მახლო მიდამოებიდან.

ყურადღების ღირსია ე. წ. ჯეღგაობა, რომელიც მასიურ ნადირობას გულისხმობს მთელი სოფლის მონაწილეობით და რომელიც აგრეთვე მორეკვით ნადირობის პრინციპზეა დამკვიდრებული. მას აწყობდნენ დიდი თოვლობის დროს ზამთარში და მისი ცალკეული ნიშნები საახალწლო დღესასწაულთან ამჟღავნებენ კავშირს.

ნადირობის ყველა ზემოხსენებული ტიპი დამყარებულია სანადირო ხერხების სხვადასხვა კომბინაციით გამოყენებაზე, ნადირისა და მისი ადგილსამყოფელის თვისების ზედმიწევნით ცოდნაზე, და, რაც მთავარია, ნადირობის მონაწილეთა მჭიდრო ჯგუფში განმტკიცების უნარზე.

4. ნანადირევის განაწილება—დამოწმებულია ნანადირევის მონადირეთა შორის განაწილების სხვადასხვა სახეები:

ა) ნანადირევის აბსოლუტურად თანაბარი განაწილება რაიმე განსაკუთრებული ნაწილის გამოღების გარეშე;

ბ) ნანადირევის განაწილების ისეთი წესი, რომელიც ჯგუფში პასაკით ყველაზე უფროსს გარკვეულ უპირატესობას ანიჭებს;

გ) ნანადირევის ისეთი განაწილება, რომელიც გულისხმობს განსაკუთრებული ნაწილების გაღებას მონადირის ცოდნა-გამოცდილებისა თუ შეიარაღების საფუძველზე.

ინტერესს იწვევს განაწილების მეორე ტიპი. მცირერიცხოვანი ჯგუფით ნადირობის დროს პირველი სროლის უფლება ყველაზე უფროსს ეკუთვნოდა. ამავე დროს არსებული პირობის მიხედვით ნადირის მამკვლელად ის პიროვნება ითვლებოდა, რომელიც სისხლს მოადენდა ნადირს ე. ი. პირველად დასჭრიდა მას. მიუხედავად იმისა პირველი ჭრილობა მხოლოდ სისხლს



ადენდა ნადირს თუ სასიკვდილოდ დასჭირდა მის, მომკვლელად მაინც ის იგულისხმებოდა, ვინც პირველად დასჭირდა ნადირს. ასეთ პირობებში ყველაზე უფროს მონადირეს უზრუნველყოფილი ჰქონდა საპატიო, განსაკუთრებული ნაწილი. გვეგონია, რომ ამ შემთხვევაში განაწილების პირობები გარკვეულად ამკლავნებს ჰასაკობრივ პრინციპს, თუმცა ეს უკანასკნელი აღარ ატარებს წმინდა სახეს იმდენად, რამდენადაც სისხლის მოღენა მაინც აუცილებელ გარემობას წარმოადგენს საპატიო ნაწილის მისაღებად.

ნანადირევის განაწილებაში მონაწილეობას იღებდნენ არა მარტო მონადირენი, არამედ ნადირის უდეგარნიც, ის მონადირენი, რომელთაც რაიმე მიზეზით ვერ მიიღეს მონაწილეობა ნადირობაში, მეზობლები და სხვა. ყველაფერი ეს კოლექტიური მოხმარების გადმონაშთს წარმოადგენს შედარებით კარგად დაცულს ნადირობასთან დაკავშირებულ სხვა წესჩვეულებაშიაც. ასეთი მავალითად ოჩხარის გამართვის წესი, რომელიც წინამძღვრების ანგარიშში იყო აღწერილი და ე. წ. ჯორმა-ს დამზადება, რომელიც ადგილზე უნდა ყოფილიყო შექმული ყველა მონადირეთა მიერ სათანადო რიტუალის შესრულებით. ჯორმას ამზადებდნენ შემდეგი წესით: დახოცილი ნადირის შიგნულს დასჭირდნენ წვრილად და შეახვედნენ მისივე ფუფში. ამას მაგრად გადაუქვრდნენ ნადირის ნაწლავებს. ასეთი სახით მას ან ცეცხლთან ახლოს ჩამოჰკიდებდნენ ან ორმოში ჩასდებდნენ, რომელსაც ზემოდან ცეცხლი ჰქონდა დანთებული. იმ ცალკე ნაწილებს, რომელთაც ურიგებდნენ სხვადასხვა პირებს ეწოდებოდა საუმფროხო, ხაისრე, ხახელაღო, ხანამეტნაო, სამომკვლელო და სხვ.

5. ნადირობასთან დაკავშირებული წესჩვეულებანი. ნადირობასთან დაკავშირებულ წესჩვეულებათა პირველი და მნიშვნელოვანი ჯგუფი სრულად სიწმინდის დაცვის აუცილებლობაზე იყო დამკვიდრებული. სანადირო ადგილი „წმინდანანად“ იყო მიჩნეული, ხოლო ნადირი „წილიანად“. ამ შეხედულებიდან გამომდინარე მონადირე ნადირობის წინა დღეებში ერიდებოდა ლანძღვა-გინებას და უშვერ სიტყვების წარმოთქმას, ქალთან კავშირს და მიახლოებასაც კი მისი მენსტრუაციისა და ორსულობის დროს. მიუხედავად იმისა, რომ ღორის ტყავის ქალამანი საუკეთესო ქალამანად იყო მიჩნეული, ცრუმორწმუნე მონადირე ერიდებოდა ღორის ტყავის ქალამნით სანადიროდ წასვლას; ყოველ შემთხვევაში, ღორის ტყავის ქალამანით შიშველ კლდეზე, იქ, სადაც ჯიხვი ეგულებოდა, მონადირე არ ავიდოდა.

ამავე რიგს ეკუთვნის აგრეთვე მონადირეთა შორის გავრცელებული წესჩვეულება, რომლის მიხედვით ნადირის ძვლის გადაგდება აკრძალული იყო. ზოგ შემთხვევაში, ნადირის ძვალს ცეცხლში სწვავდნენ, ზოგ შემთხვევაში წყალში ჰყრიდნენ, ხოლო უმთავრესად მიწაში მარხავდნენ მას.

თოფის გაბრუნდებასთან დაკავშირებით სცოდნიათ თოფის მოწამვლა ან მისი შერცხვენა. პირველის ქვეშ იგულისხმება თოფის ლულაში გველის მოთავსება და ამგვარად მისი დაცლა, ხოლო მეორე შემთხვევაში თოფის საღორეში დამარხვა ან ღედაკაცის ქვედა საცვალში გატარება.





თოფის შერცხვენასთან დაკავშირებული ცერემონიის შესრულებაში ორი პიროვნება იღებდა მონაწილეობას. ერთი მათგანი ამბობდა:

—არც ეხლა მოხვდები? არც ეხლა მოხვდები?

მეორე უპასუხებდა:

—ოღონდ აქედან გამომიყვანე—მოხვდები.

**ხელის ასახსნელად** შინაური ფრინველის თოფით მოკვლას მიმართავენ ხოლმე.

ნადირობასთან დაკავშირებულ წესჩვეულებათა რიგში მნიშვნელოვანი ადგილი ეჭირა სიზმარს. ცრუმორწმუნე მონადირე მხოლოდ იმ შემთხვევაში გაემჯავრებოდა სანადიროდ, თუ მისი შეხედულებით ხელსაყრელ სიზმარს ნახავდა. ხელსაყრელ სიზმრად მიჩნეული იყო კარგად გამოწყობილი ქალი მხარზე ყმაწვილით, ცნობილი მონადირე, შეკაზმული ცხენი, შეჭურვილი მხედარი და სხვა.

განსაკუთრებულ ყურადღებას იქცევს წესჩვეულებათა ის ჯგუფი, რომელიც პირველ ნადირობასთან იყო დაკავშირებული. პირველად მოკლული ნადირის სისხლის წაცხება შუბლზე, თოფის ლულის ტუჩის შეღებვა მისი სისხლით და სხვა, შესაძლებელია მივიჩნიოთ, როგორც მონადირეთ ზიარების გადმონაშთი.

ცრუმორწმუნე მონადირეთა მიერ სრულდებოდა აგრეთვე თოფის დამარხვის წესი, რომელიც მაგ. ფშაეშიაც არის დამოწმებული და რომლისაგანაც რაჭაში დამოწმებული წესი გარკვეულად განსხვავდება.

რაჭაში თოფის დამარხვა სკოდნიათ იმ შემთხვევაში, თუ მონადირე ათას ნადირს მოკლავდა. თოფის დამარხვის შემდეგ მონადირეს ალარა ჰქონდა ნადირობის უფლება. ფშაური აზარიკი გულისხმობდა ყოველი ათასი ნადირის მოკვლის შემდეგ თოფის პერიოდულ დამარხვას<sup>1</sup>. ამ შემთხვევაში როგორც ვხედავთ მონადირეს სამუდამოდ კი არ ეკრძალებოდა ნადირობა, არამედ დროებით.

ნადირობასთან დაკავშირებულ წესჩვეულებათა რიგში მნიშვნელოვანი ადგილი ეჭირა ე. წ. **თავრიელხ**. ნადირის თავ-კისერი (და თუ იგი რქიანი იყო—რქაც) წარმოადგენდა თავისებურ ტროფეის, ხოლო მეორე მხრივ გამოყენებული იყო, როგორც ხატზე შესაწირავი. რაჭის ეკლესიებში (და როგორც ლიტერატურული წყაროებიდან ირკვევა საქართველოს სხვა კუთხეების ეკლესიაშიც) დამოწმებული ყოფილა მრავალი შენაწირი რქა განსაკუთრებით ირმისა, ჯიხვისა და არჩვის.

ტროფეის როლს დათვის თავრიელიც ასრულებდა, რომელსაც მისი მომკვლელი მონადირე ეზოში ამისათვის სპეციალურად მოწყობილ მარგილზე მოათავსებდა.

ამასთან დაკმეშირებით საინტერესოა თავრიელისა და მტრის თავის წაკვეთის მნიშვნელობის ურთიერთობა. ხოლო რომ მტრის თავის წაკვეთის პრაქტიკა ძველად ქართველი ტომებისათვის უცხო არ იყო ცნობას გვაწვდიან

<sup>1</sup> ვ ა ჟ ა-ფ შ ა ე ე ლ ა, აფხუშობა, ი გ ე რ ი ა, 1886 წელი, № 141.



ქსენოფონტე<sup>1</sup> და არისტოტელე<sup>2</sup>; უამრავი ცნობა მოიპოვება მათის შესახებ „ქართლის ცხოვრებაში“<sup>3</sup>, ქართული ხალხური შემოქმედების საგანძურში<sup>4</sup> და სხვ.

საკითხი განსაკუთრებულ ინტერესს წარმოადგენს, რადგან უახლეს ეთნოგრაფიულ ლიტერატურაში ტროფეის სახით დამოწმებულია აგრეთვე მტრის ხელის მტევანი<sup>5</sup>.

ადგილზე მუშაობის დროს უდიდეს დახმარებას გვიწევდნენ მონადირეთა კავშირის ამბროლაურისა და ონის რწმუნებულები, რაიალმასკომი და სოფლის საბჭოები, რომელთაც უდიდეს მადლობას ვუძღვნით. ექსპედიციის დროს გადაღებულია ათამდე ფოტოსურათი.

<sup>1</sup> В. В. Латышев, Известия древних писателей греческих и латинских о Скифии и Кавказе, т. I, СПб. 1890, გვ. 73.

<sup>2</sup> იქვე, გვ. 383.

<sup>3</sup> ჯუანშერ ჯუანშერიანი, ქართლის ცხოვრება, მარიამისეული, ექ. თაყაიშვილის გამ., გვ. 132; ქართლის ცხოვრების მეორე გაგრძელება, იგივე გამოც., გვ. 901, 923 და სხვ.

<sup>4</sup> ვაჟა-ფშაველა, ეთნოგრაფიული წერილები, ტფ. 1937 წელი, გვ. 152, შაქრო, პანკისის ხეობა, ივერია, 1887 წელი, № 21 და სხვ.

<sup>5</sup> ვ. ბარდაველიძე და გ. ჩიტაია, ქართული ხალხური ორნამენტი, ტ. I, ხევისურული, ტფ. 1939 წ., გვ. 20.

## 6. რეზიუმე

### რაჭაში მიწისმფლობელობის მოკლე ანგარიში

1939 წ. ზაფხულს ათი ივლისიდან 10 აგვისტომდე მიწისმფლობელი ვიყავი რაჭაში ენიმკი-ს მიერ მეორედ მკვლელობის შესახებ მასალების შესაგროვებლად.

მეშაობა მიზნად ისახავდა რაჭის მკვლელობის მთლიანი სურათის გათვალისწინებას და ამ ნიადაგზე 1938 წელს შეკრებილი მასალის შევსება-შემოწმებასა და შეჯერებას უფრო ვრცელ გეოგრაფიულ არეზე.

ამის შესაბამისად სამეშაოთა მარშრუტი შეიცავდა, როგორც ზემო- ისე ქვემო-რაჭას: რიციულას, ლუხუმის, საკაურას, ჯეჯორის, კრიხულას და რიონის ხეობებს. მათგან სამი პირველი მდინარე რიონს მარცხნიდან ერთვის, ხოლო ორი შემდგომი—მარჯვნიდან.

დასახელებულ ხეობათა თითოეული კუთხე განსაკუთრებულ ლანდშაფტით და ზოგიერთი ეთნოგრაფიული თავისებურებებით ხასიათდება. სხვადასხვაობა თავს იჩენს საცხოვრებელი და სამეურნეო „შრამელის“, ტანისამოსის, ავეჯის, ზნეჩვეულებისა და ენობრივი მონაცემების მხრით.

ხეობათა გაყოლებით, მთებისაკენ, მცხოვრებნი უპირატესად მკვიდრ და მყარ სახლ-კარობას და ამასთანავე მკვიდროდ დასახლებას არჩევენ; უფრო ბარისაკენ მცხოვრებნი—იმერული სახის მსუბუქ შრამლეობას და გაშლილ დასახლებას ამჯობინებენ.

პირველთ დღემდე შემოუნახავთ ჩაცმა-დახურვის და ტანისამოსის შინაპრეწველური დამზადების ძველი წესები. კიდევ ცოცხლობენ მათში გადასულ დროთა საყოფაცხოვრებო ზნეჩვეულებანი: ქალის დაწინდვა აკვანშივე, საგვარეულო-სათემო დღეობები, „მიწის სუფრა“ მიცვალებულისათვის, დიასახლისის არჩევა ქალების მიერ წლიდან-წლამდე (ჩვეულებრივად ეს იწყება ბარბალობას), სათიბსა და სახნავ-სამკალში ერთ დათქმულ დროს გასვლა და სხვ. ამასთანავე თითოეული ხეობა განსხვავებულ კილო-კავზე ლაპარაკობს. ამ მხრით ძალიან საყურადღებოა ს. ს. გლოლა, წედისი, ღები, უწერა და სხვა.

რაჭა უმთავრესად მიწარობის ქვეყანაა. სოფლის მეურნეობის ეს დარგი აქ საკმაოდ განვითარებული ჩანს. გაუმჯობესებული სამეშაო იარაღის დამზადება, მიწის დასვენება, მიწის მოპატივება, თესვ-მონაცვლეობა, ზოგიერთი ენდემიკური ხორბლეულის: ხულუგოს, ზანდურის და სხვათა გავრცელება



და მრავალი ჯიშის ვაზის კულტურა ამასვე ადასტურებს. ამ საქმეში მკედლობას თავისი წილი უდევს. ამ მხრით მისი მნიშვნელობა და როლი უთუოდ საგრძნობია.

მელითონეობა, კერძოდ რკინის მკედლობა მთელ რაქაში გვხვდება. ვერ ნახათ სოფელს, თუ ნასოფლარს, სადაც არ ჩანდეს მკედლობის კვალი და მის შესახებ შემონახული სხვადასხვა ცნობები. სრულიად განაპირა მთებსა და ტყე-ველებში სამკედლოების მრავალი ნაკვალევი მოიპოვება. მაგ.: შქმერის მთაში, ძეგლევის მთაში, ურაგში და ლოლორას.

რაქის მკედლობა სამი განაყოფის სახითაა წარმოდგენილი:

1. ქვების მკედლობა, ანუ „მეჭვებობა“,
2. ნალბანდობა, ანუ „ხარის მკედლობა“ და
3. რკინის მკედლობა, ანუ რკინის ოსტატობა.

მეჭვებზე ამზადებს სპილენძის ჭურჭელს: ქვებს (კარდალს), ტათას, თუნგს, ტასტს და სხვ. თავადვე ამზადებს ამ ნივთებისათვის საჭირო რკინის ნაწილებს. „მეჭვებები“ მუშაობენ ამჟამად ონში და ამბროლაურში, მაგრამ ორივე-გან გადაშენების გზაზე სდგას ეს ხელობა. კარდალი კეთდება ფართოდ და განიერ ძირიანი, სხვები კი ჩვეულებრივი სახისა.

ნალბანდი ამზადებს: სხვადასხვა ზომისა და ფორმის ნალ-ლურსმანს. ყურადღებას იქცევს ხარის კოპიანი ნალი, ყინულზე სავალად, რომელიც საგანგებოდაა შეხამებული ადგილობრივ პირობებთან. ნალ-ლურსმანის გაკეთებას ეწოდება ნალ-ლურსმანის მოჭრა, რასაც ყალბის საშუალებით აწარმოებენ. გასარჩევად ფაბრიკული ნაწარმისა, რომელსაც საერთოდ „რუსულს“ ეძახიან, საკუთარ ნაწარმს „ქართულ“ ნალ-ლურსმანს უწოდებენ, მითი ჭედვენ ხარებს, ცხენებს და იშვიათად ჯორებსა და ვირებს. თუ მუშაობას საკმაო სარგებლობა მოაქვს ნალბანდისათვის, მაშინ იგი ამ ხელობით კმაყოფილდება, წინააღმდეგ შემთხვევაში ის ამავე დროს რკინის მკედლობასაც მისდევს.


რკინის მკედელი, ოსტატი ამზადებს ნაირ რკინეულს, „ხელად“: სახლის ავეჯი—საჭვებზე, სამკვრე, ზესადგარი, შამფური, ასტამ-საკეცური და სხვ.; ოსტატის ხელჭურჭელს: სატეხე, ჩაქუჩი, კვერი, მარწუხი, ხოწი, ენო, ჩქუთი, საწვავე და სხვა; სამეურნეო-სამუშაოს და გამჭრელს: ბარი, თოხი, რკინის კეტი, წერაქვი, ცული, წალდი, დანა, საკოდელი, ცელი და სხვა.

წარმოების ტექნიკური წესების მიხედვით ზემო- და ქვემო-რაქის შორის პრინციპული სხვადასხვაობა არ არის, თუმცა მათ შორის, ამ მხრივ, თავს იჩენს ხოლმე, ზოგიერთი მეორე ხარისხოვანი განსხვავება. ზემო-რაქის რკინეული—„ხელადი“—გამოირჩევა თავისი გამძლეობით, ამტანობითა და ფხით; ქვემო-რაქული „ხელადი“ სამაგიეროდ უფრო კოხტა, სანდომიანი და ლამაზი მოყვანილობისაა. ამასთანავე ქვემო-რაქის მკედლების მიერ მზადდება სხვადასხვა ზომის, მაგრამ ერთნაირი მოყვანილობის ნაჯახი, ანუ „ფთიანი“ ცული, ზემო რაქაში, ამასთან ერთად, „ქართული ცული“, რომლის ბადალი დღევანდელმა ქვემო-რაქამ არ იცის. ამ მხრივ ზემო-რაქა და ქვემო-რაქის ზოგიერთი სოფელი (წესი, ურაგი, საკაო) ისე როგორც იმერეთიც სახელწოდება „ცული“-სა

ქართული ყელი



ქართული  
ენების ინსტიტუტი



- |        |        |
|--------|--------|
| • ღერ  | • ანა  |
| • თე   | • ხე   |
| • ხედი | • ხედი |
| • ხე   | • ხე   |
| • ხე   | • ხე   |

და „ნაჯახი“-ს ქვეშ გულისხმობენ სხვადასხვა სიდიდის ერთდიმიანე მოყვანილობის იარაღს—„ფთიან ცულს“: დიდს—ცული ეწოდება, პატარას—ნაჯახი. ზემო-რაჰის მთიანი ზოლის მთელ რიგ სოფლებში—ღები, ჭიორა, გლოლა, უწერა, წედისი, ქვედი, ძეგლევი—ცულს და ნაჯახს განასხვავებენ არა სიდიდით, არამედ ფორმით. „ცულს“ ვიწრო, მაღალი და სოლისებრი მოყვანილობის ტანი აქვს, რომელიც პირისკენ ოდნავ განიერდება, ისე, რომ წინა ნიღრი წაწვეტებულია სიმაღლეზე, უკანა ნიღრი კი გამოშვერილია სიგანეზე. ყუა კუთხედი და სქელსაგვერდულიანი აქვს. ზოგიერთს უკანა გვერდზე ჩაჭრილი აქვს იდლია და ჰქმნის კუწუბს. ნაჯახი უილლიოა. ამ ადგილიდან მისი ტანი საგრძნობლად დიდზე წარზიდულია—უკანისკენ კუთხედად, რომელზედაც ეყრდნობა ხის ტარი. ნაჯახის ეს ნაწილი, რომელსაც ფრთა ეწოდება, ავანიერებს ნაჯახის პირს და ხდის მას მარჯვე და მოხერხებულ სახმარ იარაღად. განსხვავებას ვამჩნევთ აგრეთვე ნახშირის დაწვასა და შერჩევაში. ქვემო-რაჰაში უპირატესად მაგარი ხის ნახშირს ხმარობენ და მის დასაწყევად ქვით ამოშენებულ სანახშირე ორმოებს იყენებენ, ზემო-რაჰა ამჯობინებს კონტრასტულ, მაგარი და რბილი ხის ნახშირს—ერთდროულად, რკინის თვისება და ვახურების ხარისხი უჩვენებს, თუ რა დროს რომელი მათგანი იხმაროს. ხოლო სანახშირე ორმოს სახელდახელოდ აკეთებენ—ამოუშენებლად.

არსებობს ორმოში ნახშირის მოშრეტის რამდენიმე წესიც: ზემო-რაჰაში ქართლისებურად ზემოდან, თავიდან შრეტავენ (აქრობენ) ორმოს მასზე წაფარებული ნედლი ხის ტოტების გამონაჟურე წყალის და ზედვე წაყრილ მიწის საშუალებით, რასაც „სულის მოგუბვას“ უწოდებენ. ქვემო-რაჰაში—ძირიდან, სასულედან ასხამენ წყალს, რომლის შედეგად მაღლა ავარდნილი ოშხივარი (შრიოლი) ვერ ჰპოებს ვასავლელს, უგუბავს სულს და შრეტს ცეცხლს ორმოში.

შეიძლება და დასახელებულიყო კიდევ ზოგიერთი თავისებური მოვლენა შედარების თვალსაზრისით ზემო- და ქვემო-რაჰის მკედლობის შორის, რომელნიც ძირითადი მონაცემებით ერთურთს ავსებენ და ერთი მეორის შესატყვისნი არიან.

აღსანიშნავია ის გარემოება, რომ რკინის მკედლობას რაჰაში, როგორც ეს წინა საანგარიშო მოხსენებაშიც იყო ჩვენ მიერ აღნიშნული, ჰქონდა თავისი ნედლეულის კერები, რომლებიც დამოწმებული იყო ზემო-რაჰაში—წედისსა და ქვედში. წელს ჩვენ მიერ მიკვლეულ იქნა, სიტყვიერი წყაროებით, ამგვარი კერების არსებობა ქვემო-რაჰაშიც; სახელდობრ სადმელის და ხონჭიორის მთებში. მკედელ ესტატე შაუთიძისა და მონადირე პ. ჯაფარიძის ცნობით „ნამკედლურას“ მთაში, სადმელს, დღესაც არის დაცული ჩამონგრეული ძველი მაღარო და მის წინ სამკედლოს კვალი. ძველებიდან მათ გაუგონიათ, რომ აქ უმაღრკინას ამუშავებდნენ თურმე. გეოლოგ დავით წერეთლის მითითებით რიკეულას ხეობაში, რომელიც სადმელის მთებიდან გამოდის, მართლა მოიპოება რკინის მადანი. ეს ფაქტი ნათელს ფენს რკ. ლითონის შესახებ ზემოხსენებულ სიტყვიერ ცნობებს და ერთგვარად სარწმუნოდა ხდის მათ. სამწუხაროდ ამ ცნობების შემოწმება ადგილზე არ მოხერხდა, ამიტომ მათ შესახებ რისიმე გადაჭრით თქმა შეუძლებელია.



მუშაობის მანძილზე დამოწმებული და ფიქსირებული იქნა ზოგიერთი რადღებო ფაქტები, რომელთაც ამა თუ იმ მხრით დიდი მნიშვნელობა აქვთ რაჭის მკვლევარის ზოგიერთი მოვლენის გასარკვევად. რაჭის ეთნოგრაფიულ სინამდვილეში ფართოდ გავრცელებულია ორთავეიანი, ორპირიანი სამუშაო იარაღი, რომელიც სამი სახითაა წარმოდგენილი. პირველ წყებას განეკუთვნება ის იარაღები, რომელთაც ორივე პირი, ანუ თავი ერთნაირი მოყვანილობისა და ერთი მეორის შესატყვისია თავისი ფუნქციით: წისქვილის საკოდელი ორწვერი (ქვის სათლელი), ორქიანი გრდემლი, ხოწი. მეორე წყებას განეკუთვნებიან ისინი, რომელნიც განსხვავდებიან, როგორც თავების მოყვანილობით, ისე ფუნქციით: კვერი, ღუმეიანი გრდემლი, ცალწვერი წერაქვი, უჩარდა, ტარალი, საშალი. მესამეს—სხვადასხვა იარაღის კომბინირებული, ცალგნით შეერთების გზით მიღებული ფორმა: თოხ-წერაქვა, ბარ-თოხა, ვარცლის ხოწი, თორნის ასტამი და სხვ.

კომბინირებული იარაღის ნაქნარი ასევე სიტყვა კომპოზიტით აღინიშნება. მოთოხწერაქვება, მობართოხება, მოხართოხება და სხვა.

ამრიგად ძირითადად მზადდება „ვამჭრელი“ „მუშა“ და „დამზარევი“ იარაღი და მასთან ერთად სხვადასხვა წვრილმანი ნივთები, ავეჯი და ხელჭურჭელი.

როგორც ძველი, ისე ახალი „ხელადი“ რკინა შანთი იჭედება.

ცივად მკვდლობა, რომელსაც „ცივ-კვერვას“ უწოდებენ, დამოწმებულია მხოლოდ სოფ. ძეგლევიში (ზ.-რაჭა).

მკვდლობა ორ მხარეს შეიცავს: ძველი რკინეულობის შეკეთებას, რომელშიაც შედის რკინის რკინაზე წამატება—დასადებლება, რკინაზე ფოლადის დართვა—დაფოლადება, მოპირვა, გადაბმა, გადაკერვა, გატეხილის შედუღება და ახალი რკინეულის ვაჭედვა. ორივე ხასიათის რკინეულის ნაწარმს საერთო სახელი „ხელადი“ ეწოდება. ურთერთისაგან გასარჩევად უმატებენ გამსახლვრელ სიტყვას: ძველი „ხელადი“, ახალი „ხელადი“.

ახალი „ხელადი“-ს სამუშაოები მკვდლების მიერ ორ წყებად სრულდება. პირველად ნივთის გამოკოპიტება, დაგვარება ხდება, მეორედ მისი დამზადება და საბოლოოდ მოთავება. ადამ კიკვაძე ამბობს: „ჩვიდმეტ-ჩვიდმეტი ასი თავი რკინა მქონდა ხოლმე გამოკოპიტებული, მერე გამოვიყვანდით სუყველას ერთად. გამოყვანაში შედიოდა: გამოპირვა, გაჩალხვა, გაღესვა, წართობა და გაფერვა“.

ცალკეული ნივთის კეთება საკუთარ მიდგომასა და დახელოვნებას მოითხოვს ამა თუ იმ მკვდლისაგან, რაც დამოკიდებულია მის პირად უნარსა, საზრისსა და მიხედვობაზე. ამ მხრით, რაჭის მკვდლებს შორის რკინეული პროდუქციის გაკეთებაში ერთგვარ ინდივიდუალურ ხაზებს და ორიგინალურ ხერხებს ვამჩნევთ. მაგ., ხაფანგის დამზადებას მკვდლები სხვადასხვა გზით აღწევენ. ერთი მათგანი ასე მოგვითხრობს: „ხაფანგის გაკეთება ყველას არ შეუძლია. სხვაგვარი წართობა უნდა, თვარემ გატყდება, ან კიდე არ გაიღვერება კაა... ჯერ უნდა გახურდეს თეთრფერამდის და მერე ერთბაშად ცივ წყალში უნდა ჩაუშვათ გაციებამდე. მერე ავილებთ და ცხელ ლადარში გავახვევთ,



ვაცლით სანამ წასმული ჯოხი ნაფუქიალებს არ გაყრის, შემდეგ ჰაერში უმეცხვად ვაციებთ და კარგია“ (არჩილ სალყვაჩარის ძე მელაშვილი).

საინტერესოა, რომ ძველი ცული, რომელსაც ლები, კიორა გლოლა და წედისი უძველესად მიიზნევენ, ამჟამად იშვიათად იხმარება როგორც ქვემო- ისე ზემო-რაქაში. მას იცნობენ ნაირსახელით: „ნაჯახი“, „ნიღვრიანი ცული“, „ცულაფთა“, „მთიულული“ და სხვა.

საბა აფთის განმარტავს:—მახვილია ბრტყელი და ტარგრძელი, რაც არ უდგება ცულის მოყვანილობას.

საინტერესოა ის გარემოება, რომ მკედელი, როგორც ეს ლეჩხუმსა და სხვაგან იყო, წლიურად ურიგდებოდა გარკვეულ კოლექტივს, სოფელს ძველი „ხელადის“ შეკეთებას. კოლექტივი გასამრჯელოს ორი სახით უხდიდა: ნატურით ან სამაგიერო მოხმარებით. ეს საზოგადო წარმოების გადმონაშთს უნდა შეადგენდეს—ისე როგორც ნადი და შეამხანაგება. წედური რკ. დამუშავების სინამდვილეში ამ მოვლენას „კალაფორია“ ეწოდებოდა, რაც უაღრესად საყურადღებოა.

„...მკედელს წლიურად ურიგდებოდა, ზოგს გამოგვიბირავდა, ზოგს ფოლადს მოსდებდა, ზოგს ვალესავდა, ზოგს წვერს ან რამეს გაუსწორებდა, სამაგიეროდ გადასახადს ვაძლევდით, ან ქვე თუ უშველიდით ჩვენც“ (ს. სადმელი, დიანოზ შარაშიძე).

წარმოების ტექნიკის თვალსაზრისით რკინეული „ხელადის“ ავკარგვიანობა ჯერ გადუღებაზეა დამოკიდებული და შემდგომ წრთობაზე. არც ერთი და არც მეორე სასურველ შედეგს ვერ აღწევს იმ შემთხვევაში, თუ შესაფერისი ნახშირიც ხელს არ უწყობს ამ საქმეს. დუღილის დროს რკინა იწმინდება მთელი რიგი ნერთობევი ნივთიერებისაგან. დაწმენდა-დახალასების ნორმალური მსვლელობა დამოკიდებულია ნახშირსა და რკინეულის მკეთებელზე. მკეთებელი, მოხელე მკედელი გახურების ხარისხით ატყობს, თუ როგორ მიმდინარეობს დუღება. გამოცდილებით იცის, თუ გახურებული შანთი რკინა, როდის რა ფერს გამოსცემს. ფერის საშუალებით მშვენივრად იცის, რამდენად წესიერად და მართებულად მიდის დუღილი და რაღარა დროს უნდა გადმოიღოს და დაკვეროს შანთი.

რაქის მკედლობაში რკინის შერივისად დუღებას მთავარი ყურადღება ექცევა. ამ მხრით ზოგიერთი საყურადღებო დაკვირვებანი აქვთ. მაგ., როცა რკინა ცეცხლში ხურდება, მისი კანი და გული არა თანაბრად, სხვადასხვა ხარისხით ხურდება; კანი რომ „მოსულია“, „გული“ უმი რჩება. ამ შემთხვევაში მიმართავენ შემდეგ საშუალებას: მომზადებული აქვთ წინასწარ გაცრილი სილა, რომელსაც დააყრიან ნაწილობრივ გახურებულ რკინას. უკანასკნელი სიმხურვალეში ადვილად მიიკრავს ამ სილას და შემდგომ განაგრძობენ საქირო ხარისხამდე გახურებას. სილა იცავს გარე კანს ქარბი გახურებისაგან და გულისა და კანის თანაბრად ადუღების საშუალებას იძლევა. რკინის სადღულარ საშუალებად გამოყენებულია ამასთანავე „ქვამარილი“, ისე როგორც ეს ქართლშიაც იციან (სახელდობრ ბორჯომის ხეობაში).



ამ მიმართებით ნახშირის როლი დიდია, რადგანაც სხვადასხვა სახის ნახშირის სხვადასხვა გვარად მოქმედებს რკინის დუღების ფიზიკო-ქიმიურ მოვლენებზე, ამიტომ ნახშირს საგანგებოდ სწვავენ და არჩევენ. მასზე ბევრად არის დამოკიდებული რკინის „ხელადის“ ხარისხი. რკინეულის ტანთელობა და ვარგისობა შერივისი დუღებისა და ნახშირის საქმეა, ხოლო ფხა და სიმტკიცე, ამასთანავე წროთბაზეა დამოკიდებული. ხარისხიანი რკინეული პროდუქტის დამზადების საქმეში წროთობას უპირველესი ადგილი უჭირავს რაჭის მკედლობაში. წროთობა თავის მხრით მოითხოვს გარკვეულ წესებს: 1. წყალში ჩაშვების ხერხი, 2. სიხანგრძლივე, 3. გახურების ხარისხი, 4. მღვრიე და წმინდა წყალი. ეს წესები გამოიყენება თავის ადგილას იმისდა მიხედვით, თუ რას აკეთებენ და რა მიზნით.

## II


აღსანიშნავია ის გარემოება, რომ წედისის რკინის წარმოებაში ქვემო-რაჭა, როგორც ცნობებით ირკვევა, გარკვეულ მონაწილეობას ღებულობდა, როგორც უმი ლითონის, ისე შუა „ხელადის“ მიღების სახით. სიტყვიერი ცნობებით, კიდევ უფრო აღრე მათ საკუთ. რკ. ნედლეულის კერებიც ჰქონიათ. ეს გარემოება გვაფიქრებებს, რომ მკედლობის დარგი რაჭაში, გყრდნობოდა რა საკუთარ ნედლეულის კერებს, ძველიდანვე ფართოდ ყოფილა გავრცელებული. რაჭას თავისი რკ. პროდუქტი გაჰქონდა იმერეთში, ქართლში და ლეჩხუმში.

ს. ორბელში მკედელმა ყურაშვილმა გარკვეულად მიგვითითა, რომ ძველად ჩვენს მამა-პაპათ რკინა რაჭიდან მოქონდათო. ეს ცნობა მეორე მხრივაცაა საყურადღებო. რაჭიდან რკინის უკედლურად გატანა თვით რაჭაში ვერ დავამოწმეთ.

რამდენად სარწმუნოა ეს ცნობა შემდეგმა შემოწმებამ უნდა ნათელყოს. მკედლობასთან დაკავშირებით უნდა აღინიშნოს წედისის რკინის დამუშავების ცალკეულ მომენტები. მას შემდგომ, რაც „ქვაწითელას“ მაღარო ჩამონგრეულა და იქიდან ლითონის გამოტანა შეწყვეტილა, დაუწყიათ რკინის დამზადება ძველი რკინეულიდან. აგროვებდნენ ძველ ნამტკრევ რკინეულს, მას გაურევდნენ ცოტას „ლილს“ (ქვაწითელას ლითონის ნაღობს) და საწურ ქურაში დაადნობდნენ და გამოყავდათ რკინა. ამ წესით დამზადებულ რკინას „ნაჭდი“ ეწოდებოდა, ხოლო თვით დამზადებას—„მონაჭვდა“. ამ მიზნით უტილ-ნედლეულს შეგროვების გეოგრაფიული რადიუსი ქართლს აღწევდა („მეჯვრის ხევამდი მივდიოდით, ნაკვეცი რკინა ჩამოგვქონდა იქიდან“, ს. მაისურაძე).

ამ გარემოებას ნიშანდობლივად უნდა ასახედეს ერთი საყურადღებო თქმულება, რომელიც ქართლის ეთნოგრაფიული ექსპედიციის მუშაობის დროს აღნიშნულ იქნა ს. მერეთში. მიხეილ ზაქარიას ძე ელიაშვილმა, რომელიც ურემს უძლოდა, კამეჩების დალლასთან დაკავშირებით ასეთი თქმა გამოიყენა:

„ჰე, შე კაცო, წედისი დაიწვა, რაც იმას ბერვა ჰქონდა“. ძველი ანდაზა არის, უმანდელმა ხალხმა იცოდა. რო ვეტყოდით კაცს—საწყალი რათა





ხარო გვეტყოდა—ჰე შე კაცო, წედისი დაიწვა, რაც იმას ბერვა ჰქონდაო, დიდი გაჭირვება გამომივლია და მა რა მომივიდოდაო“. ეს საინტერესო თქმა, ანდაზად ქცეული, საყურადღებოა, როგორც რაქა-ქართლის ურთიერთობის ისე წედისის რკინის დამუშავების საკითხის გასარკვევად.

წედისში დამოწმებულ იქნა კიდევ რამდენიმე რკ. ლითონის ჯიში, მაგ.: „კობიკი“, „შავი ლითონი“ და სხვ. პირველი იყო ყვითელი ფერის, მაგრამ „გორგინდა“-საგან განირჩეოდა თვისებით და ფერით. „მეორე კი იყო წმინდა ლითონი, რომელსაც ყველაფერი თავისი ყოფნიდა. ამას გარდა წედისის თავზე იყო „სამიწალები მადანი“. იმითი ჩოხებს და შალებს ვლებავდით, ჯერ დაეყვითლებდით ვაშლის და თხემლის კანში და მერე იმათში შავად ვლებავდით. ეს ლითონი მთელ რაჭას და რა ვიცი ვის არ მიქონდა“<sup>1</sup> (100 წ. თაზო მაისურაძე).

უქანასკნელ მადნის გარდა ს. ქვედის ადგილებში ყოფილა ერთი დიდი მალარო, საიდანაც ძველად გამოჰქონდათ ერთგვარი მიწა, რომელსაც „საპირი მიწა“ ეწოდებოდა. ამ საპირი მიწას ნაყავდნენ და მითი კალოებს პირს უსწორებდნენ. „სამი დღის ნაწვიმარი რომ ყოფილიყო ერთ საათში შრებოდა მით პირმოგებული კალო“ (სპილო მაისურაძე).

კალოს მომიწვასთან დაკავშირებით რაჭის ეთნოგრაფიულ სინამდვილეში დამოწმებულია „კალოს მოპირვის“ საინტერესო წესი, რომელიც ლეწვასთანაა დაკავშირებული. ვიდრე ლეწვას იწყებდნენ ორი დღით ადრე საქონლის ახალ პატევს გადაწმენდილ კალოზე წყალში გახსნიან და ცოცხით ან ნიჩბით ამ ხსნარს „მოარონიებენ“ მთელ კალოზე. ხსნარი ავსებს ოღრო-ჩოღრო ადგილებს, პირს უკრავს და უსწორებს კალოს, რითაც კალოზე მარცვლის დანაკლისს ამცირებს. ამ პროცესს ეწოდება „მოპიტვლა“, ხოლო ხსნარს „პიტელი“. მოპიტვლა ძირითადად ისე, როგორც მოყინულზე ლეწვა, მიზნად ისახავს ლეწვის დროს მარცვლის დანაკლისის მინიმუმამდე დაყვანას.

ფაქტიური სინამდვილეა, რომ რაჭაში, ისე როგორც მრავალ სხვა კავკასიის ეთნიკურ ჯგუფებში, ერთი გვარის რამდენიმე ოჯახისათვის—„განაყოფის“, „ჩენიანი“-სათვის შერქმეული აქვთ წინაპრის სახელი და როცა სურთ ამა თუ იმ პირის ჩამომავლობითი განსაზღვრა პირველ რიგში იხსენიებენ ამ სახელით და არა გვართ: ყაყენი, ცირანი, მამუჩიკაანი, მჭედლიანი და სხვა.

ამათგან ჩვენ გვინტერესებს „მჭედლიანი“. მჭედლიანნი არიან: ლებს, გლოლას, ქიორას, უწერას, ქვედს, წედისს, ძველეს, საკაოს და მრავალ სხვა სოფელში. საყურადღებოა, რომ მათ მიაკუთვნებენ ჩამომავლობით მჭედელს. ჩენი ძველი იყო მჭედელი და ამიტომ მჭედლიანთ გვეძახიანო.

<sup>1</sup> საღებავებში აღსანიშნავია აგრეთვე ხის ტუტუნი, რომელსაც ეწოდებოდა „კალიქა“. ხე რომ დაფუტუროვებოდა შეუნთებდნენ ძირიდან ცეცხლს და იმ ხიდან იღვენთებოდა ერთგვარი წვენი, რომელიც გაცივების შემდგომ მაგარ და ჩონჩხიან სხეულად იქცეოდა. ნაცრის ფერი და ზორკლებიანი იყო. ამას იყენებდნენ საღებავის დასამზადებლად. კურჭელში გახსნიდნენ და შემდეგ იდვა ჩაკვეთილი „ღედასავით“, ანუ „ძირად“.



ეს მოვლენა საინტერესოა ჩვენთვის, როგორც საერთოდ გვართა გენიალოგი- ისა, ისე საკუთრად მკედლობის, როგორც ფართოდ გავრცელებული ხელობის, ზოგიერთი საკითხის გასარკვევად.

იმ გარემოებას, რომ მკედლებს მთელი სოფელი ან მცხოვრებთა ერთი ჯგუფი წლიურად ურიდებოდა, ხოლო მეორე მხრით ისინი მონაწი- ლეობას ლეზულობდნენ მკედლობის საქმეში ამათუიმ სახით—მკედლობის სა- ყოველთაო ხასიათისა და კოლექტიური წარმოების საწყისებამდე მიყვავართ.

სოფელ ჭიორას უქანასკნელ წლებამდე შემორჩა ჩვეულება სახალხო დღე- ობის სახით, რომლის დროსაც, საღამოს ჟამს მთელი სოფელი კომლზე ერთ დიდ ნაკოდ შეშას გამოიტანდა სოფლის შუა ადგილზე, „სანახშოზე“. შეშას დაციხავდნენ გარდიგარდმო. თითოეული ნაკოდის მომტანი გუნდური შეძახილე- ბის „დალოცოს“ შემდგომ დადებდა ნაკოდს და თავადაც მიერთოდა ხალხს, ანუ გაეროდა ჯარში. მოტანის პროცესი გრძელდებოდა ვახშობამდე, შემდგომ კი ვისაც ძალა შესწევდა, მამაკაცთაგან შეგროვდებოდნენ და დაუე- ლიდენ კარი-კარ სოფელს და „დიდება ბძანეს“ იტყოდნენ. დასალოცავი გამო- ჰქონდა მცხოვრებს ღვინის და ფულის სახით. ამრიგად შეგროვებულ ღვინოსა და პურს დაიმარაგებდნენ. განთიადისას შეშის ხორას ცეცხლს წაუკიდებდნენ და მეორე დღემდე ვიზვიზებდა ვებერთელა კოცონი. ცეცხლს გარშემო მოუ- სხდებოდნენ და იყო ერთი ქეიფი. მეორე დღეს დაცვენილი ნახშირი მიჰქონდა მხოლოდ მკედელს, სხვისთვის „არ ვარგია“ იყო.

შესაძლებელია ამ ჩვეულებაში შემონახული გვქონდეს გადმონაშთის სახით მკედლობის საზოგადოებრივი ხასიათის მოვლენების ფაქტები, რომლებიც შეიძ- ლება სიმბოლური ანარეკლნი იყვნენ იმ რეალური პროცესებისა, რომლებიც წედისის რკინის საზიარო დამუშავებაში და ნახშირის დაწვაში გვხვდება ხოლმე.

რაც შეეხება მკედლის საზოგადოებრივ მდგომარეობას, მოცემული ეთნო- გრაფიული მასალის მიხედვით, ირკვევა, რომ ამ შემთხვევაში მკედლობა რო- მელიც უმთავრესად ნატურალური მეურნეობის შინამრეწველურ წესებს ეყა- რებოდა, ძირითადად გამოყოფილი არ იყო მეურნეობის სხვა დარგთაგან, ამდე- ნად მკედელი საზ-ივ ორგანიზაციაში ასრულებდა დამხმარე როლს, საზოგადოე- ბის მიერ ის როგორც მოხელე მკოდნე კაცი ფასდებოდა და პატივისცემდნენ, ზოგიერთ შემთხვევაში მიაჩნდათ იგი „ზეკაცური“ ძალისა და უნარის მქონედაც. მისი სიტყვა და მოქმედება რატომღაც ჩვეულებრივ ადამიანზე უფრო მეტად სჭრიდა. ყველა ცდილობდა საწყენად არ გაეხადა მასთან საქმე და როგორმე მდღეიერი ჰყოლოდათ იგი. მისდამი მოკრძალება და რიდი იმავე რიგის მოვლენად მიგვაჩნია, როგორიცაა გლაზა თვალის, გლაზა ფეხის, გლაზა, ანუ უბედური ნა- თქვამის კაცისადმი განწყობა, რომელიც ზოგიერთ რწმენებზეა დამყარებული.

პირველ შემთხვევაში მკედლისადმი თავის სიყვარულს და პატივისცემას საზოგადოება იმით გამოხატავდა, რომ მას სათემო დღეობების დროს უგზავ- ნიდნენ მოსაკითხს, ძღვენს და თან უსურვებდნენ დღეგრძელობას; ჩვენი მკე- დელი ხარ, გაამოსო, ეტყოდნენ ძღვენის მიმტანნი. ძღვენი შესდგებოდა—ერთი



ყანწი ლენისა, ხაკაპურისა და ხორცის ნაჭერისგან. სხვა მხრივ მას საზოგადოებრივ ვითარებაში რაიმე უპირატესობა არ ეკუთვნოდა.

მეორე შემთხვევაში მკედლის მიერ უბრად გაქედლილი რკინეული მაგიური ძალისა იყო და მას ამულეტად იყენებდნენ. მკედლის ნათქვამი გაფრთხილება—„დაუტდელი“ იყო, უთუოდ აუსრულდებოდა მას, ვიზედაც და რაზედაც ის დაჟინებით რამეს იტყოდა; ხოლო მკედლის „გადაცემული“ კაცი თავის დღეში ვერ გამოვიდოდა ამ რისხვისაგან და მამიდან შვილზე გადადიოდა. იშვიათად მაგრამ მაინც მკედელს აქა-იქ კუდიანობასაც სწამებდნენ და მას „მამნებელს“ უწოდებდნენ. იმას ერთი სული და ხორცი არ უდგასო—იტყოდნენ. მკედელი მიუხედავად ამ თილისმური ძალის ქონებისა, თავადაც დაშინებული და უძლური იყო სხვა „მჩხიბავთავან“ თვალნაცემისა და ნათვალყბისაგან, ავი ფეხის და ავი თვალისაგან, ხელნაქცევისა და ხელნაკრავისაგან. „დამზნილი“ ქონდა, როდის ვასი ნათქვამი, წინდახლომა და ფეხი და თვალი, რას უქადდა. ამიტომ საწინააღმდეგო საშუალებებს მიმართავდა. აარიდებდა თვალს ყველა ამათ, რამდენადაც ეს მოსახერხებელი და შესაძლებელი იყო. თუ ეს არ გასჭრიდა და ხელი „გაუდგებოდა“, ხელის მოსაბრუნებლად ექვმიტანილი კაცის ტანისამოსს წაგლეჯდა, ჩუმად მოპარავდა, „ხელს უქცევდა“ და მით გააბათილებდა იმ ძალას, რომელმაც მას ხელი შეუკრა. თუ ესეც არ გასჭრიდა, მიმართავდა „გამკითხავ“-ს და მისი რჩევისამებრ მოიქცეოდა. ჩვეულებრივად იცოდნენ „თვალის შელოცვა“, რომელსაც ასრულებდა ვინმე ცნობილი მოხუცი ქალი.

მკედლებს ჰქონდათ თავისი დღეობა ბოსლობა ღამეს.

ამასთანავე საჭიროა დასახელებულ იქნას ზოგიერთი საყურადღებო მოკლენა, რომელიც შემონახულა რაჭაში. ასეთი არის ძველი წესი დიდი ქვის, ლოდების დაპობა, ანუ დახეთქა გახურებისა და შემდგომ მასზე წყლის დასხმის საშუალებით. როდესაც ქვა ზომაზე დიდი იყო და მას არსებული უბრალო იარაღებით ვერაფერს დააკლებდნენ, ამ შემთხვევაში მიუნთებდნენ ცეცხლს, გაავარვარებდნენ და ერბაშად ამსხვრევდნენ წყლის დასხმით.

ასევე საყურადღებოა მეორე ფაქტიც.

ს. გლოლაში და სხვაგანაც ზ.-რაჭაში სკოდნიათ კოლექტიური ურო-საცემის გაკეთება, რომელიც რამდენიმე კაცის ძალის გაერთიანების პრინციპზე იყო აშენებული. უროს სახელად „საბერავი“ ერქვა. იგი წარმოადგენდა მუხის მრგვალ მორს, რომელსაც თავებზე ჩაბმული ჰქონდა გრძელი ღვლექის სახელურები. ამგვარი უროს შემწეობით ადვილად აპობდნენ დიდ ხეებს.

რ. ხარაძე

## პირიქით ხევისკურთხევაში მივლინების წინასწარი ანგარიში

8 ივლისს გავემგზავრეთ თბილისიდან ბარისახოში, პირიქით ხევისკურთხევაში გადასასვლელად.

ჩვენს მიზანი იყო 1938 წელს პირაქეთ ხევისკურთხევაში დაწყებული ხევისკურთხევა რეკონსტრუქციისა და კერძოდ მასთან დაკავშირებული ნათესაური ურთიერთობის შესწავლა.

ბარისახოში მისვლის პირველ დღესვე მოვხვდით მიცვალებულის რიგებზე. ხევისკურთხევის ზოგიერთ სოფლებში აქა-იქ ვერ კიდევ მიცვალებულის რიგები და დატირება ძველი, დრომოკმული წესით ტარდება.

მიცვალებულის სახლში ბანზე, ხდება ტალავართ დატირება. ტირილში მხოლოდ დედაკაცები იღებენ მონაწილეობას, მრგვლად უხედან გაშლილ ტალავარს და გარიგებულ სუფრას. სოფლის ქალ-ზალს ტალავართ დატირების დროს, მძივებით მორთული არაყიანი ბოთლები მოაქვთ, რომლებსაც იქვე ტალავართან სდგამენ. ხშირ მატირალი ხმაღზე დაბჯენილი იწყებს მოთქმას. ეს უკანასკნელი მორიგეობით იცვლება და ვისაც მატირლები დასახელებენ, ხმალიც მას უნდა გადასცენ.

მიცვალებულის ახლობლები: დები, შვილები, ჩვეულებრივად არ არიან ხოლმე ხშირ მატირლები. ცოლი კი საერთოდ ვერ დაიტირებს ქმარს. ის მატირლებში ვერც-კი დაჯდება და მოსულების პატივისცემას და კერძოდ არაყის დარიგებას უნდება.

ტალავართ დატირების დროს იწყება დოლიც. დოლში უნდა გარიონ ცხენი დედოცმეგმა, დედით და მამით შინშებმა, მეზობლებმა, ნარევეგმა. მიცვალებულის ცხენს შეკაზმულს ამ დროს ტალავართან მიიყვანენ, გარიგებული ტაბლიდან რძეს შეასმევენ, პურს შეაქმევენ, არაყს დააღვინებენ და შემდეგ სხვა ცხენებში გაურევენ. ამ ცხენზე შეჯდომა მამად-კაცობიდან ერთერთს შეხვდება.

დოლის ცხენი უბელოა, ღვედი აქვს მოსართავის მაგივრად შემოჭერილი. ფაფარი დაწნულია წვრილ-წვრილ ნაწნავებად და ბოლოები შეკრულია წითელი ფერის ნაჭრებით.

რიგების დროს ფოტოგრაფიულად გადავიღეთ ყველა მომენტი, მაგრამ წვიმის გამო ზოგი მათგანი და კერძოდ დოლი ვერ გამოვიღა.



9 ივლისს ისევ მკვდრის რიგებზე ვიყავით და მხოლოდ 10 ივლისს წყებულმა ზრუნვამ პირიქით ხევესურეთში გასამგზავრებლად, შესაძლებელი გახდა 11-ში დილით ჩვენი ბარისახოდან გასვლა.



სურ. 1. სოფ. ბარისახო, აპარეკა არაბულის „რიგების“ სურათი.

მარშრუტი ავირჩიეთ შემდეგი:

ბარისახოდან ველკეთილის გადასავლით ლებაისკარში. აქედანვე შემოვი-  
არეთ სოფ. ქეჭყეთი და კისტანი.

სამივე ეს სოფელი ჯინქარაულეებითაა დასახლებული.

ლებაისკრელნი ძველ მამად მამისაურებად იწოდებიან და თავის  
შიგნით კიდევ ახალ მამებად იყოფიან: ა) ბოსელანი და ბ) გვიანაურნი. ქე-  
ჭყეთელნი ერთ მამად კაცებს შეადგენენ და ბაბკიაურებად იწოდებიან, ხოლო  
კისტნელნი ძველ მამათა მიხედვით ობოლაურებად ითვლებიან და ახალ  
მამად კი შემდგენაირად იყოფიან: ა) ბულეთაუნი, ბ) ათანდილანი, გ) ივანი-  
კანი, დ) მგელიკანი, ე) ჯულურანი.

ლებაისკრიდან გადავედით გიორ-წმიდაში, რომელიც უკვე გოგოჭურების  
სამოსახლოს წარმოადგენს. გიორ-წმიდა ცალკე უბნებისაგან შედგება; ტბა-  
თანა, საღუტე, ორწყალი, ამუგა, ხოლისკალუა, დენილა, ხორუ და ქვენ-ბოსელი.  
სოფ. გურო, რომელიც გიორ-წმიდიდან 7—8 კილომეტრითაა დაშორებული,



გიორ-წმიდელების ძველ სამოსახლოს წარმოადგენს და ამიტომ დედებს გუროელებსაც უწოდებენ.

გუროელი გოგოჭურები ძველ მამათა მიხედვით იყოფიან:

A. ბაჩაყურად და B. ახურად, თათუანი, წიქანი და ბათირანი ახურათა ქერხოსანების ჯგუფის ახალ დაყოფებს წარმოადგენენ. სადარანი, დევანი, ბათაკიანი, კანათანი და თამარისძენი ახურათა სუიკანების ჯგუფს ეკუთვნიან. ბაჩაყურნი კი თავის შიგნით აღარ იყოფიან.

გიორ-წმიდელები წლის განმავლობაში საქონლის საძოვრებზე გადაყვანასთან დაკავშირებით ორჯერ იცვლიან ბინას: ივნისის შუა რიცხვებიდან დაწყებული, აგვისტოს შუა რიცხვებამდე საზაფხულო ბინაზე არიან, დანარჩენ დროს კი საზამთრო ბინაზე ატარებენ.

ახალ-მამად დაყოფის მიხედვით გიორ-წმიდელების საზამთრო და საზაფხულო ბინადრობა შემდეგ სურათს იძლევა:

1. თათუანი—ზამთარში დენილაში და სადუცეში, ზაფხულში—ისართლეში;
2. წიქანი—ზამთარში სადუცეში, ზაფხულში ხორანულთაში;
3. თამარისძენი—ზამთარში ორწყალში, ზაფხულში ვიროანაზე;
4. სადარანი—ზამთარში ორწყალში, ზაფხულში ვიროანაზე;
5. დევანი—ზამთარში ორწყალში, ზაფხულში ვიროანაზე;
6. ბათირანი—ზამთარში ამუგასა და ხოლისკალუაში, ზაფხულში—ვიროანაზე და გუროში;
7. ბათაკიანი—ზამთარში ამუგას და ხოლისკალუას, ზაფხულში—ვიროანაზე და გუროში;
8. კანათანი—ზამთარში დენილაში, ზაფხულში—ვიროანაზე;
9. ბათაკიანი—ზამთარში ხორუში და ქვენ-ბოსელში, ზაფხულში—გუროში;
10. ბაჩაყურნი—ზამთარში ქვენ-ბოსელში, ზაფხულში—გუროში.

საერთოდ მთელი საგოგოჭურო შედგება: გუროელებისა, კორმეშიონთა, ატაბიონთა და ბურჯუტურლებისაგან, რომლებიც ძვალ-გვარად იწოდებიან, ხოლო ჯაჯაბოელნი, ბისოელნი და ჯაჯმატიონნი ჯარ-ქვაბით შამაყრილებად ითვლებიან.

გიორ-წმიდაში ჩვენ შესაძლებლობა გვქონდა დავემოწმებია ლიტერატურაში უკვე ცნობილი ე. წ. საღმერთოს გადახდა (შდრ. გაბუური, წელიწადული, ტ. I, 1923—24 წ.).

ვაჯი რომ ვან 5 წლის გახდებოდა საღმერთოს გადაუხდიდნენ. ბავშვის პატრონი ლუდს ადულებს, არაყს გამოსწურავს, ჯარ-კურეტს დაამზადებს. მამით და დედით ნათესავები, ფიც-ვერცხლ ნაქამი ძმობილი, ყველანი ემზადებიან ამ დღისათვის, არაყს ხდიან. „ველცარიელი ვერ მიოლ თავს ხარსავს ვაჟასაო“ იტყობდნენ. ხუცესი კურატს ან წვრილფეხა საკლავს დაკლავდა და სისხლის ჯვარს გაუქეთებდა ბავშვს შუბლზე, ცხვირზე და ლოყებზე. შემდეგ დალოცავდა: „მაკვას წყალობა უფალმა. შენ სამხვეწრო შაიწიროს, შენ სამეშგლო იყოს; უფალმა კაის ბედის დავლათის მაგინდინოს, კიდევ გაძმიანას,




ღმერთმა მაგვას წყალობა“. ბავშვს თავზე წყალს დაასხამდნენ და უცოლო ვაჟს სამართებლით ქოჩორს მოაპარსენებდნენ. შემდეგ დანარჩენ თმას უკვე დუქარდით გადაუღებდნენ. ამ თმას დედა შეინახავდა სიკვდილის შემდეგ მას სამარეში ჩაყოლებდნენ. საღმერთო გარკვეული რიტუალური მნიშვნელობის მქონე მომენტებით, ბავშვის სქესსა და ჰასაკთანაა დაკავშირებული. ამ დროს ხდებოდა ოჯახში ახლად შეძენილი მამრობითი სქესის წარმომადგენლის საღმერთოდ შევედრება და მისი ნაწილების სახით თმის შეწირვა.

გიორ-წმიდაშივე, უბ. ამუგაში, გადავიღეთ მკვდრისა და დალოცვილი წყარო. ასეთი წყაროები ხეესურეთში მგზავრს თითქმის ყოველ ნაბიჯზე ხდებოდა, ამ შემთხვევაში ჩვენი ყურადღება მიიპყრო წყაროს გვერდით ჩარქობილმა ფიჭვმა, რომელიც სხვაგან არ შეგვხვედრია. მკვდრისა და წყაროს დალოცვას დიდ მნიშვნელობას აძლევდნენ. ისეთ კაცზე, რომელმაც ეს ვერ შეუსრულა თავის გარდაცვლილ ნათესაზე, იტყოდნენ: „ბეჩავია, ჯერ სახელი არ დაუღებ მკვდართაო. მაგის სიცოცხლე რაითა ღირს, წყალნი კიდევ ვერ დაულოცნა მკვდარსაო“. გააკეთებდნენ წყაროს, დაუგებდნენ ღარს და თავზე ბროლებს შემოაწყობდნენ. წყაროსთან დანიშნულ დროს საკლავს მიიყვანდნენ, ტაბლას მიიტანდნენ, რომელზედაც დადგმული იყო: ერთი ხელადა არაყი, ერთი პატარა ქვაბი აღუღებული რძე, ქადის კვერები, კეცეულები და ერბოიანი ჯამი. ამას ყველაფერს იმის სახელს დაუღებდნენ ვისთვისაც წყაროა დალოცვილი: „ღმერთო დიდება შენდა, ღმერთო მადლი შენდა, ღმერთო შენგანა გაჩენილი ხვეწება კაცისაჲ, ბარება სულისაჲ, საღმერთო პურობენა, ანგელოზნი ჟამობენა, ცოდვილნი გაინანებენ, მართალნი გაისვენებენ. საცა შენ სულ მოიხსენება (სახელს იტყვიან მკვდრისას) შენ ანდაბია, შენ სამყოფოია, შენამც მაგია, შენამც მაგეჲმარება, დაყენებული ეს საკლავი, გაკეთებული ეს წყარო: შენამც განათრელებს, შენამც გაიალებს, ცოდოსამც მაგხდისა, სასჯელსაც მაგარიდებს, ენი ნათქვამსა, ჯელი ნაქნარსა, ყური განაგონარსა, თუალი ნანახსა. ეს წყაროი შენიმც საკუთონია, უწყლოთამც ნუ დარჩები! წყაროი წილ უღები ნუ იქნები! ამ საკლავითაც იმკვიდრებ და ისაკუთრებ! ზე დამრჩოთ ღმერთმა მარჯე ნუღარა დააღიროს! შენ ღმერთმა მაგაჲმაროს ეს წყაროი, ეს საკლავი, ეს სუფრაი, ეს სასმელიც! შაგინდნას მაგახმაროს ღმერთმა!“ თუ იმ მესამყოფთაგან, რომლის სახელზედაც წყაროა აგებული, მოკვდებოდა ვინმე, მაშინ საკლავის დაკვლა აღარ იყო საჭირო. ტაბლას ვააწყობდნენ, არაყს გამოხდიდნენ და იმავე წყაროს ღარს გამოუცვლიდნენ; ფიჭეს კაპებს ჩამოსჭრიდნენ, დაამოკლებდნენ, თავზე კი კარხხას გაშლილს დაუტოვებდნენ, და იქვე გვერდით წყაროსთან ჩარქობდნენ.

ამის შემდეგ ხელახლა დალოცავდნენ მკვდრისა და წყალს. უცხო კვდრისათვის კი ძველი წყაროს დალოცვა არ შეიძლებოდა.

ჩვენ მიერ გადაღებული წყარო პირველად კანეშა გოგოჭურის სახელზე აგებული და დალოცვილი ყოფილა, შემდეგ ხელახლა მისი შვილის გიგოს სახელზე დაულოციათ, ხოლო მესამედ—მისი მამად შინშის ბათირას სახელზე და ფიჭვიც მაშინ ჩაურქვიათ. ამგვარად, წყალნი გარკვეული მკვდრის სახელზე ილოცებოდა, წყარო კი რჩებოდა მთელი სამოსს მკვდართა მოსახსენებლად.





სურ. 2. სოფ. გიორ-წმიდა, „მკვდრისად დალოცვილი წყარო“.



შემდეგი ჩვენი მარშრუტი სოფ. შატილისაკენ მიიმართებოდა (სურ. 3). შატილი, სურ. 3). შატილი ძირითადადში ჯინქარაულეებითა და სახლებული, რომლებიც თავის შიგნით შემდეგნაირად იყოფიან:

ძველ მამებად: 1. უთურგაულნი და 2. გილიკაურნი. უთურგაულნი ახალ-მამებად: ა) ჯალაბაურნი, ბ) გილიკაურნი, გ) ბილაურნი, დ) შაბურანი, ე) მანგინი.

გილიკაურნი: ა) გოგოთურანი, ბ) ბაგრატაულნი, გ) ბეკოურნი და დ) თიყაურნი. ყველანი საჯინქარაულოს შატილიონთა ჯგუფს შეადგენენ.

ჯინქარაულეების გარდა შატილში სახლობენ ანატორელნიც, რომლებიც ლიქოკელებისაგან წამოსულებად ითვლებიან. მათთან არის დაკავშირებული-გადმოცემა ანატორის ეკალ-დამების გაჩენის შესახებ.



სურ. 3. სოფ. შატილის საერთო ხედი.

გადმოცემის მიხედვით ანატორელნი ლიქოკიდან გადმოსახლების შემდეგ სოფ. ანატორში სახლობდნენ. ჟამიანობის დროს ყველანი გაწყვეტილან და მხოლოდ ერთი პატარა ბიჭი გადარჩენილა, რომელსაც თავი შეუფარებია ჯონეს მთავარ ანგელოზის ხატში.

შემდეგ ის თუშეთში გაქცეულა და იქიდან შატილელ კაცს ისევ თავის ნასახლარზე მოუყვანია. მის ნაშიერად ითვლებიან ეხლანდელი ანატორელნი.

ანატორში ჩვენ დავათვალიერეთ სამი ეკლდამა; ერთი მათგანი (იხ. სურ. 4) გზის პირად მდებარეობს და ამიტომ ტურისტების დათვალიერების მუდმივ ობიექტადაა ქცეული და საკმაოდ განადგურებულია.

ეკლდამა სავსეა ჩონჩხის ძვლებით, რომლებზედაც შემხმარია ხორცისა და ტანსაცმლის ნაწილები. ჩონჩხის ძვლები ეკლდამის შიგნით ორრიგად გაკეთებულ ქვის საწოლებზეა დაწყობილი, ზოგჯერ მოკრუნხული და ზოგჯერ გაშლილი ჩონჩხის სახით. ინვენტარი, რომელიც ჩვენ ამ ეკლდამიდან ამოვიღეთ შეიცავს: ხის აკვანს (იხ. სურ. 5), ხის 2 ჯამს, ბავშვის ჩითის



სურ. 4. ანატორი, „ეკლდამა“.


კაბის ნაგლეჯს, ჯვალოს ტანსაცმლის ნაგლეჯს და შავი ტყავის ფეხსაცმლის-ჯლანის ცალს. მეორე ეკლდამა-ასევე ქალისა და ბავშვის ჩონჩხის ძვლებისაგან უნდა შედგებოდეს, სადაც ასევე აღმოჩნდა ხის ორი აკვანი (იხ. სურ. 6). მესამე ეკლდამა მამაკაცთა სამარხს უნდა წარმოადგენდეს, საიდანაც ჩვენ წამოვიღეთ მამაკაცის მომწვანო ფერის ჯვალოს პერანგის ნაგლეჯები.

ძვლების უმრავლესობა ერთმანეთში არეულია. საერთოდ, როგორც ჩანს, ეკლდამები არაერთხელ ქცეულა გადაჩხრეკის საგნად, რათქმაუნდა, უცხო პირების მიერ, რადგან ადგილობრივი მოსახლეობა მათ ახლოს არ ეკარება. ამავე ეკლდამებიდან ადგილობრივ მასწავლებელს ქუთაისის მხარეთმცოდნეობის მუზე-

უმისათვის გადაუცია მთელი რიგი ნივთები, რომელთაგან თითონ ასახელებს სამაჯურს, აკვანს, ჩონგურს და სხვას.

მთლიანობისათვის სხვა აკლდამების აღწერაზედაც აქვე შევიჩრდებით.

მუცოს ძირში დავათვალღირეთ 4 აკლდამა, რომლებიც უზღარაულთა ეკალდამებად ითვლება. 2 მათგანი სარკმლიანია, 2 სრულიად დახურული, უსარკმლო. აკლდამების თანმიმდევრობა ტერასულია. პირველ აკლდამაში (ქვე-მოდან) ჩონჩხებისა და თავის ძვლების ნამტვრევების გარდა არაფერია. ინვენტარიდან შეგვხვდა მხოლოდ ერთი ხის ჯამი. მეორე სარკმლიან აკლდამაში, რომელიც ტერასული თანმიმდევრობით მეოთხე იქნება, ენახეთ ერთი თავის ქალა ტრებანაციის ნიშნით. აქვე ვიპოვეთ ხის ჯამის პატარა ნატები.



სურ. 5. ანატორი, I აკლდამიდან ამოღებული აკვანი.

არდოტის აკლდამების უმრავლესობა ჩაქცეულია და სპეციალურ გათხრებს მოითხოვს ისე, როგორც ყველა სხვა აკლდამა, რომლის სიღრმეში შეიძლება იყოს ნაპოვნი საინტერესო ნივთები, რადგანაც დროთა ვითარებაში და მუდმივ გადაჩხრეკაში აკლდამის ინვენტარი არეულია და მიწითა და ქვებითაა დაფარული.

ჯონის-კალელი მცხოვრები როსტომ გაგასძე შეთეკაური შემდეგს გამოგვცემს აკლდამების შესახებ:

„სადაც კი ძველად მოსახლეობა იყო, ეკალდამა ყველგან უშენებიათ, რადგან ძველ დროი მიწაჩი არ უმარხავთ. ჟამიანობა ძველად 7 წელჩი ერთხელ ყოფილა და დამარხავი რომ არავინ დამრჩალა, ამიტომ ეკალდამებში ცოცხლებ შესულან. მერე უთქომ, რადგან ჩვენი მამა-პაპა აქ მარხიანო, კვდრე-



ბიც აქ უზიდნავ. ჯამებით საკმელი უზიდნავთ, ბავშვებიც აკავანით მიტყუნავენ. აი ძველ დროში ჩემს ხსოვნობაში დედა ყოფილა აკავანზე გადაწოლილი, ძუძუ ბალღისათვის პირში მიცემული და ისე გაშეშებული. ჩონგურიც ყოფილა, გვამებიც დაუშლელ, სუდარში გახვეული იყო. ეკალდამეები ანატორში, მუტუში, არდოტში არის. გამიგონავ არხოტშიც იყო. მითხოში მგონი ორასი ეკალდამაც უნდა იყოს.

ძველ დროში ფარჩას ეხმარობდით სუდარზე, დედა ჩემს სამი ფერის ფარჩა, თეთრის, წითლისა და ლურჯის ფერისა ჰქონდა შენახული. აქედან სამ პერანგს შეკერავდნენ და შიგნით ჩააცმევდნენ: საკვამში შეჰქონდათ და მერე ჰხურავდნენ საკვამს“.

არდოტელი მეიდა მურღოე ეკალდამეების შესახებ შენიშნავს: „არდოტის ეკალდამეები, სანამ მურღოეები და ზვიადურები დასახლდებოდნენ, მანამდე ყოფილა აშენებული, შემდეგ იქ ჩვენებსაც უმარხავ. სანამ ზვიადა და ლავაზა ბარჩი არ წასულა, ერწოს ყოფილან, და მერე, რომ მოსულან, უთქომ, ტყუილად შეგაქვთ კვდარი ეკალდამეები, მიწაში უნდა დამარხოთო“.

## მიხუალნი

პარაე საპოჩი, პირაპირი



მიტუელთა განსახლების სქემა


ასეთია ზოგი ხვესურის მიერ გადმოცემული ცნობა აკლდამების შესახებ.

შატილიდან შემდეგი ჩვენი მარშრუტი იყო მუცო ანუ მიკუ. ძველი მუცო ამჟამად მხოლოდ ნასახლარს წარმოადგენს. ამ 30-35 წლის წინათ დაწყებული იქიდან გადმოსახლება, რის შედეგადაც ძველი მუცოს მახლობლად ახალი სოფლებია გაშენებული: კონის-ქალა, ვარლე, წუქეიო, სამლორი და პირდაპირი (იხ. სქემა).

ძველ მუცოში ქისტების მოსახლეობაც ყოფილა, რომელიც შემდეგში გამრავლებულა და მუცოდან გადასახლების შემდეგ ბაყაწეხში, ენარში და ხონეში დაბინავებულია. ამჟამად, ძველი მუცოს ერთადერთ მოსახლეს ქისტი სუბი ბორჩაძე წარმოადგენს. ქართულად კარგად ლაპარაკობს. საერთოდ მუცოს მცხოვრებმა ქისტებმა ქართული არ იცოდნენ, ხოლო იქაური ხვესურები კი ყველანი ლაპარაკობდნენ ქისტურად, ქალებიც კი. საზამთრო ბინები მუცოელებს ქისტებთან ერთად ხონეში აქვთ აშენებული. ათენგენობის დღესასწაულზე (რო-



მელსაც ჩვენ 28 ივლისს (დავესწარიტ) ყველა მორწმუნე ერთად იკრიბება ჯონეს მთავარ ანგელოზის ჯვარში. ქისტებს თავისი საკლავი მოჰყავთ ხეესურების ჯვარში



სურ. 6. ანატორი, II აკლამიდან ამოღებული აკვანი.

ბობს: განთქმული გმირი თორღვაჲ ქართველი თავადისა და ქისტი ტყვე ქალის შვილი ყოფილა. ერთხელ ქისტებთან ბრძოლის დროს თორღვას ტყვე წამოუყვანია და მუცოში დაუსახლებია. მის შთამომავლობას ხეესურეთში ყაჩაღობა დაუწყია. არდოტელებს, მიცუელებს და ხახაბოელებს ისინი დაუხოციათ და მხოლოდ ერთი ფეხმძიმე ქალი და გადარჩენილა, რომელსაც ხახაბოში დედიძემები ჰყოლია. დედიძემებს ქალი თავის სახლში წაუყვანიათ. აქ ქალს ვაჟი შესძენია. ეს ბავშვი რომ დაეაყვაცებულა, მიცუში თავის მამა-პაპათ ძველ ნასახლარზე მოსულა, იქ დასახლებულა და მის შთამომავლობას, როგორც დისავან გამრავლებულს, დაიბაჲრი დარქმევია.

მიცუელებიც საჯინქარაულოში შედიან, მაგრამ თავის შიგნით ისევ ნარეგ ვვარს წარმოადგენენ, რომლებიც სამ მამად იყოფიან: შეთეკაურნი, დაიაურნი და გიონი, რომლებიც სხვადასხვა წარმოშობის არიან (იხ. სქემა).

შემდეგი ჩვენი მარშრუტი იყო არდოტი.

არდოტი შედგება ძველი არდოტისა და შემდეგ გაშენებული სოფლებისა ანდაქისა და არქილოსავან. გადასახლება ამ ორმოცდაათი წლის წინათ დაუწყიათ. ძველ არდოტს გამოყოფილი აქვს უზნის სახით ე. წ. აივნი. საზაფხულო ბინა არდოტელებს კიდევ უფრო მთა ადგილასა აქვთ მოწყობილი, რომელსაც ბახაოს ეძახიან.

და ხეესურის დასტური სწორაეს მას ხატს (იხ. სურ. 7, 8). დაკლულ ბატკანს ქისტები უკვე თითონ ატყავებენ და ხორცსაც თითონ ხარშავენ. მუცოს მცხოვრები ქისტი ბორჩაძეები თავიანთ თავს ქისტეთიდან, სოფელ მავსტიდან, მოსულებად სთვლიან. მთხრობელი სუბი ბორჩაძე აღნიშნავს, რომ „მავსტში სრუ მარტო ბორჩაძეები ვართ“-ო.

არამარტო ქისტები, არამედ მიცუელი ხეესურებიც თავიანთ თავს ლეკეთიდან ვადმოსახლებულად სთვლიან. მაგალითად, დაიაურების წარმოშობის შესახებ ასეთი გადმოცემა არსებობს:



არდოტის მოსახლეობას მურღოელნი და ზვიადაური შეადგენენ. ლოელნი საჯინქარაულოს არდოტიონთა ჯგუფს წარმოადგენენ, რომლებიც თავის შიგნით კიდევ ატარებენ ახალ მამად სახელს—ბაისერანს. ყველანი, ორი მოსახლის გარდა, რომლებიც ამ ბოლო ხანებში ანდაქში გადასულან, ძველ არდოტში ცხოვრობენ.



სურ. 7. კონეს მთავარ-ანგელოზის ჯვარში ქისტების მიერ მოყვანილი საკლავი.

ზვიადაურები ვიგაურების ჯარ-ქვაბით შაყრილები არიან, რომლებიც თავის თავს ფშავიდან სოფ. მუქოდან წამოსულებად სთვლიან; სახლობენ ძველ არდოტსა და არქილოში.

ჩვენი მოგზაურობის უკანასკნელ პუნქტს ჯავაბო წარმოადგენდა.

სოფ. ჯავაბო იყოფა ორ ნაწილად: ზენ-უბანი და ქვენ-უბანი. ჯავაბოელნი საოგოკუროს ნაწილს შეადგენენ. როგორც ზემოთაც აღვნიშნეთ, მათთან ჯარ-ქვაბით შაყრილები არიან და თავის შიგნით შემდეგ მამებად იყოფიან:

ა) ხოსიაურები, ბ) მინდიკაურები, გ) ხახიაურები, დ) მამიაურები.

ჯავაბოდან განზრახული გექონდა მათურას გადასავალით ფშავში ჩასვლა, რათა შეგვემოწმებია ვადმოცემები ხევისრული გვარების ფშავიდან ვადმოსახ-



ლების შესახებ. კერძოდ, გოგოქურებისა—ჩარგალიდან, გიგაურებისა—ლურთიდან, ზეიდაურებისა—მუქოდან და სხვა, რომელთა მრავალი ვარიანტი ჩაწერილი გვაქვს, როგორც პირაქეთ ისე პირიქით ხეცსურეთში. მაგრამ ამ—



სურ. 8. კონეს მთავარ-ანგელოზის ჯვარში ჭისტების მიერ მოყვანილი საკლავის შეწირვა.

გვარი მუშაობა უფრო დიდ დროს მოითხოვდა და მხოლოდ გზად გავლით ამის საბოლოო შემოწმება ვერ მოხერხდა.





ნათესაური ურთიერთობის შესწავლა პირიქით ხევსურეთში შემდგომად რათს იძლევა: აგნატიკური ნათესაობის ყველაზე ფართო ცნების გამოხატვად და იგი ხევსურეთში იყო გვარი.

თითოეული გვარი შედგებოდა ნათესაური ჯგუფებისაგან. იმ ნათესაურ დაჯგუფებას, რომელიც გვართან შედარებით უფრო ახლო წინაპარის სახელს ატარებდა, მამად დაყოფა ეწოდებოდა. ეს ნათესაური ჯგუფი თავის შიგნით კიდევ იყოფოდა ახალ მამებად. ასეთ შემთხვევაში სამგზის დაყოფასთან გვაქვს საქმე, სადაც ასხვაგვარად ძველ და ახალ მამებად დაყოფას. ტერიმინი ძირი, რომელიც დამოწმებული გვქონდა არხოტსა და პირაქეთ ხევსურეთში აქ არ შეგვხვდრია. განსახლების პრინციპი ძირითადში გვაროვნული იყო და ამიტომ ტერიტორიალური ერთეული ხშირად ემთხვევოდა ნათესაურ ერთეულს. უმრავლეს შემთხვევაში თითოეული სოფელი დასახლებული იყო მხოლოდ ახლო ნათესაური ჯგუფით.

ასე მაგალითად, ლებაისკარში სახლობდნენ მამისაურები, კისტანში ობოლაურები, ჭეჭყეთში ბაბკიაურები და ასე სხვა.

ამგვარად, ტერიტორიალური პრინციპის გაიგივება სოციალურ ერთეულთან იძლევა სრულ შესაძლებლობას, რომ ეს უკანასკნელი ტოპონიმიკურ სახელსაც ატარებდნენ.

ძირითადში გვარი სისხლითი ნათესაურობისაგან შემდგარ ერთეულს წარმოადგენდა; მაგრამ არის შემთხვევები, როდესაც მცირერიცხოვანი—უკაცური გვარი, უერთდებოდა მრავალრიცხოვან—დიდ გვარს. ასეთ შეერთებას გვარის შამოყრას უწოდებდნენ.

ასე მაგალითად, გადმოცემით პირიქითელ ჯინქარაულთა გვარეულობაში ლებაისკრელი, შატლიონი, კისტნელი და ჭეჭყეთელი ძვალ-გვარს წარმოადგენენ, ე. ი. სისხლით ნათესაობას შეადგენენ, არდოტელი და მიცუელი კი ჯარ-ქვებით შამოყრილები არიან. მიცუელებთან ბოლო ხანებში „ძმობა“ გაყრილი აქვთ.



სურ. 9. მობრძობელი.



მიუხედავად იმისა, რომ ძმად შამოყრილები უფლებრივად გათავისუფლებულნი იყვნენ სისხლის ნათესავეებთან, დასახელებისას მაინც ასხვავებდნენ ძვალ-გვარს. ჯარ-ქვებით შამოყრილებსაგან. შაყრა ხდება მხოლოდ გვარებში, არც სამშობლებში ე. წ. მამად კაცობაში, არც ცალკეულ ოჯახებში არ ხდება შაყრა. ამიტომ, შაყრილი გვარები მამად დაყოფაში თავის საკუთარ სახელს ატარებენ, გვარს კი იცვლიან. ჯარ-ქვებით შამოყრის მიზეზს თითონ ასე განმარტავენ: „შაიყარეს, რომ სისხლის კენჭს არ ეძლოლის ცოტაისგან და ამიტომ გაბეგრებულან; მემრ გვარ ცოტა რო იყო, ვმლის დროს ჩაგრავდა. რო დასხდებოდეს ძველებ კაცებ იტყოდეს, ჩვენ ცოტ-ცოტაებ ვართ, სამან ჩავდგათ, გვარი შავყაროთო, ჯარსაც და ლუდსაც ის გვარი მოიტანს, რომელსაც შაყრა სურს, ჯარსაც ის დაკლავს და ლუდსაც დაამწყვალობნებს“ (სოფ. გიორწმინდა, ბიძურა გოგოჭური).



სურ. 10. შთბრობელი.

ეშცოდოდა, ამის საინტერესო მაგალითს შატილის მოსახლეობა წარმოადგენს.

როგორც დავინახეთ, შატილის მცხოვრებთა უმრავლესობას ჯინჯარაულები შეადგენენ, მათთან ერთად ანატორელი სახლობენ, რომლებიც ლიქოკელების მოგვარებები არიან და ჯინჯარაულებთან მხოლოდ მეზობლურ დამოკიდებულებაში იმყოფებიან.

ამგვარად, კაცრიელ გვარს, უკაცური გვარი ჯარ-ქვებით შაყრებოდა და ძმობა განმტკიცდებოდა. ამის შემდეგ სისხლ-მესისხლეობაში ანუ თავ-მეთავეობაში ჯარ-ქვებით შამოყრილები ისეთსავე მონაწილეობას იღებდნენ, როგორც ძვალ-გვარნი. ექსოვამიის დაცვა გვარის შეკავშირების ერთერთი ძირითადი მომენტია, რომლის დარღვევა, როგორც ჯარ-ქვებით შამოყრილ გვართან, ისე ძვალ-გვართან, სამშოს გაყრას იწვევდა.



ქარ-ქვაბით შამოყრილობის საკითხი ჩვენთვის ამჟამად კვლევითი საგანი. სპეციალურ გამოკვლევაში მას დაწვრილებით აღწეროთ და ამიტომ აქ მანე აღარ ვჭერდებით.

სპეციალურადვე გვაქვს დამუშავებული ხევესურული რჯულის თავ-მეთა-ვობისა ანუ სისხლ-მესისხლეობის საკითხი, რის გამოც ჩვენ თავს ნებას ვაძ-ლევეთ, ამ უკანასკნელსაც სა-ანგარიშო მოხსენებაში მხო-ლოდ გაკვრით შევებოთ. გვა-რების შაყრის აღწერისას ჩვენ აღენიშნავდით, რომ მი-ზანი შეერთებისა „სისხლის კენჭში“ თანაბარი მონაწი-ლეობის მიღება, ანუ სისხლ-მესისხლეობაში ურთიერთ და-ხმარების გაწევა იყო.

სისხლ-მესისხლეობაში ხე-სურული რჯული ითვალის-წინებდა შემდეგი სახის საუ-რავს:

1. მიწად-შეი საკლავი;
2. საგვარო (ანუ სალაშ-ქრო) რიგი;
3. სადედო (ანუ სალაშ-ქრო) რიგი;
4. სახლის რიგი;
5. სამშო რიგი;
6. სადო და სამამიდო რიგი;



სურ. 11. მთხრობელი.

7. სამაწნაო რიგი.
- ყველა ამას თან სდევდა ჯარიმისა და ზედმეტი გადასახადის სახით კიდევ ე. წ. ჯურუმი და არბითი.

სისხლის საურავის თითოეული, აღნიშნული სახე მოითხოვდა მეჭელისა და მისი გვარისაგან სისხლიან მსხვერპლს ხარისა და ცხვრის შეწირვის სახით, ლუდის გარკვეულ რაოდენობას და „გარიგებულ ტაბლებს“.

როგორც მეთავე ისე მეჭელე, ე. ი. როგორც დაზარალებული ისე დამზარალებელი წარმოდგენილი იყო ნათესაური ჯგუფებისა და არა ცალკეული პირების სახით.

მეჭელეს ოჯახს მიცვალებულის დასაფლავების წინ უნდა დაეკლა მიწად-შეი საკლავი.



ამას მოყვებოდა მეთავესა და მეჭელეს გვარების ურთიერთ გარიგებებს. მეჭელეს გვარის შუაკაცები საკლავებით გზაშივე უხედებოდნენ მეთავეს გვარს და აჩერებდნენ მას მსხვერპლის შეწირვით, თუ საკლავის დაკვლა დაუგვიანდებოდათ, მეთავეს გვარი მეჭელეს გვარს დახოცვითა და განადგურებით ემოქრებოდა. საგვარო რიგს გვარი საერთო ხარჯზე უყენებდა მეთავეს გვარს. „სისხლის კენჭში“



სურ. 12. მთხრობლები.

მეჭელეს გვარის თითოეულ წევრს თანაბარი მონაწილეობა უნდა შეეღობა. ამგვარად, საგვარო რიგს, რომელსაც აგრეთვე სალაშქრო რიგიც ეწოდებოდა, გვარის მობრუნების შესაძლებლობა ჰქონდა. ამ შემთხვევაში ანტიკური ნათესაობა მოითხოვდა გვარის დაკარგული სისხლის ანაზღაურებას, ე. ი. სისხლში—სისხლს. ამას მოჰყვებოდა სადედო რიგი, სადაც დედის გვარი ანუ კოგნატიკური ნათესაობა მოითხოვდა ქალის შთამომავლობის სისხლს. კოგნატიკური ნათესაობის უფლებები ამ შემთხვევაში თითქმის არ განსხვავდებოდა მამის ნათესავების უფლებებისაგან.

სადო, სადედით-შინშო და სამამილო რიგი, სამშო რიგის მსგავსად ამ საფეხურის ნათესაობის მატრილოკარულ უფლებებს ამჟღავნებს, ხოლო სამშო რიგი ამ საფეხურის ნათესავების უფლებებს საწინააღმდეგო პატრილოკალური ნათესაობის ხაზით გამოხატავს. საყურადღებოა ამ შემთხვევაში ისიც, რომ თუ სამშო რიგი გულისხმობს, რომ მას იხდის მეჭელეს გვარი ან გვარის გარკვეული ნაწილი, უახლოესი ნათესაური ჯგუფის სახით, მის მიღებაშიც, მეთავეს მხრიდან ამავე ტიპის ნათესაობაა წარმოდგენილი. სადო რიგი ერთ უფროს დასთან იგზავნება, სადედით-შინშო—ერთ უფროს შინშთან, სამამილო—ერთ უფროს



მამიდასთან. ეს კი თავის თავად გულისხმობს, რომ არსებობდა დედისა და მამიდეების ჯგუფები, რომლის შიგნითაც ხდებოდა მიღებული დრამის განაწილება.

ამგვარად, სისხლის გადახდასა და მიღებაში თანაბარი პარალელური უფლებებით სარგებლობდნენ მამისა და დედის გვარის წევრები, რის მიხედვითაც საგვარო რიგი შეესატყვისებოდა სადედო რიგს, ხოლო სამშო რიგი—სადო, სადედითშინშო და სამამიდო რიგებს. ზოგადი ხასიათისაა მიწად-შიე საკლავი და სამაჯნაო რიგი.

სისხლის რიგების რიტუალი გულისხმობს, რომ დამნაშავე მხარე სწირავს მსხვერპლს ჯარისა და ცხვრის სახით. ამზადებს პურებიტა და საკმელებით გაწყობილ სუფრას და აღუღებს ლუღს. თითონ რიგების სახელწოდება თავ-სისხლი, ან პირდაპირ სისხლი, უკვე გულისხმობს იმას, რომ მეთავე სისხლის ანაზღაურებას მოითხოვდა. საგვარო რიგი შეწირული ხარისა და ცხვრის სახით გამოლაშქრებულ მესისხლეს გზიდან აბრუნებდა.

ბანზე შესამკდომლო საკლავი მოწინააღმდეგეს ბანზე შესვლის უფლებას ართმევდა, ბანიდან ჩამოსამკდომლო საკლავი ბანს დანგრევისაგან იცავდა. გვარი არ დაბრუნდებოდა, თუ წინ არ შეაგებებდნენ ე.წ. მისაგებებელს საკლავისა და კუოატის სახით. სისხლიანი მსხვერპლი ხარისა და ცხვრის სახით ამ შემთხვევაში ადამიანის მსხვერპლის შემცვლელია და თითონ რიგის დაყენების უფლება უკვე ამგვარი მონაცვალებობის უფლების მინიჭებას გულისხმობს. ამას სთხოვდნენ მეთავეს შუაკაცები, როდესაც რიგის დაყენების ნებართვის მიღება უნდოდათ, როდესაც გარისხებული მესისხლე ემუქრებოდა მეველეს გვარს, მის სამშოს და ყველასაგან ადამიანის მსხვერპლს მოითხოვდა.

რიგის დაყენებით, როგორც ვთქვით, ხდება ადამიანის მსხვერპლის ხარისა და ცხვრის შეწირვით ანაზღაურება. ასეთია ფუნქციონალური გადასვლა ადამიანის მსხვერპლიდან ხარისა და ცხვრის შეწირვაზე. საინტერესოა ამ მხრივ ის გარემოებაც, რომ ქვესურულ რჯულში საურავის გადახდის დროს, ამგვარი



სურ. 13. მთხრობელი.



სახეცვლის სხვა მომენტებიც გვაქვს. ასე მაგალითად, დრამის ძირითადი ერთეული—ძროხა, შენაცვლებული იყო ცხვრებით. ამის გამო ასხევებდნენ ჯელითსა და ფეჯით ძროხას. ჯელითი ძროხა 4 ცხვარს უდრიდა.



სურ. 14. მთხრობელი.

შესაძლებელი იყო გვეფიქრა, რომ აქაც სისხლის ფასის შესუსტებასთან გვაქვს საქმე და მსხვილფეხა მესაქონლეობის განვითარებასთან ერთად, როდესაც ძროხას მეტი მნიშვნელობა ეძლეოდა, სისხლის დრამა ძროხის ერთეულის მაგივრად ბატონით შეიცვალა, გამოსაანგარიშებლად კი მაინც ძველი ერთეული დარჩა.

ხეცსურული რაჯულის მიხედვით მოკლულის დასაფლავება არ შეიძლებოდა მანამდე, სანამ მოწინააღმდეგეს სისხლი არ დაიღვრებოდა ან თუ ეს სისხლი არ იქნებოდა შეცვლილი საკლავით. მოკლულს საიქიოში მკვლელის სისხლი ან მისი შემცვლელი საკლავი უნდა უსწრებდესო. თუ მგველე ვერ მოასწრებდა დასაფლავებამდე მის შეწირვას, ეს მოკლულის მიმართ ჩადენილი დანაშაულად ითვლე-

ბოდა და ამიტომ მეთავე 5 ძროხით აჯ უ რ უ მ ე ბ დ ა მ გ ე ლ ე ს .

მიწად-შეი საკლავს, დაკვლის წინ, როგორც თითონ აღნიშნავენ, „მკვდრისად სახელს დაუდებდნენ“. ეს იმას ნიშნავდა, რომ საკლავი განკუთვნილია მოკლულის სულისათვის, მას ეწირება. ამასვე მოწმობს სახელისდების ტექსტიც.

სახელისდება მდგომარეობდა მოკლულის სახელის ხსენებაში და იმის ვედრებაში, რომ შეწირული კურატი, ლუდი და ტაბლა მისი მოსახმარი იყოს, მისი საიღებელი და ცოდვის მხდელი. დარჩენილი ნათესაობა ვალდებული იყო მოკლულის სულის გასანათლავად მკვლელს მსხვერპლი შეაწირვინოს, ან თითონ მკვლელი შესწიროს თავის მკვდარს. ამგვარად, შეწირვა უნდა მომხდარიყო ან დამნაშავეს მოკვლით ან მისი შემცვლელი კურატისა და ბატონის შეწირვით.

ამგვარად, რიგის გადახდის რიტუალური მხარე იმას ამჟღავნებდა, რომ აღამიანის მსხვერპლი შეცვლილა საკლავითა და გარიგებული სუფრით, რომელიც გარდაცვალებულის სულს ეწირებოდა.

მოკლულის აუგად ხსენება ყველაზე ძნელ საქმედ ითვლებოდა რჯულში; შერიგების შემდეგაც თუ მას ადგილი ექნებოდა, შერიგების პირობა ირღვევოდა და მესისხლეობა ხელახლა იწყებოდა.

თუ მაგალითად მკვლელი დაუძახებდა—უნცროსიმც ხარო, რაც იმას ნიშნავს, რომ შენი მკვდარი საიქიოს ჩემს მკვდარს ემსახურებაო, დამნაშავე ვალდებული იყო გადაეხადა ჯურუმში 5 ძროხის რაოდენობით. სამაჯნაო საკლავი ასევე ავალდებულებდა მეგელის მთელ შთამომავლობას ხენის დაწყებამდე მოკლულის სახელზე საკლავის შეწირვას.

მიცვალბულის კულტის მნიშვნელობა იმდენად დიდი იყო, რომ არც ერთი ნათესაური ჯგუფი არ დათანხმდებოდა იმაზე, რომ სისხლის ალებისა თუ რიგის დაყენების გარეშე დაეტოვებინა ჩადენილი მკვლელობა.

ჯერ რიგის დაყენებაც თავისთავად სასჯელის შერბილებას გულისხმობდა. ამიტომ, მხოლოდ შუაკაცების მეშვეობით და მეთავეებისაგან მიღებული თანხმობის შემდეგ შეიძლებოდა რიგის დაყენება. იყო იძულებითი შემთხვევებიც, ე. წ. „ხატში შეჯდომის“ სახით.

ამგვარად, ხევსულული რჯულის ერთი ნაწილი თავ-მეთავობა ანუ სისხლმესისხლეობა წარმოადგენდა გვაროვნულ წყობილებებზე დამყარებულ ჩვეულებით მართლიერებას.

გვაროვნული წყობილების გამომხატველ ძირითად ნიშნებად ამ შემთხვევაში შემდეგი მივგაჩნია:

1. მესისხლეების უფლება-მოვალეობანი დანაწილებულია ნათესაურ ჯგუფებად. ამის მიხედვით ვალდებულებათა სახეები შემდეგნაირად იყოფა: საგვარო, საღედო, საქმო, სადო, სადედით-შინშო, სამამიდო და სახლის რიგი. ამათგან საღედო, სადო და სამამიდო რიგების გადამხდელთა და მიმღებთა სახით წარმოდგენილი იყო უძველესი სახის—კოგნატიკური ნათესაობა, ხოლო დანარჩენი კი აგნატიკური ნათესაობის ურთიერთობის გამომხატველია.



სურ. 15. შთბრობელი.



II. თითოეული ნათესაური ჯგუფი ვალდებული იყო სისხლი აეღო, ზღაპრისა თუ კურატის მსხვერპლის შეწირვის სახით და ამით გარკვეული ვალი მოეხადა მოკლული ნათესავის წინაშე.



სურ. 16. მთბრობელი.

შირებული, პატივი მოკლულის ნათესავებს სასარგებლოდ გადახდილი საურავია, რომელიც ჩადენილი დანაშაულის გამო, დამნაშავისაგან პატივისცემას და მორჩილებას მოითხოვდა. პატივის გადახდის გარდა მეტელეს ნათესავებთან მთელი რიგი აღკვეთები იყო დადებული და მეთავეს ნათესავებთან მთელი რიგი მორჩილებათა შესრულება მართებდა.

მესამე სახის საურავს სამკსნელოები წარმოადგენდნენ, რომელთა გადახდაც მეტელეს ათავისუფლებდა მასზე დადებული მთელი რიგი აღკვეთებისაგან. ასეთ სამკსნელოებს წარმოადგენენ:

1. წყალ-წისქვილის სამკსნელო;
2. ჯვარ-ჯვარისკრის სამკსნელო,

3. საფლავ-სამარხის სამკსნელო. ყოველივე ამის გადახდა ამანათად გასული მეტელის სახლს ჰქონდა დაკისრებული.

III. გვაროვნული წყობილების დროს ფიცში მონაწილეობის მიღება მხოლოდ ნათესავებს შეეძლოთ. რადგანაც, როგორც მოწამე, ისე ფიცის დამდეგები, მოწინააღმდეგის მტერი უნდა გამხდარიყო და ამით ახალი მესისხლეობა ჩამოვარდნილიყო სხვა გვარებს შორისაც.

სისხლ-მესისხლეობის მეორე სახის საურავად ხევესურულ რჯულში პატივის გადახდა უნდა ჩითვალოს. პატივის გადახდა საუკუნეების განმავლობაში გრძელდებოდა და მეტელისა და მეთავეს ნათესავების შეხვედრისას, მეტელისაგან ლუღისა ან არაყის მოტანას მოითხოვდა.

ამ სახის პატივის გარდა, არსებობდა აგრეთვე საკლავ-პატივიც, რომელიც უკვე სისხლიანი მსხვერპლის შეწირვას მოითხოვდა.

თუ პირველი სახე საურავისა (სისხლი) სისხლის ანაზღაურების სახით, განკუთვნილი იყო თითონ მიცვალებულისათვის და კერძოდ მიცვალებულის კულთან დაკავ-





ამგვარად, მეჭელის ნათესაობის მთელი საქმიანობისა თუ სხვა მომენტები:—ღვთის ვედრება, მიცვალებულის დასაფლავება და სხვ.—მეტავეს ხელში იყო, მისგან იყო დაკავებული, და ბ მ ლ ი. მისი განთავისუფლება მოითხოვდა მეჭელისაგან სათანადო მსხვერპლის გაღებას, რასაც სამყსნელოს უწოდებდნენ. ასე ეხსნებოდათ, მაგალითად, დადებული აღკვეთა წისქვილზე, წყალზე, სასაფლაოზე და სხვ. . .

აქაც, მაშასადამე, მეთავეს მეჭელე სრულ მორჩილებაში ჰყავდა. მისი არსებობის აუცილებელ საშუალებებზე აღკვეთა იყო დადებული და განთავისუფლება თითოეულ კერძო შემთხვევაში შესაძლებელი იყო მხოლოდ საურავის გადახდით.

მივლინებაში სულ დავყავით 33 დღე. მასალები ხევისურული გვარებისა, რჯულისა და ქორწინების შესახებ შეგკრიბეთ პირიქით ხევისურეთის ზემოთდასახელებულ ათ სოფელში. რჯულზე ნუშაობისას ცნობებს ვაგროვებდით ისეთი პირებისაგან, რომლებიც რჯულის კაცებად ნამყოფი იყვნენ. განსაკუთრებული დახმარება გაგვიწიეს ამ მხრივ ქვემოთჩამოთვლილმა პირებმა: ხოტა ჯინჭარაულმა (სოფ. კისტანი); ბიძურა გოგოჭურმა (სოფ. გიორ-წმიდა); ლაგაზა, საყურა და ღთისო ჯინჭარაულებმა (სოფ. შატილი); გეჯურა დაიაურმა (სოფ. მიცუ); ლეკო მინდიკაურმა და ბაბო ხახაურმა (სოფ. ხახაბო) და სხვებმა. ყველა ამ პირთ უღრმეს მადლობას მოვახსენებთ.

ნაწილობრივ შეგროვილია მასალა ქორწინების წესების შესახებაც. რადგანაც ამ თემის ირგვლივ მუშაობის ვაგრძელება მომავალი წლისათვის გვაქვს ნავარაუდები, ამიტომ ამ საკითხზე აქ აღარ ვჩერდებით.

ფოტო-გადაღებები შესრულებულია სტალინის სახელობის თბილისის სახ. უნივერსიტეტის თანამშრომლის დოცენტ ქ. ძიძიშვილის მიერ, რისთვისაც მას უღრმეს მადლობას მოვახსენებთ.

ლ. ბოპორაძის

## ქიზიური მივლინების მოკლე ანგარიში

ჩვენი სადისერტაციო თემის — „კახური კერამიკის“ დამუშავებამ, ჩვენთვის ადრევე ცნობილი ქიზიური კერამიკის ზოგიერთი საკითხის გარკვევა მოითხოვა და დამატებითი ცნობების ადგილობრივ შეგროვების მიზნით, 1939 წლის აგვისტოს პირველს, ენიმკი-ს ეთნოგრაფიული ექსპედიცია (ლ. ბოპორაძისა და ე. ერისთავის შემადგენლობით) ქიზიუს გაემგზავრა.

დასასადგურებელ ცენტრად ექსპედიციამ ქ. სიღნაღი აირჩია და საველე მუშაობა კი სოფ. ანაგასა და უმთავრესად კი სოფ. ბოდბისხევში ჩაატარა. ექსპედიციის წევრთა სამოქმედო გეგმა მარტოოდენ განსახორციელებლად ნაგარაუდფევი კონკრეტული მიზნით (დამატებითი მასალების შეკრებით) არ შემოიფარგლა; ის კერამიკული წარმოების ყოველმხრივი შესწავლის გზით წარმართა და ქიზიური ოსტატების მონათხრობის ჩამწერის დღიურებს, ერთი კვირის განმავლობაში, საკმაოდ ვრცელი და შინაარსიანი მასალა შეემატა.

ქიზიური კერამიკის ირგვლივ მოპოვებული მასალის დაწვრილებითი გადმოცემით ჩვენ რათქმუნდა საანგარიშო მოხსენებას არ დავტვირთავთ და ძლიერ მოკლედ მხოლოდ ზოგიერთი ცნობის შესახებ აღვნიშნავთ.

მრავალდარგოვანი ქიზიური კერამიკა თვალსაჩინო ცხოველყოფილობით შემონახულა, მაგრამ ბევრი რამ, როგორც ჩანს, მაინც შეცვლილა და წარმოების ცენტრთა რიცხვიც შესამჩნევად შემცირებულა. ეამთა სვლის დალი ყველაზე მკვეთრად მეჭურჭლეობა-მეჭვევრობის გავრცელების არეალზე აღბეჭდილია: მრავალი სოფელი კერამიკის ცენტრების სიიდან უკანასკნელ ხანებში ამოშლილია და ქურჭელ-ქვევრის წარმოებით სახელგანთქმულს, ეთნოგრაფიულ წყაროებში მოხსენებულ სოფ. ანაგასაც კი მათი ბედი სწვევია. ფართოდ წარმოდგენილი მეჭურჭლეობა ამ მხრივ იმთავითვე სახელმომხვეჭილ სოფ. ბოდბისხევს-ლა შემოუნარჩუნებია და ქვევრები კი მხოლოდ ლაგოდების მხარეში მცხოვრებ იმერლებს-ლა უკეთებიათ.

ქიზიურის ეთნოგრაფიულ სინამდვილეში მეჭურჭლეობა-მეთორნეობის, წყლის მიღების მკეთებლობის, მეჭვევრობისა და მეკრამიტეობა-მეგაურეობის არსებობა ერთხელ კიდევ დადგინდა და ქიზიურ-შიგნით კახეთის კერამიკის ერთგვარობაც საბოლოოდ დადასტურდა.



ქიზიყელი მეჭურჭლე წყლის მილისა და თორნის მკეთებლადაც (თუმცა მეჭურჭლის ხელობის არმოცოდნე მეთორნეც გვხვდება), მეკრამიტის აგურის ქრაც ევალება (მეაგურეს-კი მეკრამიტის როლის შესრულება ყოველთვის არ ეკისრება) და მექვევრის საქმიანობა-კი, ისევე, როგორც შიგნით კახეთში, უპირველესად თალარ-ქვევრების კეთებით ამოიწურება. კერამიკული წარმოების სხვადასხვა დარგთა ურთიერთ დამოკიდებულება მათთვის განკუთვნილ ნაგებობათა ტერიტორიულ განლაგებაშიც აშკარავდება: ქურჭლის საქრელი ქარხანა (წყლის მილიც ქურჭლის ქარხანაში იჭრება) და თორნის ჩარდახი ერთ კომპლექსშია მოქცეული (თითქმის ყოველი მეჭურჭლე-მეთორნის ჩარდახი ქარხნის თავზეა დადგმული), სააგურე („სააგურე“ ქური-ს, ჩარდახი-სა და კალო-ს კომპლექსს ეწოდება) აგურ-კრამიტის მოსაპრელად არის განკუთვნილი და მათგან განცალკევებულად აშენებული ქვევრის ბინა-კი (ქიზიყელი მექვევრეები ქვევრის ქარხანას „ბინა“-ს ეძახიან) მხოლოდ ქვევრის გასაკეთებლად არის ნაგარაუდები.

ქურჭლისა და თორნის გამოწვა ერთად ხდება (არამეჭურჭლე ოსტატის მიერ გაკეთებული თორნე რათქმუნდა ცალკე გამოიწვება), წყლის მილიც (რომელიც ფართო მოხმარების საგანს არ წარმოადგენს და მხოლოდ წყლის გამოყვანის საჭიროების დროს მზადდება) ქურჭელ-თორნის ქურაში იწვება („ქურა“ კერამიკული ნაწარმის გამოსაწვავად განკუთვნილ ნაგებობას ეწოდება), ქვევრის გამოწვის პროცესიც საგანგებოდ ამ დანიშნულებისათვის განკუთვნილ ნაგებობაშიც ტარდება<sup>1</sup> და მეკრამიტეობა-მეაგურეობასაც მხოლოდ აგურ-კრამიტის გამოსაწვავად აგებული ქურა ემსახურება. აგურის გამოწვა კრამიტთან შეამხანაგების გარეშეც შეიძლება, მაგრამ კრამიტის უაგუროდ ჩაწყობა და გამოწვა კი ვერ ხერხდება: ქურაში ჩალაგების დროს კრამიტს ძირში „სამი-ოთხი პირი“ აგური მაინც თუ არ ჩაეფინა, ის დაბლა ქურიდან (საკეთებელი-დან) წამოსული ცეცხლის მძლავრ ალს ვერ გადაურჩება. ოსტატს, რომელსაც ხანდახან კრამიტის გამოწვა შეიძლება უფრო ეშურება, ძალაუნებურად გარკვეული რაოდენობის აგურის ჩაყოლება უხდება და მეკრამიტეობის მეაგურეობასთან ასე მჭიდროდ გადაჯაჭვა ნაწილობრივ ამ გარემოებითაც აიხსნება.

კახურ კერამიკურ წარმოებაში ტრადიციით დადგენილი წესების თანახმად, ქიზიყელი ოსტატებიც (შიგნით კახელთა მსგავსად) „ქურა“-ს „ქარხანა-ჩარდახის“ ახლო აშენებენ და მეჭურჭლეები კი ამ ნაგებობათა დაახლოებებს ზოგჯერ უკიდურესობამდეც ანვითარებენ (ბოდბისხევეში ხშირად შევხვდებით ქურჭლის ქარხნის ძირშივე მიდგმულს—შემის შესაკეთებელი კარით ქარხანასთან შეერთებულ ქურას).

ქიზიყში (და კერძოდ სოფ. ბოდბისხევეში) საყოველთაოდ გავრცელებული ოთხკუთხოვანი მოყვანილობის ქურჭელ-თორნის ქურა („კუთხიანი ქურა“), როგორც ანაგის მეჭურჭლეთა გადმოცემითგან ირკვევა, შედარებით უკანასკნელ ხანში დამკვიდრებულა (თუმც შედარებით გვიან შემოსულ ოთხკედლიან ქურასაც, როგორც ჩანს, უკვე ათეული წლების ისტორია ჰქონია და ზოგიერთი ოსტატი სხვაგვარი ქურის არსებობას არც კი შესწრება) და ძველად კი, ქიზიყური მეჭურჭლეობის მიერ ამჟამად თითქმის მთლად დაიწვეებული მრგვალ-



კედლოვანი ქურა („გრგვალი ქურა“) არსებულია; უწინდელი ქურქლის ახლანდელი ქურქლის ქურისა და აგურ-კრამიტის ქურის მსგავსად, მთლად მიწაში მჯდარა. თვით ამ ცნობის მომწვედელ ოსტატებსაც (სოფ. ანაგაში მცხოვრებთ: 70 წლის მოხუც შაქროიაშვილსა და მის ძმას—53 წლის ვანოიაშვილს), რომელთაც მექურქლეობისათვის თავი ამ თხუთმეტიოდე წლის წინათ მიუწებებიათ, ქურქლის გამოწვა მრგვალ ქურაში უწარმოებიათ. ქურქლის ქრის ხელობა მიუფიწყებიათ, მაგრამ მათი მამა-პაპის დროს აწვენებული ძველებური მრგვალი ქურა კი დღევანდლამდე შემოუნახავთ.

მთხრობელთა გამოკითხვამ დაგვარწმუნა, რომ მრავალ-სახეობათა შემცველი და მრავალგვარი დანიშნულების შემსრულებელი ქიზიყური ქურქელი (რომლის დაწვრილებითი აღწვრილობა ჩვენ უწინვე მოგვეპოვებოდა) ძველად უფრო ნაირსახოვანი ყოფილა; დროთა ვითარებას მისთვის თავისი კვალი დაუჩნევია და ჩვენს დრომდე მას უწინდელი სისრულით არ მოუღწევია. კოკის, დიდი კოკურის, ხელკოკურის, ჩაფის, ხელჩაფის, ჩაფურის, ნიტრის (ლიტრის), ტოლჩის, ცალყურის, ძირის ქილის, ქოცო-ქილის, სადღვებელის (ქართული სადღვებლისა და თუმური სადღვებლის), დოქის, ხელადა-ჩარქის, სახაშის, ქათმის-საქრელის, ჯამ-ჯამფილებისა და სხვა ქურქელთა კეთება ოდნავადაც არ შესუსტებულა, მაგრამ გარკვეული სახის ქურქლეული ადრევე გამქრალა და ზოგიერთის დამზადება-კი ჩვენს თვალწინ შეწყვეტილა: რამდენიმე წლის წინათ ფართოდ ხმარებული ძირგანიერი ხელადა და ჩარქა, საღვინე-გოზაური და სადულარ-კოკობი მოხმარების სფეროდან თანდათან გასულა და მოსაქრელი ქურქლეულის სიდიდანაც ნელ-ნელა ამოვარდნილა (ახლახან დასახლებული ქურქელი დღეს მეტად იშვიათ შემთხვევაში-ლა მზადდება).

მექურქლეთა ნაამბობმა და პირადმა დაკვირვებამ, ქიზიყური მექურქლეობის შესახებ ჩვენს ხელთ არსებული მასალა სხვაგვარიც გაამდიდრა და კერძოდ ქურქლის ქრის ტექნიკაში, შიგნით კახური ქურქლის მკეთებლობისაგან განმასხვავებელი თავისებურებაც გამოააშკარავა: შიგნით კახეთის მექურქლეობაში გაბატონებული წესი—ლამბაქ-ლანგრებისა, ჯამ-ჯამფილებისა და ქიქლების სახით წარმოდგენილი წვრილი ქურქლეულის გუნდაზე მოქრისა (ერთი დიდი გუნდიდან რამდენიმე ერთსახოვანი ქურქლის გამოყვანისა) ბოღბისხვევურმა მექურქლეობამ არ დაადასტურა. ქურქლის ყველა სახე ბოღბისხვევში ამთავითვე თურმე „ცალად“ კეთდებოდა და ანაგაში კი, ისევე, როგორც შიგნით კახეთში, ჯამი დიდგუნდაზე იჭრებოდა. წარმოების ახლო გაცნობის წყალობით ჩვენთვის აქამდე ბურუსით მოცული სხვა საკითხებიც გაშუქდა და მათ შორის, ქიზიყური ქურქლის ქრელებისათვის დამახასიათებელი თავისებურებაც გაირკვა: ბოღბისხვევის მექურქლეობაც, შიგნით კახეთის ოსტატთა მსგავსად, ქურქელს წერნაქით აქრელებენ („წერნაქი“ სახატავი მიწა), მაგრამ მათგან განსხვავებით ეს უკანასკნელნი დაქრელების დროს ჩარხს არ იშველიებენ („ჩარხი“ ქურქლისა და წყლის მილის საქრელი ხელსაწყო) და არც სველ-სველი ქურქლის მოხატვის წესს იცავენ. შიგნით კახეთის მექურქლენი დაასრულებენ თუ არა ჩარხზე ქურქლის გამოყვანას, ჩარხის ტრი-



აღსარებითი შესწავლები და მაშინვე მას წერნაქში ამოვლებული კალმით დაწერილი რისაგან გაკეთებული კალმით) მოხატავენ; ბოდბისხვეული ოსტატები კი კრელების პროცესსაც ჩარხზე ვერ ანვითარებენ, ჩარხიდან გადმოღებულ ჭურჭელს რამდენიმე ხნის განმავლობაში თავს ანებებენ და საკმარისად შეშრობის შემდეგ, წერნაქში დასველებული ნაბდის ფიჩვით აჭრელებენ.

მეთორნეობის ყოველმხრივი შესწავლის შედეგადაც, ჩვენს განკარგულებაში მყოფი თონის შენება-სთან დაკავშირებული ცნობებიც გაფართოვდა და ჩვენთვის მკრთალად ცნობილი საკითხების შინაარსიც დაზუსტდა. ქიზიყური მეთორნეობის განხილვას ჩვენ არ შევუდგებით, მაგრამ ორიოდ სიტყვით შიგნით კახური მეთორნეობისაგან განმასხვავებელ მხარეებს მაინც შევხებით. თორნის გაკეთებისათვის საჭირო წრეხაზის შემოწერას (თორნის გაკეთების დაწყებამდე, მეთორნემ ჯერ წრე უნდა შემოხაზოს) ქიზიყელი მეთორნეები კავიანი ჯოხის დახმარებით ახდენენ (შ. კახეთის მეთორნენი კი მშვილდისებურ ფარგალს იყენებენ) და მუშაობასაც წრის შიგნიდან იწყებენ: თორნის შენების დროს ქიზიყელი ოსტატი თორნეში დგას და შიგნით კახელი-კი თორნეს გარედან უვლის გარს. ქიზიყური თორნე წვრილი და გრძელი ფილთით („ფლთა“) შენდება და შიგნით კახური თორნე-კი მოკლე და მსხვილი გუნდით („გუნდა“) კეთდება. ამ თავისებურებებს თუ არ მივიღებთ მხედველობაში, სხვა მხრივ ქიზიყური თორნის გამოყვანის ტექნიკა შიგნით კახურისაგან არაფრით განსხვავდება.

ქვევრის მკეთებლობის ირგვლივ შეკრებილი ცნობებიც მრავალმხრივ საყურადღებო აღმოჩნდა, ქიზიყურ მექვევრეობაში ქართული და კერძოდ შიგნით კახური მექვევრეობის თვალსაზრისით საგულისხმო წესების არსებობა დამოწმდა. ქვევრის გაკეთება-გაშრობისა და გამოწვის პროცესს ქიზიყის მექვევრეებიც შიგნით კახელთა მსგავსად წარმართავენ (მცირეოდენი თავისებურებით) და ამ პროცესთა ცალკეულ მომენტებსაც ერთნიცა და მეორენიც თითქმის ერთნაირი ტერმინებით გამოიხატავენ (თუმცა ქიზიყელი მექვევრეები, ზოგჯერ, შიგნით კახეთის ოსტატების მიერ უკვე დაიწყებული ტერმინებითაც სარგებლობენ), ქიზიყურ მექვევრეობაში დადასტურებულ მცირერიცხოვან (და ამავე დროს არა განსაკუთრებული მნიშვნელობის) სპეციფიკურ ნიშანთა დახასიათებასაც ჩვენ აგრეთვე არ გამოვეციდებით და რამდენიმე სიტყვას მხოლოდ ერთი. შედარებით არსებითად მისაჩნვეი, შემოქმანსთან დაკავშირებული გარემოების შესახებ ვიტყვით. ქიზიყ-შიგნით კახეთის მექვევრენი ქვევრის გაკეთებას ჩარხზე (ქვევრის ჩარხზე) იწყებენ, უკეთ რომ ვთქვათ ჩარხზე მხოლოდ ქვევრის ძირს აკეთებენ, ჩარხიდან გადმოღებულ ქვევრის შენებას ქვევრის სკამზე აგრძელებენ და სამი შემოქმანის შემდეგ კი მას დედამიწაზე ათავსებენ; მიწაზე დადგმულ ქვევრს რამდენიმე ხანში დაასრულებენ (ქვევრის გაკეთებისათვის საჭირო დროის ხანგრძლივობა გასაკეთებლად ნაფარაუდვეი ქვევრის მოცულობით ისაზღვრება) და გამოწვის დროს მოსვლამდე ადგილიდან არ დასძრავენ. შიგნით კახეთის მექვევრე-ოსტატები ქვევრს გრძელი და წვრილი გუნდების ე. წ. სორსოლებით („სორსოლა“) დახმარებით აკეთებენ და ქიზიყელნიც ამ უკანასკნელს ამგვარივე მოყვანილობის სროსოლებით



(„სროსოლა“) ანუ ს რ ო ს ა ლ ე ბ ი თ („სროსალი“) აშენებენ. ქიზიყელთა მხარეში ბიცა და შიგნით კახელნიც ყოველი შემოქნის შემდეგ ქვევრს ასვენებენ (ორი-სამი დღით), მაგრამ შემოქნის შინაარსს ისინი სხვადასხვაგვარად საზღვრავენ: პირველნი (ქიზიყელნი) თითო შემოქნაში სამი პირის შემოვლებას ანგარიშობენ და მეორენი კი (შიგნით კახელნი) მხოლოდ ორი პირის შემოვლებას ვარაუდობენ.

ბატარა ქვევრს (ოც ჩაფამდე) ქიზიყშიც „ქოცო“-ს უწოდებენ და დიდი მოცულობის ქვევრს კი (ოც ჩაფზე მეტი საწყაოს შემცველს) საკუთრივ „ქვევრი“-ს სახელწოდებით აღნიშნავენ.

ქიზიყური მექვევრობაც (შიგნით კახურის მსგავსად) ამჟამად მარტოოდენ ქუსლიანი ქვევრების დამზადებით შემოფარგლულა, მაგრამ ადამიანთა ხსოვნაში ჩარჩენილი ვადმოცემები და ქიზიყელთა ოჯახებში დღევანდლამდე შემონახული—უწინდელი ოსტატების მიერ დამზადებული ბრტყელძირა ქვევრები აშკარად ჰღალადებენ, რომ ძველი დროის ქიზიყში უქუსლო ქვევრების შეკეთებლობაც არსებულა.

მთხრობელთა გამოკითხვამ ჩვენთვის ბუნდოვნად ცნობილი სხვა საკითხებიც საბოლოოდ ნათელჰყო და ამ მხრივ ჩვენი ყურადღება მექვევრის სამუშაო ადგილის—„ბინა“-დ სახელდებული ნაგებობის სახელწოდებამაც მიიპყრო. ტერმინ „ბინა“-ს ხმარება მხოლოდ ქიზიყურ მექვევრობაში მოწმდება, კახური კერამიკური წარმოების სხვა დარგთათვის განკუთვნილ ნაგებობებს და შიგნით კახელი მექვევრის სამუშაოდ განკუთვნილ შენობასაც მათთან ერთად, ქარხანა ეწოდება. იქნებ ჭეშმარიტებას არ იქნებოდა მოკლებული თუ ვიფიქრებდით, რომ ძველად—სპარსული სიტყვა „ქარხანა“-ს შემოქრამდე, ქვევრის ქარხანას შიგნით კახეთშიც „ბინა“ ეწოდებოდა და ეგებ არც იმის შესაძლებლობა იყოს გამორიცხული თუ ვივარაუდებთ, რომ „ბინა“ უწინ ყველა სახის კერამიკულ წარმოებაში დამოწმებულ ნაგებობათა ზოგად სახელწოდებას წარმოადგენდა.

მეკრამიტე-მეაგურეთა მონათხრობმაც საბოლოოდ განამტკიცა ქიზიყური მეაგურეთა-მეკრამიტეობის შესახებ ჩვენს მიერ შემუშავებული აზრის ჭეშმარიტება. ამ კუთხის მეკრამიტეობაც მხოლოდ ქართული კრამიტის შეკეთებლობას იცნობს და მეაგურეთაში კი უკვე რუსული აგურა (ქიზიყში აგურს „აგურა“-ს სახელწოდებით აღნიშნავენ) ბატონობს. რუსული აგურა 30—40 წლის წინათ შემოსულა და ქართული აგურა-ს ხმარებიდან გასვლაც ამ დროიდან დაწყებულა. ქართული აგური ქიზიყში ამჟამად სრულიად აღარ კეთდება და ჯერ კიდევ ხმარებაში მყოფი ალიზი კი ისევ ქართული აგურის ყაიდაზე იჭრება. ქიზიყურ მეაგურეთაში ოთხაგურიანი ყალიბის გვერდით ორაგურიანი ყალიბის არსებობაც დასტურდება, ორაგურიანი ყალიბის ფართოდ გამოყენება კერძოდ სოფ. ბოდბისხევის აგურის წარმოებაში მოწმდება. ქართული კრამიტის ბატონობა მართალია ოდნავადაც ვერ შერყეულა, მაგრამ მისი გარეგნობის თავისებური ცვლილება-კი მომხდარა: ძლიერ ღრმად მოხრილი კრამიტი უკანასკნელ წლებში შედარებით ნაკლებად მოხრილი კრამიტით შეცვლილა (სოფ. ბოდბისხევიში მცხოვრები მეკრამიტის—გიგა



ქაბაშვილის გადმოცემით, ძლიერ ღრმა კრამიტი დახურვის დროს ადგილს ავდებს“ და ოდნავ მოხრილი „კრამიტის თავები-კი ერთმანეთზე კარგად ეწყობა“).

სიტყვას აღარ გავაგრძელებთ და ფრიად შეკვეცილი სახით წარმოდგენილ მოხსენებას შემდეგი გარემოების აღნიშვნით დავასრულებთ: დაწვრილებით აღიწერა ქურქლის, თორნის, წყლის მილის, ქვევრისა და აგურ-კრამიტის კეთება-გამოწვის რთული პროცესი (ჩანაწერმა ორასი გვერდი დაიკავა); გადაღებულ იქნა ოთხმოცდაათამდე ფოტოგრაფიული სურათი; დეტალურად გაიზომა ქურქლის ქარხანა, თორნის ჩარდახი, ქურქელ-თორნის ქურა და აგურ-კრამიტის ქურა-ჩარდახი.

ქიზიყის ეთნოგრაფიული ექსპედიციის მუშაობა, ჩვენის აზრით, ნაყოფიერი გამოდგა. ქიზიყური კერამიკის ძირითადი საკითხები მოკლე დროის განმავლობაში სათანადოდ დაზუსტდა და ჩვენს ხელთ არსებული მასალა ახალი ცნობებითაც გამდიდრდა.

## 8. ჩიტაია

### პატარა ლიახვისა და მეჯუდის ხეობებში მივლინებული ეთნოგრაფიული ექსპედიციის მოკლე ანგარიში

1939 წლის ოქტომბერ-ნოემბერში ენის, ისტორიისა და მატერიალური კულტურის ინსტიტუტის მიერ პატარა ლიახვისა და მეჯუდას ხეობებში მივლინებულმა ეთნოგრაფიულმა ექსპედიციამ იმუშავა შემდეგი მარშრუტებით:

1. მერეთი—ხარდიანთკარი—გუგუტანთკარი—კოშკა-კულბითი—დისევი,
2. მერეთი—ქსუისი—ზემო დმენისი—ვანათი,
3. მერეთი—ზემო ქარები,
4. მერეთი—მეჯვრისხევი და
5. მეჯვრისხევი—კირბალი.

ექსპედიციის მიზანი იყო: საცხოვრებელი და სამეურნეო ნაგებობების კომპლექსის შესწავლა. გზადაგზა ექსპედიცია ჰკრებდა მასალებს მიწისმოქმედებისა და მესაქონლეობის შესახებ.

ექსპედიციაში მონაწილეობდნენ: უფროსი მეცნიერი მუშაკი გ. ჩიტაია, მხატვარი ნ. ბრაილაშვილი, არქიტექტორი მ. პოპოვი, მხატვარი დ. გველესიანი და ფოტოგრაფი ხ. ბაღდადლიშვილი.

ექსპედიციამ ადგილობრივ იმუშავა 17 დღე.

ექსპედიციის მუშაობის პროცესში გაირკვა, რომ ეთნიკური შემადგენლობის მიხედვით: სოფლებში ზერტი, კირბალი, ბერშუეთი, აძვი, ჯარიანშენი, ქვეში, ქ. არცევი, ქიწნისი, ქერე, კოშკა, დისევი, კულბითი, მერეთი, დიცი, ქორდი, არბო, ფლავი, ფლავისმანი, ქ. ვილდა—ქართველებია (ქართლები); ხოლო იქით ქოლოთი, ოლოფთა, ისროლისხევი, ციცაგაიანი—„თიულები“; დულუზანა, ეალიანი, ქარქინი, ჩხარაული, იკორთა, ზ. არცევი, გოიანთკარი, აძვისთავი, ქლივანი, ჯვარეთი, ღრომი, გორეთი, ანდორეთი, თელავინა, თხინავალი, მახისი, ბიყარი, ხარუ, ახალისი, გენგიურები, არდისი, ციცაგაიანი, ქუჯინი, აშატური, ჯორთა, წოლდი—ოსებიითაა დასახლებული.

მოსახლეობის მოძრაობის პროცესი აქაც იგვევა, რაც ჩვენ მიერ დადგენილი იყო ქსნის ხეობაში, ე. ი. მთიდან მთის ძირში და შემდეგ ბარში<sup>1</sup>. არსებითად მოსახლეობის გადასახლების შესახებ ვახუშტის ცნობა მართლდება,

<sup>1</sup> ამას ამართლებს ჩვენ მიერ შედენილი 1816—1819 წ. დოკუმენტიც: არზა-საჩივარი ბეგიაშვილისა.





რომ გაპარტახებულ ბარისა და მთის ძირის ზოლის ადგილებში გადმოსახლდნენ<sup>1</sup> მთიულები, ხოლო ამ უკანასკნელთა ტერიტორიაზე ოსები დასახლდნენ. „ხოლო რაოდენნი ოსნი დაესწერეთ ამ ადგილთა შინა, პირველად სახლებულან ქართველნი ვლენხნი. შემდგომად მეპატრონეთა მათთაგან გადმოსახლებულან ოსნი, და ქართველნი ბართა შინა ჩამოსულან, ვინაიდგან მტერთაგან ბარს შინა კაცნი შემცივებულან“ (ვახუშტი, გეოგრ., ჯანაშვი. გამოც., გვ. 104). ამასვე ცხადად ამტკიცებს ზემომოყვანილი ოსებით დასახლებული ქართული სახელოდების სოფლები.


ექსპედიციის სამუშაო რაიონის მოსახლეობის ეთნიკური შემადგენლობის დასაზუსტებლად ვარკვევას მოითხოვს საკითხი აქაური „მთიულების“ შესახებ, რა ურთიერთობაში უნდა იქნას ნავარაუდები ლიახვისა და მეჯუდის ხეობების მთიელები ქსნისა და არაგვის მთიელებთან და მთიულებთან. რა აქვთ მათ საერთო ყოფაში, კილოში და სხვა. ამ საკითხს ჩვენ ვსვამდით ქსნის ხეობაში მივლინებული ექსპედიციის მოკლე ანგარიშის განხილვის დროსაც. უნდა აღინიშნოს, რომ დასმული საკითხის გაფართოებაც შეიძლება. როგორც მოგვხსენებათ ლების, ჭიორის და გლოლის მოსახლეობის ტერიტორიას მთიულეთი ეწოდებოდა (ტერმინების მთიული და მთიულის შესახებ შეადარე ივ. ჯავახიშვილი, ქართველი ერის ისტორია, ტ. II, გვ. 301). დასმული საკითხი მოითხოვს სტაციონალურ მუშაობას და ყოველმხრივ შესწავლას. ზემოთქმულთან ერთად საყურადღებო გარემოებაა ის, რომ მეჯუდელების თქმით ლიახვს იქით ზემოქართლია, სადაც თითქოს კილოს უქცევენ და ყოფაშიც განსხვავებული ფაქტებია მოცემული: „სიმღერა იქ სხვა არის, ჩვენს სიტყვებს არ უდგება“—გადმოგვცა ალ. ბეგიაშვილმა (ს. მეჯვრისხევი). საჭიროა ამ მხრივაც გამაზვიადეს ყურადღება.

აღსანიშნავია ის ვითარება, რომ „გეორგიანული ისტორიის“ ავტორი ალექსანდრე ამილახვარი ზემო ქართლად ლიახვის ზემოთა მხარეს მიიჩნევს. ის სწერს: „მას შემდეგ, რაც ქართლის მეფეს კახეთის და გარდაბანის პროვინციები ჩამოშორდა, მას მხოლოდ ორიღა შერჩა ზემოჩამოთვლილი რვა პროვინციიდან, თითო მათგანი ორადღა გაყოფილი, ასე ორის მაგიერად ოთხია შექმნილი. პირველი ნაწილი განიყოფება ორ პროვინციად, ზემო და ქვემო ქართლად. ზემო ქართლი შეადგენს სამფლობელოს ამილახვარებისა და სხვა თავადთა გვარებისა... ამავე პროვინციაში მთავარი ქალაქებია: გორი, ცხინვალი, სურამი და ალი“<sup>1</sup>.

ადვილად დასაშვებია, რომ ხალხის მეხსიერებას შემონახული ჰქონდეს ქართლის ორ პროვინციად განაწილების ზემოხსენებული ვითარება.

ექსპედიციის სამუშაო რაიონი ეკუთვნის მთის ძირის ზოლს, ამიტომ ამ ზოლისათვის დამახასიათებელი მაჩვენებლები ძირითადად იქაც არის მოცემული. ეს ის ზოლია, რომელიც საქართველოში შემდეგი პუნქტებითაა წარმოდგენილი:

<sup>1</sup> ალ. ამილახვარი, გეორგიანული ისტორია, თარგ. გ. ქიქოძის მიერ, მნათობი, ტ. 8, 1939 წ., გვ. 128.



საქართველოს  
სამეცნიერო ცენტრი

ქობულეთის მუზეუმის ბიბლიოთეკა

სოფ. ზეგანი, ძველბურთის სარეცავი

კახი,	სტალინური,
ლაგოდები,	ჭიათურა,
ახმეტა,	ონი,
დუშეთი,	ცაგერი,
ლენინგორი,	ლია,
მეჯვრისხევი,	ჯვარი,
მერეთი,	სამურზაყანო და სხვა.

ადამიანის საცხოვრებელი ნაგებობის ძირითადი ტიპის გეგმა იძლევა ისეთ კომპლექსს, რომელიც ან ერთიანი სახის ნაგებობაა—მასში ცეცხლი (კერა), ადამიანის და საქონლის ბინა ერთადაა მოცემული, ან კიდევ მთლიანი ნაგებობა გადატიხრულია; ტიხრით გამოყოფილია ადამიანის საცხოვრებელი ბინა საქონლის სადგომისაგან, ხოლო ცეცხლის ადგილი ადამიანის სადგომშია მოცემული. მესამე სახის ნაგებობაში მეორე სახის სახლის კომპლექსთან ერთად ერთ ჭერქვეშ მოცემულია მარანიც.

ჩვენ მიერ შესწავლილი მარნები შემდეგი სახის ნაგებობას წარმოადგენს: მარანში საწნახელს გარდა მოთავსებულია მიწაში ჩაფლული დიდი და პატარა ქვევრები. საწნახელთან ყველაზე მახლობელს ქვევრს თალარი ეწოდება. ზოგიერთ შემთხვევაში თალარი<sup>1</sup> საგანგებო ფორმისაა. მის ფუნქციას შეადგენს ღარიდან გადმოდენილი ტკბილი მოიცვას. აქ დაგროვილ ტკბილს შემდეგ გადაიღებენ ქვევრებში. საყურადღებოა, რომ ქვევრებსაც საგანგებო სახელები ეწოდება იმის მიხედვით, თუ რომელი რომელ ხატიისათვის იყო განკუთვნილი და რომელ დღეობაზე უნდა გაეხსნათ. ასე მაგ., სოფ. დისევში ქვევრებს ეწოდებოდა: საგერთო, საიენემახარობლო, სახთიშობლო, საუსანეთო, საკვირაცხოვლო, საანგელოზო. ზემოთაღწერილი მარნის პარალელი სხვათა შორის იხ. ბოლაზკიოის ნაგებობებში (K. Bittel und R. Naumann, Bogazköy, II, Brl. 1938, ტაბ. 17).

მეტად საყურადღებოა ჩვენი კვლევის რაიონში შესწავლილი სახლების ევოლუციის პროცესი გაშუქების მიხედვით. აქ დამოწმებული იყო: „უ შუ ქო“ სახლი, რომელსაც შუქი მხოლოდ კარიდან შეუღის (ს. ზ. ჭარები); ერდოს შუქით (ს. ზემო ჭარები); სახლი, რომელსაც შუქი ზემოდან ჩაუღის, მაგრამ მისი ერდო განსხვავებულია ჩვეულებრივი ერდოსაგან. ამ შემთხვევაში ბანზე მოწყობილია ისეთი ნაგებობა, რომ შუქი გვერდიდან შეღის და შემდეგ სახლში ჩადის. სხვა შემთხვევაში შუქისათვის კედელში მალაა შუქუმი ი მოწყობილი. უკანასკნელად, სახლის კედელში ფანჯარაა გამართული. სახლის გაშუქების ამგვარივე სისტემები ჩვენ მიერ დამოწმებული იყო მესხეთში (ქვაბლიანის ხეობა)<sup>2</sup>.

სახლის აგების ტექნიკურ პროცესებთან დაკავშირებით ზოგიერთ საყურადღებო ტერმინებს აღვნიშნავთ: უძრავი და საძრავი მიწა (ყანა), დედამიწა—მიწის იატაკს ეწოდება, საძირკველი, გარე და შიგნი პირების ამოყვანა, დარა-

<sup>1</sup> შდრ. საქართველოს მუზეუმის ეთნოგრაფიული განყოფილების კოლექცია № 0359.

<sup>2</sup> გ. ჩიტიია, ვლენის სახლი ქვაბლიანის ხეობაში, მიმოშინი, I, ტფ. 1976, გვ. 208.



ნი და ხურდა ქვა, მსხვილ ქვას—გორჯალი ქვა ეწოდება, კირის ჩასხმს, ხის ქვა, გრძელი ქვა დასაკეტად, ცარიელა ქვა—ყორე, გონიო, თარაზო, შიმ-შა, ლარი, ჩაქუჩი || კვერი, ქაფჩა, მალა, მალის გასაფხევი—პატარა ნიჩაბი, ხარაზო, კიბე, თაბალი, საგორავი, ლომი, ქვატალახი, კედლის მეოთხე პირი აგურის წყობით გამაგრებული, კირი, კირწყალი, ნალი, ლაბიერი, კოჭები, დედაბოძი, დედაბოძი ქვა, ბანდუში, თავხე, ქერი, ნაფოტი, ტალახი, აყრები, თახჩა, წალო || თარო.

სამეურნეო ნაგებობიდან შევჩერდებით ვენახის ქობზე. მას აქვს: ბოძი (ყბებით), საგვერდული, ძირის ხე, წნული, დატალახებული მიწა „წყეულის გულითენი“, საყვავის ბოძი, თავხე, კავები, ლატანი, წალამი კონებად, ცეცხლისათვის ადგილი წინ მიწაზე (კერა აქ ეწოდება გრძელ ქვას, მუგუზლის თავის ჩამოსადებს).

სახლის ტიპებთან დაკავშირებით აღსანიშნავია, რომ დარბაზულ სახლს ჩვენი კვლევის რაიონში ერთობის სახლს ეძახიან. მასში, ისევე როგორც ქართლის სხვა ნაგებობებში, დიდი მნიშვნელობა ჰქონია დედაბოძს. იგი მნიშვნელოვანია როგორც სახლის კონსტრუქციული ელემენტი, მაგრამ ამის გარეშეც მას საყოფაცხოვრებო ფუნქციებიც ჰქონია დაკისრებული. ყველა მონაცემების მიხედვით აშკარად ეძება, რომ დედაბოძი ქართლში კერის კულტის ერთერთი შემადგენელი ნაწილი ყოფილა. დედაბოძი ოჯახის ახალი წევრის ინკორპორაციის (მაგ. რძლის) ცერემონიაში მთავარ როლს ასრულებდა: ახლად-მოყვანილ პატარძალს სამჯერ უნდა შემოეცლო დედაბოძის გარშემო. დედაბოძი ითვლებოდა ოჯახის ბურჯად იმდენად, რომ ძველად როდესაც ქალს ათხოვებდნენ, პირველად იმას იკითხავდნენ, სასიძოს როგორი დედაბოძი უდგას სახლშიო.

ზემოთქმულის მიხედვით ცხადია, თუ რატომ ექცეოდა დედაბოძის „მოქარგვას“ დიდი ყურადღება. ექსპედიციამ შეაგროვა დედაბოძებზე გამოხატული მრავალი სიმბოლური სახეები: მზე, ჯვარი, ხელი და მრავალი სხვა. ამ ორნამენტების მიხედვითაც ირკვევა თუ რამდენად დიდი მნიშვნელობა ჰქონდა დედაბოძებს, რადგანაც მათზე მოცემული ორნამენტები აბოთროპეული დანიშნულებისა იყო; ისინი იცავდნენ კერას, სახლს და ოჯახს ავი თვალის ზედმოქმედებისაგან.

მაგრამ დედაბოძის მნიშვნელობა მარტოდ-მარტო ზემოთქმულით არ განისაზღვრება. იგი, როგორც ითქვა, კონსტრუქციულადაც მეტად დიდ როლს ასრულებდა. იგი იყო მთავარი საყრდენი სახლის ბანისა, სახლის გვირგვინიანი სახურავისა. ამის შესაბამისად იგი ღონიერი უნდა ყოფილიყო. მასვე ღონიერი ბულაური უნდა ჰქონოდა. დედაბოძი ბულაურის შემწეობით თავხეს იჭერდა. ამ უკანასკნელზე კი ბანი იყო დაწოლილი. დედაბოძი ჩვეულებრივად მთლიანი ხისაგან ითვლებოდა და არაიშვიათ შემთხვევაში ბულაურთან ერთად ერთი ხისაგან კეთდებოდა. უკანასკნელ შემთხვევაში დედაბოძის ზემო ნაწილი (ფთიები) ორ მეტრსა და მეტ განს იჭრიდა ხოლმე. უნდა ითქვას ისიც, რომ ჩვენი კვლევის რაიონში მრავალი ვარიანტი იქმნა დამოწმებული დედაბოძის კომპინაციისა ბულაურსა და თავხესთან. ეს ნაირნაირობა პლიუს ნაირსახობა თვით დედა-



ბოძისა უდავოდ ნაგებობის ამ კონსტრუქციული ელემენტის უძველესი კულტურაზე მიგვიჩვენებს. ბევრ რამეში ქართულ ნაგებობების ეს ელემენტი ძველი აღმოსავლეთის ურარტული და ხურული (პილანების) სახლების სვეტებს უკავშირდება<sup>1</sup>. თუ შემოთქმულს იმასაც დავსძენთ, რომ ახალი მონაცემების მიხედვით, თვით იონური კოლონები წინააზიური ურარტულ-ხურული წარმოშობისა უნდა იყვნენ<sup>2</sup>, ჩვენთვის ცხადი იქნება, რამდენად მნიშვნელოვანი ეთნოგრაფიული ფაქტია, ქართული კულტურის საწყისების კვლევის თვალსაზრისით, ქართული დედაბოძი. ექსპედიციამ 22 სხვადასხვა სახის დედაბოძი ჩახატა, გაზომა და ფოტოგრაფიულად გადაიღო.

მიწის მოხვნის წესებიდან აღსანიშნავია ახლად ფიქსირებული ნაღარზე და ნაზურგზე ხვნა. ნაღარით ხვნა ყანის გვერდებიდან ოთხკუთხად შემოკოვლებული ხვნაა, ხოლო ნაზურგით ხვნა სწორხაზოვანად ზედი-ზედ მიყოლებული ხვნაა. მიწა რომ ერთ წელიწადს ნაზურგზე მოიხვნება, მეორე წელიწადს ნაღარზე უნდა მოიხნას. ამას გარდა ჩვენს საკვლევ რაიონში ქართული ძველებური გუთნის გარდა დამოწმდა ამ გუთნის მუხრანული ვარიანტი. ეს უკანასკნელი ძველებური გუთნისგან განსხვავდება იმ მხრივ, რომ მას რკინაგადაკრული კბილა და ფრთა აქვს. ქართული გუთნის კომპლექსში შემდეგი ნაწილებია: გუთანი (ყელი, ბოლო), საჯამბარე, მანჭა (ველის მანჭა, კვალის მანჭა), სახელური, ფთები, კბილა, კაკაბი, ხმალი, სახნისი, საკვეთელი, ღერწყალა || ფამფალაკი, ღერძი, შოლტა, რჩხა, დიდი გოგორა (კვალის გოგორა), პატარა გოგორა (ველის გოგორა || ღირღიტა)—მორგვი, სოლები, ფერსი, საღვედე, აბუურები, ჩეკი. ამავე კომპლექსში შედიან: გუთნის-დედა, მეხრეები, გუთნის თავის მეხრე, საძირის მეხრე, საშუალო მეხრე, წინ მეხრე, გუთნის-თავის ხარები, ცანდის კამეჩები, საძირის ხარები, საშუალის კამეჩები, საშვიდულის კამეჩები, წინა საჯდომის ხარები, წინა ხარები. უღელი სამგვარია: საყვერის უღელი, საჯდომი უღელი და სადა უღელი.

ს. ქარებში, რომელიც მთის ზოლს ეკუთვნის, შემონახული სახენელი იარაღი ქსნური მთის გუთნის ტიპისაა. როგორც გარკვეულია სახენელი იარაღის ეს ტიპი კარგადაა შეგუებული ფერდობების მოხვნასთან და ამდენად მთის ზოლის მიწის მოქმედებისათვის დამახასიათებელი. გავრცელების მხრით ეს სახენელი იარაღი ჩვენ გვხვდება თეთრ არაგვზე, ქსანზე, ლიხვზე, დასავლეთით მისი დაწინაურებული ვარიანტი მოიპოება რიონზე, ცხენის-წყალზე და ინგურზე. არაგვის აღმოსავლეთით მთაში ფშაური და ხევსურული სახენელი იარაღებია დამოწმებული, ხოლო თუშეთში სახენელების თავისებური სახეა შემონახული. სახელდობრ საკნეული გულამოღებული ქუსლით პლიუს კავი, რომელიც ხვნის პროცესში დამხმარე როლს ასრულებს.

სოფ. მერეთში შეგროვდა ცნობები ოქოქას შესახებ. დღეს ეს სახენელი იარაღი ხმარებაში არ მოიპოება. გლეხების თქმით ის მიწას ქექავდა. მის ნა-

<sup>1</sup> W. Belck, Bauten und Bauart der Chalder, Verh. d. Berl. anthr. Gesell. 1895, (გვ. 609—616), Br. Meissner, Babylonien und Assyrien, I, Heidelberg 1920, გვ. 281 შმდ.

<sup>2</sup> К. Леманн—Гаупт, Успехи изуч. др. ист. ets., ВДИ, т. I, 1938.

წილებს შეადგენდნენ: შოლტა, ცანდი || ჩანდი, ოქოქა || ქუსლი (თებით), ხმალა, სოლი, ფარვაში, მანკა და სახელური. აღწერილობის მიხედვით ეს იარაღი აღბულაღის რაიონში ჩვენ მიერ ფიქსირებული აჩაჩის ტიპისა ჩანს და განსხვავებულია ოქოქას იმ სახისაგან, რომლის სურათი ტყვიაველი მეურნის მიერ მეხსიერებითაა აღდგენილი<sup>1</sup>.

ვაზის კულტურის ხაზით დადგენილია ვაზის მოვლის ძირითადი პროცესები: წიღნა, ბარვა, თოხენა, ფურჩვა, შეწამლვა, რთველი და დაწურვა. ვაზის ჯიშები, რომლებიც გამოყენებულია დღესაც მეურნეობაში, შემდეგია: გორული (თეთრი, ყველაზე უფრო ძველი), მწვანე (თეთრი), ბუდეშური (თეთრი), თეთრი საფერავი, მსხვილ მარცვალა || განჯურა, საფერავი (შავი), ანდროული (შავი), დანახარულა, შავკაპიტო || თავკვერი (ანდროული, დანახარული და შავკაპიტო გადმოცემით ადგილობრივი ჯიშებია), დილბულა, იმერულა და აბისური (ოდესა?). ველურ ვაზს აქ ბაბილო ეწოდება (შდრ. საბა, „ბაბილო—მაღალი ვაზი (ვენანჯი) (ხე). (ხის ვენახი, ვინა გრძელი ვაზი, დობილო C) (7, 11 ფსალმ.)“. გლეხების თქმით „მაღლარი“ გვიქამია და არ დავეიწურია“-ო. ვაზის კომპლექსის ერთ-ერთ თვალსაჩინო კომპონენტს „საქაჯავი“ წარმოადგენს. ის გამოყენებულია ქაჭის საქაჯავად. ამ რაიონში იგი ორი სახისაა: ძველებური და ახლებური. ძველებური საქაჯავს აქვს ქვის ძირი და ასაკიდი ქვა, ხოლო ახლებური დამზადებულია მთლიანად ხისაგან.

მისი ნაწილებია: ისარი, სადღობელი || ჭახრაკი, ჯაქვი, წნელები, ფიცრები, ძარები და ბოძი.

თავისი აღნაგობის ძირითადი პრინციპის მიხედვით ეს იარაღი ზეთის სახდელ მოწყობილობას ემსვავსება. ძველ საქართველოში ზეთის კულტურას დიდი ეკონომიური მნიშვნელობა ჰქონდა. დღესაც მოიპოება თრიალეთში ძველებური ზეთის სახდელი ქარხნები გამოყენებული ახალი მოსახლეობის მიერ. ამავე რაიონში და აგრეთვე აღბულაღშიაც მრავლად არის საქაჯავის ძირა-ქვები. მერეთის მხარეში ჩვენ მიერ შესწავლილი საქაჯავის ტიპი—ენიშვი-ს ექსპედიციის მიერ ფიქსირებული იყო იმერეთში, მაიაკოვსკის რაიონში, 1937 წელს, ხოლო საქ. ებრაელთა ისტორიულ-ეთნოგრაფიულ მუზეუმის ექსპედიციის მიერ სტალინში 1935 წელს.

ექსპედიციამ შეაგროვა მასალა აგრეთვე გადასაყვან და გადასაზიდ საშუალებების და ნადირობის კომპლექსის შესახებ.

ჩამოტანილია: 10 კომპლექსი განაზომებისა (გეგმები, კრილები, ტექნიკური დეტალები, გენერალური გეგმა), ჩანახატები (შინამოწყობილობა, დედაბოძები, მოაჯირის ორნამენტები, სოფლის ხედი) და ფოტოგადაღება 400 ცალი.

ერთ-ერთი დოკუმენტი, რომელიც მეჯვრისხევეში იქნა შექმნილი საქართველოს მუზეუმისათვის, მეჯუთის ხეობის ქართველთ და ოსების აჯანყებას ეხება. ამ დოკუმენტში სწერია:

<sup>1</sup> ივ. ჯავახიშილი, საქ. ეონ. ისტორია, ტ. I<sup>2</sup>, ტფ., 1930, გვ. 196.

### მაჯუთის ხეობის ქართულთა და ოსებს

არ იცის უფროსობამ მიზეზები, რამ გაქნევიანათ თვენ თქნის ბატონების ერისთვის-შვილების ურჩობა, და ამასთანავე თქმუნის მეზობლების ქართულთა გაცარცუტასა და წახდენის გარდა გაბედეთ მათის იმპერატორებითის დიდებულების ძალიანისა და უძლეელის ჯარის დაუმორჩილებლობა; მგონია ამ ქცევების მიზეზი არის და გაქნევიანებთ თქნი გულის-განზრახუა და იქნება შთაიგონებიან ამას თქნ ამისთანა კაცები, რლთაც თქნი უბედურება ჰსწადიანთ და დაკარგუა; მეჯავრება მე თქვენი ასე საწუხარი ამბავი და მინდა შავი ტყე თქნგან პირად სულ ყტშლა თქნი საჩივარი და სამღურავი, და თუ მართალი არის სამართალს ვიხამ. ამასთან საგანგებოდ ვგზავნი მე თქნთან თავადს დავით თარხნიშვილს ამის-თს, რომ ამ ჩემს მამაშვილურს თქვენს სწავლებას გარდა შეგავაგონოსთ ამან და ხათრი ჯამი გაგხადოსთ, რომ არაზედ შეგეშინდესთ და მოითხოოს ჩემთან თქნი უფროს უფროსნი კაცნი, რომ მაგათ მე თქნი საჩივრები მითხრან გორში რადგან ახლა მე აქ ვიმყოფები; კიდევ ამასთანავე გულს დავაჯერებ, რომ ეგ თქნი უფროს უფროსნი კაცნი თუ მოხელენი ისევე წამოვლენ არცა რა თქნ და არცა რა მაგათ ევენებათ რამე; თუ არა იქთ ამას და უფროს კაცებს არ გამომიგზავნით, მაშინ მე—ჩავაგდეთ თქნ შეწუხების უღირსად (недостойными сожаления) და მცრტულად და ამკლებელად, და როგორც რიგია თქვენისთანა კაცებისა ისე გადაგხდებათ თუ ჩემს ბრძანებას ახლა ყურს არ მოუვდებთ და არ დაიჯერებთ ესეც იცოდეთ, რომ ამას გარდა მეორედ კაცს არ გამოგიგზავნით.—დაიწერა მშვიდობიანს გორის ქალაქს თებერვლის ბ. ქკს უფე წლსა.

მათის იმპერატორებითის დიდებულების, ყდ მოწყალის ჩემის კელმწიფის თოფხანის პოლკოვნიკი, საქართულთა მმართველი და წმინდის ანნას მეორეს ხარისხის და წმინდის იოანე იერუსალიმელის ორდენების კავალერის მქონებული—თეოდორე ახვერდოვი.

## 8. ჩიბაია

### თიანეთის ეთნოგრაფიული ექსპედიციის მოკლე ანგარიში

1939 წ. ივლისში ენის, ისტორიისა და მატერიალური კულტურის ინსტიტუტის მიერ თიანეთის რაიონში მივლინებულმა ექსპედიციამ იმუშავა შემდეგი მარშრუტებით:

1. თიანეთი—ჟებოტა—ამალღება,
2. თიანეთი—ზ. არტანი,
3. ზ. არტანი—ლორლაში,
4. ზ. არტანი—ქუშხევი,
5. ზ. არტანი—თეთრაულები—სახევი,
6. ზ. არტანი—ხატხევი—ბაჩალი,
7. ზ. არტანი—კორსავი,
8. თიანეთი—იხინჯა,
9. თიანეთი—ზ. თიანეთი—ტუშურები და
10. თიანეთი—კვეტრა.

ექსპედიციის მიზანს შეადგენდა: საცხოვრებელი და სამეურნეო ნაგებობების და სარწმუნოებრივი გადმონაშთების შესწავლა. გზადაგზა ექსპედიცია ჰკრებდა მასალებს მიწისმოქმედებისა და მესაქონლეობის შესახებ. ექსპედიციაში მონაწილეობდნენ: უფროსი მეცნიერი მუშაკი გ. ჩიბაია, უფროსი მეცნიერი მუშაკი ვ. ბარდაველიძე, მხატვარი ნ. ბრაილაშვილი, არქიტექტორი ირ. ქავთარაძე და ფოტოგრაფი.

ექსპედიციამ ადგილობრივ იმუშავა—20 დღე. მუშაობის წარმატებით შესრულებას ხელი შეუწყო ადგილობრივი ხელისუფლების დახმარებამ და ავტორანსპორტის გამოყენებამ, ხოლო დააბრკოლა კინო-აპარატის (კინამოს) უქონლობამ.

ექსპედიციის მუშაობის შედეგად დადასტურდა რაიონში შემავალი მოსახლეობის ეთნიკური შემადგენლობის სიჭრელე. ექსპედიციის მუშაობის არეში ფშაველების გარდა დამოწმდნენ: „კახები“, ხევსურები და ქისტები (ს. ჟებოტაში—მათურელები). თუ დავეყრდნობით იმ ცნობებს, რომლებსაც გვაწვდის G. Radde თავის ნაშრომში „Chew'suren und ihr Land (Kassel 1878) თიანეთის რაიონის გარკვეულ ზოლში მოსახლეობის ეთნიკური შემადგენლობის შესახებ, უნდა ვიღიაროთ, რომ რაიონის ეთნიკური სიჭრელე უკანასკნელი 40—60 წლის მანძილზე წარმოშობილა.





Radde-სა და ჩვენს მიერ შეგროვილი ცნობები მოსახლეობის ეთნიკური შემადგენლობის შესახებ საგულისხმო განსხვავებებს გვაძლევს.

Radde-ს ცნობების მიხედვით  
სოფლებში:


ექსპედიციის მასალების მიხედვით  
სოფლებში:

- |                                  |                                                  |
|----------------------------------|--------------------------------------------------|
| 1. S'chlowani, ფშაველები—2 კომლი | სხლოვანი, ფშ.—22 კ., 107 ს.                      |
| 2. Lischo, ფშ.—58 კ.             | ლიშო, ფშ.—39 კ., 137 ს.                          |
| 3. Bodachewi, ფშ.—23 კ.          | ბოდახევა ფშ.—18 კ., 102 ს.                       |
| 4. Kus'chchewi, ფშ.—26 კ.        | ქუშხევი    ქვაშხევი    ქუშხევი ფშ.—25 კ., 108 ს. |
| 5.                               | თეთრაულეები, ფშ. 3 კ., 17 ს.                     |
| 6.                               | სახევი, ფშ.—12 კ., 73 ს.                         |
| 7. Artani, ფშ.—73 კ.             | ქვემო არტანი, ფშ.—20 კ., 102 ს.                  |
| 8.                               | ზემო არტანი, ფშ.—30 კ., 116 ს.                   |
| 9.                               | ლორლაში, ფშ.—8 კ., 18 ს.                         |
| 10. Soplioni, ფშ.—19 კ.          | სოფლიონი, ფშ.—20 კ., 102 ს.                      |
| 11. Korsawi, ფშ.—13 კ.           | კორსავი, ფშ.—5 კ., 22 ს.                         |
| 12. Batschali, ფშ.—39 კ.         | ბაჩალი, ფშ. და ხევსურები—10 კ., 56 ს.            |
| 13.                              | ხაზარი, ხევს.—11 კ., 55 ს.                       |
| 14.                              | საშუბე, ხევს.—10 კ., 48 ს.                       |
| 15. Kwara, ფშ.—42 კ.             | ყვარა, ფშ.—6 კ., 33 ს.                           |
| 16. Babchischewi, ფშ.—23 კ.      | ბაბჩისხევი, ხევს.—6 კ., 30 ს.                    |
| 17. Dshablewi, ფშ.—17 კ.         |                                                  |
| 18. Chiliani, ფშ.—15 კ.          | ხილიანა, ხევს., ახლახ გადასახლ.—                 |
| 19. Chatchorchi, ფშ.—9.          | 10 კ. 46 ს.                                      |
| 20. Chotchewi, ფშ.—2 კ.          |                                                  |


ზემოთ მოტანილი შედარებითი მონაცემები მრავალმხრივ არის საინტერესო. ირკვევა, რომ რადეს ცნობაში აღნიშნულ სოფლებიდან დღეს ზოგიერთი უკვე სოფლებად აღარ მოიხსენება (ჯაბლევი, ხატხორხი, ხატხევი), ხოლო ექსპედიციის მონაცემებით ზოგიერთი ახალი სოფელია შექმნილი: ზემო არტანი, ლორლაში, თეთრაულეები, სახევი, ხაზარი და საშუბე. ჩანს აგრეთვე, რომ მოსახლეობა კომლობრივი რაოდენობის მიხედვით შემცირებულია. ნაცვლად რადეს დროინდელი 367 კომლისა, დღეს 246 კომლია ფიქსირებული. ამას უნდა დავსძინოთ ისიც, რომ მოსახლეობაში სხვადასხვა ეთნიკური ერთეულია შერეული. ამ უკანასკნელი მიმართულებით უაღრესად საყურადღებო პროცესს აქვს ადგილი. ჩვენ მიერ დადასტურებულია, რომ ხევსური ხევსურეთიდან გადმოდის ამ რაიონში იმ ადგილებზე, რომლებსაც ფშაველები ტოვებენ. ეს უკანასკნელი თავის მხრივ—კახეთში, ახმეტის მხარეში გადადიან ხოლმე, აქ თქვენ შეხვდებით ისეთ ხევსურს, რომელიც შატილიდან, მუცოდან და ხახა-

სტრუქტურა




ფორმის მონაცემები სტრუქტურის მონაცემების მიხედვით



ფორმის მონაცემები სტრუქტურის მონაცემების მიხედვით



სტრუქტურის მონაცემები სტრუქტურის მონაცემების მიხედვით



ფორმის მონაცემები

ბოდან არის გადმოხვეწილი სისხლის ძიების ნიადაგზე. უმეტეს შემთხვევაში თიანეთის მხარეში გადმოსახლებული ხევსური კიდევ უფრო ქვემოთ მიდის ან კვლავ უბრუნდება მის საყვარელ ხევსურეთს. ხევსურეთიდან გადმოსახლებული ხევსურები დასახლდნენ ს. ბაჩალში, მაგრამ ისინი აქაც არ დადგნენ და კახეთსა და ერწოში გადასახლდნენ.

ექსპედიციის სამუშაო რაიონში მოსახლეობის ამგვარი მოძრაობა-გადაჯგუფების შესახებ შეიძლება აგრეთვე სხვა მაგალითების დასახელება.

ქსნის ხეობიდან მოსულან ქსნელაშვილები, ხოლო ჭართალიდან ჭართალელნი. ჭართალელნი ჯერ ყვარაში დასახლებულან, შემდეგ თიანეთის მახლობლად გადმოსულან და აქედან შირაქში წასულან, სადაც ამჟამადაც უნდა ცხოვრობდნენ. ასევე, გადმოცემის მიხედვით, მათურელების—დარჩიაშვილების გვარი წამოსულა გურიიდან და არაგვის ფშავში, სოფ. მათურაში, დასახლებულა, ხოლო იქიდან ნაწილი ივრის ხეობაში გადმოსულა და სოფ. ყებოტაში ამჟამადაც ცხოვრობს.

ექსპედიციის საკვლევი რაიონის მოსახლეობის ეთნიკური შემადგენლობის გასარკვევად მნიშვნელოვან მასალას წარმოადგენს ტოპონიმიკური სახელები.

I ჯგუფი: ლიშო, ყვარა, ხაშარი, ბაჩალი, კორსავი, ღორლაში, ხაიშო, ბუჭყინტა, ყებოტა, ლახატო, ხოფცა.

II ჯგუფი: სხოვანი, ხილიანა, სოფლიონი.

III ჯგუფი: ჭურჭელაურები, ბალიანები, ძებნიაურები, კახოიანები, იარაჯულები, დულუზაურები, გოჯიანები, ტუშურები, არეულები.

IV ჯგუფი: შარახევი, ბოდახევა, ქუშხევი, ბაბხისხევი.

არა ნაკლებ საყურადღებოა, რომ „ქართლის მოქცევაში“ მოხსენებული „ყუარელთა“ ადგილმყოფელობის გასარკვევად საინტერესო მასალას იძლევა თიანეთის რაიონი. ექსპედიციის მუშაობის პროცესში გაირკვა, რომ კახელი ყვარელელები თავს ივრის ხეობაში მდებარე ს. ყვარადან გადასახლებულად მიიჩნევენ<sup>1</sup>. კიდევ მეტის თქმაც შეიძლება, ყვარელელები ყოველწლიურად სალოცავად მოდიან ს. ყვარას მახლობლად მდებარე ხატვევში, სადაც მათი მთავარი ხატია: თამარი და ლაშარი. გარდა ამისა აღსანიშნავია ისიც, რომ თამარისა და ლაშარის კულტი დღემდე შემონახული ნიშანდობლივი ელემენტებით სწორედ ყვარელელებს და მის მეზობელ სოფელებს დაუცავთ. სახელობრ: ყვარელელები ისევე როგორც ფშაველები თამარ-დედუფალს მიიჩნევენ მკურნალ-დედუფალად და მის სახელზე წლის მანძილზე აგროვებენ ფულს, რომლითაც შემდეგ იძენენ საკლავს და ხატვევში სწირავენ. კახელი მლოცველების თქმით, რომლებიც მრავლად იყვნენ ხატვევში სალოცავად, „ჩვენნი მამა-პაპა აქედან გადასახლებულა კახეთში; ამიტომ არის, რომ სოფელ ყვარას მიხედვით კახეთშიც ჩვენს სოფელს ყვარელი ეწოდება“-ო. ისინი სხვა კახელებთან ერთად აღნიშნავენ—„აქედან წასულები რომ ვართ, ამიტომ გვამიზევებს აქაური ხატი და ჩვენგან სამსახურს მოითხოვს“<sup>2</sup>.

<sup>1</sup> შდრ. ვაჟა-ფშაველა, ეთნოგრაფიული წერილები, 1937, გვ. 144.

<sup>2</sup> იბ. ვ. ბარდაველიძე, ივრის ფშაველებში, დღიური, ენიმკი-ს მოამბე, ტ. XI.

შემოთქმულს დაესძინო, რომ მეცხრამეტე საუკუნის პირველ ნახევარში, უფრო ზუსტად პირველ მეოთხედში, ყვარელელები ცალკე ეთნიკურ ერთეულს შეადგენდნენ, რასაც საქ. მუზეუმის ეთნოგრაფიულ განყოფილებაში დაცული იმ ხანის სურათები ამტკიცებს. ამ მონაცემების მიხედვით მატიანის „მოქცევაჲ ქართლისაჲს“<sup>1</sup> ყვარელების ადგილსამყოფელის ივრის ხეობაში ლოკალიზაცია იქნებ დასაშვები იყოს.

აღსანიშნავია, რომ გადმოცემების მიხედვით რაიონის უძველეს მოსახლეებად ფშველები „დეე-კერბებს“ წარმოიდგენენ. მათ ნასოფლარებს ბევრგან ასახელებენ (ქუშხეში, ყვარას თავზე და სხვაგან).

ქუშხევის ნასოფლარი შესანიშნავ ნაგებობათა კომპლექსს შეიცავს. ექსპედიციამ დაითვალა დაახლოებით 21—23 შენობის კედელი და საძირკველი. ნაგებობანი დიდი ოსტატობითაა ნაშენები. უზარმაზარი ქვებისგან კედლების მშენიერი წყობაა მოცემული. კედლის ქვების სიდიდის წარმოსადგენად ვასახელებთ ერთ განზომს: ქვის განი—0,93, სიგრძე—0,69, სისქე—0,91. აქვე მოცემული კოპალას სახელობის ახალი ხანის ნაგებობები მდარე ხელობისაა.

ხალხურ თქმულებას შემოუნახავს დეე-კერბებისა და კოპალას ბრძოლის ეპიზოდიც. თქმულების მიხედვით, ოდესღაც იხინკის მთაზე დევებს უცხოვრიათ, რომელთაც თურმე კოპალა ებრძოდა, მაგრამ ვერ დასძლია. იმ დროს თიანეთის ვაკე წყლით ყოფილა დაფარული. ხალხი თურმე საცხოვრებლად მთის ფერდობებზე იყო შეფენილი. ამ ხალხში ერია ერთი და-ძმა თინა და იორამი. ერთხელ მღვდელს კერაში ცეცხლი ჩაქრობია. გაუგზავნია დიაკვანი დევებთან და დაუბარებია—დევებს ცეცხლი გამოართვი და მომიტანეო. წასულა დიაკვანი იხინკის მთაზე დევებისაგან ცეცხლის გამოსართმევად. დიაკვანს უფრო მოუკრავს დევების საუბრისათვის. თურმე ერთი დევი ეუბნება მეორეს: ხალხი უჭკუოა, იმათ რომ ჭკუა ჰქონდეს იორამსა და თინას დაჰკლავდნენ, წყალში ჩააგდებდნენ და მაშინ ბოკონი (ადგილის, სოფლის სახელია) გაიხსნებოდა, ვაკეში დაგროვილი წყალი წაივლიდა და კოპალაც ჩვენ გვაჯობებდაო. დიაკვანს ეს ნათქვამი აუკრფვია და მღვდლისათვის გადაუტია. მღვდელს ხალხისთვის უცნობებია. მაშინ ხალხს გადაუწყვეტია დევების ნათქვამი შევასრულოთო. თინა და იორამი დაუკლავთ და წყალში ჩაუყრიათ. მაშინვე ბოკონი გახსნილა, წყალს გასავალი გაჩენია, ვაკე თანდათან წყლისაგან დაკლილა, მისგან მხოლოდ მდინარე-ლა დარჩენილა და მიწა გამოჩენილა. იმ დროს კოპალას დევებისათვის უჯობნია და სულ ამოუუქვტია. ხალხი მთის ფერდობებიდან ბარად ჩასულა და იქ დასახლებულა. ასე გაჩენილა თიანეთი და იორი, თიანეთი იმ ადგილს თინასაგან დარქმევიდა, ხოლო იორი მდინარეს—იორამისაგანო<sup>2</sup>.

მუშაობის პროცესში ექსპედიციამ გაარკვია სოფლის დასახლების ტიპი. ის აქ მოცემულია მთლიანი კომპლექსის სახით. თითოეულ ტიპიურ

<sup>1</sup> ვ. თაყაიშვილი, Опис. рук., II, გვ. 717.

<sup>2</sup> გაკონილია „თამარის კალთხე“ იხინკას მახლობლად, როდესაც იხინკობიდან „კულუხი“ პირიქითში მიემგზავრებოდა.

კომპლექსში მოცემულია საცხოვრებელი სახლი, გომური, ბელელი, ბოსტანი და ყანის ნაკვეთი. სახლის ტიპების ხაზით დადგინდა: დარბაზეული, მიწური, საბძლური და ქორედი (დეფორმირებული) სახლები. გაირკვა დარბაზეული ტიპის რაობა და მისი გავრცელების არეალი, აგრეთვე მიწური ბანიანის მიმართაც. ყველა მონაცემის მიხედვით ცხადია, რომ ეგრეთწოდებულმა საბძლურმა (ორწახნაგიანი სახურავით) შესცვალა ბანიანი სახლი. აღსანიშნავია ამავე დროს, რომ საბძლური სახურავითაა წარმოდგენილი ყველა საკულტო ნაგებობა. ხევსურული ქორედი სახლი დეგენერებული სახითაა მოცემული. ორი სართული ერთითაა შეცვლილი და ნაცვლად ბანიისა საბძლური სახურავი ჰხურავს. რამდენადაც ჩვენს მიერ წინათ დადასტურებული იყო, რომ ხევსურეთში საბძლური სახურავი ფშავეთიდან შესული კულტურის ელემენტია, ამდენად გასაგებია ფშავში ხევსურული ქორედი სახლის ჰიბრიდული ფშავურ-ხევსურული ელემენტებით მოცემულობა.

ტიპური საბძლური საცხოვრებელი სახლი აქ წარმოდგენილია შემდეგი გეგმით: დელფანი, საბარგო და სამყოფო. სახლის ტერმინოლოგიისათვის აღენიშნავთ: ლიბო (იგივე საძირკველი დიდი ლოდებისაგან აგებული იმ სახით, რომ ხერხდება მასში ნიადაგის წყლის გატარება), მშრალად ნაგები კედელი და ქვითკირი, დირე, ბოძი, დასაყლოება, გამოწარბვა, სარტყლები, თავხე, კოკები, ფარეშები, ქერი, ნაფოტი, მიწა, საბძლის ბოძი, ყბა, კესი || საყოფ || ისარი, შუალა ბოძი || დედა-ბოძი || ბოტიტანა, კაეები, ჩხირები, ლასტები, ჩალა (ჭვაევი || ყარტი), ლატნები, წნელები; შუაეცხლი, კერა, სიპი, რკინის კერა, სააღე ხეები; ქვა, ბოძი, დათვი (ბალიში, ბანდუში), თავხე, აყრები, საკომე; ბოძი, საყუნწური, ბასკა, სათაურა, საკედურა, ლოტენე || ზღვე, ბაგა, სანერწყელი, საძირ-გირკალი, ციყვორის კედელი, ბოყვი, ყადაღი, ბუხარი ძველებური, ფურნე ქართული, ხოხი ქვა (ფოლადი ქვა), კარის ქვა, კუთხის ქვა, ნალი, მარწუხები || მეშველები, ქანჭიქი || ყადაღა, ნიადაგი; ჩხირები, საყუნწური, კოჭაკი, სარტყელი, თირკმლები, ურდულის ალაგი, ურდული. გარეშა ოთახი, საჩეხი, საქარი, საქრის სვეტი, ბოძი-აფრა, საყოფის ბოძი.

საყურადღებო კომპლექსს წარმოადგენს ექსპედიციის მიერ შესწავლილი წისქვილი. ჩვენ მიერ ს. ზემო არტანში დამოწმებული იყო ტურბინული წისქვილი „ბუჭულა“. სიდიდის მიხედვით წისქვილის ქვა ხელსაფქვავის ქვაზე ცოტათი მეტია. მხოლოდ ის წყლის ძალის გამოყენებაზეა აგებული და ამასთან დაკავშირებით გართულებული. (ფშავსა და ხევსურეთში, როგორც ჩვენ ვიცით, ჯარაების ასამოძრავებლად ხშირად წყალია გამოყენებული. ამგვარად ამოძრავებული ჯარა ფშაველ ქალს ზემო არტანში ჩვენი შესასწავლი ობიექტის წისქვილის არხის წყალზე ჰქონდა მოწყობილი).

როგორც ცნობილია, სამეცნიერო ლიტერატურის უკანასკნელი მონაცემების მიხედვით ტურბინული წისქვილი ძველ საბერძნეთსა და რომში აღმოსავლეთიდან არის შესული. ყველაზე უძველეს ცნობას ამ სახის წისქვილის არსებობაზე ურარტული ტექსტები შეიცავს. ჩვენ მიერ ივრის ხეობაში შესწავლილი ბუჭულა იმ მხრივ არის საყურადღებო, რომ მისი ნაწილების ტერმინების უმრავლესობა ქართული სიტყვის ძირებიდანაა ნაწარმოები, რაც ბარული წისქვილის

ნაწილების სახელებზე მხოლოდ ნაწილობრივ ითქმის. ამ კომპლექსის ნაწილები  
 ბის სახელები ჩვენ მიერ ფიქსირებულია: რუ, სარუე, ღარი, საღორე, ყორე, დირე,  
 ბოყეები, ნაწარბი, ბოძი, ყბა, სათავე, კავები, კარი, ჩარჩო, კოკაკი;—სამაქ-  
 ნის ხე, ფარცბი, კაქკაკი (რკინისა), კოკი ანუ ასტამი, (კაქკაკს აქვს კოკი), ღერძი,  
 სალტე, მორგვი, ფთე, ბორბალო (მთლიანად), თოფი, სათოფე, ბოძი (ორი),  
 კოდი, ვიდი, სარეკელა, (ეს არის წისქვილის ქარხანა), ალატი, მწვარი, ქრიჯა.  
 კასრი (ასაწყაი)=8 კილოს ანუ ორ ლიტრას, მინდი, სამინდე (1<sup>1</sup>/<sub>2</sub> კილო).

სახენელი იარაღების ხაზით ჩვენს შესასწავლ რაიონში არსებითად ერთი  
 ტიპის სახენელი დადასტურდა: ეს არის ის ძირითადი სახენელი იარაღის  
 ტიპი, რომელსაც ჩვენ „ფშოურს“ ვუწოდებთ. კონსტრუქციულად ამ ტიპს  
 ახასიათებს მხარი გაყრილი ხელნაში. საქართველოსა და კავკასიის სახენელი  
 იარაღების მიხედვით ეს სახენელი იარაღი ის სახეობაა, რომელსაც „შეითან  
 ჩიფთ“—საც უწოდებენ. ივრის ხეობაში იგი მოცემულია იქ, სადაც ვაკეა, ქართუ-  
 ლი გუთნის მსგავსად, ხოლო ფერდობებზე ადგილთან შეფარდებით მოკლე ან  
 შედარებით გრძელი მხარითა წარმოდგენილი. ეს მოკლე და შედარებით გრძელი  
 მხარით წარმოდგენილი სახენელი იარაღი ქსნური მთის გუთნისგან და ორხე-  
 ლასგან განსხვავდება მხარის დაკავშირებით ხელნასთან.

საგულისხმოა, რომ ამ ტიპის სახენელი იარაღი გავრცელების მხრივ და-  
 დასტურებულია საქართველოს მთაში ვიწრო ტერიტორიაზე: იორის, ფშავის  
 არაგვისა და თეთრი არაგვის ხეობებში. ამათ დასაველეთით ქსნური მთის გუთ-  
 ნის სახის იარაღია გაბატონებული. ამავე დროს ეს იარაღი ქსნური გუთნისა  
 და რაჭული სახენელის მსგავსად ფერდობის დასამუშავებელი სახენელი იარა-  
 ღია. ივრის ფშაველების თქმით ეს სახენელი ვაკეზე ვერ იმუშავებს, ის იქ  
 მარტო კვალს ვააგლებს რუსავით, ხოლო ფერდზე კი ბელტს მოსჭრის და  
 გადააწვეს. ეს სახენელი ამავე დროს ყვეარს შეიბამს ხოლმე. საბას კლასი-  
 ფიკაციის მიხედვით სახენელი იარაღის ეს სახეობა „არონას“ უნდა წარმოად-  
 გენდეს. ეს ტერმინი დღეს ეთნოგრაფიულ სინამდვილეში მხოლოდ მეს-  
 ხეთშია შემონახული. საბა სწერს: „(ერქვანს) ორის ჯარისასა ეწოდების  
 ოქოქა და აჩაჩა, ყვერის ჯარისასა არონა“. ივრის ხეობაში სახენელი იარაღის  
 შემონახვებზე ტიპს—აჩაჩა და გუთანი ეწოდება. მისი შემადგენელი ნაწილე-  
 ბის სახელებია: „ქუსლი“, „საქუსლის ყურები“, „საშრაუე“, „მწარი“, „ჩხირი“,  
 „ასამბელი“, „დასამიჯები“, „ხორხი“, „საკვეთელი“ („პირი“, „ყუა“, „ღერი“),  
 „სახნისი“, „სოლი“, „ხმალი“, „ვერქვანი“, „ტოტები“, „კუდის სოლი“, „უღე-  
 ლი“, „ქორაკი“, „საქედნავი“, „ტაბიკი“, „ტაბიკი თავი“, „სამალდე“. აღსანი-  
 შნავია აგრეთვე „გუთნის დედა“ და „მეხრე“.

დასასრულ აღვნიშნავთ, რომ აქ მოდგამობას „ამბაზი“ ეწოდება. ამბაზში  
 მონაწილეთა შრომა-დღის გამოანგარიშება სწარმოებს შემდეგი სახით:

### I ვ ა რ ი ა ნ ტ ი

გუთნის-დედას	1	დღიური
სახნის	1	დღიური

საკვეთელს	1/2 დღიური
ჯამბარას, აპურსა და უღლებს	1/2 დღიური
ღვედს	1 დღიური
12 უღელ ხარს	12 დღიური
4 დღის მეხრეს	4 დღიური
3 ღამის მეხრეს	6 დღიური
	<hr/>
	26 დღიური

## II ვარიანტი

გუთნის-ღედას	2 დღიური
სახნისს	1 დღიური
საკვეთელს	1/2 დღიური
ჯამბარას, აპურსა და უღლებს	1/2 დღიური
ღვედს	1 დღიური
ხარს	1 დღიური
ღამის მეხრეს	1 დღიური

ამ სახის გამოანგარიშებას ცალზე თვლა ეწოდება.

უნდა ითქვას, რომ ჩვენ მიერ სოფ. ტუშურებში შესასწავლილი ქართული გუთანი ამჟამად მომქმედი უკანასკნელი გუთანია ექსპედიციის მუშაობის ტერიტორიაზე.

### გუთნის ნაწილები:

- |                    |                                |
|--------------------|--------------------------------|
| 1. კბილი (იფანი)   | 18. ყუა-ბუდე                   |
| 2. საქლეში         | 19. ზალტე                      |
| 3. ვმალი           | 20. ყოი                        |
| 4. ფთის ჩხირი      | 21. ფამფალაკი                  |
| 5. ჰელკუდი         | 22. ჯამბარა                    |
| 6. ჰელკუდის ჩხირი  | 23. ველის გორგოლა (ნეკერჩხალი) |
| 7. კოფა            | 24. ფამფალაკი                  |
| 8. მანკა დიდი      | 25. სოლი                       |
| 9. მანკა პატარა    | 26. ჩხირი                      |
| 10. სოლები         | 27. კოლი გორგოლა               |
| 11. ფთე            | 28. ფერსო                      |
| 12. რვილი          | 29. ყადაღა                     |
| 13. საკვეთელი      | 30. რჩხა                       |
| 14. საკვეთლის სოლი | 31. შოლტყავი                   |
| 15. საჯნისი        | 32. კორაკი                     |
| 16. ფთე            | 33. ღვედი                      |
| 17. ფთის წვერი     | 34. კაპანი                     |

35. კორაქები

37. სამალდე

36. საქედელი (ულისა)

რვაუდელა გუთნის ხარებისა და მესხრეების სახელები:

- |                   |                  |
|-------------------|------------------|
| 1. წინა ჯარი      | წინა მეჯრე       |
| 2. საჯდომი ჯარი   |                  |
| 3. წასაკრავი ჯარი | წასაკრავის მეჯრე |
| 4. საჯდომი ჯარი   |                  |
| 5. საშუალი ჯარი   | საშუალის მეჯრე   |
| 6. საშუალი ჯარი   |                  |
| 7. გძელი ჯარი     |                  |
| 8. ღირღიტის ჯარი  | ღირღიტი მეჯრე    |

გადასაზიდ და გადასაყვან საშუალებების ხაზით შესწავლილი კულტურის ელემენტებიდან მნიშვნელოვანია მარჯილი, რომელიც შემდეგ ნაწილებს შეიცავს: ყალი, ყალის თავი, საკოჭაკე, კოჭა, სადოთავე, დოთა, ნემსა, ჯელნა, წნელი, თავშაყრის წნელი, ჩხირი. ჯინი: ყალი, ჯირხლები, ჯინი, წნელი. კავი: სათარი, სამჩხირავი, კავი, თოკი ალახი<sup>1</sup>. გადასაყვანი და გადასაზიდი საშუალებების დასამზადებლად საჭირო იარაღი: ცული, სატეხი, ჯვედა და შალაფი.

მესაქონლეობის კომპლექსიდან აქ შეიძლება აღინიშნოს, რომ ამ რაიონის მცხოვრებთ შირაქში ცხვარს გარდა ძროხაც მიუდიოდათ. წვრილფეხა საქონლის შირაქში გადაყვანის მარშრუტი იყო: ლეკოვანი—ბაჩალი—ხატხეუ—რა—არტანი—ლიშო—თიანეთი—ეგობტა, საბუე—ახმეტა—ქისტაური—წინან—დალი—გურჯაანი—წნორი—წითელი წყარო—შირაქი.

დასასრულ ექსპედიციამ (შემსრულებელი უფროსი მეცნიერი მუშაკი, დოც. ვ. ბარდაველიძე) იშვიათი მასალა შეაგროვა რელიგიის გადანაშთების ხაზით<sup>2</sup>. კერძოდ, ექსპედიციას შემთხვევა ჰქონდა რამდენიმე ქადაგად დაცემული ენახა და მათთან ემუშავა, გადაეღო ფოტოსურათები, ჩაეწერა წესჩვეულებები და სხვა. სამწუხარო იყო, რომ ექსპედიციას კინო-აპარატი თან არ ჰქონდა, რომ ქადაგად დაცემის იშვიათი შემთხვევები კინო-აპარატით გადაეღო.

სხვათა შორის ექსპედიციამ დაადასტურა თამარისა და ლაშარის კულტი, რომელიც ყველა მონაცემების მიხედვით შეიცავს მეფეთა გაღმერთების ელემენტებს და ამით უძველეს ტრადიციებს ამჟღავნებს. ამ მონაცემებით ეთნოგრაფიულ ლიტერატურაში სადავოდ აღიარებული საკითხი (ნ. ურბნელი, ვაჟა-ფშაველა) არის თუ არა ფშაური ლაშარობის კულტში ლაშა-გიორგი საგულის-ხმებელი, უკანასკნელის სასარგებლოდ უნდა გადაწყდეს<sup>3</sup>.

<sup>1</sup> საბას მიხედვით: „ალაქი—საცორავი (საცორავად დამაყენებელი A)“.

<sup>2</sup> იხ. ვ. ბარდაველიძე, ივრის ფშაველებში, აქვე.

<sup>3</sup> იხ. ბუქურაული, ლაშარის ჯვარი და თამარ დედოფალი, მოამბე, 1898, №№ 4 და 5; ნ. ხიზანაშვილი, ფშა-ხევსურები, ეთნოგრაფიული ნაწერები, თბ. 1940, გვ. 102; ვაჟა-ფშაველა, ეთნოგრ. წერილები, ტფ. 1937, გვ. 143.





ამ აზრს მხარს უჭერს ის გარემოება, რომ მეფის გაღმერთების თქმულებებში სხვა ქართველ ტომებშიც მოიპოება, სახელდობრ ხევსურებში. აი რა გადმოცემა არსებობს ხევსურებში ირაკლი მეფის შესახებ (მოწყავს ალ. ოჩიაურის ჩანაწერი. ოჩიაურს ეს მასალა ჩაუწერია ბეწიკა ჭინჭარაულისაგან): „ხევსურებს მეფე ირაკლიც ისე მიაჩნდა როგორც ღვთაება და ეძახდნენ გუდანის ჯვარის მოძმეს. იგიც ამოდოდა ხევსურში, ხევსურთ გუდანის ჯვარში მოუყრიდა თავს და თვითონ ბელელში შევიდოდა. იქიდან ისმოდა ხმამალაი ლაპარაკი. ხევსურთ რწმენით გუდანის ჯვარს ირაკლი პირადად ელაპარაკებოდა: ჩვენ ვერ ვხედავთ გუდანის ჯვარს, რადგანაც საფარველი აქვსო. ხოლო ირაკლი როგორც ჯვარის მოძმე და თვითონაც წმინდა კაცი, როგორც ღვთაება, თვალით ხედავს და ერთად ბაასობენო. გამოვიდოდა ირაკლი ბელლიდან და ხევსურებს გუდანის ჯვარის სურვილს გამოუცხადებდა. ირაკლი უფრო ასეთ შემთხვევაში ამოდოდა, როცა ომი უნდა ყოფილიყო და ირაკლის სურდა ხევსურთა გაყვანა<sup>1</sup> ომში. ხევსურნი ერთხმად დაემორჩილებოდნენ გუდანის ჯვარისა და ირაკლი მეფის სურვილს და ხშირად ომიდან გამარჯვებულნი ბრუნდებოდნენო“<sup>2</sup>.


<sup>1</sup> დედანში „ხევსურთა გაყვანისა“.

<sup>2</sup> ენიშკი-ს ვთხოვრათის განყოფილების არქივი.

3. ბ ა ნ გ ა ნ ბ ე მ ი დ ი

0 3 6 0 6 3 2 1 3 3 0 8 0

(ბიბლიოთეკა)




**10 ივლისი.** თბილისიდან გავემგზავრეთ დილის სრულ 11 საათზე ენიმკი-ს საბარგო ავტომანქანით და ნაშუაღღევის სრულ 4 საათზე უკვე სამუშაო რაიონის ცენტრში, ქვემო-თიანეთში, ვიყავით. ერწოზე გავლისას რამდენიმე წუთით ხევსურების სოფელ ღულელებში შევჩერდით. ამ სოფლის მცხოვრებნი, როგორც თვით აღნიშნეს, 80 წელიწადია რაც ხევსურეთიდან გადმოსახლებულან. საუბრის დროს თუ შენიშნავთ აქაური ხევსურების თავისებურ მთურ კილოს, თორემ სხვა მხრივ რაიონის ძველი მოსახლეობისაგან ბევრით არაფრით განირჩევიან. ასეთია პირველი შთაბეჭდილება, რომელსაც ბადებს ღულელებლების გარეგნული იერი, კახური ჩაცმულობა, სოფლის ევროპული ყაიდის კრამიტ-ვადახურული შენობები და სხვ. მხოლოდ შემდეგში, სოფელ ღულელებს რომ გავცდით, ხშირად ვხვდებოდით ხევსურულ ტალავარში გამოწყობილ კაცებს, ქალებს და ბავშვებს. თვით რაიონის ცენტრში, ქვემო-თიანეთში, რამდენიმე ხევსური ფარით შეჭურვილიც-კი ვნახეთ. აქ ხევსურ მანდილოსანთა მეტ ნაწილსაც ხევსურული ტალავარი აცვია, მაგრამ ამ სამოსს უკვე გარემო მოსახლეობის—კახებისა და, განსაკუთრებით, ფშავლების—ჩაცმულობის ზეგავლენა განუტღია. ახალგაზრდა ქალებს ფშაური ყაიდის ზედატნები ჩაუცვამთ და თავზე, სათაურას ზემოდან ან უსათაუროდ, პირდაპირ თმაზე, ფაბრიკული შალის ფერადი თავსაფრები მოუხვევიათ, მანდილის ნაცვლად. აგრეთვე ვაჩვენებაც ხევსურული ქუდის მაგიერ კახური (თუშური) ან ბოხოხა ქუდები ხურავთ.

გამოცხადებით რაიალმასკომში, ვაეცანით მისი თავმჯდომარე და სხვა თანამშრომელნი, მათ შორის რაიალმასკომის საერთო განყოფილების გამგე შაქრო დედაბრიშვილი, რომლისგანაც მივიღეთ ცნობები რაიონის ეთნიკურად მეტად კრელი მოსახლეობის სამოსახლო პუნქტების შესახებ. შაქრო დედაბრიშვილი ქვემო-თიანეთის ყოფილი მასწავლებელია და ის რაიონის მცხოვრებლებს კარგად იცნობს. მისი დახმარებით ჩვენი ექსპედიციის (ენიმკი-ს ეთნოგრაფიული ექსპედიცია 1939 წ.) მარშრუტებიც საბოლოოდ დავაზუსტეთ.

დედაბრიშვილმა სხვათა შორის გვაცნობა, რომ ივრის ხეობის მორწმუნე მოსახლეობა დიდ სამზადისშია დღეობა „იხინკობისათვის“, რომელიც მიმდინარე თვის მეორე ნახევარში ხუთშაბათ დღეს მოდისო.

დღეს გამოსასვლელი დღეა და ამიტომ რაიალმასკომის მუშაკთა და განათლების განყოფილების გამგის ვარდა სხვა დაწესებულებათა ოფიციალური პირების ნახვა ვერ მოხერხდა.



**11 ივლისი.** დილით ვინახულეთ თიანეთის შინსახკომის რაიგანყოფილების უფროსი და რაიკომის მეორე მდივანი. წარუდგინეთ ჩვენი მანდატები და მოკლედ ვაგვაცანით ექსპედიციის მუშაობის მიზანი და ამოცანები. მეტად თავაზიანად მიგვიღეს და ყოველგვარი დახმარების აღმოჩენა და მუშაობაში ხელისშეწყობა აღვვითქვეს.

ამით მოთავდა საქმის ოფიციალური მხარე და ემბოტელი ინტელიგენტი კოლმეურნის ლევან დოლიაშვილის (რომელსაც ადგილობრივი მოსახლეობა „აგრონომს“ ეძახის) და ქვემო-თიანეთის ძველი მასწავლებლის ვასო ჯიბლაძის თანხლებით სამუშაოდ სოფელ ემბოტისაკენ გავემართეთ.

სოფელი ემბოტა მდებარეობს ქვემო-თიანეთის პირდაპირ, მდინარე იორის ვალმა, რაიონულ ცენტრიდან ერთი კილომეტრის მანძილზე. სოფლის მოსახლეობა ნარევი: ძველიდანვე გადმოსახლებული ფშავლები, აბორიგენი ქართველები, რომელნიც თავის თავს „კახი“-ს უწოდებენ, და გაქართვებულ ქისტების რამდენიმე მოსახლე. ქისტები ძეგნი აუროის გვარისანი არიან. მათგან მიღებული ცნობით, ძეგნი აუროთ გვარი უკვე ხუთი-ექვსი თაობაა რაც სოფელ ემბოტაში მოსახლეობს. ისინი, ემბოტას სხვა მოსახლეებთან ერთად, თავის სალოცავად ამ სოფლის კოპალეს ხატს მიიჩნევენ, თუმცა ამასთანავე აღნიშნავენ, რომ ჩვენი მთავარი ხატი (რომლის სახელი და ზუსტი ადგილმდებარეობა მათ არ ახსოვთ) ოდესღაც კახეთში ყოფილაო.

კოპალეს ხატი (მას კოპალეს ნიშნაც ეძახიან) მოთავსებულია სოფელ ემბოტას თავში, მდინარე იორის პირად, ე. წ. ძეგნი აუროთ უბანში. იგი ქვა-კირით ნაგები და ქართული კრამიტით გადახურული თაღიანი პატარა შენობაა, ამჟამად ნახევრად დანგრეული. აღმოსავლეთის კედელში მოგრძო და ვიწრო სა-



კმელი აქვს, ხოლო სალოცავის ჩრდილო-აღმოსავლეთის კედელთან და“ ხე დგას—იფნი და ნეკერჩხალი.

ყებოტა მდიდარია საკულტო ძეგლებით. კობალეს ხატის გარდა აქ მოიპოვება „კვირეის“ ორი ნიში, „ფურების ხატი“, „ამალღების სალოცავის“ კომპლექსი და „საყდარანი“.

კვირეის ნიშები მოთავსებულია ერთი, სოფლის ზემო-უბანში და მეორე, ქვემო-უბანში. ქვემო-უბნის ნიში, სამწუხაროდ, ვერ ვინახულეთ. ამისათვის დრო აღარ დაგვრჩა.

ზემო-უბნის კვირეის „ნიში“ პატარა ვაკე ადგილია, სადაც ტყემლის ხე დგას, აშკამად შუატანთან გადატეხილი. ეს ვაკე მოსახლის ყანაშია მოთავსებული. ყანის პატრონის საგანგებოდ მთის ბროლის ლოდი მოუტანია და წმ. ხის მახლობლად მოუთავსებია. არაერთარი ნაგებობის ნაშთი აქ არ ჩანს.

კვირეის ნიში ივრის ხეობაში თითქმის ყველა ფშაურ სოფელში მდგარა. მისი სახელობის დღეობა აღდგომის სწორზე, კვირაცხოვლობას, მოდის. მლოცველებს შესაწირავად ცოცხალი მამლები და თიკნები მიჰყავთ. დაკლული მსხვერპლის თავებს იქვე სტოვებენ, დანარჩენ ნაწილს კი უკან აბრუნებენ, შინ ხარშავენ და შეექცევიან. კვირეის სახელზე ყმაწვილების ბერად შეყენებაც იციან. ასეთ ბავშვს ყელზე თეთრ ნაჭერს გაუკეთებენ, მიიყვანენ ნიშთან და კვირეის შეაყდრებენ, შემდეგ ამ ნაჭერს მოხსნიან და წმ. ხეზე ჩამოკიდებენ.

სოფელ ყებოტას ჩრდილოეთით მოსახლეზე მთის ფერდობსა და ზურგზე რამდენიმე საკულტო ძეგლია მოთავსებული. მათგან ერთი, ე. წ. „ფურების ხატი“, განსაკუთრებით საყურადღებო სალოცავია. „ფურების ხატს“ ბებერ იფნის ხესა და მის ძირში აგებულ პატარა ნიშს ეძახიან. ნიში ოთხკუთხი ფორმისაა. შემონახულ ნაწილში იგი ნახევარზე ქვა-კირით არის ნაგები, ხოლო მას ზემოთ აგურია დალაგებული მშრალად. აღსანიშნავია, რომ ეს ნიში აღმართულია ძველ ნაგებობაზე, ქვა-კირის კვარცხლბეკზე, რომლის სიბრტყე მეტია ნიშის ძირის სიბრტყესთან შედარებით. აშკამად ეს კვარცხლბეკი მიწის ზედაპირზე ოდნავ მოჩანს. გარდა ამ კვარცხლბეკისა იქვე, კვარცხლბეკის სამ მხარეზე (აღმოსავლეთით, დასავლეთით და სამხრეთით), მიწის პირად მოჩანს ქვის ნაგებობა, რომელიც, ვგონებ, კედლის ნაშთი უნდა იყოს. ამ კედლის პარალელურად მიწის პირადვე მეორე, ვგონებ, აგრეთვე კედლის ნაშთი ჩასდევს. „ფურების ხატის“ მახლობლად ძველი შენობის ნანგრევები და ნამოსახლარი ადგილებიც არის.

„ფურების ხატს“ საქონლის მფარველობას მიაწერდნენ. როდესაც მოსახლეს საქონელი „გეეზბლებოდა“, ოჯახის მანდილოსანი „ფურების ხატს“ მიმართავდა და ევედრებოდა—პირუტყვი „ცუდი შეხვეული ბრბოსაგან გამომიხიზნეო“.

„ფურების ხატის“ დღესასწაული წელიწადში ორჯერ მოდის: ზაფხულში, თიბათვის ერთ-ერთ ხუთშაბათ დღეს (ვარიანტი: შაბათს) და შემოდგომის გიორგობას. ხალხი აღნიშნავს, რომ ამ ოციოდე წლის წინათ სალოცავში ღვთისმშობლისა და წმ. გიორგის „სახე“ ბრძანდებოდნენ და როდესაც „ფურების ხატში“ სალოცავად მიედიოდით, შესაწირავების ნაწილს ამ წმინდანების სა-



ხელზე ვტოვებდითო. „ფურების ხატი“ შესაწირაებია: კურატი (საქართველოში)  
ცხვარი, ქადა, ვერცხლის ფული.

ადგილობრივი მოხუცების გადმოცემით, ამ სალოცავში ჰევისბერებად



„ნაწმინდური“ (თეიურის წესს გადასული) დედაკაცები იყვნენ. საზოგადოდ  
მამაკაცებს და ახალგაზრდა ქალებს „ფურების ხატი“ ახლო არ იკარებდა. სა-



ლოცავად მისული ხალხი შორი-ახლო ჩერდებოდა, იქ მას ჯევისბერებიც  
ბოდნენ და შესაწირავებს უჭურთხებდნენო.


ზოგიერთ მოხუცს ახსოვს, რომ მათ ახალგაზრდობაში „ფურების ხატს“  
ხუთი ჯევისბერი მანდილოსანი ჰყავდა. ამჟამად კი არც ერთი ჯევისბერი იქ  
ალარ მოიპოვება. ჯევისბერის ფუნქციებს ახლა სოფლის მოხუცი მორწმუნე ქა-  
ლები ასრულებენ. მოხრობლები აღნიშნავენ, რომ შარშანწინ „ფურების ხატს“  
ქადები ქიზიყელამ (ქალის სახელია) დაუჭრაო.

ამ სალოცავის ჯევისბერებს, ხალხის ძველი რწმენით, თვით „ხატი“ აყენებ-  
და. ის „დაიჭერდა“ დედაკაცს, „აუძღვებოდა მას, აუსევდა ან გველს, ან სხვა მავ-  
ნეს. ყველაზე მეტად ასეთ დედაკაცს გველები ევსეოდა, დღისითაც ტანჯავდნენ,  
ღამითაც“. „დაჭეროლი“ დედაკაცი შეევედრებოდა ხატს—შვება მომეცი და  
სიკვდილამდე გემსახურებო. აღოქმის შემდგომ ის ჯევისბერად დგებოდა და  
მართლაც სიკვდილამდე ხატს ემსახურებოდაო.

69 წლის მიხეილ დარჩიაშვილი გვიამბობს: ჩემი „დიდია“ (ბებია) ქუბრი-  
ანთ ლევას ცოლი იყო. ვინ არ იცნობდა ქუბრიანთ ლევას! ოჯახი ბარაქით  
საესე ჰქონდა, შეძლებული და გაგებული კაცი იყო, იმას ყველა პატივსა სცემ-  
და, მაგრამ ის ქალქალზე გავიდა (ე. ი ქალიშვილები ეყოლა, ვაჟი არ შეეძინა)  
და სულ ამოწყდაო. ქუბრიანთ ლევას ცოლს „აჩენია“ წითელთავე გველი, რო-  
მელიც სულ თან დასდევდა, აღარ შორდებოდა, მის ლოგინშიც კი იწევდაო.  
დაუნგრევით სახლის მახლობლად გაშენებული საქათმე, საღორე და სხვა წვრილ-  
ფეხა და მსხვილფეხა საქონლის სადგომები, მაგრამ ეს გველი მაინც ვერ მოუ-  
შორებიათ. ამ დროს მიხეილის „დიდია“ ლოგინად ჩაეარდნილა და დიდხანს  
აღარც უცოცხლია. დიდის სიკვდილის შემდეგ ქუბრიანთ ლევას ოჯახი ვალა-  
ტაკებულა—ქალის სიკვდილისთანავე ოჯახს ერთბაშად ოთხი ფურ-კამეჩი და-  
ხოცია და ამას სხვა ზარალიც დართვია. ბოლოს ოჯახი მთლიანად ამოწყვე-  
ტილა და გავერანებულა—ჯერ შვილები ამოხოცილან და მალე ოჯახის უფრო-  
სიც მომკვდარა, ქუბრიანთ ლევა მიუღლის გვერდზე დაუმარხავთ. როცა მის  
სამარეს თხრიდნენ, დიდის საფლავიდან წითელთავე გველი ამოჩნდაო.

ეს გველი თვით მიხეილ დარჩიაშვილსაც უნახავს თავის ბავშვობაში. ის  
თურმე ერთხელ „ფურების ხატის“ მახლობლად ღორებს მწყემსავდა. იმ დროს  
უეტრად მიწიდან გველი ამომძვრალა, ერთ ბურვაკს მივარდნია, მისთვის გვერ-  
დი შეუფრგვია, მწვანე ბალღამი გადაუსხამს, იქვე სული გაუნთხევინებია და  
ისევ მიწაში ჩამძვრალა. მიხეილი განმარტავს—ის გველი ჩემი მკლავის სიგრძე  
და მტკავლის სიმახო იყო, წითელი თავი ჰქონდა და ცეცხლივით ელავდა. სო-  
ფელში რომ ეს ამბავი განვაცხადე, ყველამ ის მითხრა—შენა დიდის რომ წი-  
თელი გველი დასდევდა ეგ ის გველი ყოფილაო.

ცრუმორწმუნე მოსახლეობის აზრით გველი სხვადასხვანაირია. ზოგი ისე-  
თია გზაში რომ შეხვდეს კაცს უკანასკნელი აუცილებლად რითიმე დაზარალ-  
დება. ზოგი გველი კი ადამიანის მახლობლად ცხოვრობს, სახლებში შედის,  
ხშირად ქათმებს რომ საკენკს დაუყრიან, ის ამ დროს გამოძვრება და საკენკს  
წაეტანება, მაგრამ თვით ადამიანს არასოდეს არ ერჩისო. ადგილობრივ ასეთ  
გველს არა ჰქვავდნენ. საზოგადოდ გველის მოკვლას, ავიც რომ ყოფილიყო,



ყველა ერიდებოდა: გველს თავისიანები ჰყავს და ისინი გველის მომკვლელს აუცილებლად მოძებნიან და სამაგიეროს გადაუხდიანო.

„ფურების ხატის“ პირდაპირ, მთის ქედის ზურგზე, გაშენებულია პატარა ბაზილიკი, ქვა-კირითა და აგურით ნაგები. მას „ამალღებს“ უწოდებენ.

„ამალღების“ ეკლესიის გვერდით დგას გუზბათიანი სამრეკლო. სამრეკლოს კედელში შიგნიდან გაკეთებულია ქვის ვიწრო კიბე, რომლის შუაზე კედელში ოთხკუთხი ფორმის წყვილი ორმოა დატანებული. ამ ორმოებში მოსახლეობა შიშინაობის დროს თურმე განძეულს—ქვაბებს, სინებსა და მისთ., ინახავდა. აღსანიშნავია, რომ ადგილობრივი მცხოვრებნი ამ სამრეკლოს „თათრების სალოცავს“ უწოდებენ.

მთის ზურგის აყოლება, „ამალღების“ ეკლესიიდან დაახლოებით  $\frac{1}{2}$  კილომეტრის მანძილზე ორი მეტად პატარა ბაზილიკი დგას. თითოეულ მათგანს „საყდარა“-ს ეძახიან.

ამავე მთის ზურგზე კიდევ რამდენიმე საკულტო ძეგლს ასახელებენ. ისინი ამჟამად თითქმის სრულიად დაქვევლია.


მთის ქედი ამ ადგილიდან სამხრეთისაკენ უხევებს და სოფელ ყებოტას აღმოსავლეთიდან კედელივით აკრავს. იგი აქ დაფენილია ტყით, რომელშიც, მოსახლეობის ჩვენებით, ძველი სამარხები მოიპოვება. ეს სამარხები უზარმაზარი გაუთლელი ქვებისაგან არის ნაგები და მათში ადამიანის ძვლები და ნივთები ჩნდებაო.

„ფურების ხატის“ ირგვლივ მოთავსებულია სოფლის სასაფლაო საყურადღებო საფლავის ქვებით.





საფლავის ქვები და მათზე მოცემული მხატვრობა სპეციალური ჯგუფის საგანს წარმოადგენს. ამ მუშაობის წარმოება საინტერესოა ქართული ხალხური ხელოვნების ერთ-ერთ დარგში ჩვენი ხალხის მხატვრული უნარიანობისა და გემოვნების თანამედროვე ვითარების გამოვლინების თვალსაზრისით. მაგრამ ჩვენთვის კიდევ უფრო საინტერესოა ეს ძეგლები ისტორიული წარსულის თვალსაზრისით. საფლავის ქვა დასაფლავების წესჩვეულებათა ერთ-ერთი კომპონენტია, ხოლო დასაფლავების ყოველგვარი წესჩვეულება, ყოველ შემთხვევაში კულტურული განვითარების ადრეულ საფეხურებზე, მიცვალებულის მიმართ საზოგადოების განსაკუთრებულ დამოკიდებულებას ასახავს. უფრო კონკრეტულად რომ ვთქვათ, საფლავის ძეგლები მიცვალებულის კულტის ერთ-ერთი საკმაოდ მნიშვნელოვანი მატერიალური გამოსახელებათაგანია. ამასთანავე უნდა აღინიშნოს, რომ მიცვალებულის კულტი ქართველ ტომებში უხსოვარი დროიდან უღარესად განვითარებული უნდა ყოფილიყო. ამ კულტის გადმონაშთები



ჩვენში დღესაც ძლიერია და სხვადასხვა კუთხის ეთნოგრაფიულ სინამდვილეში გასაოცარი მრავალფეროვანებითა და არქაული ნიშნებითაა შემონახული. ამგვარი ვითარება საფუძველს გვაძლევს ვივარაუდოთ, რომ თანამედროვე საფლავის ქვების მოხელობაშიც ძველი ტრადიციების კვალი დაკული უნდა იყოს და მთელი რიგი საფლავის ძეგლებისაც, მათზე მოცემული ორნამენტებითა და მხატვრობით ხალხური ხელოვნების ძველ ფორმებსა და ძველი აზროვნების, ძველი რწმენის გადმონაშთებს უნდა ასახავდეს.

ქებოტას სასაფლაოს ძეგლების გაცნობა უნებურად იწვევს იმ საფლავის ქვების მოგონებას, რომელთა შესწავლას 1937 წელს ენიშკის-ს ეთნოგრაფიული ექსპედიცია იმერეთში (მიაიკოვსკის, ყოფ. ბაღდათის, რაიონში) აწარმოებდა. იმერეთში



გაგრძელებული საფლავის ქვები მიწის პირად დადგმული მხრიდან გულამოხარებულია. ამის გამო ეს ძეგლები მსუბუქია, რაც მათ გადატანას შორეულ მანძილზე საგრძნობლად აადვილებს. საზოგადოდ უნდა ითქვას, რომ ამ კუთხეში ქვის გათლა—დამუშავებისა და აგრეთვე მათზე სახეების გამოყვანის ტექნიკა მაღალხარისხოვანი ჩანს. იმერეთის საფლავის ძეგლებისათვის დამახასიათებელია მცენარეულის, ფრინველთა და ცხოველების ორნამენტები, ე. წ. „ლაზური ტიპისა“<sup>1</sup>. ეს ორნამენტები განსაკუთრებულ ყურადღებას თავისი უაღრესად დამუშავებული დეტალებით იპყრობს. ორნამენტებს შორის გამოირჩევა დიდი ოსტატობითა და გემოვნებით შესრულებული ვაზი, ტროპიკული მცენარეები და ცხოველებიდან ცხვარი. ამასთანავე აღსანიშნავია, რომ პოლიხრომული ორნამენტები ჩვენ იქ არ გვინახავს. ორნამენტის კეთების ტექნიკა ორგვარია: 1. ქვაზე ამოჭრილი ბრტყელი ჩუქურთმა და 2. პლასტიკური რელიეფი. ხშირად ორნამენტი მოცემულია ორმაგ და სამმაგ სიბრტყეზე და ერთსადიამავე საფლავის ძეგლზე ორივე სახის ტექნიკით შესრულებული ორნამენტებიც გვხვდება.

სულ სხვა სურათს იძლევა ამ მხრივ თიანეთის რაიონის, კერძოდ, სოფელ ჟებოტას საფლავის ქვები. აქ უმთავრესი ყურადღება მიქცეული აქვს საფლავის ძეგლებზე ადამიანის სახის, ფიგურის, კიდურებისა და ჩაცმულობა-სამკაულის გამოხატვას. ცხოველებისა და, მცირე რაოდენობით მოცემული, მცენარეულის გამოსახულებანი ორნამენტში მეორეხარისხოვან როლს თამაშობს. მცენარეულიდან გვხვდება სტილიზებული ფოთლები და ვარდი, რომელიც მთავარი ფიგურის სამკაულის ნაწილს წარმოადგენს, ორ-სამ შემთხვევაში დავამოწმებთ მცენარეულის ორნამენტი თაიგულის სახით, როგორც ძეგლის ცენტრალური გამოსახულება, მაგრამ დეტალური გამოკვლევის შემდგომ გაირკვა, რომ ეს ძეგლები სხვა რაიონებიდან ყოფილა შემოტანილი. ცხოველები, ისევე როგორც თოფი, დუქარდი, მაკრატელი და მისთანანი, იხატება გარდაცვლილი ადამიანის საქმიანობის, ნიკის, უნარიანობის, ხელობის დასახასიათებლად: გამოჩენილი ცხენოსნის საფლავის ქვაზე ცხენს გამოსახავენ, კარგ მეცხვარეს ცხვარს უხატავენ, მეოჯახე ქალის ძეგლს ძროხით ამკობენ ისევე, როგორც სახელგანთქმულ მეომარს თოფით ხელში გამოსახავენ, მეცხვარეს—დუქარდით, ხელსაქმის მცოდნე ქალს—მაკრატლით და სხვა. ქვა მასიურია, მძიმე. ორნამენტებს აკეთებენ უპირატესად დაბალი რელიეფით და შემდეგ მას სხვადასხვა ფერის საღებავებით აფერადებენ.

საფლავის ქვის გამოსახულებათა შორის მეორე ადგილი უჭირავს წარწერებს—მიცვალებულის გვარს, სახელს, მამის სახელს, დაბადებისა და გარდაცვალების თარიღს და მიცვალებულისადმი მიძღვნილ ტექსტს, რომელიც მეტწილად მიცვალებულის სოტბას შეიცავს, ან მის გარდაცვალების მიზეზს გადმოსცემს ლექსად ან პროზით გამოთქმულს. წარწერა ქვაში ჩაჭრილია და შემდგომ შავდ შეღებილი.

თითოეულ გამოსახულებას და წარწერას საფლავის ქვაზე სავსებით გარკვეული ადგილი აქვს განკუთვნილი. ადამიანის ფიგურა ქვის ზედაპირზეა მო-

<sup>1</sup> ვ. ჩ ი ტ ა ი ა, „სიციცხლის ხის“ მონტივი ლაზურ ორნამენტში, ენიმკი-ს მოამბე, ტ. 4 თბილისი 1941 წ.



Ձեռք տրիստե  
խոյն զմեզ, ան-  
գին, Չհիշող  
Նախնիս Նախնի-  
ս և Երկրիս  
Գաղթի, Կյ-  
տա ըն-  
կալիքի

II-52 38 I

Գնուն, Նիկիոն զատն ռիշկուն Երեզնայու  
Յալու տյոտիա

Երեզնայու ընդ  
Տա Նախնիս

Անիս Նախնիս  
Երեզնայու  
Յալու տյոտիա

Տա Նախնիս  
Երեզնայու  
Յալու տյոտիա

II-52  
Նախնիս  
Երեզնայու  
Յալու տյոտիա

22



თავისებულები, გვერდებზე წარწერა და ზოგჯერ ცხოველია მოცემული, თავით ჯვარია გამოსახული და ბოლოზე-კი კანდელი ან, იშვიათად, წარწერა (როდესაც იგი გვერდების არეში ვერ ჩატეულა) გაკეთებული. ჩვეულებრივ ქვის ნაწიბურზე ირგვლივ ჩაჭრილია სწორი და სადა ზოლი ან ჩუქურთმიანი და შეღებილი არშია და მის შიგნით მთელი არე ადამიანის გამოსახულებას უჭირავს. გამონაკლისის სახით ვხვდებით ქვაზე გამოხატულ რამდენიმე კაცის სურათსაც. ასეთ შემთხვევაში ზოგჯერ გამოსახულებათა ნაწილი ადამიანის ბიუსტებადაა მოცემული. ასეთია, მაგალითად, ეტბოტას სასაფლაოს ერთ-ერთი ძეგლი, რომლის ზედაპირის ნაწილი ორწყებად განრიგებულს ოთხ ბიუსტს (ორი ერთ ხაზზე და მათ ქვემოთ დანარჩენი ორი) უჭირავს. ბიუსტების ქვემოთ ადამიანის მთლიანი ფიგურაა გამოსახული და გარშემო, ზედაპირის კიდეზე, არშიის ნაცვლად წარწერაა ჩაჭრილი.

სანიმუშოდ სოფელ ეტბოტაში ჩახატულ იქნა ექსპედიციის წევრის მხატვარ ნ. ბ რ ა ი ლ ა შ ვ ი ლ ის მიერ ხუთი საფლავის ძეგლი. ამ ძეგლებზე მოთავსებულია შემდეგი შინაარსის წარწერები<sup>1</sup>:

### I ძეგლის

მ ა რ ჯ ვ ე ნ ა გ ვ ე რ დ ზ ე :

- 1 ამა ლოდ ქვეშ განვისც
- 2 ენებს ალექსანდრე ზაქარი
- 3 ასძე წყლისშვილი
- 4 დაბადებიდან ვიყავ 22 წ.
- 5 გარდავიცვალე 1921 წ.

მ ა რ ც ხ ე ნ ა გ ვ ე რ დ ის წ ა რ წ ე რ ა გადასულია.

### II ძეგლის

მ ა რ ც ხ ე ნ ა გ ვ ე რ დ ზ ე :

- 1 ცოდუა მოკვდეს ვაჟკაცი გაბოჯან შენისთანაო
- 2 დაჰყარე წვრილი ობლები ბებერი დედამამაო
- 3 იყავი კარგი ვაჟკაცი ვერც ვასძელ დიდიხანაო
- 4 ცოცხალს გიყვარდა სალამი ხალხშიც იმისთანაო.

თ ა ვ თ ა ნ :

- 1 გაბო ნინიკას ძე
- 2 გედეშური გ. 1928
- 3 შობით 32 წ.

მ ა რ ჯ ვ ე ნ ა გ ვ ე რ დ ის წ ა რ წ ე რ ა გადასულია.

<sup>1</sup> წარწერები მოგვყავს ხუსტად ისე, როგორც საფლავის ძეგლებზეა მოცემული, ორთოგონის დაცვითურთ.



Ի 1318 թվականին խաչքարի վրա քանդակված է Երվանդ թագավորի և Մարգարիտ արքայի անուան հիշատակը։ Ինչպես տեսնում ենք, խաչքարի վրա քանդակված է միայն թագավորի և արքայի անունները։



Վաղարշի դարձված  
 տաճարի հատվածը

Ի

III

## III ძეგლის

ზედაპირზე ბიუსტების ქვეშ:  
ანიკო ფრუშკი ნიკო არჩილა.

კიდევების გარშემო:  
აქ განვისვენებ ჩემი შვილებით ვაგა კაციას ძე ზაქაიძე გარ 1919 წ.  
თებერვლის 22 სა შობით 55 წლისა.

მარცხენა გვერდზე:

- 1 ვიყავ დიდი მოამაგე დამრჩა ცხოვრება
- 2 ოხრათა ძმა დამრჩა მეპატრონეთა

მარჯვენა გვერდზე:

- 1 ჩატარებს მუქთათ დამადებს ლოდსა
- 2 მაგარსა ესა ღირს ჩემთვის ფასადა

## IV ძეგლის

მარჯვენა გვერდზე:

- 1 ბადურაშვილის მეუღლე გარ 1910 წელ
- 2 გიორგობისთვის 28-ში შობით 26 წლისა
- 3 წამკითხველნო შენდობა მიბძანეთ

მარცხენა გვერდზე:

- 1 უბედურმა სიკვდილმა რა უდროვით მიგდო მახე
- 2 წუთისოფელს მამაშორა შავს მიწაში დავიმარხე
- 3 მარტო ვაგიას ტუშურელის ასული არჩილა


ჩვენს ეპოტელ მთხრობელს ორი სახელი აქვს და ორი გვარი. ერთი სახელია ნათლობისა, მიხეილი, და მეორე მამისაგან მასზე გადასული, ჩიტა, გვარად კი დარჩიაშვილიც არის და მათურელიც. მიხეილის განმარტებით, მისი წინაპრები გურიაში ცხოვრობდნენ და გვარად დარჩიაშვილები იყვნენ. შემდეგ ისინი არაგვის ფშავში გადასახლებულან და იქ მათურელის გვარად წოდებულან და ძველი გვარიც შეუნარჩუნებიათ. დაბოლოს, ერთ-ერთი დარჩიაშვილი-მათურელი მოსისხლეობას გამოირიდებია, ივრის ფშავში გადმოსულა და სოფელ ეპოტაში დასახლებულა.

მეტად საყურადღებოა თიანეთის რაიონის მოსახლეობის მოძრაობის საკითხი. აქ, როგორც ირკვევა, ძველი ღროიდან დღემდე ადგილი აქვს მოსახლეობის დიდ დენადობას. გუშინ აღმასკომში გადმოგვეცეს, რომ ახლა ხანს ხევსურეთიდან 10 ხევსური გადმოსულა, თიანეთის მახლობლად ტყე გაუკაფავთ და იქ დასახლებულან. მეორე ფაქტი ახლო წარსულიდან: სოფელ ბაჩალის



მცხოვრები ფშავლები კახეთში გადასახლებულან და მათი ბინები და მწყურველნი ხევსურებს დაუქერიათ. ამ დღით, ქებოტაში რომ მივდიოდით, გზაში შეჩერება მოგვიხდა. ხშირი წვიმებით გამოწვეულ წყალდიდობას იორზე გადასასვლელი ხიდი წაშლია და ამიტომ ქებოტისაკენ მიმავალ ურემს დაველოდინეთ. ამ დროს გავიცანით ქვემო-თიანეთის მოსახლე ღრმად მოხუცებული გონჯიაშვილი. ის ყოფილი ჰევისბერია. ჩვენ გონჯიაშვილები,— გვიამბო მან,— „ქმალას ხატის“ ყმები ვიყავით. უწინას თიანეთში სამი ძმა ხევსური მოსულა: უშიშა, გონჯა და თურქა. ერთი ძმიდან ჩვენი გვარი გონჯიაშვილები წარმომდგარა, მეორედან კი თურქაშვილებიო.

ადგილობრივი ხელისუფლების წარმომადგენელი ფშავლების კახეთში გადასახლების მიზეზად სთვლიან თიანეთის რაიონის ნიადაგის სიმწირეს კახეთთან შედარებით. ასევე ხევსურებიც თავის ძველ სამშობლო კუთხის მიწა-წყალს უკეთესზე სცვლიან და ფშავლების ნამოსახლარზე სახლდებიანო. სხვაგვარად ხსნიან ფშავლების გადასახლებას თიანეთის რაიონიდან დღევანდელი ჩვენი თანამგზავრები, ქებოტელი „აგრონომი“ და ქვემო-თიანეთის ძველი პედაგოგი. მათი აზრით, აქედან აყრას და კახეთში გადასახლებას ფშავლებს ხევსურები აიძულებდნენ, ისინი ქურდობას ეწეოდნენ და გარდა იმისა, რომ თვით აწუხებდნენ ფშავლებს, მიუძღვებოდნენ ფშავლების საზღვრამდე ქისტებს, ადგილობრივ მოსახლეობას უსვენდნენ და აწიოკებდნენო.





12 ივლისი. დღეს არტნის ხეობაში ვაპირებთ გამგზავრებას. განათლების განყოფილების გამგემ საბარგო ავტომანქანის მოცემა აღგვითქვა. ვიდრე ავტომობილი მოვიდოდა ვინახულეთ ქვემო-თიანეთის სასაფლაო. იგი მოთავსებულია ზემო-თიანეთისაკენ მიმავალი შარაგზის პირად. საფლავის ძეგლების უმრავლესობა და მათი ორნამენტების ძირითადი ელემენტები ისეთივეა, როგორიც სოფელ ქებოტას სასაფლაოზე: გათლილი გრძელი ქვა, დაბალი რელიეფით შესრულებული და შემდგომ ფერადი საღებავებით შეღებილი მიცვალებულის გამოსახულებანი ძეგლის ზედაპირის მთელ სივრცეზე, ზედაპირის კიდეებზე გეომეტრიული ან სტილიზებული მცენარეულის არშია, გვერდებზე წარწერა და თავით ჯვრისა და ბოლოს ლამპრის გამოსახულებანი. ექსპედიციის მხატვარმა ძეგლების რამდენიმე ნიმუში ჩახატა. ამ ძეგლებზე მოცემულია შემდეგი შინაარსის წარწერები:

### I ძეგლის

მ ა რ ც ხ ე ნ ა გ ვ ე რ დ ზ ე :

- 1 ტიაღმა გლოვის სიკვდილმა უდროვით მიგლო მახე
- 2 მეწვიეა შავი ყვავილი სიცოცხლე გამიმწარა მე
- 3 ამინაოხრა სახლკარი მეუღლე დამრჩა მგლიაზე
- 4 დედაც წუხდება ჩემთვისა თეატრემლიანი დავაგდე.

მ ა რ ჯ ვ ე ნ ა გ ვ ე რ დ ზ ე :

- 1 1917 წ. ენკენისთვის 7-სა დღესა გარდავიცვალე
- 2 ნინო ბატონას ასული მესაბლიშვილი შაქრო კვნი



- 3 წაშვილის მეუღლე შობიდან 28 წლისა გებრა-
- 4 ლებოდეთ სწორებო ყველამ შენდობა მალირსეთ.

## II ძეგლის

### მარცხენა გვერდზე:

- 1 უდროვთ მაკლა სიკვდილმა არ დამაცალა ხანია.
- 2 შავს მიწას ამამაფარა ოცდა ორი წლის ქალია.
- 3 დედა წუხდება შვილისთვის ვაი დაუდგა თვალია.

### მარჯვენა გვერდზე:

- 1 ერთი წლის შესრულებაზე დაკარგა ორი ქალია.
- 2 თებრო ბატონას ასული მესაბლიშვილი.
- 3 გარ 1918 ღვინობისთვის 20-სა შობით 22 წლისა.

ამ სასაფლაოზე, ისევე როგორც სოფელ ჟებოტაში, შორიდან (თელავიდან, თბილისიდან) მოტანილი საფლავის ქვებიც მოიპოვება. ამ ქვებს აშკარად ატყვია უცხო მოხელის ხელი. განსხვავება ფიგურების, განსაკუთრებით მათი კიდურების—ხელების, ფეხებისა და თავის სამკაულის გამოყვანასა და ჩაცმულობაში მდგომარეობს. ამას გარდა ზოგიერთი ამგვარი ძეგლის ცენტრალური ადგილი (ზედაპირი), ადამიანის (მიცვალებულის) გამოსახულების ნაცვლად, მცენარეულის ორნამენტს უჭირავს. ოდნავი სხვაობა არსებობს აგრეთვე თიანეთურსა და შორიდან მოტანილ ძეგლებს შორის მათი ფორმის მხრივაც. თიანეთური საფლავის ქვა სხვა კუთხეების საფლავის ქვებთან შედარებით გვერდებში უფრო ცერად არის გათლილი და ამის გამო ბოლოსაკენ იგი შედარებით ვიწროა.

ავტომობილის მოლოდინში საფლავის ქვების ოსტატის ნახვაც მოვასწარით. თიანეთის რაიონს საფლავის ქვებით ამარაგებს ორი ძმა მარტია და იოსებ ჯაშიაშვილები, რომლებიც ქვემო-თიანეთში სახლობენ. მივედით იოსებ ჯაშიაშვილის სახლში. ოსტატი შინ დაგვიხვდა. იგი 47 წლისაა, დაბადებულია და აღზრდილა თელავის მახლობლად მდებარე სოფელ ვარდისუბანში და ამავე სოფლის სკოლაში 3 კლასის კოდნა მიუღია. იოსებს ქვის დამუშავების ხელობა ძმისაგან შეუწავლია. 20 წელიწადია რაც ის ამ ხელობას ადგია.

მისი თქმით, ქვის მთელეობის შესწავლა მოითხოვს ორი-სამი წლის მუშაობას შეგირდად და შემდეგ ქარგლად. სწავლის დასრულება უწინ ე. წ. „საოსტატო“-თი აღინიშნებოდა—მასწავლებელი თავის შეგირდს სილას გააბრტყამდა. ეს ხდებაოდა საგანგებოდ გამართულ წვეულებაზე, ქეიფის დროს, უხვად გაშლილი სუფრის წინ.

მარტია და იოსებ ჯაშიაშვილები ბოლო ხანებში ცალ-ცალკე მუშაობენ, მაგრამ როდესაც საშური საქმეა შეერთდებიან ხოლმე და სამუშაოს ინაწილებენ. საყურადღებოა, რომ შრომის ამგვარი დანაწილება ერთდამივე გამოსახულების გამოყვანის დროსაც-კი ხდება. მაგალითად, როცა საჭიროა სას-



წრაფოდ გაკეთდეს ქვის ზედაპირის ორნამენტი, მაშინ ერთი ძმა გამოსახულების სახეს აქანდაკებს, ხოლო მეორე ძმას ამ დროს ტანი ან ფეხსაცმელები გამოჰყავს.

ქვაზე სახეების გამოყვანა, რომელსაც მოხელე „დახატვას“ და „დაწერას“ უწოდებს („მიცვალებულს დავხატავ“ ან „მიცვალებულის სახეს დაწვირ“). შემდეგნაირად ხდება: დასახატად გამზადებული ქვის ზედა სიბრტყის ნაპირზე ოსტატი პირველად ნახშირით არშიას შემოავლებს და შემდეგ ამ ზოლს „კალმით ამოიღებს“ (ჩაჭრის). დასახატავი არე ამგვარად ჩარჩოში ჩაისმება, რის შემდეგმაც ადამიანის სახისა და ტანის გამოყვანა იწყება. თიანეთელი ოსტატისათვის ცნობილია ის პირი, რომლისთვისაც ის საფლავის ქვას ამზადებს. ამიტომ იშვიათად სჭირდება ხოლმე დამკვეთისაგან მიცვალებულის სქესისა და ხნოვანების გაგება იმისათვის, რომ საფლავის ქვაზე შესაფერისი გამოსახულება გამოიყვანოს. ეს გამოსახულება, რათქმუნდა, მიცვალებულის პორტრეტს არ წარმოადგენს. მოხელე არც ცდილობს ინდივიდუალურ თავისებურებათა ასახვას. ის იძლევა გარკვეული ხნოვანებისა და სქესის ადამიანს და ცდილობს გამოსახულება „ლამაზი“ გამოვიდეს. ხოლო ლამაზი, ოსტატის გაგებით, ისეთი გამოსახულება არის, რომელსაც „სწორად გამოყვანილი ნაწილები აქვს—მრგვალი თავი, სწორი ცხვირი, ზედა ტანი და ქვედა ტანი შესაფერისებია, ხელები ხელებს უგავს და ფეხები ფეხებს“. ერთი სიტყვით, თიანელი ოსტატის იდეალს წარმოადგენს ადამიანი გამოსახოს რეალისტურ ფორმებსა და პროპორციებში. გარდაცვლილის კუთხურ თავისებურებებს ის ასახავს იმით, რომ ქვაზე აღბეჭდავს ადამიანს იმდაგვარი თავსაბურავითა და ტანსაცმლით, როგორსაც ხმარობს მოსახლეობის ის ფენა, რომელსაც მიცვალებული ეკუთვნის—მიცვალებულ ფშავს ფშაურად ჩაცმულ გამოსახულებას გაუტეთებს ქვაზე, კახელს კახურად ჩაცმულს და ასე სხვ. დამკვეთისაგან ოსტატი ღებულობს ცნობას მხოლოდ მიცვალებულის დაბადება-გარდაცვალების ზუსტი თარიღის შესახებ (წელიწადი, თვე, რიცხვი) და მისადმი მიძღვნილ ლექსს ან პროზაულ ტექსტს საფლავის ქვის გვერდებზე აღსაბეჭდავად.

ადამიანის „დახატვა“ და ორნამენტების სხვადასხვა ელემენტებისა და აგრეთვე ასოებისა და ციფრების გამოყვანა პირველად ნახშირითვე ხდება. შემდეგ ნახშირით დანიშნულ ადგილებს ოსტატი კალმით ამოჭრის. კალამი მარცხენა ხელში უჭირავს. ქრის დროს კალმის პირს ქვაზე ცერად მიაღებს და მის ყუაზე მარჯვენა ხელით ხელკვერს არტყამს. როდესაც ქვის ზედაპირზე ნახატის ამოღარვა დამთავრდება, ოსტატი ქვას გვერდზე წააქცევს და გვერდის დასახატავ არეს ჯერ ნახშირით და შემდეგ კალმით ამოკვეთის საშუალებით სწორსა და სადა ზოლს ან კუწუბიან ტუბილ ხაზებსა თუ სამკუთხედების არშიას გაავლებს ჰორიზონტალურად ქვის ზედა და ქვედა ნაპირებზე და ან (იშვიათად) ოთხკუთხედ ჩარჩოში ჩასვამს გვერდის ქვაზე დასახატავ არეს. ასოების ამოკვეთის წინ ქვის გვერდის სიგრძეზე ოსტატი „შიმშას“ დაადებს და ნახშირით სამ ზოლს გააყოლებს. შემდეგ ზოლებში ნახშირითვე ასოებსა და ციფრებს გამოიყვანს, ამ ადგილებს „საწერი კალმით“ ამოჭრის და, ბოლოს, „ბატის ფრთას“ შავ საღებავში აელებს და ამოჭრილ ასოებში, ციფრებში ან



ორნამენტში (თუ ორნამენტია გამოყვანილი) გაატარებს. ასევე სრულდება ქვის მეორე გვერდისა და თავ-ბოლო ნაწილების ორნამენტები, რის შემდგომ ქვეს კვლავ ზედაპირზე გადააბრუნებს და შეუდგება გამოსახულების შეფერადებას. სახეზე პირველად „შიფიროს“ წაუსვამს, შემდეგ წითელ საღებავს და ამგვარად პირისფერი (ვარდისფერი) მიიღება. წითელი საღებავითვე ღებავს ტუჩებს და სამოსისა თუ სამკაულის იმ ნაწილებს, რომლებიც ამ ფერს მოითხოვს. შავი საღებავით გამოყავს თვალ-წარბი, თმა და ფეხსაცმელი, აგრეთვე სამოსი ან მისი ნაწილები, თუ მათი შეღებვა შავად არის საჭირო (როდესაც მიცვალებული მოხუცი ქალი ან მამაკაცი). კახელი ქალის გამოსახულებას ლეჩაქს თეთრი საღებავით შეუღებავს, ყვითელი ფერის არშიას შემოუვლებს და ბასმას გამოსაყვანად ლეჩაქზე ყვითელ წინწკლებს დაასხამს. ასევე სხვადასხვა ფერის საღებავებით აფერადებს სამოს-სამკაულის სხვადასხვა ნაწილებსა და იარაღებს.

თიანეთელი ოსტატი საფლავის ქვის მოჭრას, გაკობიტებას, შინ მოტანასა და დამზადებას, თუ მარტოხელად მუშაობს, ე. ი. მუღმივი დამხმარე არ ჰყავს, ათი დღე უნდება. რეველუციამდე თითო საფლავის ქვა რამდენიმე თუმანი ღირებულა, მენშევიკების დროს, როცა ფულის ანგარიში მილიონებით იყო, თითო ქვაში ორი მილიონიც კი მიუღიათ, ხოლო ამჟამად იგი ორასი მანეთი ფასობსო.

იოსებ ჯაშიაშვილი იცნობს საფლავის ქვის მოხელობის ცენტრებს თელავში, ღუშეთში, მცხეთაში და თბილისში. მისი განმარტებით, თითოეულ ამ ცენტრს ორნამენტების ამოკვეთის ტექნიკა და მხატვრობა თავისებური აქვს. მაგალითად, თბილისის ოსტატები სახეებს ღრმად ამოჭრიან და ამის გამო რელიეფი მკვეთრი გამოდისო. ამას გარდა ყოველი ცენტრი თავისი რაიონისათვის დამახასიათებელი სამოსითა და სამკაულებით ამკობს მიცვალებულის გამოსახულებასო. თიანეთის რაიონში მიცვალებული ფშავია, ან კახი თუ ხევსურთა და ამიტომ მის გამოსახულებას ქვაზე ფშაური, კახური ან ხევსურული სამოსი აკვიათ. იოსებს თავისი და თავისი ძმის საამაყო მიღწევად მიაჩნია თავისებური ფეხსამოსი, რომელსაც ისინი საფლავის ქვებზე ხატავენ. ჩვენი გაკეთებული ფეხსაცმელი თავისი ლამაზი მოყვანილობით სხვებისაგან თვალსაჩინოდ გამოირჩევაო, აღნიშნავს ოსტატი.

შეგვატყობინეს, რომ აეტომანქანა ჩვენს ბაზასთან გაჩერებულა და შოფერი მოუთმენლად გველის. გამოვეთხოვეთ ქვის მთლელს და გავეშურეთ სასტუმროსაკენ.

არტნის ხეობაში მივემგზავრებით. გზაში ავარია შეგვემთხვა. სოფელ თეთრაძეებთან შევნიშნეთ, რომ ბენზინს გამოუყონავს და აეტოს წინა ნაწილი ცეცხლის ალშია გახვეული. საბედნიეროდ ეს ამბავი დროზე იქნა შენიშნული და კატასტროფას გადავურჩით.

ვიდრე შოფერი დაზიანებულ მანქანას უვლიდა, ვისარგებლე შემთხვევით და აეტოს გარშემო შეკრებილ ბავშვებთან (სოფ. თეთრაძეები), წავიმუშავე-ამის შედეგად შემდეგი საბავშვო თამაშობათა ჩაწერა მოხერხდა.

**თავგაქაობა.** გოგონები და ბიჭები წრეს დააბამენ. წრის გარეშე ორი ბავშვი დარჩება,—ერთი თავგია, მეორე კატა. კატა თავს დაედევნება. თავგი და კატა წრის გარშემო და წრის შიგნით დარბიან იმ დრომდე, ვიდრე კატა თავს არ დაიქერს. თუ კატას თავგის დაქერა გაუჭირდა, მაშინ მას წრეში ჩაბმული ბავშვები დაეხმარებიან: როცა თავგი წრის შიგნით მოექცევა, მას გარეთ აღარ გაუშვებენ, წრეში-კი კატა თავს ადვილად იქერს. ამის შემდეგ ეს ორი ბავშვი წრეში ჩაებმება და წრიდან სხვა ორი ბავშვი გამოვა. ახლა ისინი იქნებიან თავგი და კატა და ისევ ერთი მეორეს დაედევნება. ასე თამაშობენ ვიდრე არ მოსწყინდებათ.

**ქორწინილობა.** ეტკვათ მე დედა ვარ, სალომე ქორია. მე უკან მომბმის „სიყმიშვილი“, სიყმიშვილს მოებმიან სხვა ბალები. მერე მე ქორსა ვკითხავ: „სად მიდიხარ?“ ქორი მეტყვის—ვბოებს ბალახს მოუტან. მე კიდევ ვკითხავ: „ჩემებს კი არა?“ ქორი მეტყვის—არა. მაშინ მე ვეტყვი: „მაშ მგელმა დაგიჟამოს [ვბოები]“. ამაზე ქორი გაგულსდება, გამოუდგება ჩემ შვილებს და უნდა დაიჭიროს. მაგრამ მე ქორს წინ ავეფარები და შვილებისაკენ არ ვუშვებ. თუ მოახერხა და ყველა დაიჭირა, უკანასკნელად სიყმიშვილს გამეეკიდება. როცა იმასაც დაიჭერს, სიყმიშვილი დაცოფდება, ყველას დაერევა და დაცოფავს: პირში შეუბერავს—ჰუუ-ო და ასე ყველა დაცოფდება.

ამ ნაამბობს იწუნებს ერთ-ერთი ბავშვი. ის მიხსნის: ემაგათ „ქორწინილობას“ ბოლოში „ცოფიანობა“ მოაბესო. ცოფიანობას კი ასე ვთამაშობთო:

**ცოფიანობა.** ბალები „სიყმიშვილს“ აირჩევენ. მერე სიყმიშვილს ეკითხებიან და ისიც ამაზე ეტყვის ხოლმე.

ეკითხებიან: „წუხელ სად იყავ?“.

ეტყვის: — ღვდლიანთასა.

„რა გაქმიეს?“

— გველ-ბაყაყი.

„თავით რა დაგიგეს?“

— გაბერილი კატა.

„ქვეშ რა დაგიგეს?“

— დათვის ტყავი.

„ზეით რა დაგხურეს?“

— გლის ტყავი.

„აბა, ენა გადმოყა“.

სიყმიშვილიც ენას გადმოყოფს; მერე „ჰუუ“-ო, დაიძახებს და გამოუდგება ბალებს. ვისაც დაიჭერს, პირში სულს შეუბერავს და დაჭერილი დაცოფილი იქნება. ერთს რო დაცოფავს, მერე სიყმიშვილი და დაცოფილი ორივე გამოუდგებიან სხვა ბალებს და უნდათ ისინიც დაცოფონ. ვისაც დაცოფავენ ახლა ისინიც ცოფიანებთან ერთად სხვებს დაედევნებიან და ასე ყველა დაიცოფება.

**ქუდმაურაობა.** ბალები წრეს გააკეთებენ და მიწაზე დასხდებიან. ერთი ბაალი ადგება, წრეს შემოურბენს, ვინმეს უკან ქუდს დააგდებს და გაიქცევა. თუ ამ ბაალმა დაინახა, რომ ქუდი დაუგდეს, წამოვარდება და წრეს მეორე მხრიდან შემოურბენს. ვინც მიასწრებს იმის ადგილზე პირველად მი-



სელას იქ ის დაჯდება. ვინც ფეხზე დამრჩალია ის ისევ წრეს შემოუბრუნდება და ახლა ქუდს სხვას დაუგდება. თუ ამ ბაღშია ქუდის დაგდება ვერ გაიგო, მაშინ ვინც დაუგდო ის წრეს შემოუბრუნებს და, ქუდდაგდებულ ბაღთან რო მივა, ხელს დაარტყამს თავზე ან ბეჭზე და ეტყვის—კურდღელს დეეძინაო. მაშინ „კურდღელი“ ამოფრინდება და წრეს შემოუბრუნებს ქუდის დასაგდებათ. მეორე ბაღლი კი იმის ადგილზე დაჯდება.

**ლიშხა-ლიშხა.** ორი მწკრივი გაეზმის, ერთი აქეთ, მეორე იქით. ერთი უფროსი ბაღლი დაიძახებს აქედან „ლიშხა-ლიშხა“. იქედან ერთი ბაღლი ეტყვის „ბარბალუკა“. ეხლა პირველი ბაღლი კითხავს—„ქალი ვინა?“ ეხლა მეორე ეტყვის—აქ მომძანდით. მერე აქეთა წრიდან ერთი ბაღლი გაიქცევა. იმან მეორე წრე უნდა გაარღვიოს. თუ გაარღვია, ერთ ბაღლს თითონ წაიყვანს და თავის წრეში ჩააბამს. თუ ვერ გაარღვია იქვე დარჩება, იმათ წრეში, მერე ისევ თავიდან დაიწყებენ თამაშობას.

**ქეკეშაღულულობა.** ერთი ბაღლი გამოვა. იმის გარშემო სხვა ბაღლები დადგებიან. ეს ბაღლი ამბობს და თან თითს იშვერს თითო ბაღლისაკენ:

„ქე-ქე მა-ლულა“  
 ტყი-დან გამო-პარულა,  
 დაი-ჭირა ლა-მურა,  
 შეწვა შეა-ხრა-მუნა,  
 წი-თელი ვა-შლი ვის უნ-და—  
 შენ თუ მე, შენ დაი-ხუკე“.

ვისაც „ხუკე“-ს თქმის დროს თითს მიაღებს, ის უნდა დაიხუკოს. ეს ბაღლი ხელს თვალზე მიიფარებს და დაიწყებს თვლას ორმოცდაათამდე ან ასამდე. ამ დროს სხვა ბაღლები იმალებიან,—ზოგი ხეს ამოეფარება, ზოგი რას. მერე ის ბაღლი თვალს აახელს და დაუწყებს დამალულებს ძებნას. თუ დაინახა ვინმე, მაშინ ორივენი ერთ დანიშნულ ადგილისკენ გაიქცევიან. ვინც პირველი დაასწრებს მისვლას, დაიძახებს მეორეს სახელს და თან იტყვის „ზავსებ“. ასე იტყვის, შაგალითად: „ზავსებ სალომე“, „ზავსებ ქალთათავი“. ვინც დაასწრებს მისვლას, ეხლა ის „დათვლის“ (ე. ი. თვალს დახუკავს და თვლას დაიწყებს ვიდრე სხვები იმალებიან).

**ჩილიკაობა.** ამას მარტო ორი ბაღლი თამაშობს. მოიტანენ ორ ქვას, დადებენ ერთი მეორის ახლო, ზემოდან კორას<sup>1</sup> დაადებენ. ერთი ბაღლი გრძელ ჯოხს აიღებს, კორას გამოსდებს და მას შორს გადაისვრის. მეორე ბაღლი კორას მიაკვლევს და როცა მოხელავს იმ ადგილიდან კორას ქვებისაკენ ისვრის. თუ კორა ქვებშუა მოხვდა, მაშინ „დაჭრილია“. თუ მოშორებით მოხვდა, მაშინ ქვებიდან კორა რო დეცვა იმ ადგილამდე მანძილს დაითვლიან გრძელი ჯოხით და ჯოხის დადება რამდენიც ექნება, ის რიცხვი მსროლელს მიეთვლება. ასე თა-

<sup>1</sup> მოკლე ჯოხი. შდრ. ს. ო რ ბ ე ლ ი ა ნ ი, ქართული ლექსიკონი, სიტყვასთან „კორა“.

მაშობენ ვიდრე ერთ-ერთ ბაღს ორმოცდაათი, ასი ან ასორმოცდაათი შიეთ-  
ვლებოდეს. ვინც ამ რიცხვს პირველად შეისრულებს ის ნაჯობნია (?). მაშინ  
ნაჯობნი გაეკიდება დამარცხებულს და, როცა დაიჭერს, ხელს ყურში წაავ-  
ლებს და მანამდე არ გაუშვებს, სანამ დამარცხებული არ იტყვის „წიან-და-  
წიან“.

ავტომობილი შეაკეთეს, სოფელ ზემო-არტანს მშვიდობით მივადწიეთ და  
საექიმო პუნქტის ორ ოთახში დავბინავდით.



ქიჩველ-ხატი  
ზემო-არტანი

სოფ. ზემო-არტანის თავში უზარმაზარი იფნის ხეებია, რომლებიც უწინ ად-  
ვილობრივი მოსახლეობის სალოცავს წარმოადგენდა. მას „ქიჩველ-ხატი“ ეწო-  
დება. ვერავითარი კვალი ნიშის ან სხვა სახის ნაგებობისა ჩვენ იქ ვერ შევნიშნეთ.

„ქიჩველ-ხატის“ მახლობლად დგას ბაზილიკური ტიპის პატარა ეკლესია,  
რომლის გარშემო სოფლის სასაფლაოა მოთავსებული. ამ სასაფლაოზე საფლა-  
ვის ძეგლების უმრავლესობა მარტია და იოსებ ჯაშიაშვილების მიერ არის გა-  
თლილი და დახატული. მოიპოვება აგრეთვე შორიდან შემოტანილი საფლავის  
ქვებიც. ექსპედიციის მხატვარმა ჩახატა ამ ძეგლების რამდენიმე ნიმუში, რომ-  
ლებზეც შემდეგი წარწერებია მოთავსებული:

## I საფლავის ქვის

მარცხენა გვერდზე:

- 1 პატარ ქეთევანი მიხა
- 2 გულია შვილის ასული

მარჯვენა გვერდზე:

- 1 გარ 1926 თებე 1-სა
- 2 ერთი წლისა

## II საფლავის ქვის

მარცხენა გვერდზე:

- 1 აცხონე უფალო თამარი ბაილო
- 2 გულია შვილის ასული 18 წ.

მარჯვენა გვერდზე:

- 1 გარ 1905 წ. მაისის 7-სა ეს ლო
- 2 დი მალირსა დედა ჩემა ბაბაღემ

## III საფლავის ქვის

მარცხენა გვერდზე:

- 1 აქ განისვენებს ნინო ფოცხვერის
- 2 ასული ჯერვალძე ჯიმშიტა ბატაპა

მარჯვენა გვერდზე:

- 1 შვილის მეუღლე გარ 19 წ
- 2 შობით წლისა გთხოვთ შენდობას.

## IV საფლავის ქვის

მარცხენა გვერდზე:

- 1 აქ განისვენებს მარიამი მამუკას
- 2 ასული გიორგი მეფარია-შვილის მეუღლე.

მარჯვენა გვერდზე:

- 1 გარ 1936 წ. თიბათვის 27-სა შობით 55 წლისა
- 2 წამკითხველნო გთხოვთ შენდობასა.

## V საფლავის ქვის

ზედაპირის კიდეებზე:

მოიხსენე უფალო ბერო წარიას ძე ბუჭყურაშვილი გარ 1918 წ. 9 მარტის.





ბუჭყალია მკობი ივანე 1918 წ. მარტის


მახსენე უფალო ბერე წარისა ძე



თეონი

V სავაჯივინ ქვა მკობი ივანე  
 თამ წახმენი, ჩხვას და მსხვილი  
 ეხარებო დას მკობი  
 ჩხინი მკვსვისთვილ წიხრ-  
 ღონა.

VI 58.142.49 ნაშატი ბაშ-  
 კანია. თუბეძთან, იდაყვილს  
 და მხეხილს ქვეშ ავანი ჯი-  
 ნავ დადას მკობი ივანე.  
 ს. თ. ლეშა თხ. ტაძარი  
 სნარ ბასა თუბადას.



II Թիւրքաճի 135  
 ՏԻՒՄԵՆ  
 ԿԵՄԵՆԻՍԻՍ

ՆՏՈՒ ԶԵՆՏԻՍՏԻՆ. ՆԵՏՔ ՆԱՆՏՈՒՆԱԿՆԵՐ  
 ՎԱՆՔԻՆ. ՆԿԻՏ, ԺԻԼԵՐ ԸՄ ԻՆՏԻՄԵՆՏԻՆ ԺԱՅՅՈՒՆ ՆԱԺՅԵՄԻ  
 ԺԵՂՈՐԻՄԻԱ - ԵՂՈՐԻՄԻԱ

I ԵՂՈՐԻՄԻԱ ՅԵՂ,  
 ՅՅԻՅԻՆ ԸՄ  
 ԼՈՒՅՐԻՆ. ՅԵՂՈՐԻՄԻԱ

მარცხენა გვერდზე:

2 სა შობით 55 წლისა.

მარჯვენა გვერდზე:

წამკითხველო გთხოვთ შენდობასა.

### VI საფლავის ქვის

მარცხენა გვერდზე:

- 1 ვერ გავიხარ დედისთან ძმაკატან წორამხანა
- 2 გთანა ამოვეფარე შავსა მიწას მე ხთისო

მარჯვენა გვერდზე:

- 1 ბახალას ძე გულიაშვილი გარ. 1918 წელსა
- 2 ლეინობის თვის 25-სა შობით 27 წლისა

### VII საფლავის ქვის

მარცხენა გვერდზე:

- 1 საფლავსა შინა მდებარე ვარ მე ბოიგარი გიორ
- 2 გისძე ხევსურელი, წაველი ტყეში შეშისათვის ხე
- 3 ზედ დამეცა იმან მამილო ჩემი ბოლო, დამრჩა

მარჯვენა გვერდზე:

- 1 მეუღლე და ერთი ქალი ღმერთო კარგათ შემი-
- 2 ნახე, გარდავიცვალე 15-სა მარტსა 1902 წელსა
- 3 შობიდან ვიყავი 50 წლისა, წამკითხველნო

ბოლო გვერდზე (ფეხებთან):

- 1 გთხოვთ თითო
- 2 პირი შენდობა
- 3 მალირსოთ.

### VIII საფლავის ქვის

მარცხენა გვერდზე:

- 1 აქ განისვენებს მიხა გეჯუ
- 2 რასძე კყრუნაშვილი

VII-130 სხვა ხაღნიღრნა ძეგანნი

14.VII 39



ზეძ. ატანნი  
 ანაოი სანაღვრალონი IX

მარჯვენა გვერდზე:

- 1 გარ 1927 წ მარიამობისთვის 8-სა შობით
- 2 43 წლისა მხილველნო გთხოვთ შენდო
- 3 ბასა

IX საფლავის ქვის

მარცხენა გვერდზე:

- 1 ლოდსა ქვეშე მდებარე ვარ ლევანი
- 2 ბაქყიასძე ხიზანაშვილი წუთისოფელს
- 3 გამოვესალმე 1919 წ. მარტის 7 სა შობით

მარჯვენა გვერდზე:

- 1 60 წლისა მხილველნო გთხოვთ შენდობასა მზეზე
- 2 დამრჩა მარტო მეუღლე ღმერთო კარგათ
- 3 შამინახე.

X საფლავის ქვის


მარცხენა გვერდზე:

- 1 ღმერთო და ჩემო გამჩენო ჩემფერა ბევრი გყოლია
- 2 ცოდვანი შემომსუბუქე სამარეს ჩასაყოლია
- 3 ძე არვინ დამრჩა მამგონე გაქრა ცეცხლი და ბოლია
- 4 სამზეოს გამუესალმე სიკვდილს არ ვინა ბრძოლია

მარჯვენა გვერდზე:

- 1 დამბადებლო მანიქე განათლება და ცხონება
- 2 მამკვიდრე სასუფეველი შემისუბუქე მონება
- 3 თამარი მიხეილის ასული ლევან ხიზანაშვილის მეუღ
- 4 ლე გარ 1936 წ. თებერვლის 15-სა შობით 68 წლისა





**13 ივლისი. სოფ. ქუშხევი** (ანუ ქვაშხევი). ზემო-არტნიდან 3 $\frac{1}{2}$  კილომეტრის მანძილზე ჩრდილო-დასავლეთისაკენ სოფელი ქუშხევი მდებარეობს. არტნიდან ამ სოფელამდე გზა მთის ფერდობზე მიდის ვიწრო ბილიკით. ჩვენმა გამყოლმა სოფელში მისვლისას პირველად სოფლის ტევისბერთან დიმიტრი კ—თან მივიყვანა. ჩვენ მხოლოდ შემდგომ გავიგეთ, რომ ის ტევისბერი იყო. მასთან მივედით როგორც ისეთ მოსახლესთან, რომელსაც ძველებური კარმიდამო ჰქონდა შერჩენილი. მართლაც ამ მხრივ ჩვენი მისვლა უნაყოფო არ გამოდგა. უდგია ნახევრად კლდეში გამოკვეთილი შუაეცხლიანი და ნამჯით გადახურული სახლი. სახლის მოწყობილობაც ძველებური და საყურადღებო აქვს. გამყოლის თქმით, ტევისბერი არტანის მახლობელ სოფლებში ერთადერთი მოსახლეა, რომელსაც სახლთან უდგია სპეციალური ქოხი მენსტრუაციის დროს ოჯახის მანდილოსნების საცხოვრებლად.

პირადად ჩემი მიზნებისათვის ეს ოჯახი უსარგებლო გამოდგა. დიმიტრი და მისი მეუღლე მეტად სიტყვაძვირი აღმოჩნდნენ. მათთან საუბარი თითქმის შეუძლებელი შეიქნა. ტევისბერისგან მიღებული მცირე მასალა „ბატონების“ კულტის საკითხს შეეხება.


წითელას დიდი სიფრთხილე უნდა. წითელათი დაავადებულს ლოჯანზე ახალ წითელ ფართალს გადააფარებენ, ყველა საქმეს დააგდებენ, სკედან გულზელდაკრეფილები. სახლში ვერც კერა აინთება, ვერც ლამფა, — საზოგადოდ ცეცხლის ანთება არ შეიძლება, პურს მეზობლებთან აცხობენ. არც რას მოხარშავენ სახლში, არც გარეცხავენ, არც თავს ღაიბანენ. ჩემ შეკითხვაზე—ვის ევედრებთან ავადყოფის და ოჯახის შვებისათვის—მოხრობელმა მიპასუხა: „არც ვის, ისე არიან“.

სოფლის აღმოსავლეთით, წითელისა და იფნის ბებერი ხეებით შეფენილ გორაკზე, ე. წ. „დევთანასოფლარი“ და „კოპალას ხატი“ მოთავსებული. ამ ადგილის შესახებ ფშავლები შემდეგ თქმულებას გადმოგვცემენ.

იქ, სადაც ამჟამად კოპალას ხატი და ძველებური შენობების ნანგრევებია, ძველ დროს დევებს უცხოვრიათ,—მათ აქ სოფელი ჰქონიათ გაშენებული. წამოსულა კოპალა დევების საძებნელად და ამ სოფლის ჩრდილოეთით აღმართულ მთაზე დამდგარა. ჩაუხედია ქვევით და დევთ სოფელი დაუნახავს. იმისა-




თვის რომ ყველაფერი კარგად გაერჩია, კოპალა ლოდზე წაჩოქილა. მისი მუხლის სიმძიმისაგან ლოდი შუა ადგილზე ჩაზნექილა და ჯამის სახე მიუღია. ამბობენ, ეს ლოდი ეხლაც იქვე დევსო. ლოდის გამოსახულების გამო ამ მთას „ქვაჯამა“ დარქმევია. კოპალა რომ დარწმუნებულია აქ მართლაც დევები მოსახლეობენო, მოუვლია მთა-მთა დასავლეთისაკენ და გადასულა კოპალას ხატის პირდაპირ, დასავლეთის მხარეს აღმართულ მთაზე, რომელსაც „საყუჩია“ ეწოდება. აქ კოპალას სანგალი აუგია და იქიდან დევებისათვის ლახტი უსროლია. სულ ამოსწყვიტა თურმე დევები, მხოლოდ ერთი დევი გაექცა. ეს დევი მირბოდა სამხრეთისაკენ და კოპალას ხატიდან მოშორებით ერთ მთაზე, რომელსაც „ნაყორები“ ჰქვია, ყორე აიგო და დასახლდა. კოპალამ ამ დევსაც მიავნო და მოჰკლა. რადგან კოპალას დევები ამოუშლევტია ხალხს მის პატვისა-ცემად დევების ნამოსახლარზე „კოპალას ხატი“ დაუფუძნებიაო.



მძვინვარე  
 სკანონი-  
 ნაწილი

ჭიტი




მძვინვარე  
 ნაწილი  
 და  
 სკანონი

სკანონი




სკანონი  
 ნაწილი

მძვინვარე



მძვინვარე  
 ნაწილი  
 და  
 სკანონი



მძვინვარე  
 ნაწილი




ასეთია ლეგენდა კობალას და დევების ნამოსახლარის შესახებ. მაგრამ მკვლევარებმა საკუთრებით საყურადღებოა თვით მატერიალური ძეგლი, ან, უკეთ, მატერიალური ძეგლები, რომლებიც „დევენასოფლარის“ სახელით იწოდება.



ტყით დაფენილი გორაკის დავაკებას, რომელზეც „დევენასოფლარი“ და „კობალას ხატი“ მოთავსებული, სამი მხრიდან მაღალი მთები აკრავს: ჩრდილოეთით—ქვაჯამა, დასავლეთით—საყურია, საყურჩიასა და ქვაჯამას შუა—მთაწმინდა, რომლის თავზე მოთავსებული ყოფილა წმ. გიორგის სახარე-ნიში

ზართურთ დასავლეთით, გორაკის დავაკებასა და მთა საყურჩიას შორის, ხევში ჩაწოლილია პატარა ნაკადი, რომელსაც ჯვართხევი ეწოდება, ხოლო სამხრეთით ჩამოუღის მდინარე ქუშხეურა და შორს მთა ნაყორები მოჩანს.

დევენასოფლარი ოდესღაც მჭიდროდ დასახლებულ სოფლის ნანგრევების კომპლექსის შთაბეჭდილებას სტოვებს. აქ მოცემულია დანგრეულ შენობათა კედლები და საძირკვლები. ექსპედიციამ დაითვალა დაახლოებით 21—23 ასეთი ნანგრევის ერთეული. შენობათა კედლები ნაგებია ნატეხი ქვისაგან მშრალად, მაგრამ ისეთი დიდი ოსტატობით, რომ უზარმაზარი კედლის ქვების მშენებელი წყობა და ფორმა გათლილ ქვისგან აგებულს შიავავს. კედლებში ჩატანებული ქვის მოცულობის წარმოსადგენად საკმარისია



გავითვალისწინოთ, მიავლითად, ერთ-ერთი ასეთი ზომის ქვა: განი 93 cm, სიგრძე 69 cm, სიბრტყე 91 cm.

„კობალას ხატი“ შენობები იმავე ჯიშის ქვისგან არის ნაგები, რომლითაც „დევენასოფლარისა“, მაგრამ ეს ქვა აქ ზომით გაცილებით უფრო პატარაა და უსწორმასწორო. საერთოდ ფშავლების საკულტო ძეგლების კომპლექსი თვალსაჩინოდ უფრო მდარე ხელობისაა პირველზე. „კობალას ხატი“ ორი ძირითადი ნაგებობისაგან შესდგება: ერთია „სალუდე“ და მეორე—„საზარე-ნიში“. სალუდე მოკრძო ოთხკუთხი ფორმის შენობაა, სამ მხარეს მიწაში ჩაფლული და ნაგლეჯი ქვით მშრალად ნაგები. მეოთხე მხარე ფასადია, ხისა. მას მარჯვენა გვერდზე კარი აქვს და ზემოდან ოდნავ გამოწეული ხისავე ფარდული ხურავს. სალუდეს სახურავი ორწახნაგოვანია, კრამიტით გადახურული. ფასადზე დაკრულია ირმის ორი რქა და ხარის თავის ქალა რქებითურთ. კარიდან ფასადის გასწვრივ ქვებზე შეყენებულია ბრტყელი ფიცრის საჯღომი. სალუდეში, კარის პირდაპირ, ჩრდილოეთის კედელზე მიშენებულია მთური ტიპის ქურა, შიგ ჩადგმული დიდი ზომის სალუდე ქვებით.



ლი ფიცრის საჯღომი. სალუდეში, კარის პირდაპირ, ჩრდილოეთის კედელზე მიშენებულია მთური ტიპის ქურა, შიგ ჩადგმული დიდი ზომის სალუდე ქვებით.



ქვაბის გვერდზე, ჩრდილოეთის კედელშივე, დატანებულია ორი თახჩა-მურთისაღმე ვერტიკალური მიმართულებით მდებარე. სამხრეთის კედელთან, კარიდან კუთხემდე, დგას ბეღელი—ხის ოთხკუთხი მოყვანილობის დგამი, მოკლედ ფეხებით. მის სახურავზე დაყრილია ჯამ-ქურჭელი: ტარკოში (გატეხილი) — ირმის რქა, მოჩარხული ბარძიმი—3 ცალი, ხის თას-ჯამი—3 ცალი, ფეხიანი ჯამები თითბრისა—2 ცალი, ხის კულა თითბრით მოქედლი, 2 ხონჩა, რომელთაგან ერთს მოკლედ და კოპლების მსგავსი ოთხი ფეხი ჰქონია (ორი ფეხი მომტვრეულია), საწვინე სპილენძისა, მოკალული —2 ცალი, ქაფქირი სპილენძისა, მოკალული, ხის სახინკლე კოვზი. დასავლეთის კედლის გასწვრივ ბეღელზე მიდგმულია ორი დიდი ზომის სალუდე კოდი, ორი ჩხუტი, სპილენძის თუნგი და სპილენძისავე სურა. სურაში ყრია ბამბის დაგრეხილი თეთრი ძაფი და დაცობილია ოდესღაც თეთრი, მაგრამ ამჟამად ქუჭყისაგან განაცრისფრებული ნაჭრით.



სალუდეს აღმოსავლეთის კედელზე იქ, სადაც ქვის ნაგებობა თავდება და ხის დირე იწყება, დალაგებულია რკინის ორი შამფური და სპილენძის საწვინე. სალუდეს ცენტრში აღმართულია ბოძი, რომელზეც სპილენძის თუნგი ჰქონია. კარიდან ქურამდე პირდაპირი მიმართულებით გადებულია ბრტყელი ფიცარი; ცალი ბოლო მას კედლის გამოწვეულ ძირა ნაპირზე აქვს დაყუდებული, მეორე ბოლო კი ქვევზეა შედგმული. ეს საჯდომი სკამია, ამის გარდა აქვია ხის ორი სკამი-

პატარა და დაბალი, სამფეხა, მთურტიბისა. ამ სკამებს უკანა ფეხზე მიდგმული აქვს ბამბის გრეხილი თეთრი ძაფი—შეწირვის ნიშანი. სალუდეში მოთავსებული სასმისები უთუოდ ძველი და ხმარებიდან გამოსული უნდა იყოს; ისინი ნავავით, ხავსით, ხმელი ფოთლებითა და ობობას ქსელითაა სავსე და ქვისაგან დახრული და გატეხილია.

სალუდეს ფასადის წინ პატარა დავაკებაა. მის შუაზე დამწვარი დანახში-

რებული ადგილია, ეტყობა აქ ცეცხლი უნთიათ. მის გარშემო მიწაზე ოთხკუთხედად ფიცრებია საჯდომებად გაწყობილი. სალუდედან მარცხნივ ვაშლის ხეზე ირმის ოთხი რქა ჰქონია. სალუდეს ფასადის მარჯვნივ მიწაში ჩარკობილია ორი „ჩხა“—კაპიანი სარი, რომლებზეც საკლავებს ჰკიდებენ ხოლმე მათი გატყაყების მიზნით.



„გმირთნასოფლარის“ ნაშთებით დაფენილია სალუდედან აღმოსავლეთისაკენ და ჩრდილო-აღმოსავლეთის არე. როგორც აღნიშნული იყო, ზოგან ნაგებობათა საძირკვლები მოჩანს და ზოგან დაქცეული შენობების კედლებია აღმართული. ერთ-ერთ ასეთ ნაგებობის ნანგრევში, სალუდეს მახლობლად, მოთავსებულია ქვა-კირით ნაგები კოპალეს საზარე-ნიში, რომელიც შესდგება ოთხი სვეტისა და ამ სვეტებზე აღმართული კონუსის ფორმის სახურავისაგან. „საზარეში“ ზარი ჰკიდია. ზარის ენის ნახვრეტში დამაგრებულია ძველი ყვითელი და თეთრი ფერის „საკადრისები“. ზარის გარშემო ორ ზოლად ამოკაწრული წარწერაა, რომელიც ასე იკითხება:

ზე და ზოლი:

„ქ ლითთ შემოგწირეთ კოპალს ეს ზრი ერთობით გაბიდურებმ<sup>1</sup> ეთობით სულ ასე რომ კოპლის მამოული გვიქერია თვის ბეგრით“

ქვე და ზოლი:


„ჩვენ ძებნიურნი<sup>2</sup> მშენიაო ეს ბუქურაულები ვ უშლ ჯურ ვქვს შეველ ქსას წმნდს კოპალის ეკლესიას დამიწერია მასრიშვილმ [თუ ბასრიშვილმ?]“<sup>3</sup> ბთლსა დიწარმთევს ქორ ფთ“


კოპალეს საზარეს მახლობლად, ჩრდილოეთის მიმართულებით, „გმირთნასოფლარის“ ნანგრევებშივე, მდებარეობს „პირქუშის ნიში“ — მომრგვალებული ფორმის ქვის ძეგლი, მშრალად ნაგები, ძირთან განიერი და ზევით დავიწროვებული. მას დასავლეთის მხრიდან დატანებული აქვს პატარა თახჩა, ნამწვარი სანთლისაგან გაქონილი. ნიშს თავზე ირმის რქა ადევს.

<sup>1</sup> გაბიდაურები სოფელ ქუშხევის ძირითადი მოსახლეობაა.

<sup>2</sup> ძებნიურთ გვარის შესახებ იხ. აქვე, გვ. 70.

<sup>3</sup> ადგილობრივი მოსახლეობის ცნობით, ამ გვარის ხალხი ახლო-მახლო სოფლებში არავენ ცხოვრობს.





საქართველოს  
საზოგადოებრივი

14 ივლისი. სოფ. ზემო-არტანი. ჯერ კიდევ აქა-იქ შემორჩენილ მორწმუნე კახელებს დღეიდან ლაშარობა ეწყობათ. დღესასწაულობენ სამ დღეს: ხუთშაბათ საღამოდან მომდევნო ორშაბათ დილამდე. და აი დღეს დილით ჩვენს ექსპედიციის ბაზას (ზ.-არტნის საექიმო პუნქტი) რამდენიმე მოჩარდახული ურემი უახლოვდება. ურემები დატვირთულია ლოგინით, სანოვავით, ჯამ-ჭურჭლითა და მისთანათი. მლოცველთა ერთი ნაწილი ურემებს უკან მოსდევს, ხოლო მეორე ნაწილი წინ მოუძღვება; ამათგან ვაჟები შესაწირავ ცხვრებსა და ხბოებს მოერეკებიან. ყველა ფეხშიშველია. ურემები ჩვენი ბაზის წინ ჩერდება. ახალგაზრდა ქალებს მხრებიდან წელამდე ცერად ან ჯვარედინად შემოკრული ვარდისფერი და წითელი ატლასის ლენტები უკეთიათ. ერთ ქალს მიტკლის თეთრი ტანსაცმელი აცვია. თითქმის ყველა ქალსა და ზოგ კაცსაც თავზე მიტკლისავე თეთრი ან წითელი თავსაფრები ხურავთ. მამაკაცებს ქამრის ნაცვლად ან ქამართან ერთად წელზე თეთრი ნაჭრები აქვთ შემოკრული. ამასთან ერთად ზოგიერთ ქალს ზედატანზე დაკერებული აქვს სამკუთხა მოყვანილობის წითელი ნაჭერი. ერთ-ორ მანდილოსანს თეთრი ან წითელი ნაჭრისაგან ბადის მსგავსად მოწეული ოთხკუთხედი მკერდზე აფენია. ერთ ქაბუქს შარვლის ზემოდან აცვია მიტკლის თეთრი მეორე შარვალი, რომელიც მუხლებამდე სწვდება. მას მიტკლისავე თეთრი ხალათი აქვს ჩაცმული და თავზე ამავე ნაჭრის ქუდი ხურავს.

ვიდრე ურემები ხატისაკენ დაიძროდა, ჩვენ აივანზე ცეკვა გაიმართა, და უკრეს ფანდური და მლოცველმა მეურამ ქალმა ჩამოუარა. ეს ქალი ყრუ-მუნჯია და ფსიქიურადაც დაავადებული უნდა იყოს, თუმცა ამ უკანასკნელ ფაქტს მისი თანამგზავრები უარყოფენ და გვარწმუნებენ, რომ ეს დედაკაცი დიდი მშრომელია, ვაჟკაცის საქმეს აკეთებს და, საერთოდ, კაცური საქმეები ემარჯვებო; ენა ჩავარდნია და დაყრუებულა ბავშვობისას იმის გამო, რომ მის დედას მძინარე ბავშვი მეტად უხეშად გაუღვიძებია. ისეთი შთაბეჭდილება დამრჩა თით-

ქოს მლოცველებს ეს ქალი, მისი ყრუ-მუნჯობის გამო, არაჩვეულებრივად მიაჩნიათ.

მლოცველი კახელები—სოფელ შილდას, ენისელისა და ყვარელის მოსახლეები არიან. მეოთხე დღეა რაც გზაში ვართო. დღეს ნაშუადღევს კატკევში, თამარისა და ლაშარის სალოცავებში, მივლენ.

ამ მლოცველებზე ადრე მატწელებს აუვლიათ, აგრეთვე ჩარდახიანი ურმებით. ეს გუშინ მომხდარა. დღეს-კი მატწელების რამდენიმე ჩარდახიანი ურემი უკანვე მოდის. მათ ლაშე კატკევში უთევიათ, თამარისა და ლაშარის ხატები მოულოცავთ და შინ მიდიან—მეტ ხანს ვეღარ დავრჩით, მოუცლელათ ვართ და სავალი გზა კი დიდი გვაქვსო. შეიძლება მართლაც ასე იყოს, მაგრამ შეიძლება მათი აჩქარების მიზეზი სხვაა. ყოველ შემთხვევაში უკანასკნელ ხანს ერთმა საყურადღებო მოვლენამ იჩინა თავი: მორწმუნეთა ნაწილი თავის მორწმუნეობას ექვის ქვეშ აყენებს, ხატში სიარულს უკვე უხერხულად მიიჩნევს, მაგრამ, ვინაიდან მლოცველთა ეს ჯგუფი ჯერ კიდევ მთლად ვერ განთავისუფლებულა ძველი ტრადიციებისაგან, არამორწმუნე მეზობლების დაცინვისა და გაკიცხვის თავიდან აცილების მიზნით, ხატობის კალენდარულ დღეს არღვევს და ხატში სალოცავად ხატობის წინ, ან ხატობის რამდენიმე დღის შემდეგ მიდის.



51



14 ივლისი, სოფ. ზ.-არტანი, ღორღაში. არტანის თემსაბჭოს მდივანი თამარ არდაზიანი მიამბობს ერწოს დასახლების ლეგენდას, რომელიც მას თავისი პაპისაგან სმენია. ლეგენდა სინკრეტულია: ბიბლიური მოთხრობა ნოეს შესახებ უძველეს მითიურ სახეებს შერწყმია და მათგან მწყობრი მოთხრობა შემუშავებულია.

ერთხელ თურმე ერწოში გველეშაბი მისულა. მას თან წყალი მიუტანია და მთელი ერწო წყლით დაუფარავს. ხალხი დაღუპულა, წყალში დამხრჩვალა. მხოლოდ ერთი კაცი გადარჩენილა. ამ კაცს სახელად ნოე რქმევია. წყალი რომ მოდიოდა ნოე თურმე კიდობანში ჩაჯდა. კიდობანი წყლის ზედაპირზე მოექცა და ცურვა დაიწყო. აღიღდა წყალი, მთები დაფარა, მაგრამ ერთი მთა ძალიან მაღალია და მის წვერს ვერ მიადწია. იცურა ნოეს კიდობანმა, იცურა და იმ მთის წვერს მიადგა. ნოეს თურმე ერთი შინდისფერი მოზვერი ჰყავდა და, როცა ნოე კიდობნით წყალზე დაცურავდა, ეს მოზვერი უკან მისდევდა. გადმოვიდა ნოე კიდობნიდან მშრალ მიწაზე და მოზვერიც მასთან მივიდა. ამასობაში დაღამდა კიდევც და ნოეს დაეძინა. დილით რომ გამოეღვიძა, ხედავს საწყალი მოზვერი დასისხლიანებული გდია: იმ ღამეს თურმე წასულა და გველეშაბს შებრძოლებია. ეს რომ ნოემ გაიგო, რქებზე რკინა გადააკრა — გველეშაბი ველარას დააკლებსო. მეორე ღამეს მოზვერი ისევ წასულა, გველეშაბს შებშია, უჯობნია, რკინის რქებით დაუფათრავს და გაუქცევია. ცოცხალ-მკვდარი გველეშაბი ქალა-ქალა მიდიოდა და წყალიც თან მისდევდა. ასე თანდათან ერწოს არემარე წყლისაგან დაცილილა, მხოლოდ იორს შერჩენია წყალი. მაშინ ნოე ბარში ჩასულა და ერწოც დასახლებულა.

გუშინ და დღეს ჩვენი ექსპედიცია საქართველოს სახელმწიფო მუზეუმისათვის რაიონის მოსახლეობის ყოფის მახასიათებელ ობიექტებს აგროვებს. ამ ობიექტებიდან განსაკუთრებით საინტერესოა დაქრელებული სკივრები, დედა-ბოძები და ჩუქურთმიანი ხის სხვა საგნები.



15 ივლისი. სოფ. ზემო-არტანი. მოხუცი ფშაველი გვიამბობს ლიტერატურაში ცნობილი თქმულების ვარიანტს ლაშარის ჯვარის შესახებ. ამ თქმულებით, არაგვის ფშავეში ერთი დიდი მუხა მდგარა, მუხის წვერზე ოქროს შიბი ყოფილა ჩამოკიდებული. ლაშა გიორგი იმ შიბით თურმე ზეცაში ადიოდა და მუხაზე ჩამოდიოდა.

ერთი მთიული, გვარად აფციაური, ფშაველებსა მტრობდა და აპიტომ მან გადაწყვიტა ლაშარის მუხა მოეჭრა. ამ მიზნით აფციაურმა მუხასთან ხალხი მოდენა და უბრძანა—ხე მოკერიეთო. დაუწყეს ჭრა, მაგრამ ვერც ერთის ცული ვერ გამოდგა, დაკვრისთანავე ის ტყდებოდა, მუხას კი რაც უფრო მეტჯერ მოხვედებოდა ცული, მით უფრო სქელდებოდა. არ იქნა და მუხის მოჭრას არა გაეწყო რა. გაბრაზებულმა აფციაურმა კიდევ უფრო მეტი ხალხი მოდენა და რომ წადილს ვერ ისრულებდა ამის მიზეზად ფშაველებსა სთვლიდა. ზოგ მათგანს თავები დასჭრა, ზოგი მოკლა. თან ამას გაიძახოდა: თქვენ იცით რად არ იჭრება ეს მუხა და არ ამბობთო.

ხალხმა მართლაც იცოდა, რად არ იჭრებოდა მუხა, მაგრამ არ ამკლავნებდა. ბოლოს, ერთმა მოხუცმა ფშაველმა ვეღარ გაუძლო ამდენი ხალხის დალუბვას და სთქვა: (უკაცრაულ პასუხია) ერთი ციცა დაჰკალით, მუხაზე იმისი სისხლი მიასხით და ხე მოიჭრებაო.




დაპკლეს ციცა, იმისი სისხლი მუხას მიასხეს და ხეც მოიჭრა. მუხა-  
ცეულა და ოქროს შიბი კი ზეცას წასულა. ამ დროს მუხას სამი ნაფოტი მო-  
ვარდნია. ერთი იქავ დამრჩალა, მეორე ჯატჭევიში გადმოვარდნილა და მესამე

კი წყალში ჩავარდნილა; ამ მესამე  
ნაფოტს რა მოუვიდა არავენ იცის.  
ლაშარის პატივისცემით უკანა-  
ფშავსა და ჯატჭევიში ნიშები აუ-  
გიათ. ამ თქმულებაზე ასეთი ლექ-  
სიცი უთქვემთ:

„მენა ვარ აფციაური,  
რად არ ამბავსა მკითხავო.  
— შენ რეტიანი ყოფილხარ,  
არა ვარ შენი ჭკვისაო.  
ლაშარელაის მუხასა  
შენ თუ უთხრიდი ძირსაო.  
უპირობ ჩამავდებასა  
მალლაით ოქროს შიბსაო,  
განა შენ მიმამ შაჰკიდა,  
ჩამოსულიყო ცითაო?!“<sup>1</sup>


დღეს ნაშუადღევს ჯატ-  
ჭევიში გავემართენით. ზემო-არ-  
ტნიდან ჯატჭევის ლაშარისა და  
თამარის ხატამდე გზა სულ მდი-  
ნარე იორის ნაპირს მიჰყვება. ჯატ-  
ჭევის ხატი ზემო-არტანს ხუთიოდე  
კილომეტრით შორავს, თუმცა ად-  
გილობრივ მცხოვრებთა ცნობით  
ეს მანძილი 3—3½ კილომეტრს  
უღრის.

არტნიდან მიმავალი პირვე-  
ლად მიადგება თამარის ხატის  
ხეივანს, რომელიც იორის გასწ-  
ვრივ არის გაშლილი. იორი მას  
აღმოსავლეთით საზღვრავს, ხო-  
ლო ხეივნის დასავლეთით გორაკია  
„ჯატჭეურჯი“-ს სახელწოდებით  
ცნობილი. ამ გორაკზე თამარის-



<sup>1</sup> ჩაწერა ექსპედიციის წევრმა მეცნ. თანამშრ. ფაფალა გარდაფხაძემ.





ხატი გაშენებული. აქედან ერთი კილომეტრის მანძილზე, ჩრდილოეთის მიმართულებით, თამარის ხატის გასწვრივ გორაკზევე მეორე ხატი მდებარეობს ლაშარის სახელობისა.

კატჯევის ხეივანში ნისვლისას ჩვენ ლამისმთველები შევნიშნეთ. უმრავლესობა ფშავლები იყვნენ, რომლებსაც ცხენები საძოვრად მიეშვათ და თვით ხეების ძირში დაბანაკებულიყვნენ. იქვე იდგა ჩარდახიანი ურემი, რომელიც, როგორც გაირკვა, კახელებს, სოფელ მატანის მცხოვრებთ, ეკუთვნოდა; ისინი ამ ღამეს თამარის ხატის ძირში ათევდნენ.

ხეივანი გავიარეთ და მივაშურეთ ლაშარის ჯვარს. იგი მოთავსებულია მთის ფართო დაეკებაზე, რომელსაც თხელი ტყე სარტყელივით აკრავს. ვაკის დასავლეთის მხარე კახელების ჩარდახიან ურემებს უჭირავს. ხარებიდან განთავისუფლებული ურმის მხრები მიწაზეა დაშვებული და ამგვარად დაყირავებულ ურმების ქვეშ, ჩრდილში, დიასახლისები ფუსფუსობენ: მახლობლად ცეცხლის სანთები ადგილი მოუწყვიათ და საქმელს ამზადებენ. ურემები ყვარელსა, მატანსა, ენისელსა და შილდაში მცხოვრებ მორწაუნებს ეკუთვნის. დამსწრეთა შორის ბევრია არამორწმუნეც. დღეს შაბათია. ლაშარში ფშავლები თითქმას არ ჩანან.


მლოცველებს თავის პირველად სამშობლოდ არტნის ხეობის სოფლები—ყვარა და სხვ. მიაჩნიათ. ჩვენი მამა-ბაბა აქედან გადასახლებულა კახეთში და ამიტომ არის, რომ სოფელ ყვარას მიხედვით კახეთშიც ჩვენს სოფელს ყვარელი ეწოდოდა, ამბობენ სოფელ ყვარლის მცხოვრებნი და სხვა აქ დამსწრე კახელებთან ერთად აღნიშნავენ—აქედან წასულები რომ ვართ, ამიტომ გვმიზეზობს აქაური ხატი და ჩვენგან სამსახურს მოითხოვს.

ჯერ კიდევ გუშინწინ გაირკვა და დღეს კვლავ დაგვიდასტურეს, რომ კატჯევში დღეობა ლაშარობაზე წამოსული კახელები გზაში 4 დღე-ღამეს უნ-



დებთან. მლოცველებს გუშინწინ ნაშუადღევს მიულწევით თამარის ხატის წინ, რომელიც იქ უთევიათ, დღეს დილით ლაშარში გადმოსულან, ამაღამ და ხვალ აქ გაატარებენ და ორშაბათს დაიშლებიან.

ლაშარის ხატს აღმოსავლეთიდან მდინარე იორი და მის გადაღმა აზიდული მაღალი მთები საზღვრავს, ხოლო სამხრეთიდან—მცირე ხევი და ტყით დაფენილი მთა. ტყიანი მთით არის იგი შემოზღულული აგრეთვე დასავლეთიდანაც. აქ, ამ მთის ფერდობზე, ლაშარის ხატის მახლობლად ღვთისმშობლის ხატია გაშენებული. ჩრდილოეთის მხარეს ჰორიზონტი შედარებით გაშლილია—მახლობლად მთის დაბალი ფერდობები და შორს მაღლა აზიდული მთები მოჩანს.



ლაშარის ხატი ანუ ჯვარი ეწოდება „საზარესა“ და „სასანთლე“ ნიშებს გარშემოვლებული ყორის გალაენითა და ტყით. გალაენი ამჟამად მორღვეულია. მისი ქვებით ხატის მახლობლად რძის ფერმისათვის შენობა აუგიათ. გალაენის ნაშთი მიწის პირადლაა დარჩენილი და მხოლოდ ადგილ-ადგილ მისი სიმაღლე დაახლოებით ნახევარ მეტრამდე აღის. ეს გალაენი მრგვალი ყოფილა.

ლაშარის „საზარე“ ქვა-კირით ნაგები და გარედან კირითვე შეღესილი შენობაა, მიწიდან შუა წელამდე ოთხკუთხი ფორმისა, შუა წელზე აღმართული ოთხი სვეტი, რომლებიც ერთმანეთს კამარით უკავშირდება, და სვეტებზე დაყრდნობილი სახურავით. საზარე-ნიშის სახურავი ოთხწახნაგოვანია, თუნუქით გადახურული. სახურავის წვერზე მოთავსებულია რკინის ჯვარი, რომლის თავზე თეთრი ლითონის მოელვარე ბურთია წამოცმული. სვეტებ შუა ზარი ჰკიდია.

საზარედან ჩრდილო-აღმოსავლეთის მხარეს, გალავნის შიგნით, დღას-აღსურითა და კირით ნაგები ოთხკუთხი ფორმის „სასანთლეს“. ეს ნიში საზარეზე გაცილებით მცირეა. აქვე ორწახნაგოვანი გადახურვა. „სასანთლეს“ დასავლეთის კედელში დატანებულია ერთურთისადმი ვერტიკალურად მიმართული ორი თახჩა. თახჩებში ჯევისბერები და დასტურები მლოცველთა მიერ მიტანილ სანთლებს ანთებენ და მათ წინ ქალებსა „კლავენ“ (შესაწირავე ქადა ფშავლების გამოთქმით „დაიკვლის“, ე. ი. ხატის მსახურის მიერ დანით დაიჭრება შესაფერისი ლოცვა-ვედრების შესრულების შემდეგ).

ხატის გალავანში რამდენიმე ხე დგას. ამ ხეების ტოტებზე ჩამოკიდებულია მლოცველთა მიერ შეწირული მიტკლისა და მარლის თეთრი ნაჭრები, ვარდისფერი და წითელი ლენტები და სხვ.

ხატის გალავნის შიგნით მხოლოდ ჯევისბერები, დასტურები, ხატის მონები და ხატის მიერ „დაქერილი“ პირები შედიან.

ჯატქვეის ლაშრობას მორწმუნე კახელები სამ დღე-ღამეს დღესასწაულობენ: პეტრე-პავლობის მომდევნო ხუთშაბათიდან ორშაბათამდე. მამაპაპური ჩვეულების თანახმად, ხუთშაბათ საღამოდან შაბათ დილამდე თამარის ხატთან უნდა დარჩნენ, ხოლო დანარჩენი დრო ლაშარში გაატარონ.

კახელ მლოცველთა უმრავლესობა ჯატქვეში ფეხშიშველია და თავზე მიტკლის ან მარლის თეთრი თავშლითაა წაკრული. კაცების ნაწილს, თეთრის ნაცვლად, წითელი ფერის თავშლები ახვევიათ. ამას გარდა თითქმის ყველა მამაკაცს წელზე, ქამრის ნაცვლად ან ქამართან ერთად, მიტკლის თეთრი ნაჭრები შემოუკრავთ. ახალგაზრდა ქალებს და ბავშვებს მხრებზე გადადებული და მკერდსა და ზურგზე ცერად გაყოლებული აქვთ წითელი ან ვარდისფერი ლენტები, რომლებიც თქმოს თავთან გაუნასკვამთ. ზოგ შუახნისა და ნოხუც მანდილოსანს კაბის გულსპირზე სამკუთხი მოყვანილობის წითელი ნაჭერი დაუკერებია. ზოგის გულმკერდს-კი ოთხკუთხი ფორმის წითელი ან თეთრი ნაჭერი, ან ზოლებად დაჭრილი და ბადის მსგავსად მოწნული ამავე ფერის „სამკაული ამკობს“. მკითხავი თავით-ფეხამდე მიტკლის თეთრ სამოსშია გამოწყობილი. „ხატის დაქერილებს“ მიტკლისა მხოლოდ ზედატენები აცვიათ. ამ მხრივ მათგან გამოირჩევა დარიკო ა-შეილი, რომელსაც, თეთრი ფერის ზედატენის გარდა, ხატის სახელზე შეთქმული ყვითლით დაფოთილი წითელი ქვედატანი აცვია. აგრეთვე გამოირჩევიან ჩაცმული 17-18 წლის ვაჟი. მას შავი შარვლის ზემოდან მიტკლის თეთრი მოკლე შარვალი და ამავე ნაჭრის ხალათი გადაუცვამს და თავზე მიტკლისავე თეთრი, ნაჩქარევად შებლანდული, ქუდი ხურავს.

ამ სამოსს და „სამკაულებს“ მლოცველები ხატში სტოვებენ. დღეობის განმავლობაში ვისაც როდის უნდა, მაშინ მოიშორებს მათ და წმინდად მიჩნეულ ხეების ტოტებზე დაჰკიდებს.

კახელ მლოცველთა შორის ორსულ ქალებსა და „დაქერილებსაც“ ვამჩნევთ. როგორც გავიგეთ, გუშინ და დღეს დილით ზოგი მათგანი ქადაგად დაცემულა.



ამემამდე კახელ მლოცველთა უმრავლესობა ხატის გალავნის მახლობლად დაა შეგუფებული. „მებუზიკე“ ფშაველი გარმონზე უკრავს და სხვები როგორც ბით ლეკურს უფლიან. ყველაზე უკეთ და ყველაზე დიდხანს 23 წლის შილდელი დარიკო ცეკვავს. დარიკო შევეგრემანი, ფერმკრთალი, მუქი წაბლისფერთვალება, ამავე ფერის ხუჭუქთმინანი, ეშხიანი ქალია. ის ფეხშიშველი ცეკვავს, მსუბუქად. შნოიანად და გატაცებით. უკანასკნელად მისი პარტნიორია მიტკლის ქუდა და მიტკლის შარვლიანი ვაჟი.

უეცრად დარიკო გან-გან წავიდა, წრე გაარღვია და პირაღმა მიწაზე დაეცა. პირველი შთაბეჭდილება ისეთი იყო, თითქოს მან გრძნობა დაჰკარგა. მაგრამ



დაცემისთანავე დარიკომ მორთო ყვირილი და გორვა დაიწყო. ასე გორვით ის ხატის გალავნის ჩრდილოეთის კიდეს მიაღდა და იქ გაიჰიმა თავით ჩრდილოეთისაკენ და ფეხებით სამხრეთისაკენ. დარიკოს მუხლებზე შალი წააფარეს. მან დაიწყო სწრაფად თავის აქეთ-იქით ქნევა და ძახილი: „ეეი, ეეი, ტანჯულო, ტანჯულო, შვილო, შვილო“ და სხვ. დარიკო ქადაგობდა. მას თითქოს ხატები ალაპარაკებდნენ თავის ცოდვებს და მისივე პირით ემუქრებოდნენ. „აბა რა გეგონა, განა შეგარჩენდი ძელი ქეშმარიტის დანგრევას, ჩემ საბრძანებელში ძვლების შეყრას, ნეკრესის დახურვას... ეეი, ეეი, ტანჯულოლო“—ყვიროდა დარიკო, თან თრთოდა, ბეჭებს ნერვიულად ჰიშავდა, თავს მიწაზე ახეთქებდა და მთელი ტანით იკლავებოდა. ასე გასტანა რამდენიმე ხანს და, ბოლოს, დაყუჩდა. მორწმუნენი შიშით მიჩერებოდნენ გაფითრებულ, თვალდახუჭულსა და გაუნძრევლად მიგდებულ დარიკოს. მისმა ღედამ, გამხდარმა და ტანმალაღმა 60 წლის ნინომ, რომელსაც სახეზე მოკრძალებასა და შიშთან ერთად სიკერპის ბეჭედი ესვა, წამოავლო ხელი ფანდურს და საცეკვაო დაუკრა. შემდგომ გავიგეთ, რომ ფანდურზე დაკვრას უნდა გამოეწვია „ანგლოზების“ გამხიარულება, რასაც ქადაგად დაცემულის წამოდგომა და ლეკურის თამაში მოჰყვებოდა. მაგრამ დარიკო არ ინძრეოდა. ნინომ ფანდური ჩააჩუბა და ნელის ხმით გალობა დაიწყო.

ძველად ქადაგად დაცემის დროს შემდეგ საგალობელს მღეროდნენ:



ნანა და ნანა, ნანა და ნანა!  
გამარჯვებულო ჩვენო ლაშარო,  
იავ ნანინაო.

ია და ვარდი გაშლილი ჰქონდეს,  
ია-ვარდ გაშლილი გებძანებოდეს ლაშარსა.

ნანა და ნანა, იავ ნანას გეტყვი,  
გაუმარჯოს შენ სიძრიელეს,  
ჩვენ სათავეში იარეო.

გაუმარჯოს შენ სიძრიელეს, გადმოხედვეყ,  
პატარები არიან შენი ტანჯულები.

გეხვეწებით, გევედრებით, იავ ნანინაო,  
გადმოჰხედე, დამწუხრებული პატარა ქორფები არიან,  
გაუმაძღრები არიან, იავ ნანინაო.

ნანა და ნანა, ნანას გეტყვი,  
ჩვენო დედა ღვთიშობელო,  
იავ ნანინაო.

დედა, დედა ღვთიშობელსა,  
მფარველი ხარ ტანჯულების,  
პატარა ქორფებზედა ია-ვარდი გეფინოსა.

ნანა და ნანა, გაუმარჯოს თამარ დედოფალს!  
იავ ნანით მოვიხსენიოთ,  
იავ ნანინაო.

გაუმარჯოს ჩვენ თამარ დედოფალს, სათავეში რომ ბრძანდება,  
ტკბილათ და შაქრათა, ია-ვარდ გაშლილი დამტკბარიყოს,  
იავ ნანინაო.

გადმოჰხედე, გადმოჰხედე ტანჯულებსა,  
პატარები არიან, დამწუხრებული,  
იავ ნანინაო.

ნანა და ნანა, ნანა და ნანა!  
გამარჯვებულო ჩვენო ნეკრესო გავაზისთაველო,  
შენი სახელს ჰირიმეო.



ნანა და ნანა, იავ ნანა!  
 გაუმარჯოს წყაროს თავსაცა,  
 ფშავლების თავში რომ ბრძანდება, იავ ნანინაო.

ნანა და ნანა, ნანა და ნანა!  
 ალავერდო, შარიანო და გამარჯვებულო,  
 იავ ნანინაო.

ნანა და ნანა, ჩვენო დედა ბარბარე,  
 ქვეყნის გადმომხედავო, ყველას მფარველო,  
 ყველა დამწუხრებულები, იავ ნანინაო.

გაუმარჯოს, გაუმარჯოს დედა ბარბარეს,  
 გადმოჰხედეყე, ძალიან დამწუხრებულები,  
 პატარა ქორთები არიან, იავ ნანინაო.

საკმარისია იავ ნანით მოგიხსენოთ,  
 საკმარისია პატარა ქორთებმა გაიხარონ  
 თავის ტოლ-ამხანაგებში, იავ ნანინაო.

ნანა და ნანა, ნანა და ნანა!  
 ჩვენო მინგრეულ-მონგრეულო ძელო ჭეშმარიტო ღვთაება,  
 იავ ნანით მოგიხსენოთ, იავ ნანინაო.

ნანა და ნანა, ნანა და ნანა!  
 გადმოჰხედე ტანჯულებსა, ტანჯულები არიან  
 პატარა ახალგაზრდები, იავ ნანინაო.

ნანა და ნანა, ნანა და ნანა!  
 სამას და სამოცდასამ წმინდა გიორგის  
 გაუმარჯოს, იავ ნანინაო.

გაუმარჯოს იმათ ია-ვარდ გაშლილ გზავრობას,  
 ტანჯულებს უღელი აერთოთ,  
 იავ ნანინაო.

გაუმარჯოს, გაანთავისუფლოს,  
 იმათ ტანჯულებს უღელი აერთოს,  
 იავ ნანა, იავ ნანინაო“.

ქადაგად დაცემის მომენტიდან დარიკოს ირგვლივ ხალხი ნახევარწრედ არის შემოვლებული ისე, რომ თავისუფალი არე ხატის გალავნისაკენ მოუღის. მონაწილეთაგან ზოგნი მიწაზე სხედან და ზოგნი მუხლის თავებზე, ან ზეზე დგანან.

გალობა დამთავრდა და დარიკო ჯერ კიდევ გაუნძრევლად ეგდო, როდესაც წრეს მოსწყდა, დარიკოსაკენ რამდენიმე ნაბიჯი გადადგა და მახლობლად დაეცა მეორე „დამიზნებელი“ შილდელი ელიკო. მასაც მუხლებზე შალი წაათარეს. ელიკო ფართხალებდა, თავს მიწას ახლიდა, მხრებს ნერვიულად არხევდა და გაიძახოდა: „ეეი, ეეი, ლაშაროო, ხევსურთ ბიკოო“... შემდეგ დაბალი ხმით განაგრძო რალაცის ბუტბუტი, რამდენჯერმე დაიკვნესა, ამოიოხრა და, ბოლოს, დაიწყო ხატის სახელით გაბმულად ლაპარაკი ვითომ ხატები მას თავის ცოდვებზე ალაპარაკებდნენ. ჩემს გვერდით მდგომი ცრურწმენით გონებადახშული კახელი მამაკაცები მიხსნიან—ამას დარიკოზე ნაკლები ცოდო აქვს ჩადენილი. ხატები პირდებიან მალე გაგანთავისუფლებთო. ელიკოს პირით გავიგეთ, რომ მისი ბიძა ხატებს „დაუქერიათ“. აი ორი დღეა რაც ის კაცი დაცემულა. ჯერ ვაპყვიროდა თურმე თავის ცოდვებზე (ის დასცინოდა თავის ძმისწულსა და სხვა დაქერილებს—გიყები ხართო და ლაშარობაზე არ უშვებდა), დღეს დილიდან კი გაუნძრევლად დევსო.

მცირე ხნის შემდეგ ჩვენც გავიგონეთ ელიკოს წამოძახილი: „ბიძა შენი გაუნძრევლად დევს, მაშ რა ეგონა, შევარჩენდი განა“.

ელიკოს ქადაგობა არ იყო დარიკოს ქადაგობის მსგავსად მკვერმეტყველური და ხანგრძლივი. ის ხშირად ერთსადიმავე სიტყვებს იმეორებდა გაბმით, მონოტონური ხმით. განსაკუთრებით ხშირად ყვიროდა: „ეეი, ეეი, ლაშაროო, ხევსურთ ბიკოო“ და თან ოხვრასა და კვნესას აყოლებდა. ბოლოს, ერთი უსიტყვოდ რალაც წაიღიდინა, გაჩუმდა და მარჯვენა ხე-





ლი ჰაერში ასწია. მას სასწრაფოდ ხელში ფანდური ჩაუდღეს. საკრავში ვისკენ მიიზიდა, გულზე დაიდო და დაუწყო დაკვა. ასე უკრავდა რამდენიმე წუთის თვალდახუტული. შემდეგ ფანდურს ხელი უშვა და მიიბნიდა. სრული სიჩუმე ჩამოვარდა მიწაზე გაქიმული ორი „დამიზებებული“ ქალის ირგვლივ. ბოლოს, დარიკო შეინძრა, წამოიწია. მას დედა მისი დასწვდა და წამოსვა. დარიკომ აწეწილი თმა გაისწორა, შუბლზე ხელი გადაისვა და თავი დახარა. დედამ დაუძახა — ადე, ადე, დარიკო, და თან წამოაყენა. ამ დროს ფანდურზე ლეკური დაუკრეს. ფეხზე ამდგარმა დარიკომ წყნარად მიიხედ-მოიხედა, გასწორდა წელში, გაშალა ხელები და მსუბუქად და ნელი ნაბიჯით ცეკვა დაიწყო. მის მიერ ერთხელ წრის შემოვლის შემდგომ ელიკოც შეინძრა, თვალეები გაახილა, გაიღიმა. სხეებმაც გაიციინეს, მიუახლოვდნენ და მხიარულად წამოაყენეს. ელიკო ჩემს პირდაპირ მდგომ წრის ხალხს შეუერთდა. ერთი წუთით მისი თვალეები ჩემსას შეხვდა. მან მორცხვად და დაბნეულად გაიღიმა, უეცრად გვერდზე მიტრიალდა, ერთ-ერთ ამხანაგს რაღაც წასჩურჩულა და ორივენი ურმებისაკენ გაიქცნენ. ცოტა ხნის შემდეგ ელიკო და მისი ამხანაგი უკანე დაბრუნდნენ — ელიკოს კაბა გამოეცვალა და ფეხსაცმელი ჩაეცვა.

დარიკო კი განუწყვეტლივ ლეკურს უვლიდა. მან რიგ-რიგობით აცეკვა ყველა იქ მყოფი — მოხუცი, ახალგაზრდა, ქალი და კაცი, მათ შორის მკითხავი, ორსული ქალები და სხვ.

ამით დასრულდა „ლხინი“. მლოცველები დაიშალნენ და თავ-თავის ურმებისაკენ გაეშურნენ. მალე ხეების ჩრდილში სუფრები გაიშალა და ხალხი სასამხროდ დალაგდა. ფაფალა გარდაფხაძემ და მე წყლის დასალევად ღელესაკენ მივაშურეთ.

წყლიდან მონაბერმა გრილმა სიომ ცოტა ხნით ადგილზე დაგვაცოენა, ქვაზე ჩამოვსხედით და ერთმანეთს ახლად მიღებულ შთაბეჭდილებებს ვუზიარებდით. ამ დროს ჩვენთან მოვიდნენ ჯერ ელიკო თავისი ამხანაგი მარგოთი და შემდეგ დარიკო. გაიმართა საერთო საუბარი, რომლის შედეგად შემდეგი გაირკვა. დარიკო ამჟამად 5 თვის პატარძალია. რამდენიმე წლის წინათ მას სხვა ახალგაზრდებთან ერთად დავალება მიუღია სოფელში უტილ-ნედლეული შეეგროვებინა. გადაუწყვეტიათ უტილ-ნედლეულისათვის თავი მოეყარათ „ძელი ქეშმარიტის“ სახელობის გაუქმებულ და ნახევრად დანგრეულ ეკლესიაში, რომელიც სოფელ შილდაში მდგარა. ვალაენში კი შევიტანეთ ნაყარ-ნუყარი, მაგრამ ვერც ერთი ჩვენგანი ვერ ბედავდა იგი ეკლესიაში პირველად თვითონ შეეგდო — გვიამბობს დარიკო. მაშინ გადაწყვიტეთ სხეებისათვის მაგალითი მეჩვენებინა, შევედი ეკლესიაში, დაუმიხნე ხატს ძვლები და ვესროლეო. ერთი კვირის შემდეგ დარიკოს ცუდი სიზმარი უნახავს, მალე მადაც დაჰკარგვია, გამხდარა, ბოლოს მოსვლია ის, რაც შემდეგში ხშირად ემართებოდა და დღეს ჩვენ თვალწინ დაემართა. ხატისა არაფერი მწამდა — განაგრძობს დარიკო, ვიდრე „ძელ ქეშმარიტში“ ძვლებს შეეყრიდი, ამ შენობის მინგრევ-მონგრევაში და ნეკრესის ეკლესიის დაკეტვაში მხურვალე მონაწილეობას ვიღებდიო. შემდეგ გაუბედავად დასძინა: ხატისა არც ეხლა მწამს რამე, ჩემი ბრალი არ არის, რომ ასე შემართებო. აქ მდგომმა მარგომ მას სიტყვა გააწყვეტინა და ქინიანად წამოიძახა: ხატე-



ბიცა მწამს, ღმერთიც მწამს, ვინც რა უნდა თქვას, მე მაინც მწამდა, მწამს და ვიწამებო. ამაზე მესამე ამხანაგმა, ელიკომ, ნერვიულად გაიცინა და უპასუხა—ძალიანაც რომ გწამს, აკი იმისათვის არ დაეცემა და ყვირილს არ გააბამ ხოლმეო?! ამხანაგებს გაეცინათ. მე და გარდაფხაძემ კი გაკვირვებით შევხედეთ მარგოს. ბაასის შედეგად გაირკვა, რომ მარგოც „დატყერილი“ ყოფილა! შენ რალად „დაგამიზეზეს“ მეოქი, შევეკითხე.—ჩემი მშობლების ცოდო ჩემზე გადმოვიდა. ჩვენი სახლი რომ დგას იქ ხატის მარნები ყოფილა ძველად დაფლული და ჩემ დედ-მამას ზედ უვლიათ და „დაულახაეთ“. ამაზე ხატი გამწყრალა და მე დამამიზეზაო, მიპასუხა მან. ელიკოს კი ხატები იმიტომ სჯიან, რომ ის ურწმუნო იყოო.

ჩვენმა საუბარმა კარგა ხანს გასტანა. ამ ხნის განმავლობაში განსაკუთრებულ ყურადღებას ელიკო იპყრობდა. ის წარა-მარა და უმიზეზოდ იცინოდა ან დარცხვნილად იღიმებოდა, ცქმუტავდა, ხშირ-ხშირად ადვილს იცვლიდა, ხან მარგოს ზურგს ეყრდნობოდა, ხან დარიკოს ეხვევოდა. ამავე დროს ის გულმოდგინედ უსმენდა საუბარს და თვითონაც ლაპარაკში ებმებოდა ისევ სიცილით, ან მორცხვად მოღიშარე. ბოლოს, ელიკო მოულოდნელად პირალმა დაეცა და აქადაგდა. ყველანი წამოეცვივდით. ელიკო რიყის ქვებზე გაიჭიმა და ლელესაკენ ხოხვა დაიწყო, თან ოხრავდა, კვნესოდა და გაიძახოდა—ეეი, ეეი, ლაშაროო, ხევსურთ ბიჭოო, ეეი, ეეი, ტანჯულო შვილო, ტანჯულო შვილო, შენი ბიძა დიდიდან გაუნძრევლად დევს, აბა რა ეგონა, დაუსჯელად იქნებოდა?! და ისევ ოხვრა, ისევ კვნესა. „შენ მალე გაგანთავისუფლებ... დარიკოს არ ვანთავისუფლებ, დიდი ცოდო მიუძღვის...“ მოცვივდნენ მლოცველები, მოიტანეს ფანდური. ყველა ღელავდა, რადგან ელიკო არ წყნარდებოდა, ქვებზე თავს ახლიდა და წყლისაკენ მიხობხავდა. ერთ-ერთი დედაკაცი მის თავთან გაჩერდა, მაგრამ მახლობლად მდგომმა მანდილოსანმა მას ხელი წაავლო, გვერდზე მისწია და ჩუმიად უთხრა—აქეთ დადექ, შვილო. თავთან ნუ გაუჩერდები, იქნება ავი ანგელოზები ჰყავდეს, შენთვის ცუდიაო. მლოცველები ელიკოს ეტანებოდნენ, ტანსა და ფეხებს უჩერებდნენ—ეშინოდათ წყალში არ ჩავარდესო. ბოლოს, ელიკო დაუწინადა, დაწყნარდა. მლოცველები მას გარშემო რკალივით შემოერტყნენ. თეთრ შარვლიანმა დაავადებულმა ვაჟმა ფანდურზე დაუჯრა. ყველა ელიკოს მისჩერებოდა. განსაკუთრებით აშტერდებოდა მას იქვე ქვაზე ჩამომჯდარი დარიკო, რომელსაც გვერდზე დედა მისი ედგა და დაქინებით სთხოვდა—წავიდეთ, შვილო, აქედან, რიყეა, ქვებია, ვაი თუ დაეცე, ნუ გამამწარებო. დედას სხვებიც წახმარნენ, მოჰკიდეს ხელი დარიკოს და წაიყვანეს. ელიკო კიდევ რამდენიმე წუთი გაუნძრევლად ეგდო. შემდეგ თვალდახუჭულს გაეღიმა. ყველა გამხიარულდა, სიცილი დააყარეს. „ადე გოგო, ადე, რას დაგდებულხარო“, მიძახეს და ზეზე წამოაყენეს. ელიკო იცინოდა. წყნარი ნაბიჯით დაეტოვებოდა სახიფათო ადგილი. ავიარეთ პატარა აღმართი და ახალი ამბავი შემოგვაგებეს: ხატის მახლობლად რუსის ქალი დაცემულიყო. ის ყვარლის მცხოვრები ყოფილა, ქართველზე გათხოვილი. მიწაზე ეგდო და უსიტყვოდ ღმუოდაო. ცოტა ხნის შემდეგ დაწყნარებულა, შემდეგ თვალები გაუხელია, მშვიდად წამომჯდარა და ხალხში გარეულა.



ამ ამბავს რომ ვისმენდით, ურმების სადგომიდან ხმაური მოგვესმა. ხალხი იქით გაეშურა. ჩვენც გაყვევით. შორიდანვე გავარჩიე მიწაზე გაქიმული ჩვენი ნაცნობი მარგო. მისთვის თავქვეშ მუთაქა ამოედოთ და მუხლებზე შალი წაფარებინათ. ახლო მივედით. მარგოს ღრმა და ჩქარი სუნთქვა ჰქონდა. როგორც სხვა „დაქერილებს“, მასაც ქადაგად დაცემის დროს თვალეზი დახუჭული აქვს. მოშორებით კახელი მლოცველების ნაწილი შეკრებილა, გარმონზე უკრავენ და „ილხენენ“. მარგოს გულზე ფანდური დაადეს. მან ფანდურს ხელი მოჰკიდა და აწყობა დაუწყო. ფანდურის ხმა არ მოსწონს, სახე ეღრიჯება. ბოლოს, საკრავი შორს გადაისროლა და ხელები მიწაზე დაუშვა. „შეხედე ღელისაკენ რომ მამაკაცი მიდის, ის მარგოს ქმარია“, წამჩურჩულა ჩემს გვერდით მდგომმა შუახნის ქალმა და დასძინა: ის ვერ უყურებს ცოლის ასეთ დღეში ჩავარდნას და გაერიდება ხოლმეო. მალე მარგოს სუნთქვა დაუწყნარდა და სრულიად გაშეშდა. ხანი მიდის და მას სიცოცხლის ნიშანწყალი არ უბრუნდება. ფერმკრთალი და გაქიმული გდია. დამსწრეთ აღელვება დაეტყო. — მომიტათ ფანდური, მაგას ხელათვე ავახტუნებო — წამოიძახა ღიმილით ერთმა მანდილოსანმა. ამ ქალს თეთრწინწყლებიანი შავი კაბა აცვია, გულზე მიტკლის თეთრი „ბადე-სამკაული“ აქვს ჩამოკიდებული და თავზე შავი მოსახვევი ხურავს; 65 წლისა იქნება, ჯმუხია, შავგრემანი და შუატანზე დაბალი. მოუტანეს ფანდური. მან წრეში საჯდომი ქვა გამოანახა, ზედ მოთავსდა და ფანდურზე საცეკვაო დაუკრა. ჩემს გვერდით მდგომი კახელი ქალი მიჩურჩულებს — ამას კარგი ხელი აქვს, რაც უნდა ავი ანგელოზი ბრძანდებოდეს, მაინც გაამხიარულებს და დაცემულს წამოაყენებსო. ფანდურის დამკვრელთან ზის დაახლოებით მისივე ხნის მკითხავი სონია. სონიას თეთრი მიტკლის ქუჭყიანი კაბა აცვია და ასეთივე თავსაფარი ხურავს. ის საზარელი შესახედავია — ცხვირჩავარდნილი, ამოწირპლული პატარა თვალებით, დაბალი და კოჭლი. სონია, როგორც მან შემდგომ მიაშვო, სომეხია, იმპერიალისტური ომის დროს ალექსანდროპოლიდან გამოქცეული. 1918 წლიდან შილდაში ცხოვრობს. სრულიად უთვისტომოდ არის დარჩენილი, ოჯახი თავის სამშობლოში ამოსწყვეტია.

კარგა ხანია რაც ფანდური მოცეკვავეს იწვევს, მაგრამ მარგო არ ინძრევა. უეცრად ფანდურის კილო შეიცვალა, დამკვრელმა თავი მალა ასწია, თვალეზი ზეცას მიაპყრა და რიხიანი ხმით საშაიროს ყაიდაზე შემოსძახა. „ქადაგად დაეცა, აძრახდა“, მომესმა აქეთ-იქიდან ჩურჩული. მახლობლად მდგომმა ქალებმა ჩემსკენ წამოიწიეს და საიდუმლო ხმით განმარტებას მაძლევენ — ეს ქალი ხატის მონაა; ისეთ ანგელოზებს ჰყავთ დაქერილი, რომ მუდამ ფანდურზე ალაპარაკებნო. ამ დროს მარგო შეინძრა, თვალეზი გაახილა, მიიხედ-მოიხედა. მას მახლობლები დასწვდნენ და წამოაყენეს.

ფანდურზე ქადაგობა დიდხანს გაგრძელდა. ქადაგობის ტექსტს, სამწუხაროდ, ვერ ვიწერ.

ქადაგობა ლექსად აგებული იმპროვიზაციაა. ადგილ-ადგილ ლექსი მოიკოჭლებს, ზოგჯერ ქადაგი რითმას ეძებს. ფანდურზე ლექსს აყოლებს მოღუშული, მრისხანე სახით. ჩვეულებისამებრ „ხატმა მასაც მისი ცოდვები აღიარებინა“. ქადაგობის ამ ადგილს დაერთო ჩემი მეზობლების ვრცელი განმარტება:

ეგ ქალი ხატებს არაფრად მიიჩნევდა. მოუყვდა ქმარი, დაეხოცა ვაჟი და შვილები. არ გატყდა. ვენახში ხატის ნიში ედგა და ის დაანგრია, ნიშის ადგილზე ვაზი ჩაყარა. კაპუეტია, მაგრამ ხატმა მიინც დაამიზევა, თავის მონად გაიხადო.



რელიგიური ექსტაზით შეპყრობილ ქადაგს იმ მომენტში, როდესაც ის ერთ ადგილზე მჯდომარე მთელი ტანით ზემოთ იწევდა და მოელვარე თვალებით ცაში ერთ წერტილს აკვირდებოდა, ირაკლი ქავთარაძემ ფოტოაპარატი დაუმიზნა გადასაღებად. ქადაგმა აპარატს თვალი მოჰკრა, უცებ თავი გაიქნია, ელვისებრი სისწრაფით მიწაზე დაეცა, დახუჭა თვალები და გაიქიმა. ამავე დროს ის განაგრძობდა ფანდურის დაკვრას და კიდევ უფრო რიხიანი ხმით ქადაგობის შაირს მოსთქვამდა. შემდეგ ფანდური შორს გადააგდო და დაიწყო საშინელი ბორგვა და ყვირილი. ხალხი შეინძრა, აქეთ-იქიდან დაიძახეს „შეჰკარით, შეჰკარათო“. მძლავრი ტანის მოქნევით და არაჩვეულებრივი სისწრაფით ხატის მონამ ხატის გალავნისაკენ გორვა დაიწყო. გალავნამდე მანძილი საკმაოდ დიდია. გზაში აქა-იქ ქვები ყრია. ქადაგი ეხლება ქვებს, ზედ გადადის, მას მისდევენ ქალები, ქალებს ბავშვები და კაცები. ქალები ცდილობენ ქადაგის მსვლელობა შეაფერხონ, გზიდან ქვებს აცლიან, აწეულ კაბას და ქვედა საცვალს უსწორებენ და თან კივიან—ჩვენ ვერას გავხდებით, კაცებო, მოგვეხმარეთო. მიეშველენ კაცებიც, მაგრამ მოკრძალებულობისა გამო ხატის მონის შეჩერება ვერ მოახერხეს. მონა, რომელსაც გორვის დროს კაბა შემოეხა, მხოლოდ ხატის გალავნის წინ შეჩერდა. აქ მან დაიწყო ერთ ადგილზე ფართხალი, მხრების ძლიერად რხევა, თავის ქნევა, თვლების ტრიალი და საზარელი ღმუილი.

მლოცველები კვლავ ქადაგის გარშემო შეჯგუფდნენ და ნახევარწრედ შემოერთდნენ. ქადაგი განაგრძობს ფართხალს და ღმუილს. უეცრად მან ზედატა-



ნით წამოიწია, ხელები ხატისაკენ მიაპყრა და მერე ისევ მიწაზე დაეცა. ამ დროს წრეში დარიკო შევარდა, წრის შუაგულ ადგილზე შებარბაცდა და დაეცა. დარიკო თავს მიწაზე ახეთქებს, მხრებს კიმავეს და მთელი ტანით იკლანება. აუტყდა საშინელი სლოკინი, რომელსაც თან სდევს გულ-მკერდის ქვედა ნაწილიდან უცნაური ბაყი-ბუყი. სლოკინსა და თავისებურ ბოყინთან ერთად მას ამოხდება ხოლმე გაბმული ხმოვნები და ნაწყვეტ-ნაწყვეტი სიტყვები: „ეე, ეე... ტანჯულო შვილო, ტანჯულო შვილო, ტანჯულო დედა... არ განთავისუფლებ... არ განთავისუფლებ... რა გეგონა ძელი ქემშარიტი რომ დაანგრე... ძელები რომ შეყარე... ნეკრესი ვარ... ეე, ეე... გაწვალებ... გტანჯავ... თეთრი გიორგი... ალავერდი... ეე, ეე, ტანჯულო შვილო... ეე, ტანჯულო, ტანჯულო... ტანჯულოო... ლაშაროო“... და სხვ. ბოლოს, დარიკო დაუყრდა. ხატის მონაც წყნარად იწვა და თვალდახუჭული რაღაცას ბუტბუტებდა. დაუკრეს ფანდური. დარიკომ მიწის პირად მხრები აათამაშა თითქოს ცეკავსო და ცოტა ხნის შემ-



დგ კვლავ გაშეშდა. მისმა დედამ „ნანა და ნანას“ სადიდებელი წამოიწყო. მას აპყვნენ სხვები და დასაწყისში წყნარი მოძახილი მძლავრ მრავალხმიან გალობად გადაიქცა. დარიკო არ ინძროდა. გალობა დასრულდა და გამეფებული სიჩუმე ისევ ხატის მონამ დაარღვია. ის წამოვარდა ფეხზე ისე სწრაფად, რომ თავიდან თავშალი წასძვრა და მიწაზე დაეცა. ქადაგს თმა გადააპარსული ჰქონდა. კვლავ მესმის მეზობლის განმარტება: ამას ისეთი ძრიელი ანგელოზები ჰყავს, რომ თმას არ უჩერებენ; რომ არ გადაიპარსოს ცეცხლის ალად მოედებიან და დასწვამენო.

ერთმა ქალმა ხელი წამოავლო მიწაზე დეკარდნილ თავშალს და მონას მიაწოდა. უკანასკნელმა დახედა თავის შავ თავმოსახვევს, დასწვდა მას გაბრაზებით და შორს გადაისროლა. მაშინ მეორე ქალმა თეთრი თავშალი მიაწოდა, მაგრამ ქადაგმა ისიც გადააგდო. თავშიშველი, შემოძარცული სამოსით, ზეცაში ხელებ და თვლებ აპყრობილი ხატის მონა მთვარეულის მსგავსი სეღით ხატისაკენ გაემართა. მან გადააბიჯა გალაენის ზღუდეს, მივიდა სასანთლე-ნიშთან,

გამოიღო თაროდან სანთელი, დაანთო, მიაკრა თაროზე, პირჯვარი და მოუბრუნებლივ უკან-უკან წამოვიდა, თან პირჯვრის წერას განაგრძობდა. ასე გადმოაბიჯა კვლავ გალავანს, ერთხელ კიდევ პირჯვარი გადაისახა და გალავანის მახლობლად გაჩერდა. ამ დროს მას კვლავ თეთრი თავშალი მიაწოდეს, რომელიც მონამ თავზე წაიკრა და ბუტბუტით მიიხედ-მოიხედა. მან თვალი მოჰკრა მიწაზე დაგდებულ დარიკოს, მოწყდა ადგილიდან, მივარდა ამ ქალს და ფეხზე წამოაყენა, შემდეგ გაშალა ხელები და ლეკური დაუარა. საჩქაროდ ფანდური ააყდერეს. დარიკო მონას გაჰყვა. თვალდახუჭულმა გაშალა ხელები, წყნარად აათამაშა ფეხები და დაუარა. მონამ წრეს ერთხელ შემოუარა, შეჩერდა გალავანთან, ნიშის



პირდაპირ ერთ ადგილზე ოდნავ ფეხები შეათამაშა, პირჯვარი გადაისახა, კვლავ გალავანის შიგნით შევიდა, სასანთლე-ნიშის წინ დაიჩოქა, წელი დახარა, თავი მიწაზე დაახეთქა, შემდეგ გასწორდა, კვლავ პირჯვარი გადაისახა, წამოდგა ფეხზე, ბარბაცით გარეთ გამოვიდა, ერთი წუთით კიდევ შეჩერდა გალავანთან, დაბნეულად მიმოიხედა და შემდეგ სირბილით დაეშვა თავქვე, ურმებისაკენ. სულ მალე ის უკან დაბრუნდა; მოდიოდა ისევ ბარბაცით და თან ხბო და ცხვარი მოჰყავდა. ერთ ხელში საბელით ხბო ეჭირა, მეორეში ცხვარი. უკან მამაკაცი მოსდევდა და ხბოსა და ცხვარს სახრით მოერეკებოდა. ამოვიდა მონა თავის საკლავებით ხატში, მიიყვანა ისინი სასანთლე-ნიშთან, მამაკაცის დახმარებით ცხვარს და ხბოს შუბლთან სანთლით ბალანი შეუტრუსა, რალაც ლოცვა წაიბუტბუტა, პირჯვარი გადაისახა, შემდეგ იმავე მამაკაცის თანხლებითა და დახმარებით ხატის გალავანს სამჯერ გარს შემოუარა თავისი საქონლით, ბოლოს, საკლავები მამაკაცს გადასცა და თითოთი ანიშნა—ესენი გალავანის გარეთ, სამხრეთის მხარეს, მთის დავაკების კიდევ დაჰკალიო და თვით კი იჭაურობას განშორდა. ასე გახსნა ხატის მონამ საკლავების დაკვლა-შეწირვის პროცესი ლაშარში. მას შემდგომ რაც მისი საკლავები დაიკლა, კახელმა მლოცველებმა დაიწყეს მორეკვა თავისი ცხვრებისა და უკანასკნელებს აკვლევი-ნებდნენ იმ ადგილას, რომელზეც მონამ მიუთითა.

მთელი ამ ხნის განმავლობაში დარიკო ცეკვავდა. პირველად რამდენიმე წრე მან თვალდახუჭულმა შემოუარა. შემდეგ ცეკვას თვალახილული განაგრძობდა. როგორც პირველი დაცემის დროს, ისე ეხლაც ის დიდხანს ცეკვავდა,



განსაკუთრებით დიდხანს თეთრ-შარვლიან ვაჟთან. „საწყალ დარიკოს ბევრი ცოდვები მიუძღვის ხატების წინაშეო“, ლაპარაკობენ წრეში. „ყველა ხატები პირდება გაგანთავისუფლებთო, მაგრამ თეთრი გიორგი არ ეშვება, ჩემი ქადაგი უნდა იყოო“, მეუბნებიან დარიკოს სოფლელები.—კაცო, რა მოხდა! კაცო, რა ამბავია! ასეთი არაფერი მინახავს,—ცბიერი პათოსით გაიძახის შეზარხოშებული ფშაველი „მეუბნიკე“, რომელიც, თუ არ ვცდები, ერთადერთი ფშაველია ამ დღეს ლაშარში.

თეთრ შარვალ-ხალათა და თეთრ-ქუდა 17-18 წლის ვაჟი, როგორც გადმომცეს, სოფლის სკოლის მე-6 კლასის მოწაფეა. ისიც ხატის მიერ „დაქერილი“ ყოფილა. ხშირად სკოლაში გაკვეთილების დროს ეცემა ხოლმეო. ავზინიანი ავადმყოფი უნდა იყოს, რადგან, მთხრობლების თქმით, მას ისეთი ანგელოზები ჰყავს, რომ არ ალაპარაკებენ, მარტო დღეს აღენენ პირიდან. მასწავლებლებმაც იციან, ყველამ იცის მისი მდგომარეობა, ეჭიმებთანაც დაჰყავთ, მაგრამ აქამდე ვერაფერმა უშველაო.

განცალკევებით დგას „დაავადებულთა“ მცირერიცხოვანი ჯგუფი.—ეს თავწაკრული ქალი, კაცი და ლენტეხიანი გოგონაც, — გვეუბნება ერთ-ერთი ხნიერი მანდილოსანი — ხატის დამიზეზებულნი არიან. კარგი, მაგრამ რატომ არის, რომ თქვენ, ხანში შესული მანდილოსნები, ჩვენ თვალწინ თავისუფლად დაბრძანდებით და თქვენი შვილები კი „დაავადებულები“ არიან?—შევეკითხეთ იქ მყოფ ქალებს ხუმრობით. ამაზე მათ სერიოზული ტონით გვიპასუხეს: დაილოცოს იმათი სამართალი, ხატებს ჩვენ აღარ უნდივართ; გამოგვიცხადეს—ახალგაზრდები გვინდაო, ახალგაზრდებს უნდა ვაწამოთ ჩვენი ძალაო. სამი კვირა არ იქნება რაც ერთი კაცი მოჰკლეს. ღმერთისა და ხატის იმას არაფერი სწამდა, ნეკრესი მიგვიკეტა, ძელი ჭეშმარიტი მიგვინგრ-მოგვინგრაო. დაიპირეს ხატებმა, მიიყვანეს ეკლესიის კარზე და თავისი პირით ათქმევინეს—ეკლესია შენი ხელით ააგეო, თორემ არ გაგახარებთო. ბევრი იწვალა საწყალმა, ბევრჯერ ააძრახეს ხატებმა, მაგრამ არა და არ ვატყდა. გონზე რომ მოვიდოდა, ისევ ხატებს დასცინოდა. იმისი ცოლი ხომ ქმრის აძრახების დროსაც კი გაიძახოდა—მირჩენია ჩემი ქმარი პატიოსნად მოკვდეს, ვიდრე ამ უბედურ ყოფაში იყოს და სამარცხვინოდ იცოცხლოსო. აუსრულდა კიდევ თავისი ნატვრა. უკანასკნელად რომ დაიპირეს, საწყალი კაცი ძელ ჭეშმარიტში გაიქცა და იქ დაეცა. იყვირა, ილაპარაკა—შენი ხელით მოიტანე ქვა და საძირკველი დამიდგო,—მერე ჩაჩუმდა და, ჯვარი აქაურობასა, გათავდა.

ცეკვა დასრულდა. მოქანცული დარიკო წარბებშეკრული დგას. მის გვერდით ელიკო ილიბება. ვეკითხები დარიკოს—შენს გვარში, დედის ან მამის მხრივ, ყოფილა ვინმე შენსავით ავადმყოფი, თუ არა? თავი გააქნია, არაო. მაგრამ ცოტა ხნის საუბრის შემდეგ გაიკვია, რომ მისი ბიძაშვილი ერთხანს „ეცემოდა“, ეხლა კი მორჩენილიაო.

გაიკვია აგრეთვე ისიც, რომ „დაქერილები“ თურმე საქმელ-სასმელს ერიდებიან. დარიკო და ელიკო კი თითქმის სრულიად შამშილობენ—არ გვინდა საქმელი, ვერა ვჭამთო, გაიძახიან.

ჩვენც დავიქანცეთ. მძიმე და აღმაშფოთებელმა სურათებმა განვლო ჩვენ თვალწინ. სულ ხუთიოდე საათია რაც აქ ვართ და ამ მოკლე ხნის განმავლობაში რამდენი ამბის მოწამენი ვიყავით! ხალხის მონათხრობს რომ თავი დავანებოთ, დღეს ნახულიც საკმაოდ თვალსაჩინო ილუსტრაციაა იმის, რომ კახელ მორწმუნეთა ნაწილი უძველესი რელიგიური იდეების გადმონაშთებითაა შეპყრობილი და ამავე დროს, როგორც ჩანს, ფსიქო-ნერვული სნეულებითაც უნდა იყოს დაავადებული.

ჩვენს მიერ დამოწმებული მოვლენები ადამიანში სულების შესახლებისა და რელიგიური რჩეულობის უძველესი იდეების გადმონაშთებს უნდა წარმოადგენდეს. ეს გადმონაშთები დღეს ლაშარობაზე მეტად თვალნათლივ გამოქვამდა ე. წ. თეოფანიის შომენტებში, როდესაც ხატის მონას და „დაკერილებს“ ანუ „დამიზნებულებს“ ცხოველი სახით, ასე ვთქვათ, ხორცშესხმულად ხატი გამოეცხადა და მათი პირით ამეტყველდა. სულების თუ ღვთაებების ზილვისა და მათთან ურთიერთკავშირის არსებობის განცდები, როგორც ცნობილია, მორწმუნეთა შორის შესაფერისი ფსიქიკის მქონე პირებს ახასიათებთ, ისეთ სუბიექტებს, რომელნიც განსაკუთრებული ნერვულობით, ისტერიულობით, ჰალუსინაციებისადმი მიდრეკილებით გამოირჩევიან. სწორედ ასეთი ფსიქო-ნერვული ტიპები უნდა იყვნენ კატკევის ლაშარობაზე მოსული ხატის მონა და ხატის მიერ „დამიზნებული“ კახელები.




რელიგიის დარგში ამ მეტად საყურადღებო, თითქმის უნივერსალური კონცეფციის—სულების შესახლებისა და რელიგიური რჩეულობის—გადმონაშთები ლაშარობაზე მოცემული ფაქტებით არ ამოიწურება. მათი ფიქსაცია ჯერ კიდევ არის შესაძლებელი კახელებისა და ქართლებების ძველ ყოფაში და აქა-იქ შემორჩენილ სახატო დღეობებზე, მათგან ყველაზე უკეთ დღეობა თეთრ-გიორგობაზე.

მზე დასავლეთის ჰორიზონტს მიადგა. მახლობელი არე-მარე მოიღუშა და წვიმის რამდენიმე წვეთიც დაგვეცა. ექსპედიციის ხელმძღვანელი მოგვიწოდებს წასვლას. გამოვითხოვეთ კახელებს, შევსხედით ცხენებზე და თამარის ხატისაკენ გავეშურეთ.



სალამოა. კვლავ „თამარ დედოფლის“ ხეივანში ვართ. ჩვენს აქ პირველად ყოფნის შემდგომ მლოცველთა რიცხვი გაზრდილა. ხეივნის გასწვრივ ფშაველი ღამისმთევლები განლაგებულან. ხეების ქვეშ გაშლილია სუფრები. აქეთ-იქიდან მოისმის მუსიკის ხმა და სიმღერები. შევაჩერეთ ცხენები და იქვე მდგომ რამდენიმე შეზარხოზებულ ფშაველს ვთხოვეთ ხატში ასავალი გზა ესწავლებინა. არ ვიცითო, გვიპასუხებენ სიცილით. ცხენები მთის აღმართისაკენ წავრეკეთ, გადავწყვიტეთ გზა დაუხმარებლად გავვეკვლია. ჩემ ცხენს წინ მთვრალი ფშაველი გადაელობა. ცხენს მოეცალე და ხატი საით არის მიჩვენე მეთქი, ვუთხარი.



გვერდზე წაბარბაცდა და თავი გაიქნია—ხატისა არა ვიცი რაო. მთიელ კაცს ტყუილის თქმა ეკადრება, ფშაველო?—შევეკითხე ხუმრობით. ამის გაგონებაზე წელში გასწორდა და მტკიცე ნაბიჯით ბინდში ოღნავ შესაძინევ ბილიკზე გადავიდა—გამომყევ გზას გიჩვენებო, და რატომღაც დაო მარო მიწოდა. ავეყვით ამ წვრილ, საცალფეხო ბილიკს და ავედით ჯატჭეურჯის გორაკის დავაკებაზე.

ჯატჭეურჯის გორაკის ფერდობები და დავაკების კიდურები დაფენილია ხშირი ტყით, რომელიც შესდგება (ფშაური ტერმინოლოგიით) კირცხილას, დგნალის, თელას, იფნის, კემერჩხალის, მსხლისა და მაქალო ვაშლის ხეებისაგან. ამ გორაკს სამხრეთით და აღმოსავლეთით მდინარე სოფლოვნისკევი ჩაუდის, დასავლეთით იორი და მის გადაღმა ამართული მაღალი მთა კორსავი საზღვრავს, ჩრდილოეთით შედარებით დაბალი, ტყით შემოსილი მთებია, რომელთა

ერთ-ერთ მახლობელ დავაკებაზე ჯატჭევის ლაშარის ჯვარი მდებარეობს.

ლაშარის ჯვარის ანუ ხატის მსგავსად, „თამარ დედოფლის“ სალოცავი საზარის, სასანთლისა და მათ ირგვლივ წრედ შემოვლებული ყორის გალავნისაგან შესდგება. ხატის კომპლექსს ეკუთვნის აგრეთვე ჯატჭევის „წმინდა“ ტყე და გალავანში მოთავსებული ხეები, რომელთა ტოტებზე ჩამოკიდებულია ფშავლების მიერ შეწირული აბრეშუმის ფერადი—თეთრი, ყვითელი, წითელი და ერთი შავი ფერის—„საკადრისები“, კახელ მლოცველთაგან დატოვებული მიტკლისა და მარლის თეთრი ნაჭრები, თავსაფრები და ვარდისფერი და წითელი ლენტები.

თამარის საზარე-ნიში საცხებით ისეთივეა როგორც ლაშარისა, ოღონდაც აქ ნაგებობათა კომპლექსი (საზარე, გალავანი) უკეთ არის დაცული, ვიდრე ლაშარში. როგორც ჯევისბერები ვადმოგვცემენ, ჯატჭევის თამარისა და ლაშარის სალოცავი ძეგლები ერთდროულად ყოფილა აგებული ამ 30 წლის წინათ<sup>1</sup>.

<sup>1</sup> ნ. ხ. ნანაშვილის აღწერილობის მიხედვით, მის დროს ჯატჭევი მდგარა „სამონასტრო შენობა“, რომელიც „ფშავლის ჩვეულებრივს სახლ-კარს მოგავიწყებთ; კალა-საბძელი, ფიცრული სადგური, ერთი პაწია ქვიტკირის მოაჯირიანი ოთახი და ქვემოთ შარა-გზის



თამარის ხატს უწინ თავისი ადგილ-მამული ჰქონია—თვით კატკევი სახ-  
ნავ-საძვრები, სათიბეები და სოფელ ახმეტაში ზვარი და მარანი. ამას გარდა  
მას თურმე მრავალი მსხვილფეხა, განსაკუთრებით მეწველი, საქონელი და  
ცხვრის ფარა გააჩნდა. ეს ქონება მლოცველების მიერ ყოფილა შეწირული. ხა-  
ტის უძრავ და მოძრავ ქონებას პატრონობდნენ ხატის მსახურნი, კაცები და  
ქალები, რომლებიც მუდმივად კატკევივე ცხოვრობდნენ. ქალები ხატის მსხვილ-  
ფეხა საქონელს უვლიდნენ და უმთავრესად ქალურ ხელსაქმეს მისდევდნენ.  
კაცები კი ადგილ-მამულს ამუშავებდნენ და მეცხვარეობდნენ, ხატის ცხვრის  
ფარას უდგნენ. რაც შეეხება ზვრებს ახმეტაში, მათ დამუშავებაში ხატის მსა-  
ხურებს ივრისა და არაგვის ფშავლები ეხმარებოდნენ მორიგეობით, ყო-  
ველწლიურად თითოეული თემიდან გარკვეული რაოდენობის მუშა-ხელის  
გამოყოფის საშუალებით. ღვინოს იქვე ხატის მარანში აყენებდნენ. დღეობის  
დროს ხატის მსახურნი გაემგზავრებოდნენ ახმეტაში და იქიდან ღვინო მოჰ-  
ქონდათ. ეს ღვინო ხმარდებოდა დღეობაზე მისულ მლოცველებს დღეში,  
არაგვის ფშავში, სადაც „თამარ დედუფლის“ მთავარი ხატია, და კატკევი  
(ივრის ფშავში) <sup>1</sup>.

ამ ათიოდე წლის წინათ კატკევის ხატს კიდევ გააჩნდა თურმე პატარა  
ადგილ-მამული, 10—15 ძროხა და 40-მდე წვრილფეხა საქონელი. იმ ხანად  
იქ მკვლელობა მომხდარა—ერთ ჯვეისბერს მეორე ჯვეისბერი მოუკლავს. მას  
შემდგომ ხატის აღარც ერთი მსახური კატკევიში აღარ სახლობს და ხატს აღარც  
საქონელი და მამული მოეპოვებაო, მოგვითხრობენ ფშავლები.

მორწმუნე ივრის ფშავლები და ერწოელები ლაშარობას პეტრე-პავლობის  
მომდევნო შაბათსა და კვირას იხდიან, თუმცა თითო-ოროლა ოჯახი კატკევიში  
მოსალოცავად სიარულს პეტრე-პავლობის მეორე დღიდანვე იწყებს. არაგვის  
ფშავში-კი ეს დღეობა უფრო გვიან მოდის <sup>2</sup>, ყოველ შემთხვევაში მას შემდგომ,  
რაც თიანეთის რაიონში „იხინქობას“ გადაიხდიან ხოლმე.

ჩვენ არაფერი გვსმენია კატკევის თამარის ხატის საეკიალური დღეობის შე-  
სახებზე, რომელიც ნ. ხიზანაშვილის ცნობით თითქოს ადღგომის შესამე დღეს  
იციან <sup>3</sup>. დღეს, დღეობა ლაშარობის შაბათ საღამოს, მორწმუნე ფშავლები და  
ერწოელები თამარის ხატში არიან ამოსული. პირველად აქ მოსულან, აქ ათევენ  
ლამეს, სწირავენ ცხვრებს და ქალებს, სვამენ არაყს და ქეიფობენ. ხვალ კი,  
პირად სიბი-ქვის ნიში <sup>4</sup>. როგორც ვხედავთ, ხიზანაშვილის დროს თამარის სალოცავის  
შენობათა კომპლექსი სხვაგვარი ყოფილა, ვიდრე ამჟამადაა. ე. წ. სამონასტრო შენობა დღეს  
აღარ არსებობს; სალოცავი ნიში-კი (ჯვეთ, ნიშები—სახარე და სასანთლე გაღვანიფორთ),  
როგორც აღვნიშნე, კატკეურის გორაკზეა გაშენებული და არა ქვევით, შარაჯხის პირად.

გარდა ამისა ყურადღებას იქცევს ის გარემოება, რომ ავტორი არას ამბობს კატკევიში  
ლაშარის ნიშების არსებობაზე. ხიზანაშვილის ნაშრომიდან ისეთი შთაბეჭდილება იქმ-  
ნება თითქოს მის დროს (წარსული საუკუნის ოთხმოციან წლებში) ლაშარის ხატი კატკევი  
არ არსებობდა. იბ. ნ. ხიზანაშვილი (ურბნელი). ჩემის რეგულიდგან, მასალები საქარ-  
თველას ეთნოგრაფიისათვის, ტ. II, 1940 წ., გვ. 96, 97 და შემდ.

<sup>1</sup> შტრ. ნ. ხიზანაშვილი, დასახელ. ნაშრომი, გვ. 95—101.

<sup>2</sup> ვაჯა-ფშაველი, ლაშარობა, ეთნოგრაფიული წერილები გ. ქიქოძის წინასიტყვა-  
ობით და რედაქციით, ტფ. 1937 წ., გვ. 142.

<sup>3</sup> ნ. ხიზანაშვილი, დასახელ. ნაშრომი, გვ. 100.



კვირას, ნაშუადღევს გადავლენ ლაშარში, სადაც მლოცველთა უმრავლესობა სალამომდე დარჩება და შემდგომ დაიშლებიან.

საყურადღებოა, რომ დღეობაზე არც ერთი ხევისური არ მოსულა მიუხედავად იმისა, რომ ისინი სულ მახლობლად, არტნის ხეობის სოფლებში: ბაჩალსა, ბაბხისწყევსა, ხილიანასა და საშუბში, მოსახლეობენ. ფშავლები გვიხსნიან—თამარისა და ლაშარის ხატი ხევისურებს არა სწამთ და ამიტომ ლაშარობაზე არასოდეს არ მოდიანო. მაგრამ ვაჟა-ფშაველა საწინააღმდეგო ცნობას გვაწვდის: ხევისურები საგანგებოდ გადადიოდნენ ლაშარობაზე დასასწრებად არაგვის ფშავში, სადაც ლაშარის მთავარი ხატია მოთავსებულიო<sup>1</sup>. ამასთანავე მოვიგონოთ დღევანდელი ქადაგობა ლაშარის ჯვარში: კახელები ხომ ქადაგად დაცემის დროს ლაშარს „ხევისურთ ბიკოს“ ეძახიან. ხევისურების ლაშარობაზე არდისწრება ყოველ შემთხვევაში ბოლო ხნის ამბავი უნდა იყოს.

მლოცველი ფშავლების სარწმუნოებრივი წარმოდგენები და მათი ხატობა თვალსაჩინოდ განსხვავდება კახელ მლოცველთა სარწმუნოებრივი წარმოდგენებისა და ხატობისაგან ნატყვევში. ერთი მხრივ, ჩვენ თვალწინ ისახება მიტკლის თეთრ სამოსში გახვეული, თავზე თეთრი ან წითელი თავშლებითა და წელზე, მხრებზე და ყელზე თეთრივე ნაჭრებით ან ფერადი ლენტებით „შემკული“ კახელები, რომლებიც საკუთარ ჩარდახიან ურმებს ოთხი დღე-ღამის განმავლობაში მეტწილად ფეხდაფეხ ფეხშიშველნი მისდევენ. მეორე მხრივ, ჩვენ ვხედავთ თავით ფეხამდე საუკეთესო ტანსაცმელში გამოწყობილ ფშავლებს, რომლებიც ჭრელი ხალიჩის ასალითა და ხურჯინით დამშვენებულ ცხენებზე შემსხდარან, წინ შესაწირავი ჭედილა წაუგდიათ და თავმომწონედ ნატყვევისაკენ მიეშურებიან.

ცრუმორწმუნე კახელი თავს იმართლებს—ჩემი მამა-პაპა არტნის ხეობიდან კახეთში გადასახლებულა, აქაური ხატი ამიტომ მაშიზეზებს და ჩემგან სამსახურს მოითხოვს, თორემ ასე რომ არ იყოს აქ რა წამომიყვანდაო. ფშაველი კი ეშმაკური ღიმილით და უდარდელად გვეუბნება—თქვენ თვეობით „დაჩაზე“ მიდიხართ ხოლმე, მე კი ჩემ თავს ორი დღით „ოტპუსკი“ მივეცი და ნატყვევში საქეთოდ წამოვედიო.

რელიგიური ფანატიზმით შეპყრობილი კახელი მლოცველები მოკლე ხნით გაშლილ სუფრებს უსიცოცხლოდ უსხედან, საქმელ-სასმელს უხალისოდ შეეჭყვიან, ხატის სახელით ფანდურზე უკრავენ, ლეკურს უვლიან, მხოლოდდამხოლოდ ხატის საგალობელს მღერაინ და ისიც სასოწარკვეთილების მომენტში, როდესაც ქადაგად დაცემულს, მათი რწმენით, ანგელოზებისაგან საფრთხე მოელის. ფშავლებს კი სუფრები აუღებლად წინ უფენიათ, ერთი მეორეს პატოკობენ და უმასპინძლდებიან, თავშეუყავებლად სვამენ, ჭამენ, თვრებიან, უკრავენ გარმონზე და მხიარულობენ.

ამავე დროს მორწმუნე ფშავლები რელიგიურ წესებსაც ასრულებენ. ნატყვეურის გორაკზე, „თამარის საბრძანებლის“ მახლობლად, მხოლოდ ჭევისბერები, დასტურები და მათი ჯალაბობაა დაბანაკებული. მლოცველები კი ქვევით, ნატყვევის ხეივანში დაბინავებულან. მლოცველი ოჯახის წარმომადგენელი ერეკება გორაკზე თავის შესაწირავ ცხვარს, ამოაქვს საზედაზე არაყი და ქაღები,

<sup>1</sup> ვაჟა-ფშაველა, იქვე.

ყოველივე ამას დასტურებს გადასცემს და თვითონ გალაგნის წინ ქუდმოხდილი გაჩერდება. დასტურები ჭედილას ჯვეისბერს წაუგდებენ და ისიც სხაპასხუბით ამბობს „სადიდებელსა“ და „ხუცობას“ და მსხვერპლს შუბლზე ანთებული სანთლით ბალანს შეუტრუსავს. ამის შემდგომ იგივე დასტურები (ორი კაცი) ჭედილას ფეხებს გაუკრავენ და მიწაზე წააქცევენ. ჯვეისბერი მარცხენა ხელით კისერს გადაუწყვეს, მარჯვენაში დანას მოიმარჯვებს, მსხვერპლს ყელში გამოუსვამს და თავს წააგდებინებს. „გწყალობდეს, გწყალობდეს“, დიძახებენ ამ დროს დასტურები, დაკლულ ცხვარს განზე წაათრევენ და გაატყავებენ. უკანასკნელის თავი და შიგნეული გალაგნის წინ რჩება და უამრავი ცხვრის თავებისა და შიგნეულის სუნი საკმაოდ დიდ მანძილზე არემარეს ეფინება. ჯვეისბერების ნაცვლად ქალების „დაკვლას“ აწარმოებენ დასტურები, რომელთა რიცხვი ჯატყვეში რამდენიმეა. ქალებს სასანთლე-ნიშის თაროზე ან მის მახლობლად „ჰკლავენ“. დასტური წაიბუტბუტებს „მოსაქსენებელს“, ქადას ჯვარედინად დანას დაუსვამს და ოთხ ნაწილად გასჭრის. მამაპაპური წესის თანახმად, ცხვრის ბეჭი ან კანჭი და ქადის მეოთხედი ხატიონსა რჩება. უხვი შემწირველი ქადის დანარჩენ ნაწილსაც იქვე ხელზე ჩამოარიგებს, სახედაშე არაყით სავსე ბოთლს თავს წაუქცევს, ისედაც შეზარხოშებულ ჯვეისბერებსა და დასტურებს ჭიქით არაყს მიართმევს და, როდესაც ბოთლი გამოიცლება, გატყავებული საკლავითურთ ისევ ხეივანს უბრუნდება. ხატის გალაგანთან მისვლა მხოლოდ იმ მანდილოსნებს შეუძლიათ, რომელთაც თვითური აღარ გააჩნიათ. დანარჩენი ქალები, რომლებსაც ხატში შესაწირავი მიაქვთ, გალაგნის მოშორებით გაჩერდებიან ხოლმე.

ხატის მსახურთა შორის გამოირჩევა ზემოარტნელი ჯვეისბერი გაბრიელა. მას ყასაბივით წელზე თეთრი წინსაფარი გაუკრავს, ხელში ბასრი დანა მოუმარჯვებია და თავის ფუნქციებს გასაოცარი ოსტატობითა და სისწრაფით ასრულებს. გაბრიელა ყველაზე ვრცელ „სადიდებელსა“ და „ხუცობას“ ამბობს და ცხვარს ერთი მარჯვე დაკვრით თავს აგდებინებს. სიტყვის თავისებური ოსტატი და ნამდვილი ორატორია ღრმად მოხუცებული ჯვეისბერი სოფლიონიდან, მაგრამ მას ხატის მსახურთა შორის რატომღაც ავტორიტეტი არა აქვს. აღსანიშნავია აგრეთვე ქუშხველი დიმიტრი კ—შვილი, მეტად უმწეო ჯვეისბერი. დანარჩენ ხატიონთაგან ჩვენი ყურადღება მიიპყრეს მორცხვმა, სიტყვაძვირმა და მეტად მორწმუნე მედროშემ და დასტურმა პავლემ. უკანასკნელის ცნობით, მას სამი კლასის ცოდნა აქვს, პირველი იმპერიალისტური ომის დროს ტყვედ იყო გერმანიაში და ნავალია რუსეთის მრავალ ქალაქში. სამი წლის განმავლობაში პავლე გიჟად ყოფილა—თამარ დედოფალმა დამამიხეზა, მაგრამ მას შემდეგ რაც მისი დასტური ვახზი გონზე მოვედით.


შეზარხოშებული ხატიონნი თავისუფალ დროს ჩვენთან საუბარში ატარებენ. საუბრის საგანი ხატების ძლიერება და მათი ბრძოლის აშხებია. ამ ნაწყვეტ-ნაწყვეტი ამბების შევსება და მათი საბოლოოდ ფიქსაცია ხვალისათვის გადავდევ, რადგან წვიმამ უხშირა, თავშესაფარი კი არსად ჩანს და ასეთ პირობებში წერა შეუძლებელია. დაღამდა კიდევ. გადავწყვიტეთ ექსპედიციის ბაზაში დაბრუნება და ხვალ დილით კვლავ ჯატყვეში მოსვლა. გამოვეთხოვეთ თამარის ხატიონთ,



შევსხედით ცხენებზე და ზემო-არტნისაკენ მიმავალ გზას დავადექით. ხანს თან ვგდედა ჯატკევის ლამისმთეველთა მხიარული ჭრიამული, მუსიკის ხმა, ცხერების ბლავილი, ცხენების ჭიხვინი და... ნახულითა და განცდილით გამოწვეული ფიქრები.

ხატობისა და საზოგადოდ რელიგიის უარყოფითი ზეგავლენა ხალხის ყოფა-ცხოვრებაზე თავისთავად ცხადია. მაგრამ ეს ზეგავლენა ბარელებსა და მთიელებში (კახელებსა და ფშავლებში) აქ, ჯატკევის ლაშარობაზე, სხვადასხვა სახითაა წარმოდგენილი.

დღეობაზე მოსულ კახელებს თეთრი გიორგი, ალავერდი, ნეკრესი, ძელი კეშმარიტი და სხვა სალოცავები, მათ შორის „ხევსურთ ბიჭი ლაშარიც“—კი წარმოდგენილი ჰყავთ ძლიერ და მრისხანე ხატებად, რომლებსაც ისინი „დაუქერიათ“ და თავის მონებად გაუხდიან. ფშავლების მორწმუნე ნაწილიც ქედს იხ-



რის ხატების ძლიერების წინაშე, მაგრამ ისინი თავის თავს ხატების „ყმებად“ სთვლიან და არა მონებად. მათი ხატები, ისევე როგორც აღმოსავლეთ საქართველოს დანარჩენი მთიელებისა, „გმირული“ ბუნებით არიან დაჯილდოებული; ამ ხატების უმრავლესობა ავ სულეებსა და ავ ძალებს ებრძვის.

„მეი, ეეი, ტანჯულოო, ტანჯულოო“ თითქმის განუწყვეტლივ ისმოდა ლაშარში კახელი ქადაგ-დაქერილების გულშემზარავი ყვირილი. შეადარეთ ამას თამარის ხატში სოფლიონელი ჯევისბერის მიერ დარბაისლურად ნათქვამი სიტყვები: „პირქუში ოქრომჭედელია, კირია კიდევ სხვა არის, სხვა ხატია. კობალეზე თუ მკითხავთ, კობალე გმირია, ის კერებებსა და დევებს ებრძოდა. კობალე, ჩემო ბატონო, ისეთი გმირია, როგორებიც იყვნენ ყარამანი, ამირანი, უსუფი და ბადრი. საქართველოსი რა მოვახსენოთ და საფშავლოში კი—თიანეთთან, ვერჯველის უკან, ყვარას თავზე, ბაჩალის ფერდებში და სხვა ადგილებში—ყველგან დევთ-

ნასოფლარებია. ეს დევები სულ კობალეს უბოცია. ემანდ ყვარას თანაგზი რომელიც დიდი მთა მოჩანს, იმას ქუდიელს ეძახიან. იმ მთის წვერზე კობალე ასულა, იქიდან დაუნახავს ქუდიელის ფერდებიდან ჯეგში მიმავალი ბელელა მდევე-კერპი, ორკაბა ისარი უსვრია მისთვის და მოუკლავს. ამაზეა ნათქვამი:

„ქუდიელ ზევით ნასროლი,  
სისხლის წყალ გამოდიოდაო“.

სად არ უვლია კობალას, რა გმირობა არ ჩაუდენია! აბა, კაცო, ამას ვინ მოსთვლის“...





ქართული  
ნაციონალური  
ბიბლიოთეკა

თამარ  
ვარი



16 ივლისი. ლაშრობის კვირა დღეა. დილიდანვე თამარის ხატის კარზე მლოცველები ცხვრებს მიერეკებიან და ქაღები, საზედაშე არაყი და სანთელი მიაქვთ. ჭატკვეის ხეივანში და ჭატკეურჯის გორაკზე გუშინდელზე კიდევ უფრო მეტი სმა, ქეიფი, მხიარულება სუფევს და მეტი მთვრალი ხალხი ირევა. აქეთ-იქიდან ხშირად ისმის წამოძახილები: „გაუმარჯოს ღელეს აქიმ-ღედუფალს“, „გაუმარჯოს დიდ ჯელმწიფე თამარს!“.

მორწმუნე ფშაველთა წარმოდგენით, „თამარ, ღელეს აქიმ-ღედუფალი“ მკურნალია. როდესაც ფშაველი ავად გახდება მფარველობასა და შველას თამარი-საგან მოელის, მას მიმართავს ლოცვა-ვედრებითა და შესაწირავებით. მაშინაც კი, როდესაც ის ქალაქის აქიმის მიერ გამოწერილ წამალსა სვამს, თამარის სახელს ახსენებს—წამალი შემარგეო, თან ვერცხლის აბაზიანს თავზე შემოივლებს და თამარის სახელზე შეინახავს. ამას „წამლის საცსარი“ ეწოდება. წლის განმავლობაში დაგროვილ წამლის საცსარს თამარის ღლეობაზე ხატში წაიღებენ და იქ შესწირავენ. თამარს განსაკუთრებით ადამიანის ვაგიყებას და ქკუაზე გადამცდარის მოკვვიანებას მიაწერენ. მოხუცი ჯვეისბერების თქმით, თამარ ღედუფლის მთავარი შესაწირავი ძველად ძროხა იყო.

ამავე დროს ხალხში გავრცელებულია თამარ მეფის შესახები ნახევრად ისტორიული და ნახევრად ლეგენდარული ცნობები.

„ბრძანებდაო თამარ ქალია,  
მამის სანეფო დამზადებული“,

შემოსძახა ფანდურზე ფშაველმა და ამას შემდეგი ამბები მოაყოლა. თამარი მდიდარი ჯელმწიფე ყოფილა. იმ დროს საქართველოს ბევრი მტერი ჰყოლია, მურგვლივ ურჯულო ყოფილა შემოსეული.

თამარ ნეფე სულ ეკლესიებს აშენებდა თურმე. ის იმდენი წმინდანი ყოფილა, რომ ზღვებზე ანათორა დაუგავ და ისე დავალა ზღვაზე და ჰაერში. მაშინ თამარს ზღვაში სამანად ისარ ჩაუგავ და ხმელეთი ჩვენკე დაუგდიაო.

თამარისა და ლაშარის ნათესაური დამოკიდებულების შესახებ ორი ვერსია არსებობს. ერთი ვერსიით, რომელიც ისტორიულ ცნობებს უნდა ემყარებოდეს და ნაწილობრივ ხევესტურულ ვარიანტს უდგება, თამარი და ლაშარი ანუ ლაშა გიორგი დედა-შვილი იყო. მეორე ვერსიით კი ისინი და-ძმა თუ დამძობილები ყოფილან.

ლაშარი წმინდა გიორგის მთავარი ხატის ადგილის სახელია არაგვის ფშავეში. ამიტომ წმინდა გიორგი ლაშარობით მოიკსენიებაო. წმინდა გიორგი ლაშარისა თამარ ნეფის დროსა ცხოვრობდა და ის სულ ურჯულოებზე ლაშქრობდა, ქისტსა, ლეკსა და სხვა მტრებსა სტებდაო. ამისათვის საფშაველო იმედოვანი იყოო საქართველოზე.

ლაშარის გიორგის ლურჯა ცხენი ჰყოლია. ამ ცხენს მხრებზე მტრედვით ფრთები სხმია და გიორგის თავისი ლურჯათი ხშირად ჰაერში უფრენია. ურჯულოებთან ლაშქრობის დროს კი ის ამ ცხენზე შეჯდებოდა ხოლმე და ლაშქარს წინ მიუძღოდა. ამეებს თურმე მარტო წმინდა კაცები ხედავდნენო.

საფშაველოსაც მაშინ თურმე ბევრი მტერი ჰყოლია. მათ შორის სახელგანთქმული ყოფილა ქისტების წინამძღოლი თილისძე<sup>1</sup>. ერთხელ თურმე ის ქურდულად მისულა ლაშარის ჯვარში სალოცავად. ამაზე ლექსად არის ნათქვამი:

ლაშარს მოიდა თილისძე,  
გულდიდა დაჯდა ჯარია.  
შამეხევიენეს ფშაველები,  
როგორც ბატონსა ყმანია.  
—შენ აქ არ მოგველოდა,  
დიდი ჰქენ ცოდვა-ბრალია,  
დასწვი, დასდაგე ჯოშარა,  
ცასა სწვდებოდა ალია,  
გასწყვიტე დიაც-ყმაწვილი,  
კალოდ გაპლეწე მკვდარია.  
—დადეგით ფშავლი შვილებო  
თუ გწამს ლაშარის ჯვარია.  
სახვეწრად მამიყვანია  
თეთრი ქორაი ჯარია.

<sup>1</sup> გადმოცემის ეს ვარიანტი წარსული საუკუნის ოთხმოციან წლებში ფიქსირებულთან შედარებით განსხვავებულია. უკანასკნელის მიხედვით თილისძე თუშების წინამძღოლი იყო და არა ქისტებისა. იმ ხანად თუშები ფშაველებს ებრძოდნენ და დაამარცხეს კიდევ. მოყვანილი ლექსიც ლიტერატურაში ცნობილი ლექსის ოდნავ შეცვლილსა და შევსებულ ვარიანტს წარმოადგენს. იხ. ვაქაფ შაველა, დასახ. ნაშრომი გვ. 144—147; ნ. ხიზანაშვილი, კიდევ ლაშარობაზედ, დასახელ. ნაშრომი, გვ. 105.

ვის უფრო კვებდეს თოფები,  
 ვის უფრო ჭრიდეს გმალა  
 ევ მაშინ გავარიგოდეთ  
 როცა გამოვლენ მთანია...  
 უბისთავს დანათლებიან  
 თილისძის ცხენის ნაღნია!

ნაშუადღევს 1 საათია. ხალხი სუფრების ალაგებას იწყებს. და ლაშარში წასასვლელად ემზადება. თამარის ხატის კარის წინ ერთხელ კიდევ გვესმის ნაგვიანვეად მოყვანილ შესაწირ ცხვარზე, სანთელზე და ქაღებზე კვეისბერის „ქსენება“:

„დიდებითა და გამარჯვებითა ვსენება თქვენ სახელსა! გმელზეით, კოციელთანა ნუმც ჩამოგვეყრებიან შენ[ი] დაარსებულნი. წმინდა ანგელოზები ევ შენი მოწაფენია, სახელით გამარჯვებული თამარი დედუფალია. სახელით გამარჯვებული წმინდა გიორგი ლაშარის ჯვარია. რასაც მე თქვენ დიდებ-ვსენებას გაკლებდეთ, თქვენ თქვენს წყალობას ნუ დააკლებთ თქვენ ყმათა. თუ რაჲ ეხედვებოდეს ქულოსან-მანდილოსნისთვინა, კაცისა და საქონისთვინა სასჯელი, საზიანო, საზარალო საქმე—თქვენავ გადაუფარეთ, წმინდაანებო ანგელოზებო; გადაუქარვეთ, გადააცილეთ, გადაეციეთ თქვენსა უწამებელსა, უყვარებელსა და გამგმობარესა.

რაც მე თქვენ, წმინდა ანგელოზებო, დიდებ-ვსენებას გაკლებდეთ—თქვენ ერთგულთ ყმათ წყალობას ნუ დააკლებთ, წყალობა ღმერთსაც, კვირაესაც გამოუთხოვეთ, თავადაც თავის წყალობით დაეხმარენით, წმინდა ანგელოზებო.

კვირა ცხოველო, ღვთის კარზე მდგომელო, პასუხის შემეტანელო, წყალობის გამამტანელო, გამაუწერე უფალთანითა საკეთილო, სამშვიდობო ფურცელი და წყალობა.


ღირსად მიიღე, ღირსეულადა მოვსენებული სანთელ-კელაპტარი, შემოწირული მა ცხოვარი, ე დაქვრეთილი სეფე, დადგმული ბარძიმი! ღირსად მიიღეთ, სამეშვლოდ, სამწყალობნოდა ამ შამამწირველთა პირთათვის“.

„გაუმარჯოს, გაუმარჯოს“, დაიძახეს დასტურებმა და კვეისბერს წინ ცხვარი წაუქციეს დასაკლავად...

გავიდა ცოტა ხანი. დასტური პავლე საზარესაკენ გაეშურა და შვიდჯერ ზარს ჩამოჰკრა. ზარის ხმის გაკონებაზე ხატის კარის წინ შეჯგუფდნენ ხატის მსახურნი და „ფერჯისული“ დააბეს. მეორედ დაირეკა ზარი. ფერჯისულის საგალობელი შესწყვიტეს და საზარედან მედროშემ დროშა „გამოაბრძანა“. დროშას წინ კვეისბერი დიმიტრი მოუძღვება. ხატის კართან დროშა შეაჩერეს და კვეისბერმა მლოცველები დაამწყალობა. დამწყალობების ტექსტი მეტად მოკლე და ნაწილობრივ უჩვეულო შინაარსისა იყო. კვეისბერი დიმიტრი მეტად ღელავდა, მას ხმა უკანკალედა და წარა-შარა ერთსადაიმევე სიტყვებს იმეორებდა.

დამწყალობების შემდეგ ხატიონნი ლაშარისაკენ დაიძრნენ. წინ კვეისბერი გაბრიელა მიუძღვით, რომელსაც შორი-ახლო მისი დასტური მისდევს საკვეისბრო შემოსავლით დატვირთული ცხენით. გაბრიელას უკან მედროშე დროშას





„ბრძანებებს“, უკანასკნელს ხატის მსახურნი მისდევნენ და, ბოლოს, მიჰყვებიან მლოცველები თავისი ჯალაბობით, ცხენებით და ბარგით. ზოგ მლოცველს თან შიშყავს ცოცხალი ცხვარი ლაშარში დასაკლავად.

ხატის მსახურნი დროშას უკან მწკრივად გაწყობილნი მისდევნენ და თან შემდეგი შინაარსის „ფერჯისულს“ ვალობენ:

„პირველად ლმერთი ვაჟსენოთ,  
 ეგ უფრო დიდებულია.  
 მემრ თამარ ნეფე ვაჟსენოთ,  
 ეგ ლმერთთან წილდებულია.  
 ლაშარის ჯვარიც ვაჟსენოთ,  
 ეგ ყმაზე თავდებულია.

ბრძანებდა დამბადებელი:  
 — მე დავდგი მიწა მყარია,  
 ზედ გადავხურე ზეცადა  
 სინა, ჭიქა და რვალია;  
 შიგ გაეცინე მზე, მთვარე  
 მაეალი დღე და ღამეა;






ხუცობდა ბერი ლუგუმი,  
 ვმატკბილად მაუბარია.  
 ჯერ თამარ ნეფე ავსენა,  
 მემრ ლაშარისა ჯვარია,  
 მემრე მკვდრებს უთხრა შანდობა,  
 ვინც ველზე დარჩა მკვდარია.  
 ჩამააყოლეს თასები,  
 თამარის ნაჩუქარია!

მიდიან დაჩქარებითა,  
 საჭმეა საწუთარია,  
 წვერჩევიან თარეშნი,  
 ღმერთო, დასწერე ჯვარია!  
 ცის ქუბილ გეგონებოდით  
 ცხენების ფეგის ჩქამია,  
 გამაუძღვება დროშია,  
 უჭრიალებდა ზარია.

ჩაგროვდნენ მამსტის კალასა,  
 არ სწვდება წვიმის ცვარია.  
 თოფი ძიუნას დაგვიკრეს,  
 ოთხზე დაბრუნდა ჯარია!"



ქალაზე მიმავალი პროცესია, ლაშარის დღეზე რომ გადავიდა, მთისკენ მიიქცა და ფერდობს აჰყვა. ჳევისბერი გაბრიელა დაწინაურდა, შევიდა ლაშარის



გალაფანში, საზარეზე ახტა და ზარის რეკა დაიწყო. დროშის წინამძღოლობით და „ფერჯისულის“ გალობით პროცესიამ ლაშარის გალაფანს სამჯერ წაღმა გარს შემოუარა და ხატის კარის წინ გაჩერდა. ამ მომენტამდე გაბრიელა განუწყვეტლივ ზარს რეკდა. ხატის კართან მომღერლები „ფერჯისულის“ გალობას განაგრძობდნენ. ისინი ნახევარწრედ იყვნენ გაჩერებული, პირით ხატისაკენ. მათ პირდაპირ, ხატის კარზე, მედროშე დროშით იდგა, ხოლო შუაში დასტური პავლე მოექცა არაყით საფეღლიტრითა და ჳიქით ხელში. ის მღეროდა და თან მომღერლებს პირში არაყს ასხამდა. „ფერჯისულის“ დამთავრებისას ყველამ ერთხმად შესძახა „ვაშა, ვაშა“. მედროშემ დროშა საზარეზე „ააბრძანა“ და შიგნიდან სვეტზე დააყუდა. მლოცველნი ხეების ჩრდილში დაბანაკდნენ, კვლავ სუფრები გაშალეს და სმასა და მხიარულებას მიეცნენ. არაყის შესმას წინ უძღვის სიტყვები: „გავიმარჯოს ჩვენო ლაშარის ჯვარო, პირველი შენი იყო და მერე სხვებიო“.

დროგამოშვებით ჳევისბერები და დასტურები შეწირულ ცხვრებსა და ქაღებებს „კლავენ“. სოფლიონელი ჳევისბერი ლაშარში ყველაზე გვიან ამოვიდა. ის ხატის კართან გაჩერდა და ყვირილი დაიწყო: „ხალხნო, გამცარცვეს! მთელ წელიწადს მეყოფოდა იმდენი სარჩო დავაგროვე თამარის ხატში და ამ უსენდისობებს სულ ჳი არ მოუპარაეთო!“. ჳურდებად დანარჩენ ჳევისბერებს გულისხმობდა. ხალხმა სიცილი დააყარა.

დასტურმა პავლემ დაზარალებული ჳევისბერი განზე გაიყვანა, რალაც წასჩურჩულა და დაამშვიდა.

დროშა, რომლითაც ხატიონნი პროცესიას წინ მოუძღოდნენ, სახელდახელოდ გააკეთეს თამარის ხატიდან ლაშარში წამოსვლის წინ. თამარისადმი

შეწირული ფერადი (თეთრი, ყვითელი, წითელი და ერთი შავი) „საკაღრისებრი“ რომლებიც თამარის ხატის გალავანში ხეების ტოტებზე ეკიდა, ჩამოხსნეს, დროშის ტარზე ააბეს, შემდეგ ტარს ზემოდან პატარა ზარი ჩამოჰკიდეს და თავზე ოქროსფრად მოელვარე ლითონის ჯვარი დაამაგრეს. ასე გაჩნდა ლაშა-რობაზე ხატის დროშა.

კახელებისაგან კი გუშინდლის შემდგომ ლაშარს სხვაგვარი შესაწირავი შემატებია. ლაშარის „წმინდა“ ხეზე, გალავნის შიგნით, დარიკოს თეთრი ზედატანი და ყვითლით დაფოთილი წითელი კაბაა ჩამოკიდებული.

დღეს ჩვენ ექსპედიციას კახელები უკეთ შეხვდნენ, როგორც ძველ ნაცნობებს. ხატის საგალობლის „ნანა და ნანას“ შინაარსის თავისებურობის დადგენის მიზნით ჩავიწერე „ბატონების ნანას“ კახური ვარიანტი, რომელიც სოფელ შილდას მცხოვრებმა თავლო ქუნაშვილმა მოგვითხრო კახელი მანდილოსნების თანადასწრებით.

### ბატონების ნანა

იავ ნანა, ვარდო ნანა,  
 ვარდო ნანინაო.  
 აქ ბატონები მობრძანდნენ,  
 იავ ნანინაო.  
 შვიდი ჯამი მარგალიტი,  
 ვარდო ნანინაო,  
 შვიდ სოფელს გადავაფინეთ,  
 იავ ნანინაო.  
 ივრე შვევლით ეზოში,  
 ვარდო ნანინაო,  
 ძალი არ შევაყუფევით,  
 იავ ნანინაო.  
 ივრე გავალეთ კარები,  
 ვარდო ნანინაო,  
 კარი არ დავაქრიალეთ,  
 იავ ნანინაო.  
 ივრე ავხადეთ საბანი,  
 ვარდო ნანინაო,  
 ძილი არ შაურხიევით,  
 იავ ნანინაო.  
 იავ ნანა, ვარდო ნანა,  
 იავ ნანინაო.  
 ეს აკვანი ანწლისაო,  
 იავ ნანინაო,  
 შიგ მწოლელი ცხრა წლისაო,  
 იავ ნანინაო.  
 იადონის მარანშია,  
 იავ ნანინაო,  
 ღვინო დგება ლალი ფრისა,  
 იავ ნანინაო.

შიგ ალვი ხე ამოსულა,  
 იავ ნანინაო,  
 ნორჩია და ფრთებსა შლისა,  
 იავ ნანინაო.  
 ზედ ბულბული შემომჯდარა,  
 იავ ნანინაო,  
 უსტვენს თავისებურათა,  
 იავ ნანინაო.  
 მოულხინეთ ჩვენს ავადმყოფს,  
 იავ ნანინაო.  
 როგორც მშვიდობით მობრძანდით,  
 იავ ნანინაო,  
 იგრე მშვიდობით წაბრძანდით,  
 იავ ნანინაო.  
 იავ ნანა, ვარდო ნანა,  
 იავ ნანინაო.

სალამო ხანმა მოატანა და ჩვენ სოფელ ბაჩალში წასასვლელად გავემზადდით.

ლაშარიდან ბაჩლისკენ მიმავლებმა შევნიშნეთ ყორით ნაგები პატარა ოთხკუთხე ფორმის ნიში, რომელიც, როგორც შემდეგში გაირკვა, აქაური ხევსურების სალოცავი „პირქუში“ ყოფილა. ეს ნიში მოთავსებულია მდინარე იორის ჩრდილო-აღმოსავლეთით მდებარე გორაკზე იმ ადგილას, სადაც იორის ბაჩლისგვეი ერთვის. აქედან აღმოსავლეთით, მდინარე იორის გასწვრივ, ფშავლების დიდი სოფელი ყვარა მდებარეობს, ხოლო ჩრდილოეთის მიმართულებით დაყვება ვიწრო საცალფეხო ბილიკი, რომელსაც ბაჩლის ხეობაში გადაყვართ. ამ ხეობის სოფლებიდან პირველად გვხვდება ბაჩალი. იგი მთის კალთაზე გაშენებული პატარა სოფელია, სულ ოთხი მოსახლის შემცველი. ამათგან სამი მოსახლე ხევსურია და ერთი ფშაველი. ამ ათიოდე წლის წინათ ბაჩალი მხოლოდ ფშავლებსა სქერიათ. ისინი აყრილან და ერწოსა და კახეთში გადასახლებულან. მათი ადგილ-მამული და საცხოვრებელი ბინები კი ბარისაკოდან, ღულიდან და ბაცალიგოდან მოსულ ხევსურებს დაუჭერიათ. ფშავლების გარდა აქაური ხევსურებიც მთიდან ბარისაკენ მოძრაობენ. ყოველ შემთხვევაში ერთ ბაჩლელ მოსახლეს უკვე მიუტოვებია თავისი შედარებით ახალი საცხოვრებელი ადგილი და ბარში ჩასულა. დანარჩენი ხევსურებიც აქაურ ადგილ-მამულს სწუნობენ და ბარისაკენ იყურებიან.

17 ივლისი. ვიყავით სოფელ კორსავში. გაზომილ, ჩახატულ და ფოტოგრაფიულად გადაღებულ იქნა ფშაური სამეურნეო იარაღები და სახლისა და სამეურნეო ნაგებობათა კომპლექსები.



ზეველი  
შეკ  
ჩიქანი



ძველი  
ხსათელ-  
საძიე  
დაწი  
ქვემო სხვა ჩაიხსოვანა  
მ.ჭანი

18 ივლისი. სოფ. ზემო-არტანი. დავათვალიერეთ „სასვევით გორა“, რომელიც სოფელს ჩრდილოეთიდან აკრავს. სასვევით გორის წვერზე რაღაც ნაგებობის ნანგრევია. ადგილობრივ მოსახლეობას იგი ხატის ნანგრევად მიიჩნია. მის გარშემო ქვაყუთის ტიპის სამარხები ჩნდება, რომლებსაც ფშავლები ძველ „აკლდამებს“ უწოდებენ.

ამავე მთის ზურგზე, აღმოსავლეთის მხარეს, ზემო-არტანის მიტოვებული სასაფლაოა საყურადღებო ფორმისა და მხატვრობის საფლავის ქვებით. ასეთია,



მაგალითად, მამის იმედისძე ვასილის საფლავი. მიწის ზედაპირზე გრძელი ოთხკუთხედი მოყვანილობის ყორის ნაგებობა, რომელსაც ზემოდან წარწერიანი გათლილი ქვა ადევს და თავთან ყორითვე ნაგები პატარა სასანთლე-ნიში აქვს დადგმული. გათლილი ქვის სიგრძე 120 cm, სიგანე 40 cm, სიმაღლე 20 cm, ხოლო ყორითურთ საფლავის ძეგლის სიგრძე 60 cm, ნიშის სიმაღლე 19 cm, სიგანე 13 cm, სიღრმე 25 cm უდრის. თავთან ქვის კუთხეები მოკვეთილია ცერად და ზემო პირის კიდურებზე ამოღარული ზოლი მიყვება. თავთან ჯვარია ამოკვეთილი და ჯვარის ქვემოთ ჩაჭრილია შემდეგი შინაარსის წარწერა:

- 1 ესე საფლავ ქეშ განთ მამის იმედისძე
- 2 ვასილ ლეკთაგან მოკლული მზისაგან
- 3 გაუმძღარი თვალი დამრჩა წუთისოფელზედ,
- 4 მხილველნო შენდობა ბრძანეთ წელსა ჩყაბ.

თიანეთის რაიონის საფლავის ქვების ჩვეულებრივი. მხატვრობისაგან განსხვავდება გიორგი ქავთარასძე პოპიაშვილის ძეგლის მხატვრობაც. ძეგლის ზედაპირის ნახევარზე მიცვალებულის ბიუსტია ამოკვეთილი და დანარჩენ არეზე მოთავსებულია წარწერა, რომელიც მიცვალებულის სახელს, მამის სახელს, გვარს და გარდაცვალების თარიღს (1897 წ.) აღნიშნავს.

მიტოვებული სასაფლაოს მახლობლად, ჩრდილოეთის მიმართულებით, მთის კალთაზე დგას სალოცავი ნიში, რომელსაც „ქიქიკურის ხატი“ ეწოდება.

ქიქიკურის ხატიდან ჩრდილო-აღმოსავლეთით აღმართულ გორაკზე დგას „თაგვა თალლაურას“ ციხე და მის ქვემოთ, მთის დავაკებაზე დაბურული ტყე მოჩანს, რომელსაც „იფნიანთ ჯვარის“ ტყე ეწოდება, ხოლო „იფნიანთ ჯვარი“ — ჩვეულებრივი ტიპის სასანთლე-ნიში — ტყის შიგნითაა მოთავსებული. ამ ხატის დღეობა აღდგომის ხუთშაბათს მოდის ხოლმეო, გვიხსნის თანაჟგზავრი ფშაველი და თან დასძენს — „ადგილის დედის“ დღეობა კი აღდგომის სამშაბათს იცის. „ადგილის დედას“ ასეთი ლექსი აქვსო:

ადგილის დედა ჩიოდა  
—სოფლის უფროსი კვდებაო,  
ნუ მოჰკლავ, დამბადებელო,  
სოფლობა წაგვიხდებაო.

საყურადღებო თქმულება არსებობს ხალხში „თაგვა თალლაურას“ ციხის შესახებ. ეს თქმულება შემდეგი შინაარსისაა:

ყოფილა ერთი თავადი თაგვა თალლაურა, მეტად სასტიკი კაცი. ხალხს თურმე ის ძალიან ეჯავრებოდა.

ერთ დღეს თაგვა თალლაურა (ანუ თალლაური) მოყვრებთან წასულა. შინ ცოლი დაუტოვებია, ჩარგალელი ქალი, რომლისთვისაც დაუბარებია — ციხის კარი არავის გაუღოო. ციხე თურმე შიგნიდან რკინის ურდულით იკეტებოდა.

ამ დროს ივრის ხეობის ფშავლებს არავის ხეობის ფშავლებისაგან მაცნე მოსვლიათ — დაგვეხმარეთ, ლეკები დაგვესხენო. წასულან ივრის ფშავლები, დახმარებიან, ლეკები დაუმარცხებიათ და უკან გაუბრუნებიათ. აქაურებს უთქვამთ არავის ფშავლებისათვის — ეხლა თქვენ დაგვეხმარეთ, მრისხანე ბატონი გყავს და ის დაგვამარცხებინეთო. იმათაც დახმარება აღუთქვამთ, თალლაურის ცოლისძმის შვილი წამოუყვანიათ და ივრის ფშავლებს გამოჰყოლიან.





თავა თალაურის ციხის ზემოთ, ციხიდან ერთი კილომეტრის მანძილზე ადგილია, რომელსაც „ნაკოშკარი“ ჰქვია. იმ ადგილზე უწინ კოშკი მდგარა და იქ თალაურის ცხვრის ბინა ჰქონებოდა. კოშკიდან ციხემდე მილი ყოფილა გაყვანილი. ამ მილით თურმე ცხვრის რძე ციხეში მოდენილა და თავვას ყველი შინ უკეთებოდა.

ფშაველთ ლაშქარი გადმოსულა ივრის ხეობაში და თალაურას ციხის კარის მახლობლად ჩასაფრებულა. თალაურას ცოლისძმის შვილი კი ციხის დაკეტილ კარს მისდგომია და დაუძახია:—მამიდავ, კარი გამიღე, შენი ძმის-შვილი ვარო. მამიდას ძმისშვილის ხმა უცენია და კარი გაუღია. გაღებულ კარში ფშაველთ ლაშქარი შეეცვივნულა. თავვას ცოლმა რომ ძმისშვილის ღალატი ნახა, დაიძახა თურმე: „ძმისწულ მაუკვდეს მამიდასაო“ და ტყეში გაიქცა. ლაშქარს იქაურობა აუწიოკებია, ყველაფერი მიულეწ-მოულეწია, ციხისათვის ცეცხლი წაუკიდებია და უკან გაბრუნებულა.

ზოდის თურმე თალაურა თავის მოყვრებიდან სახლში. შორიდან ცეცხლის ალი დაუნახავს და მიმხვდარა რაც უბედურება დატყდომია თავზე. გაქუსლა თურმე ცხენი და თან დაიძახა:

„გადააბიჯე ლურჯაო,  
 არხალს ხარ, განა არტანსა,  
 რა ფევებს მიაბაკუნებ

რო ბერი კაცი არგანსა,  
 ვერა ხედავა, ტილო,  
 ცეცხლი ედება სახლ-კარსა“.

სწრაფად მიპროილა სახლში და ცხენიდან არ გადმოსულა ისე დაუყვირია ტყი-  
 დან დაბრუნებული ცოლისათვის — დარჩა-ლა რამე კიდევიაო? „არაფერი, გარდა  
 ერთი კონა შვილდ-ისრისაო“, უპასუხია ჩარგალელ ქალს. თავგას მოუტანინებია  
 ეს შვილდ-ისარი, დაუზურგავს ცხენი და ლაშქარს დასდევნებია. მიეწია თურმე  
 თავვა ფშავლებს, ბევრი ფშაველი დასქრა, ოცი კაცი მოჰკლა და შემდეგ  
 დაიძახა:

„შასრულდა ოცი, აღარც ვეოცი,  
 შაგინდობ, შაბათის ძალო“-ო.

ეს უთქვამს და უკან გაბრუნებულა. გზაში ერთი ნაბდიანი მოხუცი შეხვედრია.  
 ზოგი ამბობს ეს კაცი კოჭლი იყო, ზოგი კი — თავს იკოჭლებდაო. „შე ძალო,  
 შენ რად გამოჰყევ ჩემ სამტროდაო“, დაუყვირია მისთვის თავგას. — წამომიყვა-  
 ნეს ძაღადა, თემობამ გადასწყვიტა და მე რას ლა ვიქმოდო, უნდა წამოგსული-  
 ყაო, უპასუხია მოხუცს. „რახან ეგრეაო, უთხრა თურმე თაღლაურამ, არ მოგ-  
 კლაეო“ და თავის გზაზე წასულა. მოხუცი მინდადაურის გვარისა ყოფილა,  
 ელიბო მინდადაურის პაპა. მას ნაბდის ქვეშ შვილდ-ისარი ჰქონია დამალული.  
 შინისკენ მიმავალი თავვა რომ დაინახა თურმე გულმა ველარ გაუძლო, ესროლა  
 ისარი და მოჰკლა. სიკვდილის წინ თაღლაურას ცოლისათვის ანდერძი დაუტო-  
 ვებია, ქვაზე დაუწერია:

„შენ დიდი ხანი არ მიგლოო, მალე გათხოვდი, ჩემი ოქრო-ვერცხლი მი-  
 წაში შეინახე და ზედ მუხის ბოჯოლა<sup>1</sup> დარგეო“. ეხლა იმ ადგილს, დასძინა  
 მთხრობელმა, „დიდმუხას“ ეძახიან, რადგან იქ დიდი მუხა დგას, ძალზე დაბე-  
 რებული. ხალხი ლაპარაკობს, თავგას ოქრო-ვერცხლი იმ მუხის ძირში არის  
 დამარხულიო.

<sup>1</sup> მთხრობლის განმარტებით: სანერგე ტოტი.





19 ივლისი. სოფ. ზემო-არტანი. 26 წლის პავლე ბურდული<sup>1</sup> შინაარსის „ფერვისულს“ გადმოგვცემს<sup>2</sup>:

ვინა თქვა, ენამც გაჰვმება,  
ქისტეთს გაბევრდა ცხვარია!  
გაიგო ლაშარელამა  
წელს შამოირტყა ვმალთა,  
შეჰკაზმა თავის ლურჯაი,  
ოქროს უნაგირ დაადგა,  
ყელზე ჩაუდგა ზარია.  
შამაუარა საყმოთა,  
მძიმე შაყარა ჯარია,  
გამაარჩინა თარეში,  
ღმერთო, დასწერე ჯვარია.  
ნაურაზედა<sup>2</sup> შამაჩნდა,  
არ დასწვდა წვიმის ცვარია,  
მეიდანს ლელეს შამოჯდენ  
ქვეითნი, ცხენოსანნია.  
ძიუნა პაპუჩელათი  
ბალოია, უმეცარია.  
წინ-წინ მივარდა ბაკზედა,  
არვინ უჭირა მვარია.  
თოფ დაჰკრეს ქისტის შვილებმა,  
ოთხზედ შაჰყუდეს ვარია.  
ვაჲ თქვენს ძიუნას, ქისტებო,  
რო არა მექნას ცალია,  
ვერ მოვიბრუნე ყელჭრელი,  
ვერ გამოვაველე თვალია,  
ჩემი ყელჭრელის ტყვიასა  
ვერ ვაფუქვეინე ძვალია.  
წყემსიც აღასთან მოკვდება,  
არ დაანება თავია,  
ცოდვით როგორა ვნახოდენ  
აღაის დედა, დანია.  
ემაგის მალექსებელი  
აღვანში თუშის ქალია.  
ქებით გალექსეთ, ფშავლებო,  
არ დამელივენენ ძმანია.  
სალექსოდ გამომიგზავნენ  
თითო შიშაქი ცხვარია.

<sup>1</sup> ჩაწერილია ექსპედიციის წევრის ფაფალა გარდაფნაძის მიერ.

<sup>2</sup> მთხრობლის განმარტებით: ადგილია ქისტეთს.



დღეს ჯატკევის ლაშარობის მომდევნო ოთხშაბათია. თიანეთიდან ფონით გვატყობინებენ—ხვალ დღეობა „იხინჭობა“ არისო. მაშასადამე ამაღამ სოფელ ჟებოტას კოპალეს ნიშთან ღამისთევია იქნება.

ნაშუადღევის 3 საათზე რაიონის ცენტრიდან ამოვიდა საპარგო ავტომობილი, რომელიც დატვირთვით საქართველოს მუზეუმისათვის შეძენილი კოლექციებით და ჩვენც ზედ მოვთავსდით. ვტოვებთ არტნის ხეობას და ქვემო-თიანეთში ვბრუნდებით.

**სოფ. ჟებოტა.** ღამისმთველებს ცუდი ამინდი დაუდგათ—ცა ღრუბლებითაა შეკრული და ცარავს. კოპალეს ნიშის გარშემო შეკრებილან ერწოდან, არტნის ხეობიდან და თიანეთის მახლობელ სოფლებიდან მოსული მლოცველები. ხანში შესულ ქალსა და კაცს თავზე თეთრი თავსაფრები ხურავთ. ღამისმთველნი გრძლად გაშლილ სუფრებს შემოსხდომიან და დროს ჭამა-სმასა და საუბარში ატარებენ. ზოგ სუფრასთან დოღსა და გარმონს უკრავენ და ცეკვავენ მხოლოდ კაცები, შეზარხოშებულნი კახური ღვინით, რომელსაც აქვე თელაველი გლეხებისაგან ყიდულობენ. კახელები მოსული არიან ღვინითა და ხილით დატვირთული ურმებით. განმარტოებით გაშლილია ე. წ. „კულუხის“ სუფრა. აქ კაცებს გარდა რამდენიმე ქალია, მათ შორის თეთრებში გახვეული და გულზე ჩამოკიდებული ჯვარით მოხუცი ქალი, ხატის მონა.

ხალხი უწინ „კულუხს“ უწოდებდა კოპალეს ხატის ზვარიდან მოწყულ იმ ღვინოს, რომელიც სოფელ ახმეტადან (სადაც ხატის ზვარი და მარანი იყო) კოპალეს სახელობის დღეობაზე მოსახმარებლად მიჰქონდათ. ამისათვის არაგვის ფშავიდან მოდიოდნენ ცხენოსანი ხატიონნი დროშით. ისინი ჩერდებოდნენ გზა-და-გზა ყველგან, სადაც კოპალეს ნიში იდგა, დროშის ზარებს აზრიალებდნენ და ამწყალობებდნენ მორწმუნეებს, რომლებიც ხატიონთ გზაში ხედებოდნენ ან ზარის ხმის გაგონებაზე ნიშთან იკრიბებოდნენ. ახმეტაში მიმავალ პროცესიას უერთდებოდნენ ხატის მიერ „ღამიზეზებული“ პირები და ისეთები, რომელთაც შეთქმული ჰქონდათ კულუხის წაღებაში მონაწილეობა მიეღოთ. ამრიგად გაზრდილი პროცესია განსაკუთრებით მრავალრიცხოვანი ახმეტადან დაბრუნებისას ხდებოდა, ვინაიდან კულუხის წამომღებთ დღეობა „იხინჭობაზე“ მიმავალი ხალხი უერთდებოდა. ახმეტაში ჩასული პროცესიის მონაწილენი იქაურ კოპალეს ნიშთან მოილოცავდნენ და ღამეს იქვე ათევდნენ, იქიდან შემდეგ კულუხით დატვირთულნი სოფელ ჟებოტისაკენ მიემგზავრებოდნენ, დღეობა „იხინჭობის“ წინა საღამოს იქაც კოპალეს ნიშთან ღამეს ათევდნენ, ხოლო მეორე დღით, მზის ამოსვლის ხანს, წინ გაუძღვებოდნენ იხინჭის კოპალეს ხატში მიმავალ მლოცველებს და მათთან ერთად დღეობა იხინჭობაზე კულუხის ღვინოს სვამდნენ და დროს ატარებდნენ. საღამოს, დღეობის დასასრულს, კულუხის ღვინო პროცესიის მონაწილეებს არაგვის ფშავში გადაჰქონდათ და იქაც ამ ხატის დღეობის მონაწილეებს ასმევდნენ.

ამჟამად კოპალეს ხატს ახმეტაში აღარავითარი ზვარი და მარანი აღარ გააჩნია, მაგრამ ხატიონნი მაინც მართავენ პროცესიას არაგვის ფშავიდან ახმეტაში, დღეობა იხინჭობის წინა ღამეს ჟებოტას კოპალეს ნიშთან ათევენ და იხინჭობაში მონაწილეობენ. ხალხიც დღეს „კულუხს“ ამ პროცესიას უწოდებს.

წელს არაგვის ფშავიდან გადმოსულია „კულუხის“ მონაწილე ხუთი წევრი, რომელთაც ადგილობრივი ხატის მონა ქალები და ხატისაგან „დამიზებელი“ პირები შეუერთდნენ. ამბობენ „კულუხი“ დროშით არის მოსულიო, მაგრამ დროშა ჩვენ არ გვინახავს.

საზოგადოდ უნდა ითქვას, რომ წელს იზინჯობაზე სადღესასწაულო ზეიმი და რელიგიური ზეადმაფრენა შესამჩნევად მოისუსტებს. დამახასიათებელია ამ მხრივ შემდეგი ეპიზოდი: სოფელ ჟებოტიდან მოვიდა მლოცველთა ოჯახი, რომელმაც კალათით სანოვავე და ცალკე გობით შესაწირავი ქადა მოიტანა. ოჯახის მანდილოსანმა ამოალაგა სანოვავე, გაშალა სუფრა, შემდეგ ქადიან გობს წამოავლო ხელი, აქეთ-იქით მიიხედ-მოიხედა და, საჭირო პირი რომ ვერ დაინახა, მეზობლად დაბანაკებულ მლოცველებს შეეკითხა—სად არის ჯევისბერი, ქადა უნდა გავაჟღერებო. ამაზე მას უპასუხეს—ჯევისბერს სად ნახავ, ჯევისბერები აქ აღარ არიან. ემანდ სუფრასთან სანდრო ზის, მიდი და ქადას ის გაგიჟრისო. დასახელებული სანდრო შუა ხნის კაცია და, როგორც გაირკვა, ის მხოლოდდამხოლოდ მორწმუნეთა რიცხვს ეკუთვნის და არა ხატის მსახურთა კასტას. სანდრო ადგილიდანაც არ დაძრულა, როგორც იჯდა სუფრასთან ისე დამჯდარმა მოტანილ ქადაზე რალაც წაიბუტბუტა, შემდეგ ქადა ოთხ ნაწილად გასჭრა და პატრონს დაუბრუნა.

ღამის 2 საათია. წვიმამ უმატა. თავშესაფარი არსადაა, მაგრამ მლოცველები არ იშლებიან. სველებიან მლოცველებიც და მათი სუფრებიც, რომლებზეც ანთებული ქრაქი ან სანთელი ბეჭუტავს. იგი ძუნწად ანათებს სუფრაზე დაყრილ პურისა და ყველის ნაჭრებს, შეწირულ ქადას, არაყს, თითო-ოროლა კიტრს და სხვა ბოსტნეულსა და ხილეს.





**20 ივლისი. დღეობა იხინქობა.** დილით მზის ამოსვლისთანავე ცხენოსანი მეკულუხენი იხინქის მთისაკენ გაემართნენ. მეკულუხეებს დოლითა და ზურნით დანარჩენი ღამისმთელიღები გაჰყვნენ. აიკრიბნენ თელაველი გლეხებიც და თავისი სავაჭრო ურმებით იხინქაში გადავიდნენ. ჩვენმა ექსპედიციამაც ყებოტაში ცხენის ურემი იქირავა და იხინქის გზას დაადგა.

ყარყათუნის მთის ძირთან ჩვენს მეურმე შალვას ამ მთასთან დაკავშირებული შემთხვევა აგონდება. ამ სამი წლის წინათ, ამბობს შალვა, ყარყათუნის მთიდან ერთი უზარმაზარი მცურავი ჩამოვიდა, აი ამ ვაკეს ივრის გასწვრივ დაადგა, ყანებზე გადავიდა და იხინქის წმინდა გიორგში რომ მივიდა, გაქრა. ხალხმა თქვა—ეს ალბათ რილაცის ნიშანი არისო.

საგულისხმეიროა ხალხური თქმულება თიანეთისა და მდინარე იორის წარმოშობის შესახებ, მიუხედავად იმისა, რომ მის ძველ ფენას ახალი პერსონაჟები (მღვდელი და დიაკვანი) შემატებია. ამ თქმულების მიხედვით, ოდესღაც იხინქის მთაზე დევებს უცხოვრიათ, რომლებსაც თურმე კობალე ებრძოდა, მაგრამ ვერ იქნა და ვერ სძლია. იმ დროს თიანეთის დაეკება სულ წყლით ყოფილა ავსებული. ხალხი თურმე საცხოვრებლად მთის ფერდობებზე იყო შეფენილი. მცხოვრებთა შორის ერთი და-ძმა, თინა და იორამი, იყვნენ. ერთხელ მღვდელს კერაში ცეცხლი ჩაქრობია. გაუგზავნია დიაკვანი დევებთან და დაუბარებია—დევებს ცეცხლი გამოართვი და მომიტანეო. წასულა დიაკვანი იხინქის მთაზე, დევებისთვის ცეცხლი გამოურთმევია და ამ დროს ყური მოუკრავს მათი საუბრისათვის. ერთი დევი ეუბნება თურმე მეორეს: ხალხი უქკუოა. ხალხს რომ კუკა ჰქონდეს იორამსა და თინას დაჰკლავდნენ და წყალში ჩააგდებდნენ,

მაშინ ბოკონი გაიხსნებოდა, ვაკეში დაგროვილი წყალი წავიდოდა და კოპალეს ჩვენ გვაჯობებდაო. დიაკვანს ეს ნალაპარაკები აუკრეფია და მღვდლისათვის გადაუცია, მღვდელს კი ხალხისთვის უცნობებია. მაშინ ხალხს გადაუწყვეტია დევების ნათქვამი შევასრულოთო. თინა და იორამი დაუკლავთ და წყალში ჩაუყრიათ. მაშინვე ბოკონი გახსნილა, იქიდან წყალს გასავალი გაჩენია, ვაკე თანდათან წყლისაგან დაცლილა, მისგან მხოლოდ მდინარე-ლა დარჩენილა და მიწა გამოჩენილა. იმ დროს კოპალესაც დევებისათვის უჯობნია და სულ აძოუ-ელეტია. ხალხი მთის ფერდობებიდან ბარად ჩასულა და იქ დასახლებულა. ასე გაჩენილა თიანეთი და იორი. თიანეთი იმ ადგილს თინასაგან დაერქვა, ხოლო იორი (მდინარეს)—იორამისაგანო.


იხინჭის გორა მდებარეობს მდინარე იორის მარცხენა ნაპირზე, ქვემო-თიანეთიდან 10—12 კილომეტრის სიშორეზე. ამ მთის ფერდობზე მოთავსებულია რამდენიმე ნაშთი ქრისტიანული საკულტო ძეგლისა და მათ შორის წარმართული სალოცავი—კოპალეს ანუ იხინჭის წმინდა გიორგის ხატი.

ამ ხატის ირგვლივ გაშლილი ვაკე ადგილები მდინარე იორამდე ოდესღაც კოპალეს საყანე მამულს წარმოადგენდა. ამ მამულში ითვისებოდა ხატის პური და ქერი, რომლისგანაც დღეობა იხინჭობისათვის არაყი იხდებოდა და სახალ-ხოდ იხარჯებოდა.

იქვე ყანებში, ხატის მისავალთან მდგარა ქერისა და პურის შესანახი ხატის ბეღელი, გომური და საბერო—ქვითკირის შენობები, რომელთაგან დღეს ნანგრევებიღაა გადარჩენილი.

კოპალეს ხატს გააჩნდა კურატები (ანუ კურეტები) და ცხვრის ფარა, რომელსაც ზამთრობით შირაქში ერეკებოდნენ. ბოლო ხანებში კურეტს შეწირვის შემდეგ შემწირველი სახლში აბრუნებდა და 2—3 წლის განმავლობაში განსაკუთრებული ყურადღებით უვლიდა, გადაჭარბებით კვებავდა, უღელს არ ადგამდა და არ ამუშავებდა. ხატისათვის შეწირულ ამ მოზვერს ყველა მოწიწებით ეპყრობოდა, ყანაში რომ შესულიყო და ყანა ამოეგდო მას ვერავინ გაუბედავდა სახრის დარტყმას და გამოგდებას. სამი წლის შემდეგ მორწმუნე მოსახლეს კურეტი კვლავ ხატში მიჰყავდა და იქ სათანადო ლოცვა-ვედრების შემდგომ ქვეისბერს დააკვლევინებდა.

კოპალეს მთავარი სალოცავი შენობები—დარბაზი და საზარე, იხინჭის მთის ფერდობზეა მოთავსებული. დარბაზი წარმოადგენს ქვითკირის მოგრძო შენობას ფასადით დასავლეთის მხარეს, ორწახნაგოვანი სახურავით, რომელიც კრამი-ტითაა გადახურული. კოპალეს დარბაზს აღმოსავლეთით აკრავს მიწაში შეთხრილი პატარა სენაკი, თალისებურად გადაყვანილი ქვით. დარბაზთან იგი დაბალი კარით არის შეერთებული და სრულიად ბნელია. კარის პირდაპირ კედელში დატანებული აქვს თარო, რომლის მარჯვენა კუთხესთან კედელშივე ჯვარის ოთხი გამოსახულებაა ამოკვეთილი. ამ კედელზე მიყუდებულია (პირდაპირ მიწაზე მოთავსებული) ბრტყელი სიპი ქვა. სიპის სიბრტყეზე ზეთის ფერადი საღებავებით დახატულია შუახნის ჯმუხი ქალის სახე, რომელსაც თავზე ვარდისფერი, ცისფერი (თუ გადახუნებული ლურჯი) და შავი თავსაფრები ხურავს. ამ გამოსახულებას მორწმუნეები ხატს უწოდებენ. ეს „ხატი“ ჩამოტანილი ყო-



ვილა იხინკის მთის წვერზე მოთავსებული ღვთისმშობლის სახელობის ეკლესიიდან ამ ათიოდე წლის წინათ. ქვაზე გამოსახული „წმინდანის“ შესახებ ხალხში სხვადასხვა შეხედულებაა გავრცელებული. ზოგიერთების აზრით, რომელსაც ჯევისბერების ნაწილიც იზიარებს, იგი სურათია „კოპალეს დედისა“, რომელიც, იხინკის გორაზე რომ ნაციხვარი და ეკლესიაა, იქ მარხიაო. სხვები კი ამ ხატს უწოდებენ „კოპალეს ღვთისმშობელს“, „დედა ღვთისას“, „დედა მარიამს“, ან „მარიამ ღვთისმშობელს“. არსებობს აგრეთვე ისეთი აზრიც, თითქოს იგი ხატის მონა ქალის სურათია. თვით სენაკს, სადაც ეს „ხატია“ დასვენებული, ჯევისბერმა სოსიკო ტ-შვილმა „სასუფეველი“ უწოდა.

ღარბაზის ფასადზე გარედან ბრტყელი ფიციის საჯდომია მიდგმული და მის წინ ათიოდე ნაბიჯზე მიწა ხელოვნურად დავაკეხული და დატყეპნილია. ამ დავაკების ნაპირებზე დგას იფნის, რცხილისა და თელის ხეები, რომელთა ტოტებზე მლოცველთაგან შეწირული მიტკლისა და მარლის თეთრი ნაჭრები და „საკადრისებია“ ჩამოკიდებული.

კოპალას ღარბაზის გვერდით საზარე-ნიშია, უზაროდ. ამ რამდენიმე წლის წინათ ეს ზარი ახალსოფლის მასწავლებელს წაუღია და სკოლისათვის გამოუყენებია. საზარე ჩვეულებრივ ფშაური ტიპისაა: ძირიდან ქვეთკირით ნაგები, ყუთის მოყვანილობისა, რომელზეც აგურის ოთხი სვეტია აღმართული. სვეტები ერთმანეთს კამარებით უკავშირდება და ზემოდან მას კრამიტის ოთხწახნაგოვანი სახურავი ხურავს. სახურავის თავზე აღმართულია მოგრძო და ოთხწახნაგოვანი




ალიზის წოწოლა, რომელშიც რკინის ჯვარია დამაგრებული. საზარე გარედან კირითაა შელესილი.

ღარბაზის უკან ეკლესიის ნანგრევია, რომლის საკულტო დანიშნულება დღეს აღარავის ახსოვს.

კოპალეს სალოცავის პირდაპირ, ჩრდილო-დასავლეთის მხარეს, მცირე ხევის გაღმა, გორაკის ფერდობზე თამარისა და ლაშარის ხატები მდებარეობს.

ლაშარის სალოცავი გრძელ ოთხკუთხი ფორმის მშრალად ნაგებ გალავანს წარმოადგენს. გალავნის შიგნით, აღმოსავლეთის კუთხეში, მშრალადვე ნაგები ოთხკუთხი მოყვანილობის სასანთლე-ნიში დგას, ნიშის სამხრეთის კედელში



დატანებულია თარო, რომელშიც ჯვეისბერები მლოცველების მიერ შეწირულ სასანთლებს ანთებენ და ქადებს „ჰკლავენ“. ნიშის გვერდით ამოსულ კუნელის ტოტეზე ჩამოკიდებულია ირმის რქები, თეთრი ფერის ნაჭრები და რკინის უღელი.

ლაშარის ჯვარის მახლობლად დგას პატარა ბაზილიკი ქვის კანკელით, შიგნიდან და გარედან კირით შელესილი. ეკლესიას ყორით ნაგები მრგვალი, ამჟამად ნახევრად მორღვეული, გალავანი არტყია. მის გვერდით, აღმოსავლეთის მხარეს ხეებზე (კუნელა) შეწირული თეთრი ნაჭრები და სასანთლის რგოლებია („თვალის კაკლები“) ჩამოკიდებული. ეს კომპლექსი „თამარ მეფის ხატს“ წარმოადგენს.

ამ ხატიდან რამდენიმე ნაბიჯის სიშორეზე, ჩრდილოეთის მხარეს, მდებარეობს „თამარ მეფის კალო“—პატარა მრგვალი დევაკება გორაკზე. მორწმუნეთა აზრით, ამ „კალოზე“ თამარი, ლაშარი და კოპალა გამოდიან და თამაშობენ ხოლმე. უწინ დღეობის დროს ხატონნი აქ „ფერვისულს“ აბამდნენ.

თამარისა და ლაშარის სალოცავების ასწვრივ მთაზე მოთავსებულია ერთმანეთის მახლობლად ორა პატარა ბაზილიკის ნანგრევი. ამგვარივე ნანგრევები, ადგილობრივი მოსახლეობის ცნობით, იხინკის გორაზე მრავალია.

„იხინკობა“ აღდგომის მეცხრე კვირას აუცილებლად ხუთშაბათ დღეს მოდის ხოლმე. ჯვეისბერების თქმით, ეს დრო არ ასცდება 7-10 ივლისს ძვ. სტილით. თუმცა იხინკობა იერის ხეობაში კოპალეს მთავარ დღეობად ითვლება, მაგრამ მორწმუნე ფეხვლები ამ დროს ლოცულობენ და შესაწირავებს სწირავენ იხინკის გორაზე მდებარე თამარისა და ლაშარის ხატებსაც. როგორც გაირკვა, წელს ხატობაზე ნაკლები ხალხია მოსული, რაც ყველაზე მეტად თე-



ლაველ გლეხებს აწუხებს, რადგან მათ გაუყიდავი რჩებათ ღვინო, ხინკლები, ხინკლები, რომლებსაც იქვე ხარშავენ, და სხვა. სავაჭროდ ჩამოუზიდათ აგრეთვე ნამგლები და თელაველ სომეხ მოქალაქეს უამრავი ფანერის უმსგავსო კოლოფები და ყუთები, რომლებსაც სკივრებს უწოდებენ.

ლაშარის და თამარის ხატებს პატრონობენ უმთავრესად ჩვენი ნაცნობი ქატვეელი ჯევისბერი გაბრიელა და მისი დასტური. ისინი არ შორდებიან ამ ხატებს, ხვდებიან მლოცველებს და ქადებს „უკლავენ“. წელს იხინჭობაზე საკლავი საქონელი ნაკლებია. უმთავრესად ქადებს, არაყს და სანთლებს სწირავენ. მლოცველთა შორის კახების, ფშაველებისა და ერწოელების გარდა მოსული არიან ხევსურებიც, რომელნიც დანარჩენი მლოცველებისაგან განცალკევებით დგანან. ერთ-ერთი მოხუცი ფშაველი ქალი იგონებს ძველ დროს და გვეუბნება — დალოცოს კობალე იხინჭისამ, თამარ დედუფალმა და ლაშარის გიორგიმ ჩვენი მთავრობა! ის რომ არ იყოს ხევსურები აგვიკლებდნენ. უწინ ქისტებს ჩვენსკენ გზას ხევსურები ასწავლიდნენ, წინ მოუძლოდნენ და ორივენი გვაწიოკებ-

დნენ ხან ერთად და ხან ცალკალკეო. მოზარდი თაობაც კი კუთხური მედიდურობის გრძნობით ყოფილა გაჟღენთილი. ფშაველი ბავშვი იწყენდა თურმე თუ მას შეცდომით კახელად შეიცნობდნენ, კახის ბავშვი კი დასცინოდა ფშაველს — ერთი ამის ჭროლა თვალებს უყურე, ეს კახი როგორ იქნებაო, ხოლო ხევსური გულდიდობდა და დამოუკიდებლად ეჭირა თავი.

იხინჭობაზე კიდაობა გაიმართა. ფშაველმა ხევსური დასცა. ხევსური გაშმაგდა, როგორ თუ ჩობანმა მეტობა გამიბედაო. ის სასიკვდილოდ არ დაინდობდა მოწინააღმდეგეს, რომ ამ დროს გვერდით წესრიგის დამცველი მილიციელები არ სდგამოდნენ.

იხინჭობა ჩხუბითა და აყალმყალით არის სახელგანთქმული. როგორ შეიძლება ამ დღეობამ ისე გაიაროს, რომ კაცი არ დაიჭრას და სისხლი არ დაიღვაროსო, გაიძახიან მლოცველები. მაგრამ წელს იხინჭობაზე მრავალი წარმომადგენელია რაიონული ხელისუფლებისა

— აღმასკომის, შინსახკომის, მილიციისა. ისინი აფრთხილებენ დასწრეებს — ჩხუბი



კახელი  
(დოქტორ იხინჭია)



ფეკეძე

არ იყოსო და ფეხიზლად აღწევნებენ თვალყურს წესრიგის დაცვას. მიუხედავად ამისა წლებადღელ იხინკობასაც ერთი მთვრალი ფშაველი დაიკეჭნა. ინცინდენტის ადგილზე სწრაფად მოსულ მილიციელებს სახე-დასისხლიანებულმა ფშაველმა და მაყურებლებმა განუცხადეს—ვხუმრობდით და ამ დროს ერთი ჩვენგანი დაიკაწრაო. საზოგადოდ დღეობა იხინკობას დაჭრილი ან მოკლულის ოჯახი არ იჩივლებდა თურმე და არ ვასცემდა დამზარალებელს—ამას ხატი კრძალავსო.

კობალეს დარბაზში თავი მოუყრიათ ჯევისბერებსა და ხატის მონა ქალებს. უკანასკნელებს თავზე თეთრი თავსაფრები ხურავთ, ტანსაცმელიც მიტკლისა აცვიათ და მკერდზე ჯვარი აქვთ ჩამოკიდებული. დანარჩენი ქა-

ლები დარბაზში ვერ შედიან—იქ შესვლა ხატისაგან აღკვეთილი გვაქვსო. მონა ქალი უმრავლეს შემთხვევაში მკითხავ - ქადაგიც არის, ხატის ნებასურვილის მამკლავნებელი. ავერ გამოვიდა დარბაზიდან ერთი მათგანი და მოხუცი მამაკაცის თანხლებით გამოეშურა ჩემს მახლობლად მდგომ ქალისაკენ, რომელსაც გვერდით ორი ბავშვი ამოსდგომა. მონა ქალი მოხუცია და ძლიერ მთვრალი. მოგვიახლოვდა თუ არა, მან მიწაზე ჩაიკეცა და მრისხანე ხმით შეეკითხა ახალგაზრდას—ვინ ხარ, რა დამგართიაო? ეს ქალი აღელვებით უამბობს: „დედი, წუხელ იორზე გადმოვდიოდი, იმ ტიალ იორისა ძალზე მეშინია. წყალში რო შეველით, თვალი ამიჭრილდა და ეს ბალები კინაღამ წყალში ჩამიცივიდნენ, კინაღამ დამელუზნენ. დედი, გამიგე რა მიზეზია, მე თვალდამდგარს ხატი ხომ არას მიწყურებაო“. ამის გაგონებაზე მონა ქალმა ხმამაღლა



ქაბლა



შეუტია—კერპნი ხართ, გაუტეხელნი ხართ! როცა გაგიჟირდებათ მასთან, ხვალთ. ისე არც ხატი გაგონდებათ, არც ღმერთი. ხატი მაინც ბევრს ითმენს თქვენგან, დაილოცოს იმის სამართალი! აი იქ მიდი და ქადა დაჰკალიო—თან თამარის ხატზე მიუთითა, შემდეგ რის ვაი-ვაგლახით ფეხზე წამოდგა და ბარბაცით კვლავ დარბაზისაკენ წავიდა. ეს ცრუმორწმუნე ქალი კი თავქვე დაეშვა, თამარის ხატისაკენ. მას ხელში შესაწირავი ქადა ეჭირა, ხოლო ბავშვებს—ერთს თაფლის სანთელი და მეორეს სახედაშე არაყით საყეს ბოთლი.

მლოცველთა უმრავლესობამ საკლავებისა და ქადების შეწირვა შუადღემდე მოათავა, რის შემდგომ გაშალეს სუფრები სოფლების, ნათესაური ჯგუფებისა და ცალკეული ოჯახების მიხედვით და ქამა-სმასა და მოლხენას მიეცნენ. გახურდა დოლისა და გარმონის დაკვრა და ცეკვა-თამაში. ხატიონიც კოპალეს დარბაზს განშორდნენ და მიაშურეს თავ-თავის ოჯახების სუფრებს, რომლებიც

დარბაზის მახლობლად იყო გაშლილი.

დარბაზისა და საზარეს გვერდით, ხეების ჩრდილში, მეკულუხეთა ბანაკია და მათაც სუფრა აქვთ გაშლილი. მეკულუხენი არაყს ეძაღებიან და წყნარად საუბრობენ. მათ ემსახურებთ რამდენიმე მოხუცი მანდილოსანი, მათ შორის ხატის ორი მონა ქალი. „კულუხის“ პროცესიის მონაწილენი გამოწყობილი არიან ტყავებში, ნაბდებში და თავზე ბოხოხა ქუდეები ხურავთ. იქვე ბალახის საძოვრად მათი ცხენებია მიშვებული. მეკულუხეებს დიდი სასიარულო გზა უძევთ, მთის გადასავალი აქვთ დასაძლევნი და ამიტომ შესაფერისად მოკაზმულან.

მზე რომ დასავლეთისაკენ გადაიხარა, მლოცველები სუფრებიდან წამოიშალნენ და დაიწყეს შინ წასასვლელად მზადება. საღამოს 6 საათზე მეკულუხენიც დაიძრნენ,

ცხენებზე ხურჯინები გადაჰკიდეს და შეუდგნენ გზას „თამარის კალოსაკენ“. მეკულუხენი „კალოზე“ ააცილეს ადგილობრივმა გვეისბერებმა, დასტურებმა, ხატის მონებმა და ზოგიერთმა მლოცველმა. პროცესია „კალოზე“ შეჩერდა. მისმართმა წევრმა ამოალაგა ქადის ნაჭრები, ჩამოასხა არაყი და დაიწყეს ერთმანეთის დალოცვა იხინჯის ხატების სახელით. არაყი რომ შესვეს მეკულუხეებმა განაცხადეს—მაშაპაპური წესის მიხედვით ეხლა აქ ფერხული უნდა დაგვება, მაგრამ გვიან არის, ჩვენ კი შორი გზა გვაქვს სავალი და ამიტომ გვეშურისო. გამცილებლები დაეთანხმნენ, ფერხულის ნაცვლად კიდევ ერთხელ არაყი შესვეს სათანადო ლოცვა-ვედრების წარმოთქმით, დამხდურები და წამსვლელები ერთმანეთს გადაეხვივნენ, ერთურთს გზა დაულოცეს და განშორდნენ. მეკულუხენი ჩრდილოეთისაკენ დაიძრნენ, გამცილებლებმა კი პირო



იბრუნეს თიანეთისაკენ და ვაკეზე დაეშენენ. ასე დამთავრდა წელს სხვა დროს დღეობის დასასრულის ჟამს მეკულუხენი, ადგილობრივი ხატიონნი და მლოცველები, „თამარის კალოზე“ ასვლამდე, იხინჭის მთის წვერზე აღი-  
ოდნენ და იქ „კოპალეს დედის საფლავს“ და კოპალეს მთავარ სალოცავს (ივრის ფშავლებისას) მოილოცავდნენ ხოლმე. წელს რიტუალის ეს მომენტიც გამოტოვებულ იქნა.

როგორც გადმოგვცეს, იხინჭიდან მეკულუხენი შემდეგი მარშრუტით მიემ-  
გზავრებიან: პირველად მივლენ სოფელ ბაჩალში, სადაც ორი ხატი აქვთ მოსა-  
ლოცავი, შემდეგ—ბელელთანაში, სადაც სალოცავი „დევის სკამია“; იქ ღამეს  
გაათევენ და დილას აჭკვებიან გზას ფადლაურას მწვერვალისაკენ, ფადლაურას  
მწვერვალით გადავლენ ჭიჩოში, ჭიჩოდან მათურაში და, ბოლოს, მიადგებიან უძე-  
ლაურთკარს, სადაც კოპალეს მთავარი ხატია და ამ ხატის დღეობა იმართება  
ამ დროს არაგვის ფშავში. იქ „კულუხის“ პროცესიის მონაწილე ივრის ფშავ-  
ლები ხატს მოილოცავენ და შემდეგ უკან, შინისაკენ ბრუნდებიან. პროცესიის  
დანარჩენი წევრები კი (არაგვის ხევის ფშავლები) ხევსურეთის გზას დაადგე-  
ბიან, ჯაჭაბოში გადავლენ და ხევსურეთის ისეთ სოფლებს შოივლიან მოსალო-  
ცავად, სადაც კოპალეს სახელობის ხატები მოიპოვება.





ქვიზ უსტატი  
 მახტა ჯაშიაშვილი  
 1912-თიანეთი

21 ივლისი. ქვემო-თიანეთი. დილიდანვე ვეწვიეთ 51 წლის მარტია მიხეილისძე ჯაშიაშვილს, საფლავის ქვების პირველ ოსტატს თიანეთის რაიონში. 33 წელიწადია რაც ის ამ ხელობას ეწევა. მარტიას გადმოცემით ამაზე ადრე თიანეთის რაიონში საფლავის ქვებს არავინ არ აკეთებდა და ადგილობრივი მოსახლეობა ამგვარ ძეგლებს მაშინ თელავიდან და თბილისიდან ეზიდებოდა.

მარტია ჯაშიაშვილი კახელია, თელავის მახლობელ სოფელ ვარდისუბანში დაბადებული. ის თურმე ერთი წელიწადი ამ სოფლის სკოლაში სწავლობდა. ამის შემდეგ წერილშვილსა და ღარიბ მამა მისს სწავლისათვის თავი დაუწებებინებია, 9 წლის მარტია თელავში წაუყვანია და მიუბარებია მოჯამაგირედ კერძო ოჯახში, სადაც მას 4 წელიწადი დაუყვია. 13 წლისა რომ შესრულებულა, მამას მარტია შეუკედლებია ქურციკაშვილის ოჯახში იმისათვის, რომ ქურციკაშვილს მისთვის თავისი ხელობა, მეჭურჭლეობა, შეესწავლებინა. აქ ქურციკაშვილის შეგირდობისა და მოჯამაგირეობაში მარტიას დაუყვია 5 წელიწადი, რის შედეგად ქაშანური ქურჭლის მოხელება შეუთვისებია. მაგრამ ამ ხელობას ის საბოლოოდ ვერ დაუკმაყოფილებია და 18 წლის მარტია გადასულა

ქურციკაშვილის ძმასთან, სოსიკოსთან, რომელიც საფლავის ქვების მშენებელი ყოფილა. ამ დროს თელავში თურმე საფლავის ქვების მკეთებელი სამი ოსტატი ცხოვრობდა, რომელთაგან მარტიას უმჯობინებია სოსიკო ქურციკაშვილს მიბარებოდა შეგირდად, ვინაიდან ის საუკეთესო ქვის მთლელი ყოფილა და ამასთანავე მარტიას ნათლიაც.

ქვის დამზადების საქმე მარტიამ ექვს თვეში შეისწავლა, მაგრამ სოსიკოსთან დაჰყო 4 წელიწადი და მას უსასყიდლოდ ეხმარებოდა როგორც შეგირდი. სამაგიეროდ მარტია ცხოვრობდა ქურციკაშვილის ოჯახში და საკმელსასმელით უზრუნველყოფილი იყო. ამ ვადის შესრულების შემდეგ ჯაშიაშვილმა მიიღო ქარგლის სახელწოდება და გადაყვანილ იქნა ქვის სამუშაოზე თიანეთში. მისი თიანეთში გადაყვანა შემდეგ გარემოებას გამოუწვევია.

სოსიკო ქურციკაშვილს ერთი ამხანაგი ჰყოლია სოფელ თეგერანებიდან (ყ. თიანეთის მაზრა), გვარად თეგერაშვილი. თეგერაშვილი შეძლებული კაცი ყოფილა. ის თურმე თელავში ცხოვრობდა, ღვინით ვაჭრობდა და სოსიკოს წარმოებაში ფულად დახმარებას უწევდა. 1910 წლის ახლო ხანებში თეგერაშვილს რუსეთის პოლიციამ დევნა დაუწყო. მას აბრალებდნენ ძველი (1905 წლის) რევოლუციონერების მფარველობასა და შენახვას და მოითხოვდნენ მისგან ამ რევოლუციონერების გაცემას. თეგერაშვილი კარგა ხანს აცდენდა პოლიციას, მაგრამ ბოლოს გაუგეს თვალთმაქცობა და დაქერა დაუბირეს. მაშინ თეგერაშვილმა სასწრაფოდ ლიკვიდაცია უყო თავის სავაჭროს თელავში და საცხოვრებლად თიანეთში გადასახლდა. სოსიკო ქურციკაშვილმა მასთან ახალგაზრდა მარტია გააყოლა. ქურციკაშვილმა და თეგერაშვილმა თიანეთში დააარსეს, თუ შეიძლება ასე ითქვას, ფილიალი თელავის საფლავის ქვების სახელოსნოსი და ამ ფილიალს ორი წლის განმავლობაში მარტია უძღვებოდა. ის, როგორც ამხანაგობის ქარგალი, თეგერაშვილისაგან ჯამაგირს იღებდა. ამ ხანად მარტიას ცოტაოდენი ფული დაუგროვებია, ორი წლის თავზე ქარგლობისათვის თავი დაუნებებია და დამოუკიდებელი მუშაობისათვის მიუყვია ხელი. ამიერიდან მარტია ჯაშიაშვილი ქვის მთლელი ოსტატი გამხდარა.

თიანეთში საბოლოოდ დასახლების შემდგომ მარტია ფიჭრობდა თავისი ძველი ხელობა, ქაშანური ჭურჭლის კეთება, განეახლებინა, მაგრამ თიანეთის რაიონში სათანადო ნიადაგი (თიხა) არ აღმოჩნდაო. ამიტომ მან ისევ საფლავის ქვების ოსტატობას მიჰყო ხელი. საფლავის ქვის ოსტატი, ისევე როგორც ჭურჭლის მოხელე, დასამუშავებელ მასალას თვითვე სჭრის და საბადოებიდან ეზიდება. საზოგადოდ ქვის მოხელობა მძიმე საქმეა და მას მარტოხელა კაცი ვერ აუღდის. ამიტომ მარტიამ დამოუკიდებელ მუშაობაში ფეხი მოიკიდა თუ არა ვარდისუბნიდან თავისი უმცროსი ძმა გაიწვია, თიანეთში თავისთან დაასახლა, თავისი ხელობა შეასწავლა და ამგვარად მუდმივი დამხმარე ცოცხალი ძალა გაიჩინა. ამ მუდმივი დამხმარე ძალის გარდა დრო გამოშვებით, მაშინ, როდესაც მუშაობა ქვის საბადოებში წარმოებდა, მარტია სხვა მუშა-ხელსაც იხმარიებდა, ჭირით.

პირველ ხანებში საფლავის ქვად გამოსადეგ მარაგს ოსტატი ეზიდებოდა გლდანის მახლობლად მდებარე სოფელ მამკოდიდან, რომელიც თიანეთს და-



ახლოვებით 40 ვერსით შორავსო. შემდეგში მარტიამ მიაკვლია საფლავის: ცხელი  
საბადოს თელავის რაიონში, ადგილ ილდაკანში, რომელიც თიანეთიდან 15-დე  
ვერსით არის დაშორებული, ახმეტაში მიმავალი გზის პირად ძვეს, და ამ ქვის  
ექსპლოატაციას მიჰყო ხელი.

მარტიას თქმით, მამკოდისა და ილდაკანის ქვები განსხვავებული ჯიშებია. მამკოდის ქვა ფერად ორი ჯურაა: მტრედისფერი და მოყვითალო. ამ ჯიშის ქვა იმით ყოფილა კარგი, რომ იგი „ფიცხი არ არის, მალე არ ტყდება და ბანდია: ამ ქვიდან როგორი ქანდაკებაც გინდა, ისეთს გამოიყვან და საღებავებსაც კარგად იღებსო“. ილდაკანის ქვა კი, პირიქით, სამუშაოდ ძნელია, „ძალიან ფიცხია, შუშასავით იბზარება და იმტვრევა, ფერად ჭრელია—გარედან მოყვითალო და შიგნიდან მოლურჯო“. ილდაკანის ქვა უფრო მძიმეც ყოფილა მამკოდის ქვაზე. სანიმუშოდ რომ ავილოთო, განმარტავს მარტია, ერთიდაიგივე ზომის ქვები, ერთი ილდაკანიდან და მეორე მამკოდიდან, თუ ილდაკანის ქვა 60 ფუტს აიწონის, მაშინ მამკოდისა დაახლოვებით 50 ფუტამდე იქნებაო. ვარდა ამისა მამკოდის ქვა ოსტატისათვის ვაცილებით უფრო საადვილო ბუნებრივ პირობებში ყოფილა მოცემული, ვიდრე ილდაკანისა. იგი თურმე მიწის ზედაპირზეა, კლდიდან იჭრება და ადამიანის დაუხმარებლად ვაკეზე მიგორავს. ილდაკანის ქვა კი მიწით დაფარულია. მის ამოსაღებად ოსტატს უხდება ნიადაგის ჩაჭრა ორი მეტრის სიღრმეზე, რის შემდეგ მოჭრილი ქვა რის ვაი-ვაგლახით მიწის ზედაპირზე ამოაქვთ. ამ საქმისათვის გადაჭარბებული მუშა-ხელი და შრომის გაწევვაა საჭირო. ერთი სიტყვით, მამკოდის ქვა ყოველმხრივ უკეთესი ყოფილა ილდაკანის ქვაზე და ოსტატისათვის დასამუშავებლად უფრო ადვილი. მაგრამ ილდაკანის საბადო თიანეთელ ქვის მოხელეს თავისი სიახლოვეთ იზიდავს.

მამკოდში მგზავრობას—ურმით წასვლასა და იქიდან ქვის მოტანას, სულ უკანასკნელი სამი დღე-ღამე მაინც დასჭირდება მაშინ, როდესაც ერთ დღეში ოსტატი ილდაკანში ჩავა, იქ ქვასაც მოსჭრის და მის თიანეთში მიტანასაც მოასწრებს.


საფლავის ქვის ზიდვა მხოლოდდამხოლოდ ურმის საშუალებით ხდება. ერთი ურეში საშუალოდ 50-60 ფუთიან ქვას დაიდებს. იმისდა მიხედვით თუ როგორია მოთხოვნილება—დიდი საფლავის ქვისაა, თუ პატარის—ოსტატი თითო ურმით ეზიდება 40-50 ფუთიან ქვას, ან ორ ცალს 20-20 ფუთიანსა და ან ოთხ ცალს 10-10 ფუთიან ქვებს.

საბადოებში წასვლა, იქ ქვის მოჭრა და მოტანა შემდეგი წესით სრულდება: ილდაკანსა ან მამკოდს მიმავალი მოხელე შეებაშს ურემს და დატვირთავს მას საჭირო სამუშაო იარაღებით—ბარით (თუ ილდაკანში მიდის), „სათხრელი და სათლელი (წვერიანი) წერაქვით“, „სახეთქი სოლებით“, „ლამფარებით“, „უროთი“, „რკინის კეტებით“ და სხვა ხელსაწყოთი, და თავის გამოსაკვებად საჭირო რაოდენობის სურსათ-სანოვავით.

ილდაკანში მისული ოსტატი იწყებს უწინარეს ყოვლისა ბარით ნიადაგის ზედაპირის გადახსნას და მიწის ჩათხრას კლდის გამოჩენამდე. შემდეგ შეუდგება შიშველი კლდის „ჩაჭრას“. მამკოდს საბადოებშიც და ილდაკანისაშიც



კლდის ჩაქრა ხდება „სათლელი წერაქვით“, რომელსაც აქვს „ტარჩი“ და „ტოქა“ დის „წვერი“ და რკინის „ყუა“ („ყუა“ რკინისა კეთდება და არა ფოლადისა, ვინაიდან ფოლადი ფიცხია და წყალში ნაწრთობი მალე ტყდება. „ყუა“ გამძლე უნდა იყოს, მას მუშაობაში დიდი ძალა ადგია). კლდის ჩაქრილ ადგილებში ოსტატი „ლამფარებსა“ და „სახეთქავ სოლებს“ არკობს. „ლამფარები“ მსხვილფეხა საქონლის, უმთავრესად კამეჩისა და ხარის, ძველ ნალებს ეწოდება. „ლამფარები“ სოლების დასამაგრებლად იხმარება. მათი შემწეობით სოლები კლდე-



ში მაგრად იქედება და დარტყმის დროს აღარ ამოცვივია. ჩაქრილი კლდის უოველ თითო მეტრის სიგრძეზე 8-10 სოლია საჭირო. სოლს ზემოდან „უროს“ არტყამენ იმ დრომდე, ვიდრე ჩაქრილი კლდე არ გასკდება. „უროს“ აქვს „ტარი“, „ნარიკი“ და „პირი“. კლდიდან მოხეთქილი ნაწილი ადამიანის დაუხმარებლად მიწაზე ეშვება.



ამ მომენტამდე მუშაობის პროცესში ჩაბმულია ჩვეულებრივ ერთი თვით მარტია ან მისი ძმა, რამდენიმე კაცის ხელი საჭირო ხდება მოჭრილი ქვის ვაკეზე გადასატანად. ამ საქმისათვის და ურემზე ქვის დასადებად ოსტატი ქირით გარეშე პირებს იხმარიებს. ისინი ქვას „რკინის კეტებით“ ეზიდებიან. ვაკეზე, მოხერხებულ ადგილას ქვის მოთავსების შემდგომ ოსტატი იწყებს ამ ქვის „გაკოპიტებას“ — „სათლელი წერაქვით“ ზედმეტი ნაწილების გაცლას. ის უნდა დააყენოს საფლავის ქვის ჩვეულებრივ ზომაზე. საფლავის ქვის ზომა თიანეთის მოხელეებისათვის არის: სიგრძე—2 არშინი, სიმაღლე—3 ჩარეკი და ბოლო—2 ვერშოკით ნაკლები. ამ ზომაზე დაყენებულ ქვას „გაკოპიტებული ქვა“ ეწოდება. „გაკოპიტებული“ ქვა ურემზე იდება. ის უკვე მზადაა შინ წასაღებად.

საფლავის ქვის სპეციალური დამუშავება შინ (თიანეთში) ხდება. აქ მას პირველად „ბრტყელი კალმით“ „გათლიან და ჩაასწორებენ“, შემდეგ გათლიან, ე. ი. „სათლელი წვერიანი წერაქვით“ და ფოლადის „ბრტყელი კალმით“ ქვის უსწორ-მასწორო ამობურცულ ადგილებს ააცლიან, და კვლავ „ბრტყელი წერაქვითა“ და ფოლადის „ბრტყელი კალმით“ კუთხეებს გაუჟეთებენ. კუთხეების სწორად გამოყვანისათვის „გონიო“ იხმარება. გონიო  $3 \times 2$  ჩარეკიანია და მთლიანად ფოლადისაა იმისათვის, რომ ხმარების დროს არ მოიხაროს ან, პირიქით, არ გაიშალოს. გათლილ და კუთხეებგამოყვანილ ქვაზე ოთხკბილა „საყევი წერაქვით“ მაღალ და დაბალ ადგილებს ასწორებენ. ამ სამუშაოს მოსდევს ქვის „დაყეფვა“ თექვსმეტკბილიანი „საყევი ჩაქუჩით“, რომელიც მთლიანად ფოლადისაა, შემდეგ „მოკოდვა“ ფოლადისავე „საკოდელით“ და, ბოლოს, „გახეხვა“ ქვის ნაჭრით, რომელსაც „ქასური“ ეწოდება; დამუშავებულ ქვას წყალს გადაავლებენ და ქასურით ისე ხეხავენ. ამით თავდება ქვის ოსტატის მძიმე სამუშაოს მეორე ნაწილი. ქვა მზად არის მასზე წმინდა და სუფთა ხელობის შესასრულებლად—სახატავად და საწერად.

ქვაზე „დახატვა“ და „დაწერა“, ასოების გამოყვანა, თავის მხრივ შეიცავს ერთი მეორის მიმდევრო ორი სახის სამუშაოს. პირველია, ქვაზე სახეების ამოკვეთა და ასოების ამოღარვა; მეორეა, ქვის სხვადასხვა ფერის საღებავებით შემკობა.

ეს მუშაობა მოითხოვს შემდეგ იარაღებსა და ხელსაწყოს: ფოლადის „საწერ კალმებს“ და „ხელკერს“, „კვერს“ ანუ „ხელის ჩაქუჩს“ (რომელსაც აქვს ფოლადის „ყუა“ და შვინდისგან გათლილი „ტარი“) გამოსახულებათა ამოსაკვეთად და ასოების ამოღარვისათვის, ხოლო გასაფერადებლად—„ბატის ფთის ფუნჯს“, „ნაყიდ ფუნჯებს“, ნახშირს და საღებავებს, რომელთაგან თითქმის მულმივად იხმარება წითელი, ყვითელი, შავი, თეთრი და „მტრედისფერი“— შავი და თეთრი საღებავების შენაერთი. ქვის შესაღებავ არეს ოსტატი პირველად მთლიანად თეთრად შეღებავს და შემდეგ სხვა ფერად საღებავებს ხმარობს.

აღნიშნულ ხელსაწყოსა და იარაღების გარდა ქვის მოხელე იხმარიებს ადამიანის გამოსახულების სწორად გამოყვანისათვის ფოლადის „ფარგალს“ და სწორი ხაზების ნახშირით გასახაზავად „შიმშას“ (იარაღების სურათები იხ. გვ. 155)

მარტია ჯაშიაშვილი იცნობს საფლავის ქვების მოხელოების სამ სკოლას: თბილისისას, დუშეთისას და თელავისას; უკანასკნელის ტრადიციების გამგრძელებლად თავისი სახელოსნო მიაჩნია, რის საბუთად მარტიას სხვათა შორის ხალხური ანდაზა-კვი მოჰყავს. ნათქვამიაო, ამბობს ის, რომ „ნათლულს ნახევარი გვერდი ნათლიისა აქვსო“. თელაველი სკოლის საუკეთესო ოსტატი კი ჩემი ნათლიაც იყო და მასწავლებელიც. ამიტომ ნახევარი გვერდი თუ მისმა ნათლიობამ მომცა, მეორე ნახევარი მასთან შეგირდად ყოფნამ შემმატაო.

მარტიას შეხედულებით, დასახელებული სამი სკოლის მოხელოება ერთ-ერთისაგან საგრძნობლად განსხვავდება. თბილისის სკოლიდან, ზოგადად რომ ითქვას, კარგი ხელობის საფლავის ქვები გამოდისო, ამ სკოლის თავისებურება იმაში გამოიხატება, რომ სახეები ქვაზე ღრმად არის ამოკვეთილი, რის გამო სურათი მეტად რელიეფურია და ამიტომ მას მეტი სიცხოველე ახასიათებს. სილამაზის გარდა ამგვარი ხელობით გაკეთებული მხატვრობა გამძლეც არის, ვინაიდან ღრმა რელიეფი დიდი ხნის განმავლობაში არ იშლებაო. მარტია ფიქრობს, რომ ამგვარი ხელობის განვითარებას ხელს უწყობს თბილისელი ოსტატების მიერ ხმარებული ქვის ჯიში: ის მეტის-მეტად „ბანდია“ და ოსტატს როგორც უნდა ხელში ისე მოსდევსო.

დუშეთური სკოლა მეტად სუსტიაო, გვარწმუნებს მარტია. ის მდარე ღირსების საფლავის ქვებს უშვებს, მის მხატვრობაში მოცემულია კლანჭებივით მოკლე და წვრილი თითები, გრძელი და სწორად გადაჭრილი ნიკაპი და ცუდად მომრგვალებული თავიო.

თელავის სკოლა არსებითად სოსიკო ქურციკაშვილმა შექმნა, თუმცა ორი-სამი თაობით მასზე ადრე იქ ქვის მოხელოება არსებობდაო. მარტიას სმენია, რომ თელავში საფლავის ქვების გათლა და მათზე წარწერების ამოღარვა პირველად „საბერძნეთიდან“ მოსულმა ერთმა მოხეტემა „ბერძენმა“ შემოიტანაო. ქვაზე სურათების ამოკვეთა და მათი ფერადებით შეღებვა ამ მოხეტეს არ სცოდნია, თელავში ოსტატობის დროს მას გამოუზრდია კახელი სანდრო აღნაშვილი, რომელიც თურმე თავის საქმიანობაში ზედმიწევნითი სიუსუსტით ასახავდა მასწავლებლის ხელობას, მაგრამ ახალი ამ ხელობაში არაფერი შეუტანია.

მარტიას მიერ დიდ ხელოვანად მიჩნეული სოსიკო ქურციკაშვილი, მარტიას ოსტატი, აღნიშნული სანდრო აღნაშვილის ნაშეგირდალი ყოფილა. ვიდრე ქურციკაშვილი ქვის ხელობას შეისწავლიდა, მას დაუფლებული ჰქონია ქაშანური ჭურჭლის კეთების საქმე. ამის წყალობით სოსიკომ თურმე კარგად იცოდა დახატვის ხერხები და ფერებს შეხამება, რამაც ხელი შეუწყო მის ნოვატორობას საფლავის ქვების მოხელოების საქმეში.

სოსიკო ქურციკაშვილს, ქვის ოსტატად გახდომის შემდგომ, „ბერძნისაგან“ მომდინარე მოხელოებაში კარდინალური ცვლილება შეუტანია: მას დაუწყია ქვებზე სახეების ამოკვეთა და ზეთის ფერადი საღებავებით მათი შეფერადება. მხატვრობის ეს ხერხი გადაუღიათ თელავის დანარჩენ ქვის ოსტატებს და ამგვარად თელავში საფლავის ქვების კეთების ახალი სახე დამკვიდრებულა.

როგორც აღვნიშნეთ, მარტია ჯაშიაშვილი თელავის სკოლიდანაა გამოსული და ის თავისი ძმითურთ თიანეთში ამ სკოლის ტრადიციებს აგრძელებს.



მათი ხელობის თავისებურება მხოლოდ ისეთ დეტალებში მკლავდება როგორცაა, მაგალითად, ქვაზე გამოსახული მიცვალებულის შემოსვა და შემკობა თიანეთის რაიონის მოსახლეობის მიერ ხმარებული ტანისამოსითა და სამკაულებით. რაც შეეხება თვით მხატვრობის მიმართულებასა და ქვის გათლის ტექნიკას, ისინი, თელავის ოსტატების მსგავსად, ცდილობენ ადამიანის რეალისტური გამოსახულების მოცემას და არ ამახინჯებენ ადამიანის სხეულის ნაწილებს, რაც თითქოს დუშეთის სკოლისათვის ყოფილა დამახასიათებელი. თბილისის სკოლისაგან კი თელავისას და მის თიანეთის „ფილიალს“ ასხვავებს სახეების ამოკვეთის ტექნიკაში მცირე რელიეფი. ეს ვითარება გამოწვეულია უმთავრესად იმით, რომ თელავსა და თიანეთში ხმარებული საფლავის ქვების ჯიშში შედარებით ფიცხია და მაგარი და ამიტომ ოსტატი ვერ ახერხებს სახეების ღრმად ამოკვეთასო.

დაბოლოს, აღსანიშნავია ერთი საყურადღებო გარემოებაც. საფლავის ქვების კეთების დროს სახმარებელი იარაღების დიდ უმრავლესობას, მარტიას თქმით, თვით ქვის ოსტატი ქედავს, ვინაიდან მკედელი, რაც უნდ კარგი მკოდნეც არ უნდა იყოს თავის ხელობისა, ვერ ახერხებს ამ იარაღების, მათი ნაწილებისა და დეტალების შესაფერისად გამოყვანას და მათთვის საჭირო გამძლეობის მინიჭებასო. ამავე მიზეზით ქვის ოსტატი თურმე თავის გაცვეთილსა და გატეხილ იარაღებსაც თვითვე შეაკეთებს ხოლმე.

„ბატონების“ კულტის გადმონაშთები ივრის ხეობის ფშავლებში მკრთალდაა შემონახული. სამაგიეროდ აქაურ კახებში ეს გადმონაშთები ჯერ კიდევ გვხვდება. ნაწილის პელო მიდელაური გვიამბობს: ყვავილს, წითელას, ქუნთრუწას, ყვიანახველას „ბატონები“ ეწოდება. ისინი ანგელოზები არიან. როდესაც რომელიმე ოჯახის ბავშვს წითელა ან ყვავილი ეწვევა, ამ ბავშვს სამი დღე-ღამის განმავლობაში ვააცხელებს და მეოთხეზე გარედან დააყრის. ჩვენ უკვე ვიცით, რომ ეს „ბატონების“ მობრძანების ნიშანია, ამისათვის მკითხავი საჭირო არ არის; ამ დროს მკითხავის დაძახება არც არის მიღებული—„ბატონებს“ სწყინთო.

ყვავილბატონებიან ბავშვს თეთრები უნდა; ნათქვამია, ყვავილს თეთრი თავები აქვსო. ხოლო თუ ბავშვს წითელბატონები შეეყარა, მაშინ მასაც და იმ ოთახსაც, სადაც ის წევს, წითლით ამკობენ.

ბატონებიანი ავადმყოფის ლოგინზე შაქარს გადააყრიან და მისი ლოგინის მახლობლად კედლის თახჩაში სუფრას გაუფენენ. სუფრაზე აწყობენ ჩამიჩს, ფორებიან კამფეტებს, ვაშლს და სხვა ხილეულს, საზოგადოდ ყოველგვარ ხილეულსა და ტკბილეულს, გულამოჩგრეტილ პატარა მრგვალსა და თხელ კვერებს და სხვ. თუ ბატონები ყვავილობის დროს მობრძანდნენ, მაშინ სუფრას მინდვრის და ბალის სხვადასხვაგვარი ყვავილებით შეამკობენ. ამბობენ, ამ სუფრაზე ბატონები ისიამოვნებენო.

იმ სახლში, სადაც ბატონები ბრძანდებიან, საქმის გაკეთება არ შეიძლება. მხოლოდ დედაკაცები „ტარს“ თუ დავაბრუნებთ—ბატონებს ელხინებო. არც ქათმის დაკვლა და არც რისამე დუღება, ან სარეცხის გარეცხვა ბატონებიან ოჯახში არ შეიძლება.

ის პირები, რომელთაც ბატონები არ უხდიათ, ბატონებიან ოჯახს ერი-  
დებიან, ასეთ სახლში არ შევლენ—ბატონები ვაგვეყვებო. მხოლოდ შინაურები  
და მახლობლები ართობენ ავადმყოფს—ფანდურზე უკრავენ, „იავ-ნანას“ მღე-  
რიან და თამაშობენ. ვანსაკუთრებით „დაგიყდებიან“ დედები და ბებიები.  
ოღონდაც ბატონებმა ჩვენ შეიღს ან შეიღს უღსინოსო და ხტიან, ბუჭ-  
ნაობენ, სასაცილოდ იმანჭებიან და იგრიხებიან. როდესაც ავადმყოფი მძიმე  
მდგომარეობაშია, მაშინ ისინი სრულიად გაშიშვლდებიან და ისე თამაშობენ.  
ცოლქმრული კავშირის დაკერა ბატონებიან ოჯახში არ შეიძლება.

ბატონებიან ოჯახში ყოველ საღამოს კერაში ბაზმას ანთებენ—ნიგოზს  
ციცხლს წაუქიდებენ და კერის პირად დადებენ.

როდესაც ავადმყოფი მორჩება ბავშვის სუფრას „ქერქექელაზე“ (ხის ქერქ-  
ზე) გადაიტანენ, „გზაჯოროდინზე“ ვავლენ და ამ ქერქექელას ლობეში შეარ-  
ქობენ—ამას „ბატონების გადალოცვა“ ჰქვია. ქერქექელაზე ვაწყობილ საქ-  
მელს ჩვეულებრივ ფრინველები შესჭამენ, მას აღამიანი არ გაეკარება, ეშინია—  
ბატონები არ გამოიყვებიან.

ბატონებმა ხშირად თვალის სისხნულის დატოვება იციან. „კვირიანობა“  
დღეს ასეთი ავადმყოფის სახელზე კვირიაში ქათმის მამალს შეუფრენენ—თვა-  
ლით ავადმყოფს თვალები მოურჩება.

პელო მიდელაურს „იავ-ნანას“ საგალობლის მთლიანი ტექსტი აღარ ახ-  
სოვს. მისგან ჩავიწერე ამ საგალობლის შემდეგი ფრაგმენტი:


იავ ნანა, ვარდო ნანა,  
იავ ნანინაო.  
ბატონების მამიდასა,  
იავ ნანინაო,  
ქვეშ გაუშლი ხალიჩასა,  
ვარდო ნანინაო.  
ფარჩის საბანს წამოვასხამ,  
იავ ნანინაო.  
ჩვენს ყმაწვილებს უღსინევით,  
ვარდო ნანინაო.  
შვიდობითაც მაგბრძანდებით,  
იავ ნანინაო.  
შვიდობითაც წაგბრძანდებით,  
ვარდო ნანინაო.  
გაუმარჯოს თქვენ მოსვლასა,  
იავ ნანინაო.  
გაუმარჯოს თქვენ წასვლასაც,  
ვარდო ნანინაო.  
ჩანგურითაც გაგისტუმრებთ,  
იავ ნანინაო.

სუფრასათამც მოგართმევთა,  
 ვარღო ნანინაო.  
 იას და ვარღს ვაგიფენთა,  
 იავ ნანინაო.

აღსანიშნავია, რომ ივრის ხეობის მოსახლეობაში (ფშაველებში, ხევსურებში და კახებში) ბარბაღეს სახელწოდებით ამ ღვთაების თუ წმინდანის კულტის გადმონაშთები არ მოწმდება.



ჩახჩუნი და შიგნითა  
 საშკუთხეში მძივები და  
 საყურები უვითულა;  
 ვაბა, ბაღათი და ვაჩიძა  
 საშკუთხეში მკუკვირთხა-  
 წითული;  
 საბე, ბეჭები და ფეხ-  
 ნი კანისაფეხის  
 თმა, წახჩუნი ქაშახი,  
 შახვლი და ჩქმ  
 ნი შავია;  
 ფანი და დაბეღბუღობა;  
 და ხაყმაღა შიღობილი



**22 ივლისი. სოფ. ზემო-თიანეთი, ტუშურები.** ზემო-თიანეთი დიდი სოფელია, რომელიც მრავალი უბნისაგან შედგება. ადგილობრივი მოსახლეობა ამ უბნების უმრავლესობას ცალკეულ სოფლებად მიიჩნევს და მათ ასეც უწოდებენ. ეს უბან-სოფლები, მცირედი გამონაკლისის გარდა, გვარის სახელებს ატარებს. ასეთებია:

ჯერგალიძეები	ღვინიაანები
უშკიანეები, ანუ ხოფცა	წიკლიანთკარი
ზარიძეები	მგელიანები, ანუ ალაქანი
იარაჯულები	ბიჩელაანები
ჯანგირაანი	კახუაანები.

დანარჩენების სახელებია: ტუშურები, ჯიჯეთი და ვერხველი.

თითქმის ყველა უბან-სოფელს თავისი სალოცავი ხატი გააჩნია. ეს სალოცავები კვირიას, ჯმალას და კოპალეს სახელობისაა. ამათგან ყველაზე გავრცელებულია კვირიას სალოცავი, რომლის ნიში თითქმის ყველა ჩამოთვლილ სოფელში დგას.

საკულტო ძეგლებით განსაკუთრებით სოფელი ტუშურებია მდიდარი. ისინი მოთავსებული არიან გორაკზე, რომელიც სოფელს სამხრეთიდან აკრავს. ეს ძეგლებია: „ლაშარის ჯვარი“, „ლეთისმშობლის ბეღელი“, „კვირია“, „ლეთისმშობელი“, „ვანაძეების ხატი“, „თეთრი გიორგი“ და „ფუქის ანგელოზი“.


ლაშარის ჯვარი ოთხკუთხი ფორმის ნიშია აგურითა და ქვა-კირით ნაგები. სახურავი ორწახნაგოვანი აქვს, ქართული კრამიტით გადახურული. სამი მხრით—დასავლეთით, აღმოსავლეთით და სამხრეთით—ნიში ოთხკუთხი მოყვა-



ნილობის თახჩებია დატანებული. ფასადი აქვს დასავლეთით, სადაც აღმოსავლეთით თახჩა თალიანია. ფასადის კედელში აგურის სათანადო წყობის საშუალებით გამოყვანილია ჯვარის გამოსახულება, რომლის თავზე ქვისაგან გამოქანდაკებული ადამიანის გამოსახულებაა ნაწილობრივ კედელში დატანებული. ამ გამოსახულებას ადგილობრივი მოსახლეობა „ლაშა გიორგის“ ანუ „ლაშარს“ უწოდებს. „ლაშა გიორგის“ თავი ნიშზე აღმართული რკინის ჯვარის საყრდენს წარმოადგენს. ლაშარის ნიშის გვერდზე გარეული ვაშლის ხე დგას. ნიშს გარშემო ჰქონია საკირე ქვისაგან ნაგები მრგვალი გალავანი, რომელიც ამჟამად დანგრეულია.

ხალხის გადმოცემით, ლაშარის ჯვარის ადგილზე უწინ რაღაც ძველი შენობის ნანგრევი ყოფილა. აქ ერთხელ თურმე „ლაშარი“ მობრძანებულა თავისი ლაშქრით და მათ ამ ადგილზე შეუსვენიათ. „ლაშარის“ პატივსაცემად და ამ ამბავის ნიშნად ხალხს იქ ლაშარის სალოცავი აუჯია.

მოსახლეობის რწმენით, „ლაშარი“ „თამარ-დედუფლის“ შვილია. „თამარ-დედუფალი“ თურმე ქალწული იყო და ვათხოვებას არ აპირებდა. ხალხს ძალიან სწყენდა ეს ამბავი—ჩვენი მეფე უძეოდ გადაშენდებოა. ერთხელ ვაზირები შეყრილან და გადაუწყვეტიათ—ერთი ჩვენგანი თამარს უნდა შეეუღლოსო. კენჭი უყრიათ და „დედუფალთან“ მისვლა ერთ ვაზირს რგებია. ის ღამით მისულა თამართან, მძინარეს მიჰპარვია და „ლაშარიც“ მაშინ ჩასა-





ზულა. „ლაშარი“ მეტად უშნო დაბადებულა, დიდი ლაშებიანი. დედას არ მიუღია ასეთი შვილი და უბრძანებია—წადით, სადმე გადაადგეთ, მოჰკალითო. ხალხს ბავშვი სასიკვდილოდ ვერ გაუმეტებია და ის ფარულად გაუზრდიათ. დიდი რომ გამხდარა, დედასთან მიუყვანიათ და უთქვამთ—აი ეს არის შენი განწირული შვილიო. თამარს შვილი მიუღია. „ლაშარ გიორგი“ თურმე, თუმცა მეტად ულამაზო სახისა იყო, მაგრამ ტანად ახოვანი და გულადი ვაჟაკი ყოფილა. მას ყველგან ლაშქარი დაუდიოდა თავისი ხალხის მტრების წინააღმდეგო.

ლაშარობა ამ ხატში აღდგომა დღესა და შემოდგომის გიორგობას სცოდნიათ. იგი სასოფლო დღეობაა. საზოგადოდ ტუშურების ხატების დღეობები ყველა სასოფლოა. ასეთი სასოფლო დღეობები აქ წელიწადში რამდენიმეა—ზემოაღნიშნულის გარდა, მარიობა, კვირაცხოვლობა და სხვ. თითოეულ დღეობაზე მორწმუნე სოფლელები ყველა ხატს ჩამოილოცავენენ ხოლმე. ამ დღეობებზე მოდიოდნენ ტუშურებიდან შორს გათხოვილი ქალებიც და თან შესაწირავები მოჰქონდათ. მორწმუნენი ამ დროს თავის სალოცავებს სწირავდნენ ქაღებს, თეთრი ფერის თავსაფრებსა და ნაჭრებს, ვერცხლის ფულს, საკლავებს (ვერძებს) და სხვ.

ხატების გარშემო გორაკზე მოთავსებული საყანე ადგილები უწინ ყველა ამ ხატებისა ყოფილა. მათ მაშინ თურმე მთელი სოფელი ამუშავებდა და მოწვეულ ხორბლეულს სახატო ბეღელში ინახავდა. მოჰყავდათ უმთავრესად ქერი და პური, მათგან არაყსა და ლუდს ხდიდნენ და დღეობებზე სასოფლოდ ხარჯავდნენ. თუ კერძო პირი გაბედავდა ამ მამულის მოხვნას, მას, ხალხის რწმენით, ხატი გააგიებდა.

ზემოაღნიშნული „ღვთისმშობლის ბეღლის“ ნანგრევები ლაშარის ჯვარის მახლობლად მდებარეობს. მოსახლეობა გადმოგვცემს, რომ „ბეღლის“ აგებამდე ამ ადგილზე რალაც ძველი შენობის ნაშთი იყოო.


ლაშარის ჯვარიდან სამხრეთ-აღმოსავლეთის მიმართულებით, კირციხლისა და მუხის ხეებს შუა, დგას „კვირიას ხატი“—აგურითა და ქვა-კირით ნაგები ოთხკუთხედი ფორმის ნიში, კრამიტით გადახურული ორწახნაგოვანი სახურავით, ფასადით დასავლეთის მხარეს და ჩრდილოეთის, აღმოსავლეთისა და დასავლეთის კედლებში დატანებული თახჩებით, რომელთაგან დასავლეთის თახჩა თალიანია, ხოლო ჩრდილოეთისა ვიწრო და მაღალი, სპარსული ყაიდის ტეხილი წვერიანი თალით.

მორწმუნეთა წარმოდგენით, კვირია შუამავალია ღმერთსა და ადამიანებს შორის და ის ღვთის კარზე დგას. კვირია პირველად ადამიანი ყოფილა და მხოლოდ შემდეგში გამხდარა ანგელოზიო.



მისი დღეობა კვირაცხოვლობას და აღდგომას მოდის. დღეობების გარდა, კვირიას ნიშთან ცალკეული ოჯახებიდან მლოცველები ყოველ კვირაძალზე მიდიოდნენ და ღამეს ათევდნენ ხოლმე.




კვირიას ხატის ზემოთ, გორაკის წვერზე, იფნის, კირცილას, მუხის, ნეკერჩხლის, წიფლის, პანტისა და მაქალო ვაშლის ბებერი ხეებისაგან შემდგარ ტყეში მოთავსებულია „ღვთისმშობლის ხატი“, რომელიც „საზარეს“, „ტრაპეზს“, მლოცველთა თავშესაფარ „დარბაზს“ ანუ „საჯარეს“ და თვით ამ ტყეს მოიცავს. „ტრაპეზი“ აგურითა და კირით ნაგებ კვადრატული ფორმის პატარა სამლოცველო შენობას წარმოადგენს. მას აქვს კვადრატულივე მოყვანილობის აგურის



იატაკი, დასავლეთით კარი, ჩრდილოეთისა და სამხრეთის კედლებში თითო პატარა და მოგრძო სარკმელი და აღმოსავლეთის კედელში კვადრატული ფორმის თახჩა, რომელშიც რუსული ხელობის ხატები ასვენია: ღვთისმშობლისა (4 ცალი), წმ. ნინოსი, წმ. გიორგისა (2 ცალი) და თამარ მეფისა. თახჩის ნაპირებზე შემოყოლებულია ხის ჩარჩო, რომელიც შემკულია მლოცველთა მიერ შეწირული მარლისა და მიტკლის თეთრი ნაჭრებით, სხვადასხვა ზომის მომცრო ზარებით (სულ 5 ცალია), საგულე ჯვართი ძეწკვითურთ, ბეჭდით და პატრუქად სახმარი ბამბის თეთრი გრებილი ძაფით. ჩრდილოეთის კედლის გასწვრივ დგას ორი დაბალი სუფრა, ერთი კვადრატული ფორმისა, მეორე მოგრძო. უკანასკნელს აქვს სამი მოჩარხული ფეხი (რომელთაგან ერთი სუფრის ცენტრალური ნაწილის საყრდენს წარმოადგენს, ხოლო დანარჩენი ფეხები სუფრის ცალ ნაპირს ამაგრებენ). სამხრეთის კედლის გასწვრივ ვაკეთებულია ფიცრის ბრტყელი თარო, რომელზეც აწყვიტა: თიხის პატარა ქვევრი, რკინის მოგრძო ოთხკუთხი ფორმის ყუთი, დიდი ზომის გატეხილი ზარი რუსული და უფრო გვიანი დროის ამოკაწრული ქართული წარწერებით, 16 ცალი ქაშანური ჯამი, დროშის ტარი—2 ცალი, რკინის 4 შამფური, ბოთლი და რკინის პატარა მრგვალი კოლოფი. რკინის ყუთში ჩაწყობილია მლოცველთა მიერ შეწირული მიტკლის თეთრი თავშლები, მიტკლისავე თეთრი შარვლები ბავშვისა, მიტკლისა და მარლის თეთრი ნაჭრები, ბამბის თეთრი გრებილი ძაფები პატრუქისათვის და სხვ. თახჩის წინ დგას ნამწვარი სანთლისგან გაშვებული ქვის პატარა „საკურთხეველი“, რომელზეც რკინის წყვილი შანდალია მოთავსებული.

1939  
XII


ტყეა VIII სული  
ოვოსებზე სიონის  
ზედა



ჭაქუნი



სახლი



XX



ქართული  
ენების  
სწავლის  
სამეცნიერო  
ცენტრი

ტრაპეზად წოდებულ სამლოცველო შენობაში ტუშურელი მღვდელი სწორადად ხოლმე, ხალხი ამ მღვდელს დაცინევით იხსენიებს. ის თურმე ადგილობრივ გვეისბერებს ღვთის მსახურებას უწუნებდა და ამ ნიადაგზე მათთან მუდმივი უსიამოვნება ჰქონია.


„ტრაპეზის“ სამხრეთ-დასავლეთის კუთხესთან „ღვთისმშობლის საზარეა“ ქვით, აგურით და კირით ნაგები. მისი ოთხწახნაგოვანი სახურავი თუნუქითაა გადახურული. სახურავის წვერზე ვერტიკალურად დადგმულია მოგრძო და გვერდებზე მომრგვალებული თიხის წოწოლა, რომელშიც რკინის ჯვარია დამაგრებული. „საზარე“ მიწიდან შუაწელამდე ოთხკუთხი ფორმისაა, ჩრდილოეთის კედელში დატანებული სასანთლე თახჩით; შუაწელიდან-კი იგი ოთხ სვეტადაა აყვანილი, სვეტების თავებში შიგნიდან დამაგრებულია ჯვარედინად გადებული წყვილი ხე, რომლის ცენტრში ამ რამდენიმე წლის წინათ ზარი ყოფილა ჩამოკიდებული. იმჟამად ამ ხეებზე შეწირული მიტკლისა და მარლის თეთრი ნაკრები ჰქიდიო. „ტრაპეზი“ და „საზარე“ კირითაა შეღესილი.



ზაგოზ მარჯნი  
ღვთისმშობლის ტყეში  
ზღვ ტყუყუხუბი

მათ ირგვლივ ტყეს „ღვთისმშობლის ტყე“ ეწოდება. ეს ტყე დღესაც შეუვალაია: მორწმუნეები იქიდან ნაფოტის გამოტანასაც-კი ერიდებიან — ხატი გვიკრძალავსო. მხოლოდ დღეობების დროს მლოცველთ შეუძლიათ ცეცხლის ასანთებად ტყეში წაქვეული ხეებითა და ფიჩხით ისარგებლონ. ამ ტყეში, „საზარესა“ და „ტრაპეზის“ მახლობლად, საღვინე ქვევრებია უხსოვარი დროიდან მიწაში ჩაფლული. ჩვენ ექვსი ასეთი ქვევრი ვნახეთ. ადგილობრივ მოსახლეობას ეს ქვევრები სახატო ღვინის ჭურჭლად გამოუყენებია. აქაურ ხატებს კახეთში ზერები ჰქონდა, საიდანაც დღეობებისათვის ღვინოს ვეზიდებოდით და ამ ქვევრებში ვინახავდითო.


ტყის ნაპირზე, ჩრდილო-დასავლეთის მხარეს, დგას მლოცველთა მხარეთა შესაფარი ე. წ. „საჯარე“ ანუ „დარბაზი“—ქვეთკირის გრძელი შენობა, კრამიტით დახურული ორწახნაგოვანი სახურავით. მას ფასადი სამხრეთით აქვს. შენობა ორი ოთახისგან შედგება: ფასადიდან მარჯვნივ ქალების სადგომია და მარცხნივ კაცებისა. თითოეულ მათგანს თითო კარი აქვს ფასადის მხარეს. კაცების ოთახში აღმოსავლეთის კედელში მოწყობილია ბუხარი და ბუხრის გვერდებზე ოთხი—ორი დიდი და ორი პატარა—თახჩა. ჩრდილოეთის კედლის გასწვრივ ერთმანეთზე მიწყობილი ფიცრებისგან შეკრული ვანიერი ტახტი დგას. თახჩები დანარჩენ სამ კედელშიცაა დატანებული, თითო კედელში თითო თახჩა. საქალებო ოთახს-კი ერთადერთი სარკმელი მოეპოვება ფასადის მხარეს; არც ბუხარი და არც თახჩები მას არ გააჩნია. მთხრობელთა ცნობით, მლოცველ ქალებს კაცების ოთახში შესვლა აკრძალული ჰქონდათ.





ეს „დარბაზი“ ანუ „საჯარე“ აგებულიყოფილა ამ 30-ოდე წლის წინათ ტუშურელი გვეისბერის ძმის მიერ. ამაზე ადრე აქ ხის „დარბაზი“ მდგარა, რომელსაც ხანძარი გასჩენია და გადაშწავრა. ვინაიდან ეს მომხდარა აღნიშნული გვეისბერის ძმის მიზეზით (რომელსაც „დარბაზში“ ანთებული სანთელი დარჩენია და ამის გამო ხანძარი გაჩენილა), მას სამაგიეროდ ახალი ქვეთკირის შენობა აუგია.

გორაკის პირზე, საჯარედან დასავლეთის მიმართულებით, დგას „ვაჩანძეების ხატი“—ქვეთკირით ნაგები და კირით შეღესილი ოთხკუთხი მოყვანილობის დაბალი ნიში, რომლის თავი ორწახნაგოვანია ქვის თავისებური წყობის წყალობით. მასზე რკინის პატარა ჯვარია აღმართული. ნიშს ფასადი დასავლეთით აქვს. ფასადის მხარეს და ჩრდილოეთის კედელში (თითქმის მიწის პირად) თახჩებია დატანებული—თითო კედელში თითო, ხოლო აღმოსავლეთის კედელში წყვილი თახჩა ერთი მეორის მიწაში ჩასმულია „ჩხა“—გათლილი კაპებიანი ხე, რომელზეც დაკლულ სამსხვერპლოებს გასატყავებლად ჰკიდებენ ხოლმე. ამჟამად ჩხაზე შეწირული თეთრი ნაჭრებია ჩამოკიდებული. ამგვარივე ნაჭრები დიდი რაოდენობით შემოხვეული აქვს ხის გამხმარ ტოტს, რომელიც ნიშის წინ ვდია.

„ვაჩანძეების ხატი“ ახალი დროის ნაგებობაა. იგი ამ ორმოციოდე წლის





წინათ კახეთიდან ვადმოსახლებულ ორ მეკომურ ვაჩნაძეს აუშენებია, ვადმოსახლების დროს მათ კახეთიდან ერთი კენჭი თან გამოუყოლებიათ და ამ ნიშის აგების დროს მის კედელში ჩაუტანებიათ. ეს ხატი მხოლოდ ამ ვაჩნაძეების სალოცავს წარმოადგენს.

ლაშარის ჯვარის გასწვრივ, დასავლეთის მხარეს, „თეთრი გიორგის ხატია“ დაფუძნებული. ამ ხატის კომპლექსს „წმინდა“ ხე და ორი ნიში შეადგენს. იშვიათი ჯიშის ბებერი „წმინდა“ ხე წაქცეულია და გამზმარი. ადგილობრივი მოსახლეობა მას „ხეშავს“ უწოდებს (რადგან ამ ხემ შავი ნაყოფის მოსხმა იცოდაო). „თეთრი გიორგის“ კომპლექსიდან ხალხის მთავარ სალოცავს ეს „წმინდა“ ხეშავი წარმოადგენს. „წმინდა“ ხის ტოტები შეწირული მიტკლის თეთრი ნაკვრებითა და ბრინჯაოს ძველი (მწვანე პატინით



გადაკრული), საყურადღებო ფორმის პატარა ზარითაა შემკული. ხესთან მიწის პირად ძველი ნაგებობის ნაშთია, რომელიც გვეგმაში ელიპსის მოყვანილობისა ჩანს.


ხეშავის გვერდით დგას ქვით, აგურით და კირით ნაშენი უჩვეულოდ მაღალი და ვიწრო ნიში, მიწიდან შუაწელამდე ოთხკუთხი ფორმისა, მასზე აღმართული და ზემო ნაწილში კამარებით შეკრული ოთხი სვეტით, აგურით გადაყვანილი ოთხწახნაგოვანი სახურავით და მთლიანად კირით შელესილი. ნიშის დასავლეთისა და აღმოსავლეთის კედლებში (მიწიდან ოდნავ დაშორებით) დატანებულია თითო-თითო თანაბარი ზომის თახჩა, ხოლო ჩრდილოეთის კედელში—ერთი დიდი და მეორე მცირე, ერთურთისადმი ვერტიკარულად მიმართული, თახჩებია. ჩრდილოეთის კედელშივე ჩადგმულია თიხის მილი პატრუქისა და სანთლების შესანახად. ნიშს გარშემო ბამბის თეთრი ძაფი აქვს (მლოცველთაგან) შემოხვეული. გადმოგვეცემენ, რომ ეს ნიში ჯევისბერებს აუშენებიათ.

„თეთრი გიორგის“ მეორე ნიში პატარაა, მშრალად ნაგები. იგი სოფლის ბავშვებს დაუდგამთ და ცდილან დიდების მიერ ნაშენები ნიშისათვის მიემსგავსებინათ.

ტუშურების კიდევ ერთი ხატი, ე. წ. „ფუძის ანგელოზი“, განმარტვებით დგას, ღვთისმშობლის სალოცავიდან დასავლეთის მიმართულებით. ამ ხატის დაარსების შესახებ შემდეგს გადმოგვეცემენ. 35-40 წლის წინათ ერთი ტუშურელი კაცი აძრახებულა, დაუწყია ხალხში ქადაგობა—ამადაამ ადგილას ფუძის ანგელოზი ბრძანდებო. ის იმ ადგილზე მისულა და ჯერ თავის ხელით ყო-



ფუძის ანგელოზი ს. ვ. ტუშურისი



რე აუვია ხატის „სასანთლელ“, შემდეგ ში-კი მოხელესათვის ქვითკირის „საზარე“ აუშენებინებია. ამის შემდგომ იქ სალხი „ფუძის ანგელოზს“ ლოცულობდა. ფუძის ანგელოზი ადგილმდებარეობის მფარველი ხატიო, განმარტავენ მორწმუნენი.


ფუძის ანგელოზის „სასანთლე“ პატარა ბორცვეა აგებული, გარშემო თხილის ბუჩქებით და ნეკერჩხლისა და კუნელის ხეებით შემორტყმული. იგი მეტად პრიმიტიული ნაგებობაა—ერთმანეთზე უბრალოდ მიყრილი ქვები წრის სახედ და ზემოდანაც ქვებით გადახურული. თხილისა და კუნელის ტოტებზე ჩამოკიდებულია მიტკლისა და მარლის თეთრი ნაჭრები, მათ შორის მარლის თეთრი პერანგიც. თხილის ტოტებზევე ჰკიდია პატარა ძველებური ზარი, ნახევარსფეროს ფორმისა, მწვანე პატინით გადაკრული. ნეკერჩხლის ტოტებზე ჩამოცმულია და იქვე მიწაზეც ყრია ძველად შეწირული კურატებისა და ცხვრების რქები.

ფუძის ანგელოზის „საზარე“ ჩვეულებრივი ფშაური საზარე-ნიშის ტიპისაა—მიწიდან შუაწელამდე ქვა-კირით ნაგები, ოთხკუთხი ფორმისა, მასზე აღმართული აგურ-კირით ნაგები ოთხი სვეტით, რომლებიც ერთმანეთს კამარებით და კამარებში ჩადგმული ნახევრად ოვალური ფორმის ფიცრებით უკავშირდება. სახურავი აგურითა და კირით არის გადაყვანილი; შიგნიდან იგი დარბაზული სახლის გუმბათის მსგავსია, ვარედან კი ოთხწახნაგოვანი. სახურავის თავზე ვერტიკალურად დადგმულია თხიის პატარა და ოდნავ წახნაგოვანი წოწოლა, რომელიც რკინის ჯვარის საყრდენს წარმოადგენს. „საზარე“



გარედან კირით ყოფილა შელესილი (ამჟამად ვადარეცხილია). მის თახჩებია დატანებული, თითო კედელში თითო თახჩა. ორ თახჩაში შეწირული თიხის დოქებია შედგმული, მესამეში ფუტურო ხის ნაჭრები და ნაფოტებია შეყრილი, მეოთხე, აღმოსავლეთის კედლის თახჩა, გამოყენებულია სასანთლედ—გაქონილი და გაბოლილია მასში ნანთები სანთლებისაგან. აქ, თახჩის ზემოთ, მარცხენა მხარეს, კედელში ჩატანებულია თიხის ქოთანის, რომელშიც მლოცველთაგან შეწირული ორი ყანწი დევს. ერთ ყანწში ვერცხლის წვრილი ფული აწყვია, მეორეში-კი—ფულთან ერთად პატრუქი და ბამბის დაგრეხილ თეთრ ძაფზე ასხმული წყვილი სანთლის „მივი“ ანუ „თვალის კაკლები“. „საზარეს“ ზარი არა აქვს, თუმცა სვეტების თავებში დამაგრებულია ორი ერთმანეთზე ჯვარედინად გადასული ხე ზარის ჩამოსაკიდებლად. სვეტებს შუა, ნიშის კვარცხლბეკზე დაწყობილია შეწირული თიხის ჯამ-ჭურჭელი: ქაშანური ჯამები 21 ცალი (ზოგი გატეხილია), თავმომტვრეული ქაშანური დოქი, თიხის წყვილი დოქი აგრეთვე თავმომტვრეული, ქაშანური ჩარეკა, ფინჯანი, კულას მსგავსი, მაგრამ ფართობიანი ქაშანური პატარა სასმისი, ქაშანური სურა და თიხის პირფართე დოქი.


„ფუძის ანგელოზი“ ტუშურების ერთ-ერთ უძლიერეს ხატად ითვლებოდა. მის დღეობაზე ზოგჯერ შორეულ სოფლებიდანაც მოდიოდნენ და მლოცველები მას კურატებს (ანუ კურეტებს—ხარებს) სწირავდნენ.



ს. გუგუჩაძე  
ფუძის ანგელოზი

სალამო ხანია. ცხენის ურემში ჩაჭედილი ექსპედიცია ქვემო-თიანეთს უახლოვდება. გორაკზე, რომელიც ამ სოფელს ჩრდილოეთიდან საზღვრავს, მოჩანს „წმინდა“ ხეებით შემოზღუდული „ცხრაკარას ხატი“, „ფაშათციხე“ და, გორაკის ძირში მდებარე, სოფლის სასაფლაო.

მათ პირდაპირ სამხრეთ-დასავლეთით აღმართული მთის ფერდობი თხელი ტყითა და ბუჩქნარითაა შეფენილი. ამ ტყის ზოლის პირად დგას „იაქს-რის ხატი“, რომელიც შესდგება ქვა-კირით ნაგები პატარა ეკლესიისა და „საზარე“ და „სასანთლე“ ნიშებისაგან. სამივე შენობა კირითაა შელესილი. ეკლესიას აქვს კრამიტით დახურული ორწახნაგოვანი სახურავი, რომელზეც




რკინის მცირე ჯვარია აღმართული. ეკლესიის კერი ხისაა. აღმოსავლეთის კედელში შიგნიდან განიერი საყურადღებო მოყვანილობის თახჩაა დატანებული, სამხრეთისაში—ვიწრო სარკმელი და კარი და ასეთივე სარკმელი და პატარა თახჩა ჩრდილოეთის კედელშია. ეკლესიის წინ დგას ბებერი რცხილა, რომლის ტოტებზე ჩამოკიდებულია მლოცველთა მიერ შეწირული თეთრი ნაჭრები (ზოგ მათგანში ფულია გამოკრული) და ზარი.

საზარე-ნიში მიწიდან შუაწელამდე ოთხკუთხი ფორმისაა აგურით და ქვაკირით ნაგები. ამ კვარცხლბეკზე აღმართულია აგურ-კირით აშენებული ოთხი სვეტი, რომლებიც ერთმანეთს კამარებით უკავშირდება. ნიშს თუნუქით გადახურული ოთხწახნაგოვანი სახურავი აქვს. აღმოსავლეთის კედელში მიწის პირად თახჩაა დატანებული. „საზარეს“ არც ზარი და არც ჯვარი არ მოეპოვება.


სასანთლე-ნიშიც ოთხკუთხი ფორმისაა აგრეთვე აგურით და ქვა-კირით ნაგები. მისი სახურავი ორწახნაგოვანია. აღმოსავლეთის კედელში ბუხრის

იაცვსიბრ სავტი  
შაშახუ და სსსართლ




მაგვარი თახჩაა დატანებული, ხოლო დასავლეთის კედელში მომცრო თახჩებია (წყვილი), რომლებიც ურთიერთის მიმართ ვერტიკალურადაა განრიგებული; ზედა თახჩა თალიანია, ქვედა-კი ოთხკუთხი ფორმისა.

„ცხრაკარას ხატი“, „ფაშათციხე“ და „იაცვსის ხატი“ ქვემო-თიანეთის სალოცავებია. იქ (შუა დაბაში) კიდევ ერთი ხატი მდგარა, მაგრამ იგი რამდენიმე წლის წინათ დაუნგრევიათ და ამჟამად ხატის ნაადგილეზე ნანგრევების კვალიც კი აღარ ჩანს.




სასართლის  
თახჩა



**23 ივლისი.** იხინკის ხატისა და დღეობა იხინკობის შესწავლისას გაირკვა, რომ კობალეს წარმართული კულტი წმ. გიორგის კულტთან არის შეერთებული და მორწმუნეთა წარმოდგენაშიც იხინკის გორის წმ. გიორგი და კობალე გაიგივებულია. მსგავს მოვლენას ჩვენ ვამოწმებთ იხინკის წმ. გიორგისა და ღვთისმშობლის სალოცავების მიმართაც: იხინკის წვერზე მოთავსებულ ქრისტიანულ საკულტო ძეგლთა კომპლექსს ღვთისმშობლის სალოცავსაც უწოდებენ და იხინკის წმ. გიორგის ანუ კობალეს მთავარ ხატსაც. ხოლო იხინკის ფერდობზე რომ კობალეს სალოცავია, ის ამ მთავარი ხატის ნიშნაო.

ცნობილი ფაქტია, რომ ძველ საქართველოში წარმართული საკულტო ძეგლების ადგილზე ქრისტიანული სალოცავები იქნა აღმართული (ვახუშტი, აღწერა სამეფოსა საქართველოსა, თბ. 1941, გვ. 191). მაგრამ, როგორც ირკვევა, პირუტყვ ხდებოდა: ძველი ტრადიციული რწმენით შეპყრობილი მოსახლეობა ქრისტიანულ ძეგლს წარმართულ სალოცავად ნათლავდა. და აი ამ ფაქტის აშკარა ილუსტრაციას წარმოადგენს იხინკის წმ. გიორგი-კობალესი და წმ. გიორგი-კობალე-ღვთისმშობლის ზემომოყვანილი მაგალითები. უნდა ითქვას, რომ ანალოგიური მოვლენები საქართველოს სხვა კუთხეებშიც მრავალია.



ჩვენში მეორე საყურადღებო მოვლენაც მოწმდება. ორი სხვადასხვა უზენაესი არსების, წარმართული „ხატისა“ და ქრისტიანული წმინდანის, შეხვედრა-გაიგივების გარდა, ორი სხვადასხვა წმინდანი (არსებითად: ქრისტიანული სახელწოდებით შემონახული წარმართული ბუნების ღვთაებანი), მარიამი ანუ ღვთისმშობელი და წმ. გიორგი მორწმუნეთა რწმენა-წარმოდგენებსა და წესჩვეულებებში ერთმანეთთან რაღაც, თითქოს ინტიმური, კავშირით არიან დაახლოვებული. ამაზე მიუთითებს თუნდაც ის, რომ, მაგალითად, კახეთში სახელგანთქმული „თეთრი გიორგის“ მთავარი დღესასწაული მიინცდამაინც მარიობას მოდის. შეგვეძლო გვეფიქრა, რომ ეს ვითარება გამოწვეულია ორი სხვადასხვა წმინდანის სახელობის დღესასწაულთა უბრალო შეხვედრით. მაგრამ ეს რომ შემთხვევითი დამთხვევა არ უნდა იყოს, ამას სხვათა შორის ხეესურეთის მაგალითებიც გვიჩვენებს. ხეესურეთში ერთიდაიგივე საკულტო ძეგლი ხშირად ორი წმინდანის (ადგილობრივი ტერმინოლოგიით: „ხატის“ ანუ „ჯვარის“) სახელობისაა. ასე, მაგალითად, არდოტში ღვთისმშობლის ხატის (ჯვარის) „დარბაზი“ ამავე დროს წმ. გიორგის „დარბაზიცაა“, შატილში ღვთისმშობლისა და წმ. გიორგის ხატებს ერთი „საქება“ აქვთ და სხვ. რით აიხსნება ეს მოვლენა? შესაძლებელია აქ უძველესი ტრადიციის ძალა მოქმედებდეს. ვგულისხმობ იმ ტრადიციის ძალას, რომელიც უნდა შემუშავებულიყო ჩვენში იმდაგვარ წყვილად ღვთაებათა კულტის არსებობის საფუძველზე, როგორც ხმელთაშუაზღვის აუზის უძველესი ხალხების რელიგიებს ახასიათებდა (ძველ ეგვიპტურს ისიდა—ოზირისის, ასურეთ-ბაბილონურს იშტარი—თამუზის, სირიულს კიბელა—ატისის, ძველ ბერძნულს აფროდიტე—ადონისისა და სხვ.).



ქართული  
საბჭოთაო  
მეცნიერებათა  
აკადემია


იხინკის წვერის კომპლექსი ქრისტიანული ხასიათის საკულტო მემკვიდრეობაა. საგან შესდგება: ეკლესია, ორსართულიანი სამლოცველო შენობა და სამრეკლო. პირველ ორ შენობას, ამჟამად ნახევრად მორღვეული ქვის გალავანი აქვს შემოვლებული. შენობები ნაგლეჯი ქვითა და კირითაა ნაგები.

ეკლესია ბაზილიკური ტიპისაა, მეტად დაზიანებული, განსაკუთრებით დასავლეთ ნაწილში. აღმოსავლეთის, დასავლეთისა და სამხრეთის კედლებში სარკმლებია დატანებული, თითო კედელში თითო სარკმელი. კარი დასავლეთით აქვს. შემონახულა ქვის კანკელის ნაშთები. ეკლესია ფრესკოვანი ყოფილა; ფრესკების კვალი აღმოსავლეთის კედელს შერჩენია. იქვეა ასომთავრული წარწერა; იკითხება მხოლოდ: „გვა კო რათა ძლიერება“. ჩრდილოეთის კედელზე მოცემულია სულის მოსახსენებელი წარწერები (აღაპები) აგრეთვე ასომთავრულით შესრულებული. თითოეული წარწერა შავი საღებავის ზოლითაა გამოყოფილი. იკითხება შემდეგი:

- I 1 ან-ნიაშ - ლსა  
2 ---- ლეს შ ----  
3 -- რთმ -- რსჯა -- შეშ  
4 ვსა - [შეონ] დოს  
5 დერ თმა

- II 1 ----- ა ----- სლისა  
2 ა --- [შეონდო] (?)  
3 სდე [რ] თმ [ა]

- III 1 ა - რა - რამა - ახ - მტძესა  
2 ჯაბშანასა შეო[ნ]დოს დერ  
3 თმა იოველთა წყდრიშ  
4 შვლსა შ [ეონ] დოს დმერთმა



და ქვედა სახიოლი



0 1 2 3 4 მტ.

მეორე სამლოცველო კოშკის მსგავსი ორსართულიანი შენობაა. ქვემო სართული უკარ-სარკმლო, ბნელი ოთახისაგან შესდგება. ქერი შუა ადგილას ოთხკუთხედათაა ამოჭრილი. ამ გზით პირველი სართული მეორე სართულს უკავშირდება. მეორე სართულიც ერთოთახიანია. ეს ოთახი პატარა სამლოცველოს წარმოადგენს, აღმოსავლეთის კედელში დატანებული საკმაოდ დიდი სარკმლით, რომლის წინ ქვის საკურთხეველი დგას. უფრო პატარა და ვიწრო თითო-თითო სარკმელი სამხრეთისა და დასავლეთის კედლებშია დატანებული. ჩრდილოეთის კედელში პატარა თახჩა და დაბალი კარია. ქერი თალის მოყვანილობისა და იატაკი ქვისა აქვს. ეს სამლოცველოც ფრესკოვანი ყოფილა; ფრესკების კვალი საკმაოდ მკაფიოდაა შერჩენილი. კოშკში შესვლა მხოლოდ მეორე სარ-

თულიდან შეიძლება, ვინაიდან პირველ სართულს, როგორც აღვნიშნე, კარ-სარკმელი არ აქვს. მეორე სართულში ადიოდნენ კედელზე მიყუდებული ხის კიბის საშუალებით და მეორე სართულიდან პირველშიც ასევე ჩადიოდნენ.

ჩვენ, სამწუხაროდ, ვერ მოვახერხეთ „კოპალეს დედის საფლავად“ მიჩნეული ადგილი ზუსტად დაგვედგინა, ვინაიდან ლეთისმშობლის ანუ იხინჭის წმ. გიორგის მთავარ ხატში არც ერთი ფშაველი არ გვახლდა. ამას წინათ, დღეობა იხინჭობაზე ფშავლები გვიხსნიდნენ — „კოპალეს დედა“ იქ მარხია, სადაც იხინჭის მთაზე, კოპალეს ხატში ნაციხვარი და ეკლესია არისო. უფრო ნიშანდობლივი ცნობები ვერც „კოპალეს დედის საფლავისა“ და ვერც „ნაციხვარის“ შესახებ ვერ მივიღეთ. ხოლო აქ არავითარი „ნაციხვარი“ არ ჩანს. ამიტომ იბადება კითხვა: ხომ არ გულისხმობენ „ნაციხვარისა“ და ეკლესიის სახელით შემოაღწერილ კოშკს და, მასთანავე, „კოპალეს დედის საფლავს“ ამ კოშკის ქვემო ბნელ სართულში ხომ არ ათავსებენ?


სამრეკლო ორსართულიანი შენობაა. ქვემო სართული წარმოადგენს ოთხკუთხე ფორმის ნაგებობას, რომელსაც თალისებური ჭერი და აღმოსავლეთის კედელში დატანებული კარი აქვს. მეორე სართული მრგვალია და შესდგება რვა სვეტისაგან, რომლებზეც გუმბათია დაყრდნობილი.

ხატის მიდამო ტყითაა დაფარული. შენობების მახლობელ ხეებზე ჩამოკიდებულია მლოცველთაგან შეწირული მიტკლისა და მარლის ნაჭრები, ბამბის თეთრი ძაფები და სხვა; ერთ ხეზე ქალის გადახუნებული ლურჯი ზედატანი ჰკიდია.

გალაენის ჩრდილო-აღმოსავლეთით უზარმაზარი წიფელის ხეებია, რომლებზეც ხის კანის ამოკვეთის საშუალებით სხვადასხვა ცხოველებია (ირმები, ჯიხვები და მისთანანი) გამოსახული.

ამჟამად ამ ხატში მხოლოდ შობას დღესასწაულობენ. უწინ-კი იხინჭობასაც აქ იხიდიდნენ და კურატებს, ცხვრებს, ქაღებსა და სხვა შესაწირავებს აქვე სწირავდნენ. მაგრამ ბოლო ხანებში ამ დღეობის გადახდა იხინჭის მთის ფერდობზე დაუწყიათ. და იმ დროიდან მლოცველები და ჯევისბერები იხინჭის წვერზე მოსალოცავად მხოლოდ დღეობის დასასრულს ამოდიან ხოლმე.

ნიკოლოზის დროს აქ რუსის ჯარი იდგა, მოგვითხრობს ჩვენი გამყოლი, მაშინ ერთმა რუსის ჯარისკაცმა ქვაზე ლეთისმშობელი დახატა და ეს „ხატი“ ხალხმა იხინჭის ფერდობზე ჩაიტანაო. უთუოდ ეს ის „ხატი“, რომელიც კოპალეს დარბაზის ე. წ. „სასუფეველში“ ასვენია და რომელსაც ფშავლები „კოპალეს დედის“ უწოდებენ.






იხარ გაძხახუ-  
ლანი ვახვი  
კანსუ

იხინქის მთიდან მოჩანს მახლობელი სოფლები და მათ შორის ტილანანი, მამადანები და ჭურჭელაურები. ამ სამი სოფლის ძირეული მოსახლეობა, ჩვენი გამყოლის ცნობით, თავის თავს სათათრეთიდან მოსულად სთვლის. საქართველოს რომ თათრების ჯარი შემოესია, ჩვენი წინაპრები ამ ჯარს მოპყლიან და შემდეგ აქ დარჩენილან, ქართველების მიწა-წყალზე დასახლებულან და მაჰმადიანობა ქრისტიანობაზე გაუცვლიათო.


თვით ჩვენი გამყოლი სოფელ გოჯიანების მოსახლეა. მისი წინაპრები მარაბდიდან ყოფილან გადმოსახლებული. გადმოსახლება დიდი ოჯახის გაყოფის შემდგომ მომხდარა. მარაბდაში რომ ვიყავით 33 სული ერთ ჭერქვეშ ვცხოვრობდითო. მაშინ მათი სალოცავი ხატი თბილისის ქაშუეთის ეკლესია ყოფილა.

მთხრობელი იცნობს მრავალ სხვა გვარის ხალხსაც, რომელთა წინაპრები იერის ხეობაში საქართველოს სხვადასხვა კუთხიდან არიან გადმოსახლებული. ასეთებია, მაგალითად, ქსნიდან მოსული ქსნელაშვილები, ქართალელი ანუ სეთურის გვარისანი და სხვანიო. ქართალელების შესახებ მას სმენია, რომ მათი წინაპარი ქართალიდან ჯერ სოფელ ყვარაში ასულა, შემდგომ თიანეთის მახლობლად დასახლებულა და ბოლოს, ქართალელები შირაქში გადასულან და ამჟამად იქ მოსახლეობენო.





კვიციანი  
ქუჩის  
შიგნიდან



24 ივლისი, დღეს ვინახუ-  
ლეთ დიდებული ძეგლი კვი-  
ციანი. მას შესანიშნავი მდებარეობა აქვს. ორ წყალ შუა მო-  
თავსებული იგი ამაყად ვას-  
ცქერის ხეობებს ჩრდილოე-  
თით, სამხრეთით, აღმოსავლე-  
თით და დასავლეთით. ეს ცი-  
ხე-სიმაგრე, ოდესღაც მრისხა-  
ნე ფეოდალის საბრძანებელი,  
გრანდიოზულ შთაბეჭდილე-  
ბას ახდენს თავისი გალავნი-  
თა და კოშკებით, სასახლითა  
და ეკლესიით. გალავანი  
აღვილ-აღვილ მეტად მასი-  
ური და მაღალია, კოშკები  
გიგანტური. ორსართულიანი  
სასახლე შესანიშნავია ფანჯ-  
რების თვლებით და საბუხრე  
მილით, ხოლო ეკლესია მრავ-



ვალწახანაგოვანი და სტალაქტიტებიანი თაღების სტრუქტურით ქართული სურათმოდერების იშვიათ ძეგლს წარმოადგენს. კვეტერის ეკლესიაში და მის მახლობლად ამჟამად არ მოიპოვება წარმართული რელიგიის გადმოცემის ნიშნები (სხვადასხვა სახის შეწირულებანი თუ სხვა).



ხვანწანაგოვანი

ჩანს ფეოდალის პირადი სარგებლობისათვის აგებული საკულტო ძეგლი ხალხის ფართო მასებისათვის დაბნული ყოფილა. ამჟამად კვეტერის კომპლექსი; ნანგრევებად ქცეული, დრო-ჟამის გამანადგურებელ გავლენას განიცდის. თუ სასწრაფოდ არ იქნა მიღებული ზომები სასახლე, ქართული სამოქალაქო ხურათმოდერების ეს იშვიათი ძეგლი, მალე სულ დაინგრევა, კოშკებიც დაიქცევა და ეკლესიაც დაირღვევა.



კვეტერიდან გამობრუნებისას ვინახულეთ თიანეთის ქვისმთღვემისკაუ  
 ექსპლოატაციო ადგილი ილდაკანში, რომელიც ახმეტა-თიანეთის გზის პირად  
 მდებარეობს.

კვლავ ქვემო-თიანეთში ვართ, ამით დამთავრდა ჩვენი მოკლევადიანი  
 ექსპედიცია. დღესვე გზა თბილისისაკენ გვიღვეს. სასტუმროს წინ ენიმკი-ს  
 ავტომანქანა გველის.

